

近代中國史料叢刊第二十七輯
沈雲龍主編

嶺西公牘彙存

方濬師著

文海出版社印行

嶺西公牘

彙存十卷

W. 125/104

光緒四年歲在
著雍攝提格冬
月刊本衙藏板

嶺西公牘彙存序

吾少好相人法遇善相人孰
以面質之冀得如九方歟庶
舉許負犁求諸當世百不
一獲聞有精此術者与之語

不肯直言其短譽多而毀
少吾體瘦如謬許骨至吾
貌冷如亟稱音聲之溫和於
是吾貌之美惡不特不能自
知即相者亦不能灼知之矣

有照之大鏡者長幾及身
光少鑿人毫毛百步外終
日對之而身體形貌分部
不爽乃恍然曰九方唐許
其在是矣繼思鏡留吾貌

未嘗見吾心也吾以貌屬鏡
蓋以鏡中之貌驗吾心之喜
為貌喜心無為貌無心愧懼
為貌愧懼喜無愧懼皆由心
生於是乎吾貌之美惡向之

不能自出者獨鏡室之鏡亦
過術師遠哉吾歎登山嶺西
十年矣無倉肉相瘦如故冷
如故持鏡自照依然故我了
石大府優容焉同寅協恭

馬屬乘賓客更從而阿私曲
好馬私心計之母亦美善相人
不肯直言吾短譽多而毀少
歟夫官猶面也公牘文字猶
鏡也面之美惡鏡不得而掩

官之美惡公族亦不得而掩
不掩則著之如表裏通澈一
言一事畢現紙上不待揀拾
而自無浮光掠影之譏多項
因俸滿將述職於朝復忝

膺薦剡爰檢在官公牋手
為編次聊用自鏡其間萃
創討論幕中老友山陰吳
君楨益我良多剡劇既竣
吳君笑謂子治官文考洋々

灑之至十餘萬言富矣哉
足敵陸賈千金裝矣吾聞
之者甚慚於吳君之言也
所可信者不假手吏胥不欺
講士庶行乎心之所安不將

和迎應而不藏或堪附君
子之林故舉平日鏡相云
說弁於簡端太史公傳循
吏曰奉職循理可以為治吾
性愚慤曷敢希蹤往哲願

念世受


國恩叨竊祿精五十將玉報

稱毫無區之職守之常矣

有補於萬一覽者請勿取

其長但攻其短斯為之厚

幸也夫光緒戊寅冬月
定遠方濬師序



高要周鸞飛考



嶺西公牘彙存卷一目錄

同治八年二月三十日起至十二月十九日止

咨覆藩司擬照紳士所請改陽江為直隸同知治

八年二月三十日

批署高要縣葉大同稟肇慶府黃江稅廠擬請暫

行委員開關

同治八年三月十四日

批署羅定州文玉詳州民李滄津被李沛津等致

傷身死訊驗情形

同治八年三月十九日

批署鶴山縣劉維楨稟雙都流寓附都各堡客民

分別給發川資遣赴雷州廉州

同治八年三月二十日

批署陽春縣簡士珍稟羅定州民朱日盛呈報伊

父朱亞晚被張晚姑致傷身死

同治八年三月二十四日

札飭各屬禁止家丁差役不得僭越服色

附錄禁家丁差

役不得僭越服色告示

同治八年三月廿四日

批大埔縣貢生范寅襄呈為土豪謀吞背約反誣

泣叩鏡驗舖批飭准提府

同治八年三月廿八日

批德慶州民何榆呈為毆逼斃命賄和圖卸冤慘

彌天事

同治八年三月廿八日

擬將肇慶府城內外由道府縣各捐經費巡緝與

府聯銜上瑞節相稟

同治八年三月廿八日

札飭高要縣即將陽江州盜犯李亞祥等共八名

研審錄供稟候核辦

同治八年四月初四日

批陽春縣監生邱鳳鳴控高華漢逆匪押案殺冤

賴伸

同治八年四月十八日

將陽江州解到洋盜李亞祥船內贓物札發肇慶

府查收提審稟覆

同治八年五月初一日

札飭開建縣學飭查梁維城有無健訟抗糧

同治八年

五月初一日

一日

批署開建縣彭保又稟廩生梁兆鼇呈控梁瑞剛

一案請將廩生梁維城革訊由

同治八年五月初一日

批署高要縣葉大同稟高村糧戶姚亞濞等抗糧

拒斃丁差現擬會營拏辦情形

同治八年五月初七日

批署高要縣葉大同稟卑縣屬高山村欠丁姚亞

濞等抗糧拒捕傷斃丁差一案先後獲犯姚二

苟等三名先將訊供大概情形稟報察核

同治八年

五月十

八日

札虎門同知查明會否有新順發船請領照牌

同治

八年五月
十八日

批署高要縣葉大同稟現在西潦漲發肇城南門

業已堵塞

同治八年五月廿五日

批陽江州民婦梁利氏控項三繼等團殺斃命同治

八年五月

廿八日

批署陽江州謝玉漢詳繳陽春縣故官劉榮玠謝

仲坑入祀鄉賢情形

同治八年六月初三日

咨藩司暫停分派肇慶屬差委人員

同治八年六月十二日

據虎門同知申覆查明新順發船請領照牌日期

行知肇慶府 同治八年六月十六日

據邱委員稟覆查詢李亞壽供結李亞祥實無為

匪行知肇慶府 同治八年六月廿九日

批德慶州監生覃復初控覃士宏真兇認案指兇

全虛 同治八年七月初四日

批高要縣職員姚進志控藉命獲詐恐斃殺對畏

罪自縊 同治八年七月初八日

批高要縣民婦姚黃氏控禍纏怨疊死徒延燒分

別招撫事 同治八年七月十八日

批署封川縣李積經稟查明卑縣應造本年正二

三四五等月清理詞訟詳冊房書漏未呈繳

同治

八年七月
廿五日

批新興縣民婦葉董氏控伊子完糧站書梁獻光

不肯給串反被縣押

同治八年七月廿八日

移肇慶協檄飭汛弁立將七月二十七日夜劫案嚴

拏查明是夜巡緝之弁兵一體記過

同治八年八月初二

日

札高要縣限十日內務將七月二十七日夜劫案

全夥緝獲

同治八年八月初二日

批署開建縣彭保又稟奉詢地方情形逐條列摺

稟覆

同治八年八月初四日

批署肇慶府蔣立昂稟訪聞高要縣屬三榕峽河

面解餉巡船被賊行劫拒傷丁役現在辦理情

形

同治八年八月十六日

批署封川縣李積經報六月詞訟備列清摺

同治八年

八月十六日

奉督憲批本道稟陽江州恒豐當被劫查訊李亞

祥等實無為匪情事轉行陽江州知照

同治八年九月

十五日

批四會縣烏廷梧稟職員馬燦等上控吳明光等

開設賭館一案

同治八年九月二十三日

奉撫憲批道稟陽江州恒豐當舖劫案行知前署

陽江州張秉彝將原審情形刻日據實通稟

同治

八年九月二十五日

批開建縣民婦李覃氏上控梁駿勳唆串縣署管

帳遊連科包案不斷

同治八年十月初二日

批羅定州稟遵批查明楊同奉控案稟覆察核飭

遵

同治八年十月初四日

咨藩司查前署陽春縣簡令有無在省逗留飭來

肇慶會算交代

同治八年十月初六日

移陽江鎮迅將原掣李亞祥之弁兵解到審辦

同治

八年十月
十二日

批署封川縣李積經詳遵將莫永春等具控均源

店私開鐵爐久不赴審詳請銷案

同治八年十
月十四日

奉瑞節相札據陽江鎮中軍李遊擊稟覆原掣李

亞祥一案轉行肇慶府

同治八年十月二十九日

示禁攔輿遞呈

同治八年十一月初二日

禁遞呈抱告人等必須具狀人親屬工丁不得雇

倩遊手閒雜之徒告示

同治八年十一月初十日

札委從九品周洪鈞前往羅定查李今佺案

同治八年

十一月二十九日

札飭高要縣將命犯盧林高立提確訊

同治八年十二月初二日

二日

札飭肇慶府速向千總陳廷勳詢明吳廷輝等是

何籍貫

同治八年十二月十二日

上瑞節相稟將查訊千總陳廷勳供情察核示遵

同治八年十

二月十六日

行知肇慶府將練兵一百五十名在郡城分段查

緝

同治八年十二月十七日

移香山協迅將千總麥岐移解過道以便訊明分

別辦理

同治八年十二月十七日

批開建縣革生李國棟控游連科包斷翻案

同治八年

十二月十八日

致王補帆方伯書

同治八年十二月十九日

卷一

七

嶺西公牘彙存卷一

定遠 方濬師 子嚴

咨覆藩司擬照紳士所請改陽江爲直隸同知

同治

八年二月

三十日

爲咨覆事案准貴司移開同治八年正月二十三日奉
廣東撫部院李憲牌案照本部院

陛見入都於同治七年七月初四日在京都寓所接准
兩廣總督部堂瑞咨開同治七年閏四月二十三日准
兵部火票遞到吏部咨文選司案呈兩廣總督瑞

奏稱竊照前因粵東之陽江陽春恩平開平等縣遠處南隅原隸肇慶府管轄恐其查察難周經前撫臣蔣益澧議將陽江縣改爲直隸州撥陽春恩平開平三縣隸其管轄並將陽江縣縣丞教諭典史各缺改爲州判學正吏目奏奉

諭旨允准旋據開平縣候選知縣關培鈞等以改縣屬州民生未便等詞赴部具呈奉行另議又經體察情形請將開平一縣仍歸肇慶府管轄亦經會摺奏准各在案嗣據陽春縣恩貢生劉榮輦等恩平縣附貢生馮聘

桂等各以春恩兩邑隸肇已歷多年士民習服由陽春
赴肇惟有一山之隔往來道路無多至恩平則一水可
通尤爲便捷且各士子應試肇郡置有祖祠試館產業
難以遷移改屬陽江大有未便請仍改復舊制等情疊
次來省具呈復查前撫臣蔣益澧原議將陽江改州係
因爲彈壓土客善後起見現在陽江土客之案自年前
官兵查辦去後彼此聯和前嫌胥釋此後但得良有司
持平撫輯實力稽查自安撫無事並非必須改縣爲州
始能整頓陽春恩平紳民旣均不願改歸陽江州管轄

則勢難歷久相安奴才與司道等反覆商榷陽江改州
既多窒礙奴才何敢以會銜具奏在先稍存遷就合無
仰懇

天恩俯准將陽江一邑仍復爲縣以順輿情陽江州缺
前經題請以軍功同知直隸州余恩鑠補授今該缺仍
改爲縣本有實任之員所有原題應毋庸議其部選之
州判學正吏目等員應否照由部升選外官尙未赴任
員缺議裁仍歸部補用之例歸部另補聽候部議陽江
縣丞典史二缺粵東省現有應補人員應請扣留在外

俟奉到

諭旨另行遴補廉俸役食等項均仍其舊等因同治七年二月十八日軍機大臣奉

旨該部議奏欽此欽遵抄出到部查前經該督等奏稱請將陽江縣裁汰改爲陽江直隸州酌撥附近之陽春恩平開平三縣隸其管轄等因當經臣等會同各部議准將陽江縣改爲陽江直隸州酌撥附近之陽春恩平開平三縣隸其管轄一切刑名錢穀事宜歸肇羅道考核不歸肇慶府統屬並將陽江各項官職悉照直隸州

更易臣部正在會議具奏間又據廣東肇慶府開平縣候選知縣關培鈞舉人蘇潮等至臣部呈稱改縣屬州民生未便請照舊屬于肇慶府等情具呈前來臣部附片陳明請

旨飭下該督撫悉心妥議嗣據該督等奏稱開平縣紳民關培鈞等既稱該縣至肇慶近而易至陽江遠而難請准其仍歸肇慶府管轄以從民便臣等以爲俯順輿情起見准如所請于同治六年八月二十七日具奏奉旨依議欽此欽遵知照在案茲復據該督奏稱據陽春

縣恩貢生劉榮輦等恩平縣附貢生馮聘桂等各以春
恩兩縣屬隸肇慶已歷多年士民習服將陽江一邑仍
復爲縣以順輿情等因欽奉

諭旨交臣部議奏並據舉人馮彰美劉德瑄以兩縣改
屬事多窒礙具呈到部臣等復加詳查各省沿革建置
總期利國便民不得輕議更張該督等奏請將陽江縣
改爲陽江直隸州經臣部會同各部議准將陽春恩平
開平三縣隸其管轄嗣據該督等奏稱開平縣紳民呈
請仍歸肇慶府管轄以從民便亦經臣等議准今復據

診督奏稱陽春恩平兩縣紳民等各以兩邑隸肇已歷多年士民習服均不願改歸陽江州管轄請將陽江一邑仍復爲縣查該督前此奏改之時若非通籌大局何以遽行建議請改迺甫經會同各部議定並將員缺已改又復奏請仍舊以國家定制任意更張殊屬非是若輒令仍遵前議辦理又恐不順輿情且該督等原奏內稱業經接見陽江各縣紳士何以該紳士又復紛紛具呈事關建置臣部未便懸揣辦理相應奏明請旨俟新任巡撫李到任後體察情形會同該督具奏以

昭慎重並該督題請以軍功直隸州知州余恩鏢補授陽江直隸州知州之處及前次奏改各缺應一併奏明議定後再行核辦等因同治七年四月初七日奉

旨依議欽此相應知照可也等因到本部堂准此除行東藩臬二司轉行遵照及行督糧道肇羅道肇慶府查照外相應咨會查照等因到本部院准此茲本部院業已抵任應卽遵

旨體察覆奏惟事關建置自應由司道核議具詳再行參酌辦理以昭慎重除行按察司督糧道外行司卽便

會同按察司督糧道將陽江直隸州應否仍復爲縣之處悉心妥議具詳以憑叅酌情形察訪輿論會同督部堂核明覆奏等因奉此合就移知爲此合移貴道希爲查明轉飭肇慶府陽江州將陽江直隸州應否仍復爲縣之處悉心妥議限十日內申道覆核移司以憑核辦請勿有遲施行等由准此經前道札飭遵照去後茲據署肇慶府知府嚴先佑詳稱建置應從民便改隸尤貴相安陽春恩平兩縣向歸卑府管轄服習已久其試館祠宇多在郡垣應試較便若一旦改隸陽江州諸形窒

礙前據陽春縣恩貢生劉榮輦等恩平縣附貢生馮聘
桂等節次赴省上控又據陽春恩平舉人馮彰美劉德
瑄前赴大部具呈均屬實在情形是該兩縣士民不願
改隸陽江州已可概見况開平一縣曾經紳民呈請仍
歸卑府統轄業奉議准在案陽春恩平事同一律自應
仿照辦理所有陽春恩平兩縣應請仍隸卑府以順輿
情惟陽江既無屬邑未便改爲直隸州似應仍復爲縣
循照舊制是否有當合將遵札核議緣由詳候核轉又
據署陽江直隸州知州孔昭浹詳稱據卑州紳士舉人

各四之月集不
莫鴻猷李象琳鄧琳蘇銘璋陳家卓道職馮汝欽武舉
譚鴻就任鴻勳林兆邦教職陳煥芳何基禮姚兆桐歲
貢譚鴻泰周蓮芳施汝霖梁全喜敖樹槐蘇逢源附貢
曾夢元李象彪馮文倬吳傳慎張其鈺羅應銓職員周
樹棠左廷銓沙傳欽譚瑞邦關暉光林春熙廩生王任
之李春元姜清源程文準謝祐成黃世馨李培真劉士
香駱孝瓏黃應槐梁世香陳逢年增生姜峻翔周元豫
何銓恕左瑛顏沛霖黃慎基生員譚維欽張啟光容允
恭李昌符馮培芳黃卓英周樹穀馮達初林葆瑩張其

梁馮步鑾鄧業昌武生梁鴻魁馮步雲蘇兆瀛林拔元
關熙庸譚錫鏞監生彭玉清林奕茂張瑞鼇鍾振名葉
沃瀛梁振華等聯名呈稱竊陽江居肇慶之西南隅肇
屬各縣中惟陽江相距最遠有鞭長莫及之勢而地濱
大海幅隕遼濶匪徒最易窺伺溯查嘉慶年間屢遭洋
寇擾掠隨奉將春江協改爲陽江鎮駐紮城內以資控
馭前歲奉各大憲奏請將陽江縣改爲直隸州闔邑紳
民同深感頌嗣因恩平陽春二縣紳士以兩邑隸肇已
歷多年士民習服不願改歸陽江州管轄各赴省憲具

呈請將陽江仍改爲縣復蒙奏奉咨行另行查議辦理
茲紳等再四思維恩平陽春兩邑紳士既不願隸陽江
管轄擬乞憲台轉稟大憲俯念陽江係海疆要地與肇
郡相離甚遠請將陽江一邑改爲直隸同知在恩春二
縣旣無須改隸州屬自不至再有不便而陽江一經改
建因地制宜地方永受利益又州屬近年屢經兵燹元
氣未復各士子應縣考者尙有千計而赴府試者不過
三四百人實因道途遠阻旅費維艱前此奉文改州各
紳民旋卽在於州城捐建考棚尙蒙改廳之後能請學

憲按臨士子得以就近觀光定必倍加鼓舞闔邑均沐
憲恩於無旣矣謹聯名呈請轉詳等情到州卑職當卽
傳訊各紳訪察輿論與莫鴻猷等呈詞均屬相符正在
核議間接奉前因理合據情轉詳所有陽江州一缺應
否俯照該紳等所請議改直隸同知抑仍復改爲縣之
處伏乞覆核轉移辦理各等情到道據此本道覆查肇
慶府申詳陽春恩平二縣士民不願改隸陽江州係屬
實在情形應如該府所議仍歸肇慶府管轄以順輿情
至陽江一缺旣無屬邑似應仍復爲縣惟查該州僻處

海濱離郡較遠時有匪徒出沒政務殷繁責任綦重核與嘉慶年間將春江協改爲陽江鎮成案事同一律亦應如該州紳士所請改爲陽江直隸同知以資控馭相應據情咨覆爲此合咨貴司煩爲查核轉詳核辦施行須至咨者

此陽江改廳之始同治癸酉部頒肇陽羅道關防方到予在闈中開用並將肇羅道原關防移司繳部錄之俾後來有所攷焉

光緒甲戌仲冬濬師記

批署高要縣葉大同稟肇慶府黃江稅廠擬請暫
行委員開關

同治八年三月十四日

據稟已悉肇慶府經管之黃江稅廠應卽責成該縣督
飭書吏照常開關征收稅餉遇有大小船隻到廠依次
驗放以免擁擠所征稅銀暫行收儲縣庫俟新署肇慶
府到任卽行繳府彙解仍將每日征收過稅銀數目稟
報查核仰卽遵照此繳

卷一

九

批署羅定州文玉詳州民李滄濽被李沛濽等致

傷身死訊驗情形

同治八年三月十九日

據詳已悉李滄濽之父李士汪與兇犯李沛濽之父李士圻既係同胞弟兄則兇犯李沛濽等與已死李滄濽係屬共祖兄弟服屬大功在兄則爲尊長在弟則爲卑幼長幼之間罪名出入懸殊叅緝之處分亦復輕重互異究竟死者與兇犯孰長孰幼現詳既未飭具宗圖查核又不確切訊明殊屬疎漏仰卽遵照指飭事理先行查訊明確稟覆察核一面比差懸賞勒緝兇犯李沛濽

等到案傳同屍親見證研訊起衅爭毆致傷身死各實
情錄取切供按擬詳辦仍候兩院憲暨臬司批示繳格
存

批署鶴山縣劉維楨稟雙都流寓附都各堡客民

分別給發川資遣赴雷州廉州

同治八年三月二十日

據稟辦理情形尙屬妥善仰肇慶府飭卽嚴查保甲毋俾匪徒匿跡以靖地方一面會同各委員迅將清丈客田召變充公仍候兩院憲暨軍需局藩臬司齊道臺批示此繳清冊存

卷之二

十一

批署陽春縣簡士珍稟羅定州民朱日盛呈報伊

父朱亞晚被張晚姑致傷身死

同治八年三月二十四日

據稟已悉仰陽江州轉飭選差幹役勒緝兇犯張晚姑務獲傳同屍親見證確訊起衅爭毆致傷身死實情按擬詳辦一面先將訊驗緣由填格取結通詳察核再現稟既於本年二月廿七日由縣發遞何以遲至三月廿一日始行到道是否鋪遞遲延並飭查明稟覆仍候兩院憲暨臬司批示繳

札飭各屬禁止家丁差役不得僭越服色

同治八年三月

廿四

日

爲札發事照得

大清會典內載奴僕皂隸人等只准服繭綢毛褐葛布
梭布貉皮羊皮各件制度昭垂亟應遵守乃近日粵中
風氣衙差走卒奴子僕夫衣服奢侈任意僭越若不剴
切曉諭無以肅

功令而辨等威除出示嚴禁外合行札發札到該府州
卽將發來告示照抄多張分貼曉諭并飭屬一體照抄

張貼咸使聞知仍將貼過告示處所日期申報查核毋違特札

附錄禁家丁差役不得僭越服色告示

爲曉諭事照得

大清會典內載奴僕皂隸人等只准服繭綢毛褐葛布梭布貉皮羊皮各件制度昭垂亟應遵守乃近日粵中風氣衙差走卒悉著絲羅奴子僕夫并披文錦甚至長褂馬褂俱用添青紅青顏色任意僭越覲不知怪本道訪聞肇陽羅各屬士民頗安樸素青鞋布

襪絕少華靡爾等衣服如此爲官長者若罔聞知其將何以對士民耶惡習相沿殊堪痛恨除札飭各州縣一體懲辦永遠查禁外合行出示曉諭爲此示仰闔屬家丁在官人役等知悉嗣後爾等衣服務遵定制不得任意僭越卽偶用素花綢緞亦不得仍前奢侈其長褂馬褂無論綢緞及大呢羽毛羽綾羽紗各樣只用元青概不准用添青紅青諸色庶以別流品而辨等威倘敢故違查出定卽嚴加責懲照律追物入官其有冒捐官職擅用頂戴或招搖撞騙或倚勢

凌欺是則罪之大者一經覺察從重治罪各宜凜遵
毋違特示

批大埔縣貢生范寅襄呈爲土豪謀吞背約反誣

泣叩鏡驗舖批飭准提府

同治八年三月廿八日

該生所賃鄧姓舖屋旣立有永遠批約爲憑如果每歲應給租銀年清年款毫無蒂欠鄧之瑗何致背約另批逼令生男范榮彪及司事林福安出舖甚至吳桂庭頂舖之後竟將舖中衣物一併謀吞詞稱縣斷偏枯究竟該縣如何訊斷亦未據稟詳晰聲明核詞含混支離難保無不實不盡究竟本案是何實情仰肇慶府迅飭四會縣查案稟覆察奪粘抄保領並發

批德慶州民何榆呈爲毆逼斃命賄和圖卸冤慘

彌天事

同治八年三月廿八日

前據陳義魁赴轅呈控業經批行該州集訊在案據呈
該氏之女陳何氏身故後既經該氏之妾周氏帶同二
三婦女前往並未看出屍傷迨該民之妻董氏事後聽
聞隣婦陳李氏之言謂陳何氏係屬被毆斃命卽應攜
同赴官質證爲女鳴冤乃又不能將陳李氏交出核詞
殊覺可疑難保非藉命圖詐惟控關人命虛實均應澈
究仰肇慶府迅飭德慶州勒集一千人証確訊陳何氏

究竟因何身死務得實情分別證誣詳辦毋稍稽延切切粘抄保領並發

擬將肇慶府城內外由道府縣各捐經費巡緝與

府聯銜上瑞節相稟

同治八年三月廿八日

敬稟者竊以安民之首務莫過于杜盜源而弭盜之良規莫先于勤緝捕夫緝捕之法尤在巡查所貴嚴于平時不容稍懈也職道等抵任後查勘肇慶郡城形勢南門瀕江多屬蛋戶民居稀少向稱安謐東門則商賈所聚人烟稠密街衢環接自衛頗嚴然沿江一帶往來舟楫甚繁良莠不齊均宜加意防範至西北兩門城外地方較爲遼濶民居散處四面空虛向爲賊匪出沒之區

亟應常川巡緝向章每年自十一月起至次年正月止由肇慶協營撥兵六十名派委營弁四員分帶各兵每夜上城駐卡支更由肇羅道肇慶府高要縣暨肇慶協副將都司城守等官每月共捐銀六十一兩八錢統交協營支給各卡弁兵口糧燈油等項之需一面仍由肇慶府于郡城內外各派委員一人夜出分查惟自二月至十月向未議及巡查之舉其間爲日旣久不無疎于防範之虞是以歷年以來城廂內外盜竊之案層見疊出上年秋間前署肇羅童道暨肇慶府五守因地方不

靖當卽督同現署高要縣葉令遴選公正紳士在于城內設立團練總局藉資稽察惟是地方紳衿賢者大都不肯出而問事不賢者又恐遇事生風以故設局未久旋復裁撤爲今之計團局旣不可復而巡查又不宜疎職道等當與署高要縣葉令妥爲商酌將向來查夜舊章酌量變通改爲週年一律辦理更當事求實際嚴立章程晝夜巡防風雨無間方足以昭周密擬請嗣後由肇慶協營撥兵二十名派委營弁一員管帶並由職道等于肇慶府經歷高要縣丞典史三員中每夜酌委一

員挑選高要縣各卡勇內精健者二十名在于西北兩城內外稽查武弁帶兵文員帶勇互相策應實力梭巡文員則每月三夜一輪武弁則由肇慶協營酌量輪委彼此互相更替以均勞逸冀可行之久遠至東南兩城再由協營每城酌撥兵丁十名常川駐紮東南兩城樓夜則責成城守左右二營千把分夜帶領出城巡邏俾得各有責成不致推諉貽誤仍由在城文武不時抽出分查以警委員更夫之惰如此勤緊行之經年累月雖不敢謂功效畢著而強徒大夥知有警備穿窬小竊無可

覬覦庶幾四境粗安附近一帶小民更可安堵矣至查夜各兵現擬每名每日加給薪糧銀二分核計共有四十名每日應給銀八錢每月共應給銀二十四兩每年共應給銀二百八十八兩此項經費無款可籌若取之紳民亦恐難以爲繼擬由職道等按月捐給每月職道捐銀六兩卑府捐銀十八兩交肇慶協分給其卡勇向係高要縣長年發給口糧此次挑撥二十名亦應稍加薪水以示體恤應卽仍由該縣每月加銀二十兩照營兵薪糧每日二分之式一律辦理其每夜燈油蠟燭之

費另由職道等籌給如此酌量變通比較舊章巡查三個月每月給銀六十一兩零共應給銀一百八十餘兩現在每年所增不過二百數十金而於地方則大有裨益一年期滿如果地面安靖或挈獲要犯文員由職道督同府縣核其勞績咨請藩臬兩司分別候補實任酌予儘先超委及調署繁缺一次武弁由肇慶協副將記拔超委倘期內地面失事重則撤任摘頂輕則記過以示勸懲職道身任監司有兼轄之責卑府專城尤應于地方要務隨時講求用副中堂除暴安良綏靖疆圉至

意所有擬將肇慶府城內外週年巡緝暨由道府縣各捐經費辦理緣由理合具稟憲台察核批示立案永遠遵行

--	--	--	--	--	--	--	--	--

札飭高要縣卽將陽江州盜犯李亞祥等共八名

研審錄供稟候核辦

同治八年四月初四日

爲札委確審事案照陽江州屬恒豐當店被劫銀物一案現據該州稟解盜犯李亞祥蔡亞日陳亞維劉亞丙盧亞春陳亞恩陳亞得葉亞月等八名到道當經本道提訊該犯等供詞翻異亟應委審明確以成信讞除人犯現禁該縣監毋庸提發外合就札委札到該縣卽監提陽江州盜犯李亞祥等八名覆審明確錄取切供稟候核辦母違特札

--	--	--	--	--	--	--	--	--

批陽春縣監生邱鳳鳴控高華漢逆匪押案殺冤

賴伸

同治八年四月十八日

前據高華漢等迭次赴轅呈控均經批行該縣查案稟覆茲據控高居琳高昇朝均係擄劫殺人逆匪而查閱粘抄該監生原控高天敏等豎旗滋事一案並無高居琳名字如果實有其事該監生何以早不控究直至十餘年後因互爭田土細故始行牽控核詞殊覺可疑惟高昇朝現在既經縣押仰陽江州轉飭陽春縣迅卽提訊究報仍遵照前批先行查案稟覆察奪毋任稽延切

卷之三十一

切粘抄保領并發

三

將陽江州解到洋盜李亞祥船內贓物札發肇慶

府查收提審稟覆

同治八年五月初一日

為札發事案據陽江州稟解恒豐當舖被劫案內盜犯李亞祥等八名到道本道提訊犯供翻異當經發委高要縣審辦嗣據高要縣以各犯供詞仍復狡展稟經飭委該府確審旋據該府面稟此案既經起獲原贓首飾銀二十餘兩珍珠一包何以事主日久並不赴領其中恐有別故請卽行提原贓飭發核辦等情又經行提去後茲據陽江州將起獲原贓首飾一包珍珠一包批解

前來合就札發札到該府卽將發來贓物查收一面提
犯確審實情錄取切供稟復核辦毋違速速特札

札飭開建縣學飭查梁維城有無健訟抗糧

同治八年

五月初一日

爲札查事照得生員身列膠庠理宜遵守臥碑毋得健
訟抗糧置身不法其有不知自愛不守臥碑者亟應行
查明確分別辦理合行札查札到該學卽將廩生梁維
城一名有無恃衿慣訟刁玩抗糧以及別項劣跡逐一
查明限十日內據實稟覆赴道以憑核辦此係本道訪
聞是否屬實該學務當確切細查毋得稍事瞻徇偏護
速速

荀子之腹身存
卷一

三

批署開建縣彭保久稟廩生梁兆鼇呈控梁瑞剛

一案請將廩生梁維城革訊由

同治八年五月初一日

據稟及另單均悉查生員有事公庭應行看管者自應送學看管爲是乃現單以廩生梁維城抗糧發交捕衙看守致被脫逃殊屬不合仰肇慶府轉飭該縣嗣後如有生員應行看管之處卽行送學看管毋得發交典史看守仍候兩院憲暨學院及藩臬司批示此繳

荷正名應身在

卷一

三

批署高要縣葉大同稟高村糧戶姚亞濫等抗糧

拒斃丁差現擬會營拏辦情形

同治八年五月初七日

據稟該村頑抗各情殊屬目無法紀若不從嚴究辦無以示懲創而儆效尤仰肇慶府迅卽轉飭該縣會同營弁督率兵役嚴拏各匪到案訊明按例究辦毋稍縱延切切此繳

批署高要縣葉大同稟卑縣屬高山村欠丁姚亞
淮等抗糧拒捕傷斃丁差一案先後獲犯姚二
苟等三名先將訊供大概情形稟報察核

同治八年

五月十八日

據稟已悉仰肇慶府飭再督率兵役嚴拏在場滋事首
從各犯務獲提同現獲之姚亞宜等質訊明確分別從
嚴懲辦一面先將供開之劣紳姚太倫等查明報捐何
項職銜通詳斥革仍候督撫憲暨藩臬司及糧道批示
遵辦繳

卷一

一七

札虎門同知查明曾否有新順發船請領照牌治同

八年五月

十八日

爲札飭查覆事案照陽江州屬恒豐餉當被劫一案先據該州稟解盜犯李亞祥等八名到道本道提訊犯供翻異當經發委肇慶府確審去後茲據署肇慶府蔣守立昂稟稱遵提李亞祥等研訊據李亞祥供稱伊于五年八月二十五日在澳門用價銀七百兩託新義祥棉花行主陳亞壽買得頭艚船一隻船名新順發雇有舵工水手蔡亞日等在船傭工六年三月初間在虎門廳

領有牌照迭次裝載鹽貨前往各處販賣七年二月初
間欲往安南國龍賴地方做鮓魚生理因本銀不敷卽
在澳門何新義祥行主陳亞壽借銀七百兩由澳門到
水東在水東會託廣和雜貨行司頭蕭亞章代伊買得
鹽八百一十七擔二月十八日經廣和行保薦搭客陳
崇發一名怡昌行司頭黃亞五保薦搭客陳亞得葉亞
月劉亞丙陳亞維陳亞恩倫亞煥高卽善姚亞珍方亞
平方亞元何貴平等十一人前往安南龍賴地方覓工
每人船飯銀六元十九日自水東開行二十日早駛至

港口卽被師船挈獲伊與現獲之蔡亞日等委無行劫情事等語質之蔡亞日等供亦相同查李亞祥等所供各情是否屬實必須確切查明方能核辦應請札飭虎門同知查明六年三月初間曾否有新順發頭艚船在該廳請領牌照出洋貿易情事據實稟覆一面委員前往澳門水東細查新義祥廣和怡昌各行店曾否代李亞祥買船買鹽借本及保薦搭客陳亞得等前往龍巖地方傭工各情訊取切實供結逐一據實稟覆飭知下府以便核審辦理等情到道據此除委員候補布政司

經歷邱鴻星馳往澳門水東等處查覆暨札澳門同知
電白縣一體知照外合就札飭札到該同知即便遵照
札行事理立即查明六年三月初間曾否有新順發頭
艚船在該廳請領牌照出洋貿易情事刻日據實稟覆
赴道以憑飭知核辦毋稍違延

批署高要縣葉大同稟現在西濠漲發肇城南門
業已堵塞

同治八年五月廿五日

據稟已悉仰肇慶府飭再移會水利各員及諭飭各圍
墟總業戶人等將各路險要圍基加意防護遇有低薄
浮鬆處所趕緊修復務保無虞并隨時查探水勢消長
情形稟報察核仍候兩院憲暨藩臬司及糧道批示繳

卷之二

三

批陽江州民婦梁利氏控項三繼等圍殺斃命同治

八年五月

廿八日

氏子梁亞連被雷擊斃命業經該前州孔牧對衆驗明
項三繼等豈能裝點弊混氏夫梁亞蒂藉屍訛詐意圖
擇噬輒赴該州誣控照律罪應反坐現經在保病故實
屬咎由自取該氏不知悔悟復以夫男之死均係冤抑
爲詞嘒嘒呈瀆顯有訟棍從中主唆現奉大憲通行各
屬嚴辦誣告本道不忍該氏執迷不悟故特剴切批飭
該氏慎毋聽信人言以身試法自貽伊戚也切切粘抄

保領發還

批署陽江州謝玉漢詳繳陽春縣故官劉榮玠謝

仲坑人祀鄉賢情形

同治八年六月初三日

查向來敘詳加看須將核看各員銜名敘出現詳陽春縣儒學核看故官事蹟並未聲敘該學銜名殊與向辦不符礙難照轉仰陽江州速飭陽春縣移查該學銜名另造妥合詳冊申繳赴道以憑核轉詳咨毋稍稽延此繳冊並發

欽定四庫全書
禮記集說卷一

三

咨藩司暫停分派肇慶屬差委人員

同治八年六月十二日

爲咨請停派事照得肇慶候補人員差事甚少而現在派郡差委者已有五十餘員之多殊覺人浮於事若不咨請暫行停派則此後紛紛接踵而至更難免擁擠之虞合就咨請爲此合咨貴司請煩查照希將稟分肇慶差委人員一概暫行停派倘將來肇慶候補人員不敷差遣再行咨請派委施行須至咨者

廣西公牘彙存 卷一

三

據虎門同知申覆查明新順發船請領照牌日期

行知肇慶府

同治八年六月十六日

爲飭知事現據虎門屯防同知申稱現奉憲台札開案
照陽江州屬恒豐餉當被劫一案先據該州稟解盜犯
李亞祥等八名到道提訊犯供翻異當發委肇慶府確
審去後茲據肇慶府稟稱遵提李亞祥等研訊據李亞
祥供稱伊于五年八月二十五日在澳門用價銀七百
兩託新義祥棉花行主陳亞壽買得頭艚船一隻又船
名新順發僱有舵工水手蔡亞日等在船傭工六年三

月初間在虎門廳領有牌照迭次裝載鹽貨前往各處
販賣七年二月初間欲往安南國龍賴地方做醃魚生
理因本銀不敷卽在澳門向新義祥借銀七百兩由澳
到水東在水東會託廣和行等買鹽及保薦搭客陳宗
發等前往龍賴覓工二十早駛至港口卽被師船挈獲
各等情由府稟覆到道據此除委員馳往查覆暨札澳
門廳電白縣一體知照外合就札飭札到該同知卽便
遵照立即查明六年三月初間會否有新順發頭艚船
在該廳所領牌照出洋貿易情事刻日據實稟覆以憑

飭知核辦毋稍違延切速等因奉此卑職遵卽飭承檢
查檔案果於六年三月初十日有新順發船名在卑前
任梁丞衙門請領船照一張身二丈係編列丁字第六
十八號地保杜文富保領茲奉札行前因理合遵將查
明緣由具文申覆憲台察核飭知核辦爲此備由具申
伏乞照驗施行等情到道據此合就札知札到該府卽
便查照核辦毋違此札

--	--	--	--	--	--	--	--	--

據邱委員稟覆查詢李亞壽供結李亞祥實無爲

匪行知肇慶府

同治八年六月廿九日

爲飭遵事現據委員候補布政司經歷邱鴻星稟稱竊
 卑職於五月二十一日奉憲台札開案照陽江州屬恒
 豐當被劫銀物一案除札虎門同知查復外飭卽馳往
 香山縣屬之澳門及電白縣屬之水東地方確查澳門
 新義祥行主陳亞壽有無於五年八月二十五日爲李
 亞祥代買頭艚船隻並有無於七年二月初間借給李
 亞祥本銀七百兩水東廣利雜貨行司頭蕭亞章有無

於七年二月初間爲李亞祥代買鹽劬保薦搭客陳崇發一名怡昌行司頭黃亞五有無於七年二月間保薦搭客陳亞得等十一人前往安南龍賴地方覓工各情事訊取切實供結逐一據實稟覆一面前往陽江州守提趙亞妹一名連本案正附卷宗及各犯草供一併押解赴道以憑飭發核審等因奉此卑職遵卽束裝起程於六月初四日行抵澳門訪查新義祥棉花行業於七年正月內停止生理並查明該行主陳亞壽現在香港地方居住當經卑職轉託本處行戶函致香港告知陳

亞壽囑其前來澳門以便查明具結往返航延旬日未
見到澳卑職卽於十五日親往香港晤及陳亞壽面詢
一切情形據稱伊與李亞祥平日相識同治五年八月
間委有代其買置頭艚船一隻七年二月初間李亞祥
欲往安南龍賴地方做醃魚生理缺乏本錢伊委會代
其借得本銀七百兩並稱李亞祥向造海船生理安分
營生實無爲匪情事等語並據出具供結一紙呈繳前
來合將奉委查明情形連供結一紙先行具稟憲台察
核飭發核辦再卑職現擬發稟後卽行馳赴水東及陽

江等處分別確查提解合併聲明等情計繳供結一紙
到道據此合就札發札到該府即將發來供結查收核
辦爲要

批德慶州監生覃復初控覃士宏真兇認案指兇

全虛 同治八年七月初四日

本案既經該州獲犯徐岳孫訊認夥同徐亞彪等致傷覃士奇等斃命何以覃樹穀竟置徐岳孫於不問轉以該監生與劉平章買兇殺斃為詞赴州控告案關二命兩造各執一詞究竟孰實孰虛亟應澈底根究仰肇慶府迅飭德慶州趕緊勒拘供黨傳集兩造人證提同徐岳孫確切訊明錄供詳辦毋稍枉縱稽延切切粘抄保領並發

廣東通志卷之四十一 刑一 三

批高要縣職員姚進志控藉命獲詐恐斃殺對畏

罪自縊

同治八年七月初八日

前據該縣稟報高山村戶丁姚亞漑等抗糧拒捕傷斃
丁差魏升陳潰二名挈獲姚亞宜等供明姚亞漑等拒
捕屬實又據該縣申詳該革職之子姚亞漑被曾蘇氏
控告致傷曾裔聖身死當卽勒令該職將姚亞漑交案
日久未據交出殊屬抗延請將該革職衣頂斥革以便
押交審辦各等情均經批行該縣分別斥革勒交嚴挈
究辦在案茲據呈謂陳潰係被魏升殺斃而魏升之死

則諉爲自縊所致固核與該縣原驗傷痕不符且揆諸
情理亦難憑信顯係該革職捏詞圖卸案關人命豈容
狡飾仰肇慶府迅飭新任高要縣嚴拘姚亞漉等確訊
抗糧拒捕傷斃丁差各實情一面傳同屍親曾蘇氏等
到案訊明會齋聖究竟因何身死分別詳辦毋任縱延
切切保領並發

批高要縣民婦姚黃氏控禍纏怨疊死徙延燒分

別招撫事

同治八年七月十八日

該氏等高山村姚姓恃其族大人多抗糧拒捕致斃高
要縣丁差二名節經本道檄飭嚴拏究辦昨據已革職
員姚進志以陳潰之死係屬魏升殺斃而魏升之死由
自縊等情赴轅呈辦業經嚴行批飭并飭縣拘究在案
茲閱該氏等控詞核與姚進志所呈情節如出一口顯
係恃婦混瀆殊屬非是仰肇慶府迅飭高要縣遵照前
批嚴拘姚亞漑等到案確切訊明分別詳辦毋任縱延

切切保領并發

批署封川縣李積經稟查明卑縣應造本年正二
三四五等月清理詞訟詳冊房書漏未呈繳

同治

八年七月
廿五日

據稟該縣未繳正二三四五等月詞訟清冊均由房書
漏繕所致查此項冊報乃逐月造繳之件卽或房書漏
繕亦不過事出偶然何致一而再二而三均行漏繕申
繳該縣所司何事豈竟毫無覺察耶所稟顯係諉卸仰
肇慶府卽將該縣嚴行申飭毋得仍前玩視疎忽自取
咎戾切切此繳

羅匹公臚集存
卷一

四

批新興縣民婦葉董氏控伊子完糧站書梁獻光
不肯給串反被縣押

同治八年七月廿八日

氏子葉大林如果奉縣諭飭勸催各戶完糧已將葉興
萬等戶糧銀交與站書梁獻光手收梁獻光不肯給串
輒將此項銀兩作為規費經葉大林稟縣飭追該縣何
以並不查究反將葉大林發學看管且閱粘抄縣批有
昨梁獻光稟覆核與原呈迥異等語究竟梁獻光稟覆
何事亦未據切實聲明核詞難保無另有別故究竟是
何實情仰肇慶府迅飭新興縣刻日查案稟覆察核毋

卷一

任稍延精抄保領並發

三

移肇慶協檄飭汛弁立將七月廿七日夜劫案嚴

拏查明是夜巡緝之弁兵一體記過

同治八年八月初二

日

爲移會事照得本道前因肇郡城廂內外向來搶竊之
案甚多是以議立週年查夜章程派委員弁分帶兵勇
逐夜巡緝原欲安閭閻而靖匪類乃訪聞本年七月二
十七日夜竟有匪徒在郡城西門外君子里地方行劫
羅謝李等姓事主家之事固由該管地方文武失於防
範而是夜巡緝之員弁咎亦難辭除嚴札高要縣勒限

嚴拏本案首夥各犯務獲盡法究辦不准一名漏網并
將是夜帶勇巡緝之委員高要縣典史蘇華鑄先記大
過一次以示薄懲外合就移會爲此合移貴協鎮煩照
事理希爲檄飭該管汛弁立將本案賊匪趕緊嚴拏務
獲解縣究辦并請查明是夜帶兵巡緝之弁是何銜名
一體記過示懲幸勿有遲須至移者

札高要縣限十日內務將七月二十七日夜劫案

全夥緝獲

同治八年八月初二日

爲札飭嚴拏究辦事照得本道訪聞本年七月二十七日夜三更時候郡城西門外土名君子里有羅謝李等姓事主家被賊行劫情事似此附城地方該匪竟敢夤夜肆劫實屬膽玩已極若不從嚴究辦何以肅功令而儆效尤合就札飭札到該縣立即會營督飭兵役懸賞購線認真嚴密查拏勒限十日內務將本案首夥各犯全數弋獲盡法究辦不准一名漏網該縣業已疎防於

前倘再逾限不獲定行撤叅不貸凜之母違

批署開建縣彭保又稟奉詢地方情形逐條列摺

稟覆

同治八年八月初四日

本道於本年二月抵任卽經札飭肇慶府轉行所屬查
詢地方情形嗣各州縣均於一兩月內陸續稟覆在案
惟該縣則任意稽延直至八月初一日始據稟覆到道
本道初意猶以爲該縣遲之又久迴不猶人必有切中
利弊之論乃披閱所稟則敘本道原札外並無剴切敷
陳而所繳摺內各項條對又類皆摭拾陳言毫無實濟
是該縣於上司飭查事件漫不經心已可概見况查現

稟係填七月初二日出文該邑距府程途不過四百餘里何至一月之久始行遞到尤屬有心欺飾殊堪痛恨仰肇慶府卽將該縣嚴行申飭並令該縣嗣後一切公事務須勤慎辦理毋再顛預稽延是爲至要此繳摺存

批署肇慶府蔣立昂稟訪聞高要縣屬三榕峽河
面解餉巡船被賊行劫拒傷丁役現在辦理情

形

同治八年八月十六日

據稟已悉此案現據高要縣并令稟報到道業經批行
該府轉飭遵照應卽查照高要縣稟內批示辦理至署
封川縣李令此次起解地丁兵米等項銀至數千兩之
多應如何慎重其事乃該縣既不專撥巡船妥爲護解
又不先期飛移前途營縣派撥兵役護送輒將前項銀
兩附搭大洲厘局解餉便舟以致失事是該縣視數千

公項直等郵寄之書誠如該署府所稟實非尋常疎忽可比仰卽責成該署縣速將被劫地丁兵米等項銀兩如數先行籌解倘敢諉延卽行叅撤不貸一面通飭所屬嗣後遇有批解釐餉務須遵照定例先行移知前途派撥兵役護送不准稍涉大意是爲至要仍候兩院憲

暨

釐局
各司道

批示繳

批署封川縣李積經報六月詞訟備列清摺

同治八年

八月十六日

查本年五月初旬據藍翎千總莫永春等赴轅呈控伍華瑤等私開鐵爐等情當經批府轉飭該縣刻日查明封禁究報並由道專札飭令該縣遵辦在案茲閱該縣繳到六月分詞訟摺內所敘本案緣由並未註有曾赴本道上控字樣是否前後批行文札均未奉到亟應確切查明以昭核實仰肇慶府迅飭該縣查明莫永春等呈控伍華瑤等私開鐵爐一案究竟有無奉到道府文

行刻日據實稟復赴道以憑核奪仍候兩院憲暨臬司
批示繳摺存

奉督憲批本道稟陽江州恒豐當被劫查訊李亞

祥等實無爲匪情事轉行陽江州知照

同治八年九月

十五日

爲飭遵事現奉兩廣總督部堂瑞札開同治八年八月二十八日據該道稟稱竊照陽江州恒豐當被劫案查訊李亞祥等實無爲匪情形懇請飭提原拏武員營兵解道質訊並鍾崇灼等可否飭州先行遞籍究釋伏乞批示祇遵等由到本部堂據此查核所稟肇慶府蔣署守查訊情形是現獲之李亞祥等並非正盜係被誣拏

似屬可信且李亞祥等係由武營連贓獲解經該府將贓給予恒豐當司事葉德認明並非原贓其爲栽贓誣陷已可概見現據代理陽江州謝玉漢稟報水手左亞文在保病故等情則被誣之人已先後拖斃六命情節較重查陽江鎮中軍遊擊李聯升業已病故應卽立提原挈弁兵解道督府確審其水手鍾崇灼等十一名及另船挈獲之船戶水手羅亞金等十四名應卽准予先行遞籍取保以免拖斃除札陽江鎮遵照立將原挈李亞祥等各犯之弁兵刻日按名解交肇羅道督同肇慶

府確審實情分別辦理毋稍違延仍將移解弁兵銜名日期稟覆察核外合就札飭札到該道即便遵照俟陽江鎮將原挈李亞祥等弁兵解到立即督同肇慶府提同李亞祥等研審確情錄供稟候核辦一面速飭陽江州將水手鍾崇灼等十一名及另獲之船戶水手羅亞金等十四名刻日先行遞籍取保具報毋稍稽延速速等因到道奉此除札肇慶府蔣署守知照外合就札飭札到該州即便遵照立將押候之水手鍾崇灼等十一名及另船挈獲之船戶水手羅亞金等十四名刻日先行

遞籍取保仍將遞籍日期具報察核毋稍稽延速速

批四會縣烏廷梧稟職員馬榮等上控吳明光等

開設賭館一案

同治八年九月二十三日

據稟已悉仰肇慶府迅飭催傳人證提同兵役確訊有無開設賭館得規包庇各情事並究明馬榮是否前任四會縣典史馬廷輝之子因何流寓不歸平日是否安分分別按究一面飭派差勇認真查緝賭匪隨時拏辦仍候兩院憲暨臬司批示繳

崔西公履集右
卷一

三

奉撫憲批道稟陽江州恒豐當店劫案行知前署

陽江州張秉彝將原審情形刻日據實通稟

同治

八年九月
二十五日

爲飭知事現准臬司移開同治八年九月十一日奉廣
東巡撫部院李批貴道具稟陽江州恒豐當被劫案查
訊情形懇請飭提原鞫武員營兵解道質訊並鍾崇灼
等可否飭州先行遞籍究釋伏乞批示祇遵緣由奉批
查此案先據前署陽江州張秉彝稟報巡洋舟師弁兵
獲解盜犯李亞祥等三十九名訊據李亞祥等十三名

供認行劫葉鶴齡當店得贓不諱嗣據前署州孔昭浹以各犯翻供案情可疑具稟經前兼署院批司飭合原審之張秉彝馳回該州會審旋據審明稟覆李亞祥等八名仍認行劫得贓餘俱堅不承認又經前兼署院飭將李亞祥等解道覆訊餘俟審定後應否提質再行遞籍究釋在案現稟各犯供情與原審大相逕庭且起獲首飾珍珠等件亦經事主認明並非原贓究竟此項贓物從何而來是否該營弁兵栽贓誣陷亟應提同原拏弁兵查訊明確以昭覈實查遊擊李聯升現已因病出

缺除咨陽江鎮查明此案當日隨同李聯升獲犯之原
挈弁兵移解肇羅道質訊外仰按察司備移該道查照
俟弁兵人等到日迅卽督同肇慶府提集質訊澈底究
明據實詳辦水手鍾崇灼等旣無需質之處該司卽核
明轉飭陽江州遞籍查明分別究釋具報仍分飭張秉
彝孔昭浹二員將當日原審及會審情形稟覆察核并
候督部堂批示繳又於是月十二日奉撫憲札行同前
由又先於是月初十日奉兩廣總督部堂瑞札行查核
所稟肇慶府蔣守查訊情形是現獲之李亞祥等並非

正盜係被誣拏似屬可信且李亞祥等係由武營連贓
獲解經該府將贓給予恒豐當司事葉德認明並非原
贓其爲栽贓誣陷已可概見現據代理陽江州事謝玉
漢稟報水手左亞文在保病故等情則被誣之人已先
後拖斃六命情節較重查陽江鎮中軍遊擊李聯升業
已病故應卽立提原拏弁兵解道督府確審其水手鍾
崇灼等十一名及另船拏獲之船戶水手羅亞金等十
四名應卽准予先行遞籍取保以免拖斃除札陽江鎮
遵照立將原拏李亞祥等各犯之弁兵刻日按名解交

肇羅道督同肇慶府確審實情分別辦理毋稍違延仍將移解弁兵銜名日期稟覆察核及札肇羅道遵照俟陽江鎮將原挈李亞祥等弁兵解到立即督同肇慶府提同李亞祥等研審確情錄供稟候核辦一面速飭陽江州將水手鍾崇灼等十一名及另獲之船戶水手羅亞金等十四名刻日先行遞籍取保具報毋稍稽延外札司即便一體移行遵照至承審此案之前署陽江州張秉彝兩次不能審出實情咎有應得該司並即查明張秉彝會否將各犯審擬招解刻日稟覆核辦毋違各

等因奉此並准貴道備移過司相應移會爲此合移貴道煩照奉行事理查明該前署陽江州張秉彝曾否將各犯審擬招解之處稟覆院憲核辦仍祈核明轉飭陽江州將水手鍾崇灼等遞籍保釋通報並分飭張秉彝孔昭浹二員將當日原審會審情形通稟察核施行等由到道准此除札陽江州遵照外合就札飭札到該卸署州卽便遵照奉行事理迅將當日原審會審情形通稟察核速速此札

批開建縣民婦李覃氏上控梁駿勳唆串縣署管

帳遊連科包案不斷

同治八年十月初二日

查閱粘抄該前縣王令所斷極爲公允何以現署縣彭令並不查照辦理專提該氏夫弟李國棟審訊據呈梁駿勳狡串遊連科包案各情仰肇慶府迅卽行提全案人證澈底訊明分別究斷具報粘抄保領并發

易西之應身在

三

批羅定州稟遵批查明楊同奉控案稟覆察核飭

遵

同治八年十月初四日

據稟張純開當日原報已將楊首南等指名控開是楊首南等與張純開素相認識可知豈有素識之人而敢明目張膽平空肆劫竟不懼事主指名控究之理細核情節殊覺可疑必須確切查明分別核辦仰新任羅定州黃牧確查此案張純開與楊同奉互控竊劫究竟孰虛孰實平日彼此有無嫌隙張純開等是否安分良民一面移查楊同奉究於七年何月日期赴信宜縣報竊

有無事後抵制情弊楊首南等平素作何行徑迅卽詳
晰稟復核奪切切此繳

咨藩司查前署陽春縣簡令有無在省逗留飭來

肇慶會算交代

同治八年十月初六日

爲咨查事現准貴司移開准本道咨據署陽春縣王承芳具報於同治八年八月二十六日到任接印視事等由前來除將該前署縣簡士珍任內經手收支倉庫正襍錢糧銀米穀石飭委高要縣井鍾丹前往監盤等因准此查州縣交代定限兩個月結報茲署陽春縣王承芳於同治八年八月二十六日到任接收前署縣簡士珍交代計至十月二十五日兩個月限滿所有應造冊

結合就移催爲此備移貴道希卽督催署陽春縣王令
速將簡士珍任內收支倉庫正襍錢糧銀米穀石及一
切應入交代之款盤查明白倘有虧短立揭叅追如果
收支清楚卽將交存銀兩掃數批解遵照備造報部銀
米款項四柱總數青皮冊三本白皮冊三本併另造存
查細數撒冊各五本接盤總結經承認收各五張此外
閑襍各款照舊造齊申齊州道遞核加結移司以便詳
咨例限綦嚴勿任遲延施行等由過道准此查前署縣
簡令於卸事後並未來肇會算交代是否先行赴省抑

或別處逗留本道無從懸揣除札陽江州查覆外合就
咨查爲此合咨貴司希爲查明該前署陽春縣簡令如
果在省逗留希卽嚴飭迅來肇慶將任內交代會同監
盤後任核算交接清楚造報施行須至咨者

卷四
五
身
在
老
一

三

移陽江鎮迅將原掣李亞祥之弁兵解到審辦

同治

八年十月
十二日

爲移催提解事案照陽江州屬恒豐當店被劫一案先據該州稟解盜犯李亞祥等八名到道提訊供詞翻異當經本道將查訊情形稟奉兩廣總督部堂瑞批行飭提原掣武員營兵解道質訊等因業經移會貴鎮提解在案迄今日久未准移解過道除札委員候補從九品江林藻前往守提外合就移催爲此合移貴鎮台希爲查照事理迅將原掣李亞祥等各犯之弁兵按名點交

卷四十四 刑部 三十一

委員押解過道以便確審實情分別辦理萬勿再延望

速施行

批署封川縣李積經詳遵將莫永春等具控均源

店私開鐵爐久不赴審詳請銷案

同治八年十月十四日

本案先於本年五月內據莫永春等以伍華昭等私開鐵爐有礙河道書吏梁濟時從中舞弊等情赴本道衙門呈控當經批行該府轉飭該縣查明分別封禁提訊革究具報在案迄今數月之久該縣並不遵照辦理輒以原告不到爲詞詳請註銷查原告三月不到將案註銷之例係指被告早經到案原告日久匿延者而言茲細閱現詳被告並未報案候訊何得專誘原告不到卽

行詳明銷案控關私開鐵爐書吏從中舞弊虛實均應
澈究未便顛預了事仰肇慶府迅卽行提本案原被人
證到府確切訊明分別正誣究革具報毋稍稽延切切
此繳

奉瑞節相札據陽江鎮中軍李遊擊稟覆原摺李

亞祥一案轉行肇慶府

同治八年十月二十九日

爲札知事現奉兩廣總督部堂瑞札開同治八年十月初七日據陽江鎮中軍遊擊李新開稟稱竊照本年九月二十日奉署陽江鎮楊總兵札奉憲台札據肇羅方道以陽江州屬事主葉鶴齡恒豐當店於同治七年二月初七日夜被賊行劫銀錢首飾衣物並拒傷夥伴葉亞高平復經前署本標中軍遊擊李聯升在洋獲犯李亞祥等解交署陽江州張秉彝審訊轉解赴道擬訊各

犯均翻前供一案緣前署遊擊李聯升業已病故飭卽立將原拏李亞祥等各犯之弁兵刻日按名解交肇羅道督同肇慶府確審實情分別辦理等因到遊擊奉此遵查本案所獲各犯原係遊擊尙未到任以前之事本非經手當卽吊查前署李遊擊當日獲解各犯李亞祥等原案卷宗詳加檢閱有蓋用管帶巡洋水師紅單新字號之關防獲犯通報稿一件又蓋用陽江鎮中軍遊擊關防將犯解州審訊稿一件其通報原稿內所稱有管帶隨幫拖船由碭洲旋帆探聞有匪船在水東洋面

出沒飛飭駐防廣洲灣之拖船二隻於七年二月二十日卯刻一同駛至電白蓮頭洋面見有大扒匪船一隻在彼遊駛登卽飭令船弁千總麥岐陳廷勲候補守備李國祥守備銜候補千總黃聯輝候補千總李玉瑤候補把總李明輝余景華吳廷輝等開礮轟擊并揮令各船弁兵水勇向前拏獲等語是千總麥岐等八弁係爲當日原拏李亞祥各犯之弁應并解審緣查麥岐陳廷勲李國祥黃聯輝李玉瑤李明輝余景華吳廷輝等八弁原係分配各拖船管帶水勇跟隨李前署遊擊在於

陽江所屬洋面專司緝捕內有李國祥黃聯輝李玉瑤
李明輝余景華吳廷輝等六弁俱係候補人員其前署
李遊擊到防冊報及按月請領薪水口糧並無聲明各
該弁係何籍貫撥歸何標營分候補卽配船水勇只係
列報花名亦無籍貫其前項各拖船弁勇已於七年閏
四月內由前署李遊擊奉行調省裁撤遣散此時無從
稽查飭傳解審卽奉飭查解原挈之兵當卽飭據本標
左營署守備邱榮高傳查該營兵目僉稱所獲本案各
犯係前署李遊憲原配各拖船水勇原挈並無兵丁在

場拏獲情事遊擊細核本案報稿其前署李遊擊只聲
敘揮令弁兵水勇向前拏獲並無指出何兵姓名係爲
前署李遊擊籠統敘報究竟有無兵丁在場應候查辦
惟查有陳廷勳係廣海寨右哨千總應請先行提解赴
審除移廣海寨都司遵照外至查麥岐一弁原係香山
協左營右哨千總其李國祥黃聯輝李玉瑤李明輝余
景華吳廷輝六弁旣屬候補人員其現隸何標營分應
請分別飭查解審奉飭前因理合據實稟懇察核俯賜
核明檄飭各該原營迅將原拏本案各犯之千總麥岐

一弁及候補李國祥等六弁按名解交肇羅道督同肇慶府確審實情分別辦理再查李前署遊擊通報獲犯李亞祥稿內并有聲敘值巡千總龐景榮把總周鎮邦譚郅邦張兆洋外委李長青等各沿洋偵捕字樣又於復獲船戶羅亞金等十四名連礮械之後聲稱時有署本標右營都司劉鴻珍署左營守備姜季青千總許瑞邦把總張覲光外委沙韻清太平汛外委沙兆鵬北額汛外委何瑞光候補守備徐桂田候補千總馮慶元太平司巡檢劉文淵陽江州張牧派出差役及廣海寨遊

擊馮守信水師提標中營儘先都司黃連安等各駕民
船趕至合力圍拏字樣所列各員弁銜名核與原拏之
千總麥岐等開礮轟擊者未免有間所有千總龐景榮
等及署都司劉鴻珍等各員弁似非與原拏者可比應
請免其解審但遊擊未敢擅便是否有當仰候訓示祇
遵等由到本部堂據此查千總麥岐陳廷勳候補守備
李國祥候補千總黃聯輝李玉瑤候補把總李明輝余
景華吳廷輝既係當日原拏李亞祥等之弁自應按名
解審其千總龐景榮等及署都司劉鴻珍等各駕民船

趕至圍捕核與原挈之千總麥岐等微有區別均准免其解質再上年五月內據李聯升稟報裁撤拖船案內聲明香山協左營右哨千總麥岐廣海寨右哨千總陳廷勳水師提標中營候補把總吳廷輝均應飭發回營候補守備李國祥候補千總李玉瑤黃聯輝候補把總余景華各弁並未投標均應飭發回籍等情惟候補把總李明輝一弁未據聲明現在麥岐隨同順德協右營都司馮登駕船在西海緝捕余景華在署順德協中軍都司黃增勝澄清輪船坐駕除稟批回并札赤溪協轉

飭廣海寨都司卽將千總陳廷勳及札管帶西海緝捕
扒船順德協右營都司馮登管帶澄清輪拖船署順德
協中軍都司黃增勝水師提標中軍叅將將麥岐余景
華吳廷輝解道審辦外合就札飭札到該道卽便遵照
俟陳廷勳等解到卽督同肇慶府提同李亞祥等研
審確情錄供稟候核辦并向該弁等詢明李國祥黃聯
輝李玉瑤李明輝四弁係何籍貫一并稟請行提速速
等因到道奉此合就札知札到該府卽便查照辦理毋
違此札

示禁攔輿遞呈

同治八年十一月初二日

爲出示曉諭事照得本道前於到任後當經示諭每逢
三八日期放告凡民間有負屈難伸之事均准於告期
赴轅呈控歷經辦理在案乃近日竟有並不照依告期
遞呈輒敢具詞攔輿投遞者殊屬非是合行出示曉諭
爲此示諭闔屬人等知悉嗣後爾等如有負屈之事均
應先赴該管州縣控告倘州縣審理不公或任意稽延
准赴本道轅門具控其中或須親提審理或應批飭府
州提訊或仍應批仰該州縣自行訊斷本道自當核其

情節秉公酌奪但爾等務須據事直書照依三八告期
呈控不准捏詞混告亦不得攔輿遞呈致干查究不貸
各宜凜遵毋違特示

禁遞呈抱告人等必須具狀人親屬工丁不得雇

倩遊手閒雜之徒告示

同治八年十一月初十日

爲出示曉諭事照得紳衿耆老以及婦女殘廢人等凡
遇控告詞訟例得用抱代呈謂之抱告然必須本人親
屬或奴僕雇工爲之以憑收呈時訊問情節分別核辦
乃近來肇羅各屬紳耆人等赴本道衙門控告呈詞類
皆雇倩本城遊手之徒冒充具狀人親屬工丁率行投
遞一經訊及呈內情節茫無頭緒殊屬不成事體合行
出示曉諭爲此示仰闔屬紳耆人等知悉嗣後爾等如

有控告詞訟例得用抱代呈者務須遣令親屬或奴僕
雇工赴本道衙門抱詞投遞毋得仍前雇倩遊手之徒
冒名頂替如敢故違除呈詞發還不准外仍將受雇作
抱之人發交高要縣從嚴究懲決不寬貸各宜凜遵毋
違特示

札委從九品周洪鈞前往羅定查李今佺案

同治八年

十一月二十九日

爲札委確查稟覆事案照羅定州詳報賊犯李今佺等搶奪楊達招包裹拒傷事主身死一案先據該州將案犯李今佺黃觀城張木生三名稟解到道提訊犯供翻異發委高要縣確審嗣據該縣以各犯供仍狡展稟經行提人證解質隨據羅定州申解地保陳整鞋二汛兵譚亞志二名當經飭發高要縣提同各犯質訊究辦茲據署高要縣王令稟稱遵提研訊據李今佺黃觀城張

木生供稱因楊達招向來拐賣猪仔同治六年間伊李
今佺堂弟李亞六被其引往佛山生理至今未回同治
七年十月二十八日午候伊李今佺在平塘寨村前取
水灌田適楊達招盧友太葉琛三人走過伊李今佺向
楊達招跟究李亞六下落口角爭鬧時伊黃觀城張木
生路過看見勸解伊李今佺一時氣忿用烟筒將盧友
太毆傷並用腳踢傷楊達招腎囊與伊黃觀城等將楊
達招扯至平塘墟報明墟眾扶楊達招至地保陳整鞋
二家養傷邀請在墟之陸姓醫生用藥調治不效至十

一月初六日身死伊李今仝實因向楊達招跟究堂弟李亞六下落爭毆致傷身死並無與伊黃觀城等搶奪情事委係盧友太架誣等語反復研究極口呼冤質之地保陳整鞋二汛兵譚亞志僉供係盧友太向伊等報知被搶當日挈獲李今仝等並無贓據詰之至再均不能指出搶奪實據查羅定州原詳屍親呈報楊達招於十月二十八日傍晚時候在州屬土名寮塘凹地方被賊搶奪拒傷卽在該處身死現訊李今仝等則稱十月二十八日午候在平塘寨村前與楊達招爭鬧踢傷後

扶至平塘墟地保陳整鞋二家醫傷至十一月初六日
身死所供日時地名核與原詳大相逕庭是否實係搶
奪殺人抑係爭毆斃命罪名出入甚鉅理合錄具供札
稟繳憲台察核該犯等是搶是鬪當日實係何時刻滋
事楊達招委係何日身死並死在何處似須確切查明
方足以昭核實而成信讞卑職愚昧之見是否有當聽
候批示祇遵等情連繳供摺一扣到道據此查高要縣
現訊供情既與羅定州原詳情節大相逕庭必須委查
明確方能核辦合就札委札到該員即便遵照刻日束

裝馳往羅定州屬確查本案是搶是鬪當日實係何時
刻滋事楊達招委係何日身死並死在何處分晰稟覆
赴道以憑飭知高要縣核辦該員係特委之員務須確
切查明作速稟覆毋稍顛預稽延致負委任切切特札

卷一

三

札飭高要縣將命犯盧林高立提確訊

同治八年十二月初

二日

為札委確審事案照陽江州申詳州民李立基被盧林高等致傷身死移屍不失一案現據該州將盧林高謝亞三二名審解赴道當經本道迭次提訊雖據該犯等供認共毆致傷李立基身死不諱惟所供起衅情節核與州詳大相逕庭且據盧林高供稱娶妻曾氏而查閱州詳則稱該犯並無妻子究竟因何互異必須委審明確以成信讞除犯人盧林高等現禁該縣監毋庸提發

外合就札委札到該縣即便遵照立提陽江州命案人
犯盧林高謝亞三二名隔別研訊務得實情錄取切供
按擬解勘毋違此札

札飭肇慶府速向千總陳廷勳詢明吳廷輝等是

何籍貫

同治八年十二月十二日

爲札遵事同治八年十二月初九日奉兩廣總督部堂
瑞札開同治八年十一月二十五日據署水師提標中
軍叅將鄭耀祥稟稱案奉憲臺札開同治八年十月初
七日據陽江鎮中軍遊擊李新開稟稱竊照本年九月
二十日奉署陽江鎮楊總兵札奉憲臺札據肇羅方道
以陽江州屬事主葉鶴齡恒豐當店於同治七年二月
初七日夜被賊行劫銀錢首飾衣物并拒傷夥伴葉亞

高平復經前署本標中軍遊擊李聯升在洋獲犯李亞祥等解交署陽江州張秉彝審訊轉解赴道提訊各犯均翻前供一案緣前署遊擊李聯升業已病故飭卽立將原挈李亞祥等各犯之弁兵刻日按名解交肇羅道督同肇慶府確審實情分別辦理等因到遊擊奉此遵查本案所獲各犯原係遊擊尙未到任以前之事本非經手當卽吊查前署李遊擊當日獲解各犯李亞祥等原案卷宗詳加檢閱有蓋用管帶巡洋水師紅單新字號之關防獲犯通報稿一件又蓋用陽江鎮中軍遊擊

關防將犯解州審訊稿二件其通報原稿內所稱有管帶隨幫拖船由碇洲旋帆探聞有匪船在水東洋面出沒飛飭駐防廣州灣之拖船二隻於七年二月二十日卯刻一同駛至電白蓮頭洋面見有大扒匪船一隻在彼遊駛登卽飭令船弁千總麥岐陳廷勳候補守備李國祥守備銜候補千總黃聯輝李玉瑤候補把總李明輝余景華吳廷輝等開放大礮轟擊并揮令各船弁兵水勇向前拏獲等語是千總麥岐等八員係爲當日原拏李亞祥各犯之弁應并解審緣查麥岐陳廷勳李國

祥黃聯輝李玉瑤李明輝余景華吳廷輝等八弁原係分配各拖船管帶水勇跟隨前李署遊擊在於陽江所屬洋面專司緝捕內有李國祥黃聯輝李玉瑤李明輝余景華吳廷輝等六弁俱係候補人員其前署李遊擊到防冊報及按月請領薪水口糧并無聲明各該弁係何籍貫撥歸何標營分候補卽配船水勇只係列報花名亦無籍貫其前項各拖船弁勇已於七年閏四月內由前署李遊擊奉行調省裁撤遣散此時無從稽查飭傳審訊等情到本部堂據此查千總麥岐陳廷勳候補

守備李國祥候補千總黃聯輝李玉瑤候補把總李明輝余景華吳廷輝既係當日原掣李亞祥等之弁自應按名解審再上年五月內據李聯升稟報裁撤拖船案內聲明香山協左營右哨千總麥岐廣海寨右哨千總陳廷勳水師提標中營候補把總吳廷輝均應飭發回營候補守備李國祥候補千總李玉瑤黃聯輝候補把總余景華各弁并未投標均應飭發回籍等情惟候補把總李明輝一弁未據聲明除分札飭遵外札仰叅將卽將候補把總吳廷輝刻日解交肇羅道督同肇慶府

審訊毋稍遲延仍將起解日期報查等因奉此當卽轉行遵照解送去後茲據中軍守備譚琛稟稱依奉遵查本營候補各弁並無吳廷輝之名卷查歷年亦無該候補把總吳廷輝到營投標候補實屬無從起解奉行前因合就具文稟覆伏候轉覆等情據此查吳廷輝前由軍功六品記名外委因剿辦廣西梧州下郢賊匪出力據廣西記名道桂林府知府吳鎬稟請外獎經勞前部堂准以把總補用並准撥水師提標中營充伍札飭該營遵照在案其原籍何縣無案可稽茲據稟該弁並無

到營投標候補無從起解等情查廣海寨右哨千總陳廷勳已據陽江鎮呈報於十月二十日解赴該道質訊自應由該道督飭肇慶府向陳廷勳詢問吳廷輝係何籍貫稟請行提質訊除稟批回知照外合就札飭札到該道即便督飭肇慶府速向千總陳廷勳詢問准撥水師提標中營尙未到標之候補把總吳廷輝及未撥營投標之候補守備李國祥候補千總李玉瑤黃聯輝候補把總李明輝各弁係何籍貫一併稟請行提質訊毋稍稽延速速等因到道奉此合就札飭札到該府即便

卷之四

一

一

遵照母違此札

上瑞節相稟將查訊千總陳廷勳供情察核示遵

同治八年十
二月十六日

敬稟者案照陽江州屬事主葉鶴齡恒豐當舖店被劫一

案先經職道將查訊李亞祥等供情稟奉憲臺暨督憲

行提原拏李亞祥等之弁兵解道審辦並奉督憲行知

據陽江鎮中軍遊擊李新開查復本案原拏之署遊擊

李聯升業已病故檢查獲解李亞祥等原案香山協左

營右哨千總麥岐廣海寨右哨千總陳廷勳候補守備

李國祥守備銜候補千總黃聯輝候補千總李玉瑤候

補把總李明輝余景華吳廷輝八弁均係原掣之人惟李國祥黃聯輝李玉瑤李明輝余景華吳廷輝六弁俱係候補人員當日分配各拖船管帶水勇跟隨李署遊擊在洋緝捕其李署遊擊到防冊報及請領薪糧均未聲明各該弁係何籍貫撥歸何標營分候補前項拖船弁勇早已奉行裁撤遣散現在無從稽查理合稟請查明檄飭各該弁原營分別解審等情查麥岐現隨順德協右營都司馮登駕船在西海緝捕余景華在署順德協中軍都司黃增勝澄清輪船坐駕吳廷輝一弁前據

李聯升稟報裁撤拖船案內聲明係水師提標中營候
補把總除札赤溪協轉飭廣海寨都司將千總陳廷勳
及札馮登黃增勝並水師提標中軍叅將將麥岐余景
華吳廷輝解道審辦外札道卽便遵照俟陳廷勳等解
到立卽督同肇慶府提同李亞祥等研審稟辦並向該
弁等詢明李國祥黃聯輝李玉瑤李明輝四弁係何籍
貫一併稟請行提等因隨於同治八年十一月初十日
准陽江鎮將千總陳廷勳移解到道當經飭發肇慶府
先行提審嗣據署肇慶府蔣守稟稱遵卽提同李亞祥

等質訊據該千總陳廷勳供稱伊奉派在廣州灣洋面管帶新字第二四號拖船分防巡緝七年二月十九日伊與候補把總李明輝均奉營主李遊擊調遣幫同捕盜卽日由廣州灣開行於二十日午候駛到放雞仔山洋面適見李遊擊已將李亞祥等連船一併挈獲船內見有銀兩不知數目多少李遊擊稱說俟定案後將銀分賞兵勇伊隨卽駛回廣州灣巡防並無得有銀兩後來亦無將銀分給兵勇之事伊當日係奉營主調往李亞祥等是否賊匪並不知悉至起獲首飾等件當時亦

未看見李遊擊如何將李亞祥等解赴陽江伊均不知
情李遊擊只在沙扒洋面拏獲羅亞金等維時伊已回
廣州灣段內巡緝並未在場李國祥等各弁伊亦不知
何處籍貫質之李亞祥等則堅供如前極口呼冤並稱
伊等被獲之時因師船人眾究竟是何員弁拏獲伊等
實不能辨認伊等平日委無爲匪等情具稟前來職道
正在督同覆訊核辦間旋奉憲臺先後行知以現據黃
增勝轉據余景華稟稱李遊擊拏獲李亞祥等之時該
弁正在省局請領口糧銀兩並未在場究竟所稟是否

屬實應卽飭局查覆核辦其吳廷輝一弁現據水師提標中軍叅將鄭耀祥查復該弁並未到營收標各弁內亦無其人究竟該弁係何處籍貫飭卽由道督同肇慶府向陳廷勳詢明稟請行提各等因到道奉此職道當卽督同署肇慶府蔣守復提該千總陳廷勳確訊該千總供仍如前詢以吳廷輝等各弁是何籍貫該千總猶稱不知道經再三研詰始據供稱吳廷輝黃聯輝李明輝均係順德縣陳村人李國祥係東莞縣人李玉瑤係鶴山縣人各該弁自銷差後均已回家歸農等語職道

伏查本案獲解李亞祥等之李署遊擊業經病故原挈各弁共有八人現僅千總陳廷勳到案而提訊該千總又復狡展不承必須提集麥岐等各弁澈底訊明方能水落石出緣奉前因合將查訊供情具稟憲臺察核俯賜飭催善後總局查復余景華有無在場飭知核辦一面行提麥岐等各弁趕緊解道以便督同肇慶府研訊確情分別辦理實爲公便

卷之二

三

--	--	--	--	--	--	--	--	--

行知肇慶府將練兵一百五十名在郡城分段查

緝 同治八年十二月十七日

爲飭遵事現准肇慶協移開竊查肇城地方遼濶水陸
衝途上達梧潯下通省佛實爲兩粵咽喉之地而附城
東南隅枕近大河西北廓連阡荒野城廂內外民居鱗
疊良歹不齊一切防範稽查在在均關緊要况當歲暮
在卽尤難保該匪不乘機竊發貽害閭閻必須設法分
段嚴查方免滋蔓爲患前經會商高要縣示諭民居店
舖一體實力團練互相保護並捐廉懸賞嚴緝匪徒但

思民團只得自衛至郡城之廣跣緝之難仍須助以兵力分段查緝方期有濟敝協身任城守不敢稍存漠視當復與同城文武彼此籌商因敝營各兵自奉裁減三成以後操防差遣已形不敷此外無可抽派祇有練兵四百名除留防高明一百名派配扒船一百五十名外尙餘練兵一百五十名茲擬由十二月初一日起將該練兵一百五十名分派郡城東西南北四隅分列四段每段派兵三十名由敝協飭委存城千總陳光亮馬有匪把總張預佑外委陳兆威等分別督帶各於段內勤

加巡邏嚴密稽查以輔民團之不逮其餘三十名仍由
敝協每晚親督出巡以稽勤惰擬定地方彼此會哨務
期兵民聯絡保護地方似此分段各有責成巡緝較爲
週密除將分派練兵一百五十名在郡城分段查緝各
緣由稟報督撫憲外合就移會爲此合移貴道請煩查
照轉飭一體查緝施行等由到道准此合就札飭札到
該府卽便轉飭一體查緝毋違

命世之所集不

一

移香山協迅將千總麥岐移解過道以便訊明分

別辦理

同治八年十二月十七日

爲移催解審事同治八年十一月十五日奉兩廣總督
部堂瑞札開同治八年十月二十九日據管帶西海緝
捕巡船順德協右營都司馮登稟稱十月二十四日奉
憲札內開據陽江鎮中軍遊擊李新開稟奉札以前署
本標中軍遊擊李聯升在洋獲犯李亞祥等解交陽江
州審訊轉解赴道提訊各犯均翻前供飭將原挈弁兵
解道審訊理合查明稟請檄飭各原營按名解送等由

查千總麥岐現隨同順德協右營都司馮登駕船在西
海緝捕札飭該都司卽將千總麥岐刻日解交肇羅道
督同肇慶府審訊等因奉此理宜遵卽解訊緣奉撥香
山練兵原係大洋水師各兵俱未諳西海內河水性船
務屢次更換未得妥協只得稟懇總局更換別營昨於
十六日已奉准改撥順德練兵而千總麥岐早經因病
稟假回營調理隨於十月十五日見久病未痊續經稟
懇再給假十日茲接奉憲札飭解該千總之日而麥千
總尙未回船現奉行將香山弁兵送回另換順德協弁

兵忖思麥千總現旣在營中合無仰懇轉行香山協就近飭解審訊俾免往返稽遲之處理合據實稟覆伏候察核批示飭遵等由到本部堂據此查香山協左營右哨千總麥岐旣因病請假回營調理尙未回船應如稟卽飭香山協就近解訊以免耽延除稟批回及札香山協遵照立將千總麥岐刻日解交肇羅道督同肇慶府訊明分別辦理毋任藉病耽延致稽通案仍將起解日期報查外合就札飭札到該道卽便查照毋違等因到道奉此迄今日久未准移解合就移催爲此合移貴協

希爲查照迅將該千總麥岐移解過道以憑督同肇慶
府提同李亞祥等質訊明確分別辦理停案以待請勿
有遲施行

批開建縣革生李國棟控游連科包斷翻案

同治八年

十二月
十八日

案經批行該府提訊茲據呈該革生業已攜同李覃氏赴府投到詎被游連科懷挾訟嫌帶同縣役前往該革生家搜掠衣物並將該革生之子李鶴儔獲押等情果否屬實仰肇慶府迅卽行提游連科等到案併訊明確分別究斷具報毋稍稽延切切粘抄保領并發

各工ノ片屋石ノ一

三

致王補帆方伯書

同治八年十二月十九日

西江水陸一帶盜匪充斥搶劫頻仍雖經該管文武實力查拏而地方遼濶宵小出沒靡常難免顧此失彼之患幸承閣下顧慮周詳稟商兩院派撥巡船爲護送幫船之舉復經肇慶營張協戎水師利叅戎會議章程妥爲經理昨又准張協戎移知撥定協標練兵一百五十名分派郡城四隅每夜認真巡緝暨隨時親帶稽查本年一冬地方尙無搶劫巨案足紓綺廛第各兵勇緝捕勤奮著有微勞所有逐月應領薪糧似應按期給發方

足以資鼓舞頃接張協戎等來函以本月應領護幫各
船糧銀探聞省局支絀年內恐難領到卽協標練兵應
領口糧亦尙欠給轉瞬歲暮誠恐各兵勇喧嘩求索焦
急實深囑爲設法等語伏思閣下慎重公事體恤兵艱
若非因經費支絀萬分斷不肯將前項薪糧延欠此間
苟可設法代籌亦斷不肯上瀆清聽無如前項爲數甚
鉅而弟等則力薄如棉此中情形諒已久邀洞鑒此外
署肇慶蔣守缺分甚優張協戎等曾向其小有張挪亦
難隨時應手近則考試忙碌無暇謀面展轉思維可否

仍懇臺端將前項應發各兵勇薪糧於年內如數給發俾免枵腹從公是所感禱

再此間督標各營於巡緝之事向不與聞卽肇慶協一營亦復老弱叅半徒擁眾兵之名實則毫無片長寸效現在張協戎自奉文裁額後力加訓練并無浮冒仿照弟所擬查夜章程分設數卡渠則每夜在城廂內外督帶巡緝至護幫船隻亦經張利兩公於省局新定章程略加變易彼來此往燕雁代飛頗覺一新壁壘雖不敢謂功效畢著若從此照章辦理必可盜戢民安惟旣責

以認真從事自未便令其藉口饑寒閣下維持全省昕
夕焦勞弟等原不忍自顧一隅上煩籌畫第當捕務喫
緊之時不容稍形疎懈用特將現辦情形再爲函佈伏
候尊裁餘俟弟開正晉省時再爲面陳也

嶺西公牘彙存卷二目錄

同治九年正月初八日起至十二月初三日止

陽江州恒豐當被劫案獲犯李亞祥等訊係營弁

栽贓誣陷擬請先行取保釋放并將原掣各弁

及承審官量予示懲核示祇遵上

瑞節相稟同李中丞

九年正月

附錄瑞節相札

初八日

附錄瑞節相奏稿

西甯縣辦理防剿西匪竄擾情形上

瑞節相稟同李中丞

九年二月

初七日

西甯社廊村踞匪業經擊退該縣現仍辦理防堵

請撥火藥以應急需上

瑞節相稟同治九年二月初十日

附瑞節相批

附李中丞批

致西甯劉竹卿明府書 同治九年二月初十日

致王補帆方伯書 同治九年二月十四日

致王補帆方伯書 同治九年二月十六日

致西甯劉竹卿明府書 同治九年二月二十日

西甯縣社廊村匪徒擊退後該縣現在分飭局紳

團練辦理善後一切情形上瑞節相稟 同治九年二月

二十 附瑞節相批

日 附李中丞批

批署肇慶府蔣立昂稟遵批核覆高要縣稟請仿

照韶州章程如有欠解考費銀兩交卸後扣留

勒解始准會算交代請示

同治九年二月二十八日

致

王補帆方伯
孫省齋廉訪書

同治九年三月十七日

批陽江州耆民楊啟光等控變章加抽赴訴架押

仰乞吊放

同治九年三月二十三日

批恩平縣刑部主事馮典夔等控差串結陷良保

兇等情

同治九年三月二十九日

高要等縣會同查辦潛回客眾情形與肇慶府聯

銜上

瑞節相
李中丞稟

同治九年四月初七日

批候補縣丞高兆霖稟四月十一日夜城內有匪

徒明火行劫 同治九年四月十三日

籌議郡城設卡撥兵駐宿巡查并請將留防高明

練兵四十名調回差遣會同肇慶協張副將上

瑞節相 同治九年四月二十日
李中丞 稟

批署因心平縣俞功懋
委員江林藻 會稟會查柳合船被毀掠等情

據實稟覆 同治九年四月二十四日

請添派新江河面緝捕巡船會同肇慶協張副將

上 瑞節相 稟 同治九年四月二十五日
李中丞

批

署高西女縣王炳文
高要縣縣丞呂瑛

會稟四月十一日夜米倉巷

李姓十字街梁姓二家被賊圖竊未成並非強

劫

同治九年四月二十六日

札飭各屬籌辦保甲團練

同治九年四月二十七日

酌擬保甲團練章程

同治九年四月二十七日

批署高明縣吳福田稟卑職抵任察看地方情形擬

辦事宜請示祇遵

同治九年四月二十八日

批開建縣武生鄧錫長控訟棍唆擺串閹瞞聳封

拆民房

同治九年五月初四日

致王補帆方伯書同治九年五月
貴晉廷署臬書月二十七日

卸恩平縣柳應喬回省船隻被搶案請嚴飭現署

縣俞功懋認真拏辦上瑞節相稟附錄瑞節相
李中丞批附錄李

中丞批 同治九年六月初二日

批高要縣孀婦張陳氏控死難復生冤猶可解同治

九年六月初五日

致善後總局司道書同治九年六月初九日

批開建縣孀婦黃林氏控呈同治九年六月十九日

致王補帆方伯書同治九年六月二十一日
貴晉廷署臬書

奉瑞節相札轉飭所屬隨時加意保護各處教堂

及傳教士如有匪徒造言生事立予懲處將辦

理緣由稟復察核

同治九年六月二十七日

批陽江州監生陳岳齡控陳煥芳鑽修族譜廢兄

滅祀等情

同治九年六月二十六日

批署開建縣彭保又稟同治七年八月奉文帶徵

咸豐九年分民欠業經兩次具稟復再縷陳懇

乞察核示遵

同治九年七月初四日

致王補帆方伯書

同治九年七月初六日

批署肇慶府蔣立昂稟修復廠簿用過工料銀兩

在蔡守捐存巡船經費項下提用請示同治九年七月

初六

日

批陽春縣貢生劉榮輦等控衙蠹覬覬瞞聳封禁

穀米壅塞病民同治九年七月二十二日

批羅定州黃光周申詳命犯林小九在監病故訊

驗同治九年八月初九日

擬給洋人閱看節畧四條上瑞節相稟附節畧四條 同治

九年九月

十五日

請將院批李亞聚就地正法一節迅即移復致孫

省齋廉訪書

同治九年九月三十日

批廣西懷集縣屬通江客商聯和店等控在廣甯

河面疊遭劫殺請派兵剿辦

同治九年十月十三日

批

肇慶府經歷戴喬林署高明縣吳福田

會稟同查勘過客田已未變價

數目情形

同治九年閏十月初四日

批高明縣民婦甘張氏控擄捉刑斃賄弄冤封治

同治九年閏十月初八日

九年閏十月初八日

為高要縣考事與肇慶府出示曉諭

同治九年閏十月十三日

批東安縣生員彭沛樊履祥等控滅理肆逆經斷欺釋

同治九年閏十一月二十四日

批東安縣民林紹達啟芳控偽判串吞叩乞親提斷結

同治九年十一月初四日

批學前東西街舖民正和店等控賭館被封賭棍

復領同治九年十一月初九日

批署肇慶府蔣立昂稟高明縣客民遺產尙未變

田一千四百零二畝請如該縣所稟分別召變

召佃請示同治九年十一月十八日

批署高要縣王炳文稟馮光緯等呈請五顯廟唱

夜戲稟請批示

同治九年十一月二十五日

擬委署肇慶府蔣立昂往勘高明客產上

瑞節相
李中丞

稟

同治九年十一月二十七日

批開建縣蔡作聘等控曲直已分判涉兩歧莫適

從違

同治九年十二月初三日

--	--	--	--	--	--	--	--	--	--

嶺西公牘彙存卷二

定遠 方濬師 子嚴

陽江州恒豐當被劫案獲犯李亞祥等訊係營弁

栽賊誣陷擬請先行取保釋放并將原挈各弁

及承審官量予示懲核示祇遵上瑞節相稟同

九年正月
初八日

敬稟者竊照陽江州屬事主葉鶴齡當典被劫獲犯李亞祥等一案先經職道將委審李亞祥等各供及委員查復并傳事主到案認賊情形詳晰具稟奉憲台行提

原掣李亞祥等之弁兵解道督同肇慶府審辦旋准陽江鎮將原掣之廣海寨右哨千總陳廷勳移解到道并奉憲臺行知以原掣之香山協左營右哨千總麥岐現經發文行提余景華一弁據稱當日獲犯時該弁正在省局請領口糧銀兩并未在場是否屬實應俟飭局查復再行飭知核辦其吳廷輝李國祥黃聯輝李玉瑤李明輝等五弁均係候補人員并未到營收標銷差後俱各遣散回籍其原籍何處亦無從稽查飭卽向已到之陳廷勳詢問各該弁是何籍貫稟請行提等因當將陳

廷勲飭發肇慶府先行提審嗣據該府蔣守稟稱遵卽
提同李亞祥等質訊據該千總陳廷勲供稱伊奉派在
廣州灣洋面管帶新字二四號拖船分防巡緝七年二
月十九日伊與候補把總李明輝均奉營主李遊擊調
遣幫同捕盜卽日由廣州灣開行於二十日午候駛到
放雞仔山洋面適見李遊擊已將李亞祥等連船一併
挈獲船內見有銀兩不知數目多少李遊擊稱俟定案
後將銀分賞兵勇伊隨駛回廣州灣巡防并無得有銀
兩後來亦無將銀兩分給兵勇之事伊當日係奉營主

調往李亞祥等是否賊匪并不知悉至起獲首飾等件
當時亦未看見李遊擊如何將李亞祥等解赴陽江伊
均不知情李遊擊只在沙扒洋面挈獲羅亞金等維時
伊已回廣州灣段內巡緝并未在場李國祥等弁伊亦
不知何處籍貫質之李亞祥等則堅供如前極口呼冤
并稱伊等被獲之時因師船人眾究竟是何員弁挈獲
實在不能辨認伊等平日委無爲匪等情具稟前來職
道當卽督同蔣守復提千總陳廷勳確訊該千總供仍
如前訊以吳廷輝等各弁是何籍貫該千總猶稱不知

迨經再三研詰始據供稱吳廷輝黃聯輝李明輝均係順德縣人李國祥係東莞縣人李玉瑤係鶴山縣人等語業經職道將訊過該千總陳廷勳供情稟請行提麥岐及吳廷輝等各弁解道督審在案茲奉憲臺行知現據善後總局查復當日余景華於本案獲犯時委在省局請餉并未在場自應免其解質等因職道伏查本案李亞祥等八名現經迭次提訊堅不承認行劫情事據供或操舟貿易或搭船傭工業經委員邱鴻星前往澳門水東等處確查無異并飭據署虎門同知許丞延穀

查復相符所有起獲贓物又經飭傳事主司事到案認明并非原贓其爲安分良民毫無疑義究竟當日李遊擊等如何憑空妄拏如何栽贓誣陷亟應澈底究明據實懲辦惟提訊該千總陳廷勳一概諉爲不知狡不吐實顯係李遊擊業經病故恃無質證任意推諉該千總一人如此則將來原拏之千總麥岐等到案亦無非一味狡賴可想而知且該弁等多未收標散處各縣尤難必其何時方能解到而李亞祥等無辜被誣羈獄已二年之久情殊可憫職道與肇慶府蔣守再三商議與其

輾轉行提徒稽時日孰若就案完結早日超生可否仰
懇憲恩俯准將李亞祥蔡亞日陳亞維劉亞炳盧亞春
陳亞恩陳亞得葉亞月等八名就近先行取保釋放以
省拖累仍札飭陽江州勒緝葉鶴齡當典被劫案內正
盜務獲另行詳辦并將起獲船隻給與李亞祥領回該
千總陳廷勳與未經提到之千總麥岐守備李國祥千
總黃聯輝李玉瑤把總李明輝吳廷輝等既係原拏之
弁應如何量予示懲之處聽候鈞裁至承審此案之前
署陽江州張秉彝草率問供接署知州孔昭浹雖經稟

明在先究亦不能審實均有不合應請一併分別薄懲再候補布政司經歷邱鴻星經職道上年委赴澳門水東等處訪查李亞祥等原委時當盛暑之際該員不辭勞瘁輾轉訪查復至香港細詢顛末往返千有餘里始得其實尙屬著有微勞可否仰懇憲恩給予儘先超委一次以昭激勸是否有當理合具稟憲臺察核俯賜批示祇遵實爲公便

附錄瑞節相札

查此案前據署遊擊李聯升稟稱於七年二月二十

日在電白蓮頭洋面飭令船弁麥岐等八名開礮轟擊拏獲李亞祥等共二十五名旋於二十一日巡至本境拏獲羅亞金等十四名茲據陳廷勳供稱七年二月二十日伊在放雞仔山洋面見李遊擊已將李亞祥等連船拏獲其在沙扒洋面拏獲羅亞金等時伊未在场一味諉卸前署遊擊李聯升業已病故無可質證其未到各弁多未收標散處各籍提解固屬需時將來到案亦難保不任意推諉既據迭次研訊李亞祥等或操舟貿易或搭船傭工并不承認行劫

飭據查覆相符係被妄挈無疑李亞祥等無辜羈獄已閱二年情殊可憫應如稟就案完結就近先行取保省釋連起獲船隻給予領回以免拖累除妄挈無辜之前署遊擊李聯升業已病故及候補把總余景華實未在场應毋庸議外所有隨同妄挈之廣海寨右哨千總陳廷勳香山協左營右哨千總麥岐准撥水師提標中營尙未到標之候補把總吳廷輝尙未投標之候補守備李國祥候補千總李玉瑤黃聯輝候補把總李明輝應候分別奏咨革職以示懲儆

毋庸解質再查定例官員審理盜案初審不實未經
招解離任者免議此案卸署陽江州張秉彝未經招
解雖止初審不實例得免議惟據該道稟稱原問官
一味刑求幾致蔡亞日等枉遭駢首等語張秉彝係
候補知縣應由外酌予停委三年其接審不實亦未
招解之孔昭浹酌記大過一次以示薄懲仍飭陽江
州營勒緝葉鶴齡恒豐當店被劫案內正盜務獲另
辦除分飭各縣營遵照及札東藩司將張秉彝孔昭
浹分別停委記過外合就札飭札到該道即便督飭

肇慶府遵照將李亞祥等八名刻日就近先行取保
省釋并飭將起獲船隻給予領回以免拖累仍將交
保日期報查一面嚴飭陽江州會營上緊勒緝葉鶴
齡恒豐當店被劫案内正盜務獲另行詳辦均毋延
縱

附錄瑞節相奏稿

奏爲特叅隨同妄挈良民之武弁請 旨革職以肅
營伍恭摺仰祈聖鑒事竊據前署陽江鎮中軍遊擊
李聯升稟報該署遊擊管帶拖船督率香山協左營

右哨千總麥岐廣海寨右哨千總陳廷勳候補守備
李國祥千總黃聯輝李玉瑤把總李明輝吳廷輝巡
洋緝捕於同治七年二月二十日在電白蓮頭洋面
挈獲賊匪李亞祥等二十三名及匪船一隻原贓銀
兩珍珠等物二十一日又在本境沙扒洋面挈獲船
戶羅亞金夥伴羅觀佑等十四名及匪船一隻聲明
李亞祥等係行劫程村恒豐當店正盜羅亞金等搭
載賊匪李亞祥等過船等情當經飭發陽江州提訊
李亞祥等供情游移批飭解道勘審以昭慎重茲據

肇羅道方濬師督同肇慶府蔣立昂悉心研審李亞祥等與羅亞金等或操舟貿易或搭船傭工僉供并無行劫及搭載賊匪情事復飭委員嚴密訪查李亞祥等委係安分良民并非行劫正盜核與李亞祥等所供相符隨傳恒豐當店事主到案將起獲賊物飭令當堂認明委非被劫原贓其爲誤挈無疑等情具稟前來臣等伏查該千總麥岐等隨同遊擊李聯升巡洋緝捕并不確切查明輒卽妄挈良民李亞祥等指爲盜匪解案希圖邀功以致無辜受累實屬輕率

妄爲未便稍事姑容相應據實奏叅請 旨將儘先
補用守備香山協左營右哨千總麥岐廣海寨右哨
千總陳廷勳候補守備李國祥守備銜候補千總黃
聯輝候補千總李玉瑤候補把總李明輝吳廷輝一
併革職以肅營伍前署遊擊李聯升有督緝之責乃
於千總麥岐等誣良爲盜旣不能查察於臨時又復
混稟於事後實非尋常玩忽可比業經病故應請免
議除咨明兵部查照併將麥岐陳廷勳所遺千總缺
另選拔補追出原領劄付呈繳送銷暨飭將李亞祥

等省釋連起獲船隻給予領回并飭緝恒豐當舖被
劫案內正盜務獲究辦外臣等謹合詞恭摺具陳伏
乞 訓示

西甯縣辦理防剿西匪竄擾情形上

瑞節相
李中丞稟同治

九年二月

初七日

敬稟者本年二月初六日早據署西甯縣知縣劉紀勳稟稱縣屬西北一帶界連廣西蒼梧縣屬之廣平及藤縣屬之新利墟江背等處時有匪徒出沒迭經諭令峽上桂河一帶鄉村認真團練防守本年二月初二日據社廊村六品軍功謝立中赴縣報稱初一日夜五更時候有廣平土匪七百餘人突行竄入村內各人驚起鳴鑼各團勇因在黑夜措手不及互有殺傷被該匪佔踞

謝樹勲房屋現在各村均起團練四面堵剿等情卑職當卽會同唐守備督帶兵勇二百五十名并諭調各鄉團勇數百名卽於是日馳往堵剿復諭飭桂河各鄉大起團練分紮要隘懸立重賞務將該匪等痛加懲創毋使漏逸惟聞該匪等尙有數百人與籍隸藤縣之匪首嚴要屯聚新利墟等處卑縣路路可通防不勝防惟有激勵鄉團竭力防守不敢稍形鬆懈等情查該匪等膽敢聚集多人竄擾鄉村佔踞房屋必應嚴行剿辦以靖地方當卽飛檄西甯縣會同營員督帶兵勇前往設法

防堵相機剿辦一面函致廣西梧州府檄飭蒼梧藤縣等縣嚴密查拏暨分札與西甯交界之德慶封川羅定東安等州縣認真防堵并札委高要縣縣丞呂瑛馳往西甯縣查探賊匪情形稟覆核辦在案茲於二月初七日未刻據署西甯縣劉令稟稱本月初二日卑職會同唐守備親督兵勇馳赴扼要之桂河地方隨據局紳廖紹麟等帶同各鄉練勇一千名又據桂河紳士李春蕃等及代防都城汛千總陳璉親帶練勇汛兵先後趕到人心頗稱踴躍隨探聞匪首李北佑李卓遂張二等各

股尙有千餘人在後接應現幸峽上各鄉團練均極齊心已將各隘口嚴堵斷賊歸路但該村礮樓爲其佔奪必先奪回當卽懸立重賞隨據軍功汪賢昭等帶練勇一百名前往攻取殺斃賊匪十餘人攻開礮樓各匪紛紛逃竄將礮樓奪回該匪等無所依恃正在督兵進紮圍攻忽據探報賊首李北佑李卓遂張二等率匪千餘人一由大筭嶺一由塌旺嶺分兩路前來救應卑職當卽添募壯勇二百名於初二晚與唐守備分路連夜截剿卑職督飭紳士劉榮等壯勇二百名局紳廖紹麟等

練勇五百名迎擊埔旺一路是夜子刻該匪燃燒火炬向我軍衝撲各勇奮力爭先施放鎗礮陣擊悍賊二十餘名生擒十名唐守備督同千總陳璉兵丁五十名軍功邱俊發壯勇二百名桂河局紳李春蕃等練勇五百名向大笏嶺一路進堵初三日黎明遙見賊由山上撲下我軍鎗礮齊施斬獲賊匪十餘名生擒八名統計兩路奪獲旂幟礮械多件該匪見勢不敵仍向山僻小路竄回廣西之桂園甘村等處趕殺十餘里未便越境窮追查點兩路陣亡練勇三名重傷壯勇二十三名輕傷

六名分別賞卹醫調一面分派練勇緊紮交界隘口嚴堵并激勵兵勇團練進攻社廊村務將各匪全數擒斬毋任漏逸等情到道據此職道伏查此次西匪竄擾西甯縣境該署縣劉令督率兵勇鄉團前往堵剿辦理尙稱得手惟社廊村之匪未曾退出李北佑等各股匪徒亦尙在梧州邊境而肇羅兩屬之德慶封川西甯等處均與梧州毘連亟應嚴飭西甯縣趕緊乘此聲勢實力堵剿并由該縣移會廣西梧州藤兩縣合力兜拏以期一鼓撲滅免致蔓延爲害除飛檄西甯縣遵照辦理外合

將據報西匪竄擾西甯縣境現在辦理防剿情形馳稟
憲臺察核

--	--	--	--	--	--	--	--	--	--

西甯社廊村踞匪業經擊退該縣現仍辦理防堵

請撥火藥以應急需上

瑞節相李中丞稟同治九年二月初十日

敬稟者竊職道前將據報西匪竄擾西甯縣境及辦理防勦情形馳稟憲鑒茲於二月初九日戌刻據署西甯縣劉令稟稱本月初三日卑職與唐守備督飭兵勇鄉團將佔踞社廊村之匪四面環攻殺斃及生擒賊匪多名奪獲礮械等件各匪夤夜奔逃復經我軍擒斬無算當將該村克復并據先期設伏之兵勇團練獲匪多人斬獲首級耳記甚多現仍飭令團練嚴堵隘口以防該

匪復來但軍火礮械爲防勦必需要件昨赴德慶州移借僅得火藥百斤旋即用竣刻下在在設防團練紛紛請領均無給發急灼殊深應請轉請督憲迅賜撥發火藥擡鎗鳥鎗等物下縣俾應急需而利防勦又據該合另單稟稱該匪等雖經大受懲創但探聞匪首張二巖要等尙在廣西之新利墟及月洞河口江榕等處聚黨千餘難保不圖報復亟應嚴密堵禦惟行軍以礮火爲先現在需用甚急勢難稍緩應請先於肇慶各營就近借撥火藥火繩鉛子火箭噴筒等物發交來役齎帶回

縣以應急需各等情到道據此職道伏查此次西匪竄踞西甯縣村鄉該縣督飭兵勇鄉團於數日之內擒獲賊匪多名當將各匪擊退辦理甚爲得手惟張二嚴要等各股匪徒現尙屯聚廣西邊界亟應嚴行堵禦以免竄擾報復惟行軍以礮火爲先該縣火藥已完誠宜代爲就近借撥職道當卽函商肇慶協張副將水師利叅將趕緊借撥火藥等物旋准張副將借給火藥一十五壘火繩二百盤擡鎗鉛子一百斤烏鎗鉛子一百斤利叅將借給火藥一十五壘并稱肇慶各營均無火箭噴

筒無從借給等情職道卽於初十日借撥巡船諭令高要縣王令選派丁役協同西甯縣來役妥爲押解前赴西甯縣交收應用第現在肇慶各營借撥軍火爲數無多不過暫時應急尙須由省局多爲撥發方能得力除再飭西甯縣確探匪蹤隨時稟報一面分派兵勇鄉團嚴堵隘口毋稍鬆懈外理合具稟憲臺察核俯賜籌撥火藥擡鎗烏鎗火箭噴筒等物迅發西甯縣防剿應用實爲公便

附瑞節相批

據稟已悉昨據西甯縣營稟報克復社廊村餘匪逃竄西省情形已批回會同廣西蒼梧等縣搜緝餘匪并札梧州府督飭蒼梧岑溪藤縣一體實力捕拏以清餘孽該縣請撥火藥擡鎗烏鎗火箭等項亦經札局核明飭遵在案現在張二嚴要等各股匪旣屯聚廣西邊界亟應嚴密堵拏仰卽嚴飭西甯縣劉令會營督率兵勇鄉團在於交界各要隘實力嚴堵一面移會蒼梧岑溪藤縣不分畛域合力兜拏務將該匪捕除淨盡以清邊患毋稍鬆懈致被竄擾大干叅咎

仍候撫部院批示繳

附李中丞批

現據西甯縣營先後稟報西匪竄入該縣屬社廊村滋擾已會督兵勇紳團殲斃匪黨多名生擒九十餘名請發給火藥擡鎗等件以資防堵等情當經批行善後局酌撥軍火委員解往應用并飭該委員會同西甯縣提訊現獲各犯究明該匪等聚眾起事情形馳稟核辦在案現據該道轉據西甯劉令另稟探聞匪首張二嚴要等尙在廣西新利墟等處聚眾千餘

屯紮所有肇羅兩屬之西甯德慶封川等縣俱與西
省梧州交界仰卽分飭各該縣會營督率兵勇鄉團
嚴行防堵毋得稍涉疎懈致干重咎該道仍確探西
省匪蹤隨時馳報察核并候督部堂批示繳

--	--	--	--	--	--	--	--	--	--

致西甯劉竹卿明府書

同治九年二月初十日

初九日申刻接到來文並另函備悉一切社廊村現已克復該處團練極爲出力欣慰之至陣亡各紳勇務宜先加優卹受傷者分別輕重酌量醫調其尤爲出力之紳士應先給花紅扁額以旌其功惟零星逃匪必須盡數剿滅匪首張二等應分移隣境州縣實力查拏或懸重賞購之西甯與各處毘連之所

梧州太守弟
已兩次函達

應屬該

管官併力堵剿以防竄逸一切不盡之言務望吾兄悉心經理隨時飛報凡一應事件弟得信後無不照辦斷

不遙制總期一鼓掃除勿留後患是所切祝呂縣丞想
已晤面可屬其早日言旋俾免懸盼另函所要各件弟
當卽向張協臺利叅府兩處告借已備足火藥三十壘
一壘二十五斤火繩二百盤擡鎗鉛子一百斤烏鎗鉛
共七百五十斤子一百斤惟噴筒火箭營中無存以上各件查裝齊整
由協臺處派巡船兩隻協同尊處來差星夜齎往恐路
途不便是以多撥船勇護送辦大事不必惜小費想吾
兄亦以爲然今日准發兩院稟帖并函致兩司請在省
局籌辦火藥等件由王令專差飛遞往返總在十日內

也查河委員王鏡曾隨鄭齊兩公在高鶴軍營能否得力弟已屬呂縣丞達知足下可以試用西甯河面是其專責望告知王委員須認真巡緝不得照無事時敷衍差使至切至切目下剿辦須結實料理將來善後亦須結實籌畫統望吾兄盡力爲之餘容續佈

奇西么册身不

卷二

一

致王補帆方伯書

同治九年二月十四日

上年九月間據開建縣孀婦李覃氏赴道呈稱氏夫李國珍生前揭借鄧秉鎮本銀二百兩計先後還過本利銀四百一十五兩尙欠息銀三十五兩因時值亂離鄧秉鎮說揭約寄放別處容後送還當卽立回收單交執嗣夫與鎮相繼物故鎮嫂姚氏見約生心聽棍梁駿勳唆擺照約追還不遂串同革佃于輔新搶割氏夫弟武生李國棟田禾經李國棟控蒙王前縣集案核訊斷令氏子李毓舒將尾欠利息清償并令鄧姚氏交還田穀

完案不料姚氏違斷不恤彭縣主到任後梁駿勳串通縣署管帳之游連科包案得利瓜分堂訊六次止磨李國棟一人并不傳集人證質訊殊堪駭異叩乞迅飭提究等情查閱粘抄該前縣王令原判李國珍與其弟李國棟業已分居李國珍有妻有子其所欠鄧姓利息應由其妻子償還與李國棟毫無干涉何以現署縣彭令并不查照原斷責成其妻與子而轉將李國棟提訊多次殊不可解李覃氏所稱游連科包案之處恐非無因當經批飭肇慶府行提前案人證確訊究斷嗣據李國

棟以游連科挾恨帶同縣役前赴伊家搜掠并將伊子
獲押等情赴道呈控又經批飭肇慶府提集併訊在案
是舉也以言乎公事則控關幕友包案圖利不能不照
例批提以言乎私情則弟與該令彭保又係屬江南同
鄉且與其宗人彭文敬公誼屬師生彭苟亭又係同年
至好該令初膺民社實不忍其因人受累故藉此批府
提審以平原告之心兼欲使被告之游連科聞之斂跡
庶幾該令不致爲其誤事勉作好官所以保全之者實
非淺鮮而弟於公私之道亦盡之矣不料該令到郡賀

年於前月二十七日弟甫經由省旋署之際忽來稟見
交談數語後突云李姓控告游連科一案大人有何聞
見必要批提弟當告以此事道中本屬空空洞洞毫無
成見倘遊連科果係被誣自必理直氣壯儘可令其赴
府投到一經質訊明確即可將原告照例反坐以儆刁
風乃該令愈說愈急始則曰游連科係屬幕友斷不能
提再則曰若要游連科情願自己聽審出言不遜大肆
咆哮荒謬情形實出情理之外此同郡僚屬共見共聞
并非弟言過其實也現在該令業已旋署前日告期弟

處收呈又有陳姓紳耆控告游連科營私漁利之事現經批行該府轉飭查覆應俟覆到再行核辦至游連科聲名狼籍肇慶各署幕友無不知之現在府署所延俞君卽係彭令岳丈外間嘖有煩言倘將來該令再不改過遷善仍任游連科肆無忌憚弟職司統轄惟有據實揭叅認真懲辦卽謂弟不能容物亦所弗恤也合併附聞

--	--	--	--	--	--	--	--	--	--

致王補帆方伯書

同治九年二月十六日

十四日接呂縣丞瑛來稟內稱初十日馳抵西甯查訪此股西匪由廣平竄擾該縣之社廊村初三四等日被團練擊敗聞匪首張二李北佑等尙有千餘人在西界之大埔等處屯聚該縣分派兵勇扼要堵禦廣西蒼梧令亦帶勇練剿辦劉令已飛移岑溪藤縣兩處會剿西甯縣境已無賊匪團練尙屬齊心百姓尙照常安業擒獲匪犯除因傷身死尙有六十餘名劉令提訊後卽錄取確供稟請批示辦理等語又接到梧州劉太守來函

云廣平一帶毗連西甯又與藤岑交界四通八達匪徒
出沒靡常該縣等督團往捕此挈彼竄前者派撥安勇
駐防巡緝歷年來地方賴以稍安自上年盧守備殿清
奉調管帶安勇赴邕撤防後匪類復萌現派道勇并札
蒼藤岑三縣會營親往兜剿等因除由弟處再行札飭
西甯劉令激勵團勇認真堵禦設法擒挈匪首隨時馳
報并令其以後發稟務須據實直陳固不可張大其事
亦斷不可稍涉含糊該縣離肇慶較遠呂縣丞日內可
以言旋一切情形俟該縣承到時再當詳細奉達合將

近數日梧守暨呂縣丞函稟先肅佈聞便中祈回明兩院憲爲祝正繕函間奉到十二日復書備悉種種軍火等件已承飭派孫倅解往該縣可無缺乏感慰已極此間所借協營水師營火藥各件計早到矣至劉令迭次稟稱誠如來示頗有不符查初二日至初四日早不過三天該令僅稟弟處未發通稟頭次稟稱社廊村去桂河二十里去縣城三十五里該令初二日督勇在桂河扼要剿辦第二次稟又稱忽有賊匪李北佑等另股由大筭嶺埔旺嶺兩路前來該令唐守備分路進剿該令迎擊埔旺

嶺一路賊勢不敵向山僻小路竄回廣西界之桂園甘村等處趕殺十餘里云云以理揣之埔旺嶺又是一路并非社廊村一股也而初三日午刻該令又親身督戰至初四日天色將明將社廊村克復前云扼要桂河是尚隔社廊村二十里次云分剿埔旺嶺接應之匪又與社廊村兩不相涉何以社廊村克復又係親身督戰先後頗覺支離大約事起倉猝該處團練素尚得力分投堵剿得獲勝仗耳蓋不僅攻奪礮樓一節不能自圓其說也且恐其幕友執筆時敘事不清故爾如此弟發該

令札中亦將此等情節指出矣弟愚以爲不在張大邀
功於目前而在實心實力嚴密稽防以善其後今閱手
札實覺料事細緻欽服欽服廖令得台端催飭想不日
可以起行肇慶內外尙安謐河面正月亦無事惟木排
客人行走迂緩德慶等處間有爛崽乘護幫船隻稍遠
時攔路訛索之事經張協戎等飭弁查拏將來嚴懲數
人該匪必畏懼斂迹也學使二十邊可以起馬考試肅
靜郡城連日得雨足慰遠注

卷之二

三

致西甯劉竹卿明府書

同治九年二月二十日

呂縣丞旋郡面詢竄匪情形備悉種種當屬其作函佈
達想已收到連日迭閱尊處通稟所辦均周妥此股匪
徒竄擾無定現在兩界會拏必可將其頭目擒獲但當
飭諭鄉團隨事相機辦理不可稍涉張皇有應發通稟
者有只須先報弟處者總宜偵探確實勿任團練虛詞
稟報蓋省城與肇慶距西甯較遠不能得其實在光景
不無多費思索前局中間有札行知足下日內可再稟
復將幾次通稟細核聲敘明晰自可了然矣至切至切

孫倅諒已晤面渠所解軍火及弟上次所借火藥各件
望小心收存賊蹤漸遠卽不可亂用留備不虞爲要弟
已稟達兩院憲請將借用肇慶協火藥火繩鉛子由局
籌撥清還吾兄處可再添一稟來陳千總人甚勇敢旣
據各紳練稟求弟已代請憲札令其專署都城汛缺俾
專責成各處設立團練分局暨縣城總局共有多少處
所用紳士姓名并章程作何議定希卽開一手摺能將
各鄉村道里遠近何處設有練卡何處地方最爲要緊
繪一圖說寄下尤感經費不敷此必然之事惟望吾兄

盡力籌畫不辭勞瘁拜禱拜禱王委員鏡來郡弟令其
速回西甯并告知將所巡河面地方逐細開單送閱乞
轉致之除另備公牘知照外先此佈達

--	--	--	--	--	--	--	--	--

西甯縣社廊村匪徒擊退後該縣現在分飭局紳

團練辦理善後一切情形上

瑞節相稟
李中丞同治九年二月

二十日

敬稟者竊職道前將西甯縣社廊村踞匪業經擊退并請撥發軍火等件及由職道借撥火藥火繩鉛子以應急需緣由於本月十一日馳稟憲鑒在案茲於十七日接據西甯劉令稟稱社廊村克復後卑職當將出力各紳練先行犒賞銀牌猪酒陣亡被難受傷者分別優卹醫調此次賊匪盡廣西蒼藤岑等縣人縣屬土匪尙少

各村團練嚴密亦無藏身之處惟匪首張二李北佑等
尙在漏網已懸加重賞捕拏該股匪聞尙有千餘人屯
聚不散蒼梧縣已督帶兵勇至廣平剿辦西甯縣屬桂
河爲最要門戶地方亦較殷實茲已勸諭各紳設立公
局妥議章程縣城另設公局總理各鄉團練及籌款捐
資各事高要呂縣丞奉委於初十日抵縣卑職會同親
往桂河峽上各村鄉悉心籌畫所有借撥軍火均已如
數收訖唐守備先行回城現留代防都城汛千總陳璉
在桂河適中之處與紳士督團防守桂河離都城不遠

亦可兼顧卑職旋縣提訊擒獲各犯供認聽從賊首張
二李北佑李卓遂李社石等糾邀每股數百人合共二
千餘人在西界之桂園小水江背等處聚集二月初一
日同頭目盧郁明等先在各交界山僻藏匿五更時撲
進社廊村佔踞礮樓及謝姓家房屋當日張二等約定
社廊村得手後卽帶大股前來接應并下竄桂河及縣
城滋擾等供并據報匪犯江四等二十三名因傷重身
死各等情到道據此職道查西甯縣屬界連西省自咸
豐年間迭被寇亂同治元年縣城失陷迄今瘡痍未復

卷四之四
三
此次西匪突又竄擾幸人心踴躍團練整齊數日之間將該匪擊退第逆首未誅匪蹤靡定此挈彼竄難保其不復再來是善後一切事宜尤須加意辦理既據劉令稟稱傳集各鄉紳耆諭令富者出資貧者出力分設團局選舉公正紳士常川在局辦事又在城內設立總局使聲息相通并設法籌議經費所辦尙屬周妥連日復接梧州劉守德慶胡牧來函得悉蒼藤岑三縣已由劉守飭令會營親往督挈德慶地方經胡牧派令錦沙約紳士陳定邦等整團防範職道委往西甯查探之呂縣

丞亦於十七日旋郡所稟情節與劉令先後各稟大致相同該縣丞復繪圖貼說呈覽除由職道札飭劉令將現設團局章程以及經費各項認真妥辦列摺稟報仍隨時偵探西界賊匪蹤跡據實稟候查核固不可張大其事亦斷不准敷衍含糊總期細密稽查毋稍鬆懈一面札知德慶封川羅定東安與西甯水陸交界之各州縣一體防備以仰副憲臺綏靖閭閻至意省局撥發軍火委員孫倅昨到肇慶職道屬令該倅速行解往并令其到時會同該縣妥爲布置刻下賊匪已退職道暨省

局兩次解去火藥各件應飭劉令小心收存不得任聽團練紳勇隨意施用庶昭節省而備不虞至職道所借張副將利叅將兩處火藥三十壘計七百五十斤火繩二百盤擡鎗鉛子一百斤烏鎗鉛子一百斤肇城操練兵丁稽查賊盜均屬需用據劉令稟稱該縣經費正當支絀一時難以籌還可否仰懇憲恩飭局照數撥還肇慶協及利叅將之處伏候批示祇遵

敬再稟者據西甯劉令稟據縣城局紳廖紹麟等桂河局紳李春蕃等峽上局紳謝樹勳等都城局紳黃發彝

等七堡局紳樂羽階等呈稱代防都城汎千總陳璉人甚果敢本月初一日西匪竄擾社廊村時該千總首先衝鋒克復該村擒斬無算溯查上年逆首汪狂七等匪盤踞縣屬嘉益墟該千總扼守鼇頭寨保障多年同治四年馮軍門剿辦嘉益及廣西岑溪木式等處賊巢該千總搗穴擒渠曾蒙奏獎現在西匪張二等尙在廣西大埔等處難保不再侵犯該千總旣經縣派督辦桂河分局惟係代防之員恐難久任合無稟懇大憲札委專署該汎俾得悉心經理等語據情轉稟到道職道查防

緝事宜總以得人爲要旣據該局紳等公同具稟復據
劉令稟稱該弁陳璉代防以來整頓捕務盡心巡緝此
次攻克社廊身先士卒最爲奮勇且該弁籍隸西甯與
各鄉局紳聲氣聯絡呼應較靈自係實在情形可否准
如該令所請頒發憲札專委陳璉署理都城汛千總俾
專責成而資捍衛合併肅稟附陳伏乞批示祇遵

附瑞節相批

據稟已悉查此股賊匪竄回西省之後訪聞匪首張
二李北佑等尙有千餘人在西界之大埔等處屯聚

西甯與廣平毗連又與藤岑交界路逕四通八達匪徒出没靡常難免此挈彼竄署西甯縣劉令疊次稟報情節諸多粉飾希圖邀功已嚴札該縣會同守備唐元科并約會廣西蒼梧岑溪藤縣各縣營合力堵剿并分札飭遵在案仰卽飛飭劉令將現設團局章程以及經費各項認真妥辦列摺稟報一面查照前札會同守備唐元科確探賊匪動靜約會廣西蒼梧岑藤各縣營督率兵勇不分畛域嚴密剿辦不得稍有鬆懈致被復竄滋擾定卽撤叅不貸該道仍札知

德慶封川羅定東安與西甯水陸交界各州縣一體
實力嚴防至該道所借張副將利叅將兩處火藥擡
鎗鉛子等項應否由省局照數撥還候行局核明備
移遵照另單請專委陳璉署理都城汛千總事務之
處已另行給委飭遵矣并卽知照暨候撫部院批示

繳

附李中丞批

據稟已悉仰卽嚴飭西甯縣會營督率兵勇紳團認
真防堵并分飭德慶封川羅定東安各州縣一律加

意防範毋稍疎懈該道借撥張副將等軍火候札善
後局如數撥還另單請專委陳璉署理都城汛千總
印務并候咨會督部堂核辦仍候督部堂批示繳

批署肇慶府蔣立昂稟遵批核覆高要縣稟請仿照韶州章程如有欠解考費銀兩交卸後扣留

勒解始准會算交代請示

同治九年二月二十八日

據請仿照韶屬章程嗣後各州縣如有欠解考費銀兩交卸後卽行扣留在郡勒令措解清楚始准會算交代等情係爲慎重公事顧全大局起見應如所請辦理仰卽通飭遵照一面仍將本屆科試各州縣欠解銀兩飭令趕緊批解清楚毋任蒂欠切切此繳

卷之二

三

致王補帆方伯書

孫省齋廉訪

同治九年三月十七日

前於正月間在省時曾奉督憲面諭訪聞高明遣散客
民間有潛回情事飭卽轉飭高明縣查復等因當經轉
飭高明縣張令確查去後旋據該縣查明并無其事業
經通稟在案茲於本月十三日據高要高明等縣合水
局紳伍寅清等赴道呈稱竊客黨擾亂一案先於同治
六年經王前道鄭協戎親臨五坑會辦除留住南北五
坑客眾外其餘均給路費安插東北兩江永遠不准復
回不料客目陳國業朱陳保張貴等糾合前經遣散之

客黨潛回高要北五坑之老香山等處膽敢聚眾科錢
飛函招擾近則結連鶴山之川塘水爲犄角遠則勾通
新甯之曹冲爲應援三月初六日管帶安勇之麥守備
由鶴城來說鶴邑有客黨鍾開寬鍾亞三等糾集經遣
之客眾潛回鶴境二月十九日帶勇捉獲鍾開寬鍾亞
三二名解縣審辦經飭軍屯營勇查拏潛回南北五坑
客黨等語若不嚴加搜捕誠恐復釀巨禍叩乞飭縣移
營并飭麥守備將糾黨潛回之客眾按名拏辦以杜亂
源等情并據署高要縣王令炳文面稟日前曾據該局

紳等以前情赴縣具呈業經該縣移會高明鶴山等縣及麥守備查拏現接麥守備來信知己查獲潛回客眾張貴等男婦三十餘名口發交原居客民看守聽候核辦維時適署高明縣張令兆庚交卸來郡弟詢以前項客民潛回之事據稱誠屬有之惟高明地方則并無潛匿至該客民等此次潛回或謂僅止回來掃墓或謂意圖招匪滋擾道路傳言紛紛不一等語查此項遣散客民原不准其復回故土今乃私自潛回卽因掃墓起見已屬不可況難保其不滋生事端亟應嚴行查辦以杜

後患而靖地方至該局紳原呈雖未提及高明有客眾
潛回之事惟五坑地方北屬高要南屬高明且高明土
客仇怨最深亦應一體查明辦理弟現與署肇慶府蔣
守商議意見均屬相同卽經諭令高要高明鶴山等縣
訂期前往該處會同查明該客眾此次潛回有無別故
分別拘究驅逐不得稍涉顛預一面責成該處原居客
民不准徇情容留出具切結稟繳倘將來查有窩留滋
擾情事卽惟該原居客民是問并飭鶴山縣劉令將麥
守備獲解之客民鍾開寬等查訊供情稟復核辦除俟

各該縣辦理如何情形再行布達外合先函布務祈閣
下先行代稟兩院憲是荷

批陽江州耆民楊啟光等控變章加抽赴訴架押

仰乞吊放

同治九年三月二十三日

此案昨據陽春縣以縣屬古良稅口應稅貨物商販多有走漏是以該縣將木排一項改在縣城官亭地方征收係爲堵截漏稅起見所收稅項均係查照向章並無重收加征情事因該木商楊昌盛等走私漏稅飭繳不遵并復遣抱徐光赴縣混稟故將徐光押追補繳等情稟覆赴道當經批州轉飭該縣俟該商等繳清稅銀卽將徐光省釋仍隨時稽查書役毋任浮收滋弊在案茲

該民等仍以加抽架押等情嗶嗶赴控究竟是否飾詞
聳聽抑縣稟尙有不實不盡仰陽江州迅卽就近確切
查明據實稟覆察核毋稍稽延切切粘單保領并發

批恩平縣刑部主事馮典夔等控差串結陷良保

兇等情

同治九年三月二十九日

據呈差役許寬等種種玩法舞弊如果情真法在必究
惟查控開各層均係該前縣柳令任內之事該紳等既
有見聞何不具控於柳令在任之時而乃遲至柳令交
卸後始行赴道呈控究竟所呈是否屬實有無別情現
署恩平縣俞令甫經到任無所用其迴護仰陽江州迅
飭該署令確切查明逐一稟覆察核差役許寬等如有
舞弊情事并卽提訊革究毋任稽延切切粘抄保領并

發

高要等縣會同查辦潛回客眾情形與肇慶府聯

街上

瑞節相稟
李中丞稟

同治九年四月初七日

敬稟者本年三月十三日據高要高明等縣合水局紳
伍寅清等赴職道等衙門稟稱現有前經遣散之客眾
潛回五坑之老香山等處聚眾斂錢希圖滋事叩乞飭
縣會營拏辦等情查五坑地方界連高要高明鶴山新
興等縣該客眾等既經遣散何以復敢潛回究竟是否
希圖滋事必須飭令各該縣會同前往該處確切查明
分別拏辦以杜後患而靖地方職道等當卽飛飭要明

鶴新等縣遵照妥爲辦理一面備移肇慶協派委營弁
會同地方官查拏究辦去後茲據署高要縣王炳文署
新興縣黃家德署高明縣吳福田署鶴山縣劉維楨會
稟稱查本案先經卑職維楨拏獲客民鍾開寬鍾亞三
二名并據廩生伍寅清等以前情赴卑職炳文衙門具
稟飭據差勇拘獲客民陳國業葉晚二名到案均訊無
斂錢聚眾勾結滋擾情事飭役看管在案奉行前因卑
職等當卽約期會辦并准肇慶協飭派右營千總馬有
滙并札高明城守黃保新興城守譚拔熊鶴山城守麥

坤等各帶兵勇均於三月二十一日齊集老香山五坑
合水等處并分頭親往該管客村地方明查暗訪實因
節屆清明有前經安插出外之客民約二三十人先後
轉回各鄉拜掃墳墓在鄉居住或二三日或四五日不
等隨即各歸遣居處所陳國業鍾開寬等適因足痛不
能行走是以暫時在鄉歇宿并未滋生事端其時適有
客紳因前奉鄭協戎諭飭設局清查保甲於三月內與
該處汛弁籌議捐資設局以便辦公旋因捐助無人事
未果行該局紳伍寅清等聞知遂疑遣散之客民潛回

勾結聚眾科錢意圖滋事卽具詞上控其實并無其事復傳高要縣屬老香山之雞栖塢馬橋頭高明縣屬之伍坑鶴山縣屬之川塘水新興縣屬之石龍崗等村客紳耆到案卑職等會同研訊各供均與查訪情形相符并據各該紳耆等具結呈繳前來伏查伍寅清等懷疑誤稟本有不合姑念事出有因應免深究陳國業等及鍾開寬等訊未斂錢滋事應予保釋現在老香山等處俱甚安靖并無客匪聚集卑職等隨責令各該紳耆嚴密稽查如有客匪潛回勾結生事卽行緝送究辦毋許

包庇一面諭飭土客交界地方各紳耆設立門牌編查保甲不得窩留客匪免至日久生事并分派兵勇差役逐處巡查勿任客民尋衅報復以靖地方卑職等身膺民社責無旁貸斷不敢怠惰苟安自干咎戾理合將會同查辦情形據實稟覆察核等情據此職道等覆查無異除批飭各該縣隨時認真稽查毋許遣散客眾復行潛回致滋事端外合將高要等縣會同查辦潛回客眾情形會稟憲臺察核

荀子之體身在

卷二

四

批候補縣丞高兆霖稟四月十一日夜城內有匪

徒明火行劫

同治九年四月十三日

肇慶城廂內外經本道督同府縣派撥勇壯詳定章程
委員輪班稽察并會同肇慶協添派弁兵設卡巡邏現
又督飭高要縣辦理保甲並於各街道設立十家燈牌
支更巡夜自去冬至今春雖地方偶報偷竊附近一帶
尙無明火強劫之案茲據該縣丞稟稱四月十一日夜
間匪徒膽敢於城內糾約二十餘人頭紮火把手執火
鎗用石撞李姓大門意圖行劫如果屬實不特該縣暨

委員等偷安懈怠卽本道近在同城亦抱踈於覺察之愧該縣丞言之確鑿斷不能不認真查辦查是夜被賊撞門之李姓曾否赴縣控告其稟內又稱北門某姓是夜被劫一空曾否由縣勘驗案關在郡差委人員稟告賊匪明火執鎗行劫仰肇慶府速飭高要縣限三日內據實詳細稟覆并飭是日輪班查夜委員一併稟覆不准一字稍涉徇隱致干叅究該縣丞現經該府委催德慶封川倉穀清冊仰卽另行委員前往飭令該縣丞迅卽回郡聽候傳問切切此繳

籌議郡城設卡撥兵駐宿巡查并請將留防高明

練兵四十名調回差遣會同肇慶協張副將上

瑞節相 同治九年四月二十日

李中丞 稟

敬稟者竊照肇慶郡城地方最爲衝要水路則西通梧
鬱東連三水陸路則南達高廉北界甯會往來絡繹閩
閩鱗稠時有散勇出入其間良歹不一猝不及辨卽易
爲奸與其嚴緝於事後曷若弭盜於未萌職道與副將
晤商籌議派兵設卡巡查之法將郡城東北南隅設立
卡房三座每卡由營派武弁一員兵十名每夜上城巡

邏西南隅設立卡房二座每卡由營派武弁一員兵十五名每夜上城巡緝無論城廂內外一聞警報各卡弁兵刻卽分馳截拏務期有犯必獲綏靖地方以仰副憲臺弭盜安民之至意卑職鵬飛伏查卑協左右二營現奉裁定實存馬步守兵連字識共九百七十四名內左營兵丁四百八十六名分防高要東西路塘汛二十三處新橋塘汛二十三處封川水陸塘汛二十一處開建埔北塘汛六處城池三座共兵三百六十一名右營兵丁四百八十八名分防德慶悅城水陸塘汛十七處新

興塘汛十四處高明塘汛九處另高要金利卡一處城池三座共兵三百四十四名統計六州縣防兵共七百零五名尙存郡城左營兵一百二十五名右營兵一百四十四名共二百六十九名除字識及看守四門軍裝藥局百總大旗并護解軍犯等項差使計需兵六十餘名尙有二百名分派副將中軍都司左右駐肇千把總衙門當差該班上班則跟隨本官每晚出城查夜下班則分派城外互相巡緝今議再撥六十名駐宿城上巡夜實有難再抽撥之勢但值巡防喫緊不得不再四思

卷之二
維量爲變通移緩就急因思卑協營原挑有練兵四百
名內留防高明練兵一百名派撥護幫扒船一百五十
名其餘練兵一百五十名內除撥練兵十三名與四會
護廠船外實練兵一百三十七名派撥城外分段巡緝
茲查高明地方均屬安靖所買客產亦經陸續繳價彈
壓稍緩議請將留防高明練兵一百名仍留六十名在
彼催繳田價先調四十名回郡撥上城卡巡緝以期餉
不虛糜職道等彼此意見相同其月口糧仍由營策入
練兵名數請領支給其燈油牛燭及各弁薪水等項由

職道等另籌給發合并聲明所有會商籌議將郡城上
設卡撥兵駐宿查緝緣由理合馳稟憲臺察核可否俯
准籌辦之處恭候批示祇遵

卷二

三

批署恩平縣俞功懋
委員江林藻
會稟會查柳令船被毀掠等情

據實稟覆

同治九年四月二十四日

查此案前據恩平縣俞令稟報該前縣柳令船隻被搶時各匪聲稱洩忿而來雖斧鉞在前有所不忌等語本道當以此事究竟因何起衅是何實情必須委查明確分別核辦卽經札委候補巡檢江林藻前往會同該縣確查稟覆一面批飭該縣會營選派兵役嚴緝各匪務獲訊明究追詳辦在案茲閱會稟各情無非顛預塞責殊屬玩視公事案關匪徒截搶官船肆無忌憚無論官

命下公府生不一 卷二
民有無結怨均屬藐法已極若不認真拏辦何以肅功
令而傲刁風至柳令被搶之由究因何事而起有無主
使之人亦須覆加確查以期水落石出現經分札該縣
暨該委員再行會同確查據實稟覆一面嚴緝本案賊
賊務獲究辦仰陽江州迅飭恩平縣遵照辦理毋稍顛
預稽延切切此繳

請添派新江河面緝捕巡船會同肇慶協張副將

上

瑞節相
李中丞

稟

同治九年四月二十五日

敬稟者竊照高要縣屬新江河面與東安新興陽江陽春等處毘連爲高廉雷瓊之孔道四通八達稽查難週前聞有匪徒在該處聚集經署高要縣王炳文會營督帶兵役親往查拏并勒令紳耆緝送究辦在案查該處河面向歸新橋汛管轄原設有巡船三隻在新江口大濠水新橋等處往來梭巡咸豐四年七月內被賊匪焚燬無存近來該處每有不法之徒駕艇窺伺雖現無失

事然不能不預爲之防茲據王令與新橋汛把總何定邦籌商擬請仍照向章派撥淺水扒船三隻前往緝捕等情具稟前來職道等伏查新橋汛額設三板巡船三隻每屆修造由營稟報憲臺核明飭令動支營中公費銀兩以爲工料之用卽由該汛弁派兵管駕并無薪糧經費等項嗣被賊匪焚燬營中停支公費無款可籌是以尙未造復十餘年來該處因無巡船匪徒遂致聚集意圖搶劫現當緝捕吃緊之際查閱王令所稟係爲綏靖地方起見似應准照辦理惟西江護幫巡船無多且

非淺水之船未便分撥理合會稟憲臺察核可否飭局
添給護幫小巡船三隻按照現定章程專留新江口一
帶緝捕之處聽候批示飭遵如蒙准行卽飭該汛弁派
兵管駕所有發給薪糧應照護幫船隻辦理合併聲明

批署高要縣王炳文會稟四月十一日夜米倉巷

高要縣縣丞呂瑛

李姓十字街梁姓二家被賊圖竊未成並非強

劫同治九年四月二十六日

前據候補縣丞高兆霖具稟各情本道當以城廂重地
既有此等巨案該縣暨查夜委員等何以漫無覺察是
以批府速飭據實查覆茲據該縣等稟稱是夜城內僅
止梁李兩姓居民被賊圖竊未成並無匪徒行劫情事
復經本道明察暗訪該縣等所稟尙無諱飾應卽飭令
督率勇役加意巡查并將是夜行竊賊匪獲案嚴懲毋

得稍形鬆懈查劫之與竊輕重懸殊高兆霖近在鄰居竟加以明火搶劫之詞具稟聳聽似此遇事生風郡城委員極多將來紛紛效尤尙復成何事體仰肇慶府卽將候補縣丞高兆霖撤回省一面將此次情節并本道批示稟明藩司查照至分府各員務須安靜當差各敦品行其有見聞較確者不妨據實面陳用副本道與該府集思廣益至意該府卽通飭各該員知之切切此繳

札飭各屬籌辦保甲團練

同治九年四月廿七日

爲札飭妥籌保甲團練以靖地方事照得比閩良法著
在周官賊盜肆行貴勤守望仲長子光有云舉一綱衆
目張弛一機萬事隳善哉言也綱舉目張而事理尙有
隳墮乎粵東風俗强悍好勇鬪狠積習旣久諸不逞之
輩無家無業遊手好閑始則三五成羣狗偷鼠竊繼則
明火執仗虎視狼貪搶奪頻仍渠魁莫獲去年高要劫
餉一案封川委員被劫一案此猶水路失事之大者也
查閱肇羅等屬歷次稟報其陸地遠近鄉村以及城廂

內外呈控劫案者更指不勝屈處今日而欲整頓地方
保護百姓則捕盜實爲首務顧官曰捕盜而盜日益多
何歟揆厥由來蓋有數端經費空乏壯勇不能多募一
也兵力單弱防守難周文官會營大半虛應故事二也
捕盜須購線購線非賞耗不可各州縣左支右絀勇且
難募線於何有三也差役疲玩毫不得力甚至與盜聲
息相通官卽訪聞帶勇往捕而謀人先至匪已遠颺四
也民與官其勢隔隔則下情不能上達一旦失事反怨
官縱盜而殃民五也其難如是無怪乎自顧考成者惟

以匿案諱盜爲能委靡不振者又以苟且彌縫了事本
道與言及此昕夕怵怵竊願與賢牧令共商之查安良
必先除暴除暴務盡舍保甲團練不爲功夫保甲團練
盡人而知之矣然而非知之難行之難也亦非行之難
行之得其宜難也天下無易爲之事而在先有勿畏難
之人茲本道擬定章程二十四條較之前人有增廣者
有刪削者期於因地制宜變通盡善而鄉村無科派之
弊戶口無減漏之弊書差無詐索之弊民雖至愚斷未
有故違善舉者現在西甯剿退竄匪尙在廣平大埔等

處賴該縣團練同心協力得獲勝仗可見費一番精神
必收一番實效本道諄切勸辦無非防患未萌俾吾民
各衛室家共登康樂爲民牧者如果竭力爲之不特本
境匪棍無可容身卽外地強徒亦應喪膽爲此抄錄章
程札飭各屬札到該州州卽便遵照認真經理一面選派
公正紳耆照章妥辦或其中尙有意慮未周及應因地
制宜之處不妨量爲改易稟請飭遵本道樂觀厥成實
所厚望至沿河各州縣現奉督撫憲專委張協戎統帶巡
船總司其事數月以來上下水船隻安謐通行該州州務

當凜遵憲示協同防範不得推諉輕忽此外城垣倒塌
亟應修葺倉穀短少亟應籌補安分貧民生計少者應
酌量養贍緝捕兵勇擒犯多者應酌量獎賞以及清訟
獄革蠹政振興學校約束門丁該州民社身膺責無旁
貸自必早夜思維固不煩本道瑣瑣矣肇城兵勇查夜
本道稟院立案定有善章該令仍當不時督同委員等
加意梭巡切勿始勤終怠各該州縣亦應仿照辦理庶
紳民知上有官長保護下復衆志成城官民一心如身
使譬此而尙有意外之虞吾不信也尺蠖穿堤能漂一

邑寸烟泄突致灰千室凡事豫則立又豈可不辨之於
早并於其微也哉本道來自田間曾經患難外臺初莅
賦性麤迂生平讀書但喜程子所謂腳踏實地四字事
有稍拂民情者纖悉必除而有裨民生卽事涉艱難無
不毅然自任并非藉一紙空談博取虛譽合與諸牧令
約札文到後限一月內各按章程所開確切清查妥速
勸諭一俟冊簿繕齊卽行詳細申報由本道彙稟兩院
永遠遵行萬勿視爲尋常不經意公牘也勉之望之切
切特札

酌擬保甲團練章程

同治九年四月廿七日

一保甲昉自周官法最古效最著奉行不善遂滋流弊
推原其故地方官案牘勞形不肯親手經理其視爲具
文置之不辦者無論矣卽或虛應故事不過假手書差
聽其含糊開報而紙冊筆墨夫馬飯食之費無一不取
之於民民之安生業者以官無稽查之實反增科派之
苦曰爲畏途將避匿之不暇况望其悅服順從耶此次
酌定章程盡革從前弊竇一切悉由各州縣親手裁度
不得絲毫假之門閹書差先按甲分大小分別段落論

令紳衿公舉老成可靠保正一人令將所管段落各戶
丁口照現行條款逐細清釐填註冊內然後保正選舉
牌長甲長分司其事保正舉報牌長甲長其間隔於書
差隔於門丁諸多不便應令該保正將舉報人名交在
城紳士由紳士封送到官隨送隨收官卽親手批准發
交紳士轉給保正不准門閭書差一人干與

一城鄉各處旣按甲分大小分別段落派定保正每保
正一人官給草冊一本筆墨各一分令其各按所管
地段確切查明每一戶是何姓名是何生理有無糧

業男丁若干婦女若干註於草冊冊內不准遺漏一
戶戶內不准遺漏一人

一草冊送齊卽應將各戶口編聯清楚每十戶爲一牌
牌內有牌長一人領之每十牌爲一甲甲內有甲長
一人領之統歸保正承管牌長甲長旣由保正選舉
必須年力強壯明白謹慎者不得以刁劣之徒濫充
或三四十甲爲一保或五六十甲爲一保隨地酌定
不必拘泥至每牌十戶若有零戶如數在八戶九戶
者卽算一牌若數在六七戶以內者則在各牌內均

分或一戶或二戶總歸十牌甲長照牌數派充保正
仍以三四十甲五六十甲爲率不必仿照前人有零
戶零牌之分以歸省便

一該場該村有僅止數戶不滿十戶者卽就本場本村
編爲一牌或僅止數牌不滿十牌者卽就本場本村
編爲一甲

一路旁小店腰店客店或菴觀寺院僻處一隅并無鄰
舍依附者統歸於最近之鄉村編入戶冊歸附近鄉
村牌長甲長經管其住居山尖嶺角亦照此辦理

一城廂內外及場鎮市集毋論紳衿士庶兵丁僧道及
官員公館均按戶編聯填註戶冊不得混亂

一前人立法有分別民戶舖戶方外戶等名目今概行
刪除統歸民戶內一律辦理以免紛雜

一編聯保甲重在零星雜院居住之人如房屋一區數
十間十數間不等窮苦孤獨及遊手無業無家眷者
往往一門中分住數姓數姓中又有土住客住之別
清查匪類正在於此今定爲一門之中住數姓者卽
以一姓爲一戶雖有同姓非真係一族者仍算二戶

填註戶冊但戶口煩雜牌長頗難擇立應將一門內所開各戶統以共一大門爲一戶冊內註明某戶某人共一大門合算一戶并查明房東在內則以房東出名房東不在內則以各房有妻室生理者出名仍歸該段落牌長甲長稽察

一舉辦保甲戶口中有曾經作奸犯科及不安本分之徒而其罪又與賊盜有間者現在所派保正牌長甲長皆係公正之人編聯戶冊自必不願與之同牌甚至不屑與之爲伍或紛紛告訐轉恐別滋弊端且若

輩既知爲保正甲長牌長所不容勢必藏匿逃走或
暫留家眷自身外去牌內無可指名而牌外更添匪
類不特現在編聯諸多窒礙後日貽患亦不可不防
今與該牌長等聲明地方官與之作主務當一體編
入冊內不准一戶一口遺漏准於該戶冊上加用有
過兩字木戳編冊之後官不追其既往同牌亦不必
絕之太甚俾其自新如一二年内勉爲善良則將有
過二字木戳立予除去倘仍蹈故轍或另犯罪名保
正出首憑官嚴辦

一保甲編聯後各戶中有搬來遷去牌長查明報知甲長甲長報知保正呈明地方官在戶冊內註明其門牌卽時繳進遷來者亦請官卽時發給門牌不准過十日之期違者保正等聽官責罰

一戶內有添生子女及患病身故等事牌長五日內告知甲長保正各於冊內註明

一戶冊前人設立循環二本每年臘月封印後清查一遍送官換給今改爲先用草冊一本交該保正會同牌長甲長逐細開列俟開列齊備并無一戶一人遺

漏者呈官於每頁內用騎縫印一顆發繕正冊二本
官留一本保正留一本保正所存之冊每屆十日令
牌長甲長查對一次每屆兩月卽將冊內有搬來遷
去者有添丁病故者逐一註明呈官閱看仍將原冊
交保正手至年底封印後再爲另換一冊如此辦法
比之前人更覺周密而又免繕寫之煩似屬盡善
一保甲編後由官發給門牌將一戶姓名籍貫男工女
婦逐一細開每牌長發給十家牌開列該牌長及十
戶姓名每甲長發給甲牌開列該甲長及十家牌長

姓名繕成呈官用印將牌紙貼在薄木板上張掛門前朝掛夕收如因事遺失告知保正稟官補給倘係有心遺失者稟官責懲不貸

一甲內公事隨時具稟不無往返之勞殊非所以示體卹今定爲每保正一人官給木戳一個凡係保甲中應辦公事准其具稟蓋戳遣一人代遞到時該書差門丁卽時呈官閱看不准片刻耽延倘敢阻撓立卽重究至前人辦法亦有發給甲長木戳之處似屬太煩毋庸仿照蓋一切事件牌長甲長告知保正自可

辦理也其有與保甲無干而擅用木戳稟報者非自
已多事卽受人指使輕則訓戒重則嚴懲

一編聯保甲概不用書役門閭專屬保正官之所以重
視保正可知但保正中或有一二不肖者地方官不
行查考其何以勸勤奮而儆因循今定爲按地方遠
近分路查點官於公暇輕騎減從赴該鄉村對冊抽
查該保正甲長牌長人等務須齊集聽點不得混亂
其地方官下鄉一切夫馬飯食俱係自備絕不用百
姓花費一錢預備一飯各鄉村地保先期對衆示知

倘有門閭書差需索者許保正立刻喊稟聽官懲辦
若印官有事或移委教佐等官代查者亦照此例

一紙冊筆墨刷印門牌一切費用均由地方官備辦絲
毫不用百姓花費一錢該保正等繳草冊換正冊領
門牌地方官隨時坐大堂面發面收將來每屆兩月
呈送正冊閱看年底封印呈換新冊亦皆官自料理
無守候之苦無需索之人百姓可以放心印官仍須
加意

一保甲所以靖內奸而團練所以禦外侮古者兵寓於

農故守望得宜盜賊無由而入雖夜戶不閉可也前人定章往往騎保甲團練而二之故保甲自保甲團練自團練本道再三思索尙覺法未美備今擬合保甲團練爲一事旣不用廣籌經費亦不用過勞心力而行之久遠功效畢徵則燈牌支更之制誠第一簡便良法也查十戶爲一牌每一戶由保正飭令自備燈一座梆一枚有力之家用鑼更好每夜十戶中輪一戶點燈出一人敲梆燈油須自定更起點至天明不得短少按十天一輪週而復始風雨無間以城廂內外計之

十戶一燈百戶十燈千戶百燈萬戶千燈是每夜十里內外支更之人至少亦有數百擊柝聲聞儼同邾魯遇有盜警頓時邀集人衆喊捕合挈推之大小鄉村處處照此辦理尙何暴客之足懼哉

一十家點一燈出一人巡更守夜十天始輪一天逸多

勞少應於各戶中酌量選派壯丁二三名

貧苦無男丁者不與

報明本段落保正由保正登記姓名於冊無論城鄉村莊附近數里至十里者每月朔望各段落保正牌長甲長互相邀集或在廟宇及寬綽處所彼此會晤

一次隨意預備茶點以供清話久之鄉人互相認識
愈見親密惟不得賭博飲酒滋生事端違者憑官責
罰

一每戶各抽選壯丁二三名另冊登記名姓無事各安
生業有事應立即趨赴防護刀棍自行備辦其餘火
器等件向係違禁但今昔情形不同應如何酌量辦
理由地方官督同保正設法存貯以備不虞其有聞
警不赴者查出憑官責罰

一各鎮市鄉村總要路口及相離村庄較近之山徑河

以陔要處所應建立望樓

築土爲之或以土爲磚堆砌成樓亦可

以便

瞭望大村建造二三座中村建造一二座小村建造一座樓上置銅鑼一面螺角一個每座用壯丁八名至少亦須六名夜間上樓支更巡邏譬如八個人卽以四個一班上半夜四人下半夜四人以便歇息此項壯丁卽在十家牌內挑選之人輪流該班由保正與各牌戶商酌妥當不得推諉至城外空濶處所便於瞭望者應一律建造所有建樓置備器具之費各按本村大中小戶三等派捐若各村交界之處則各

村各戶公派所費無多不難湊積責成保正悉心經理如有急公好義自行籌辦者地方官送匾旌勞惟不准書役門閭一人與聞其有抗違不遵及不肯在望樓支更巡邏者立予提究

一遇有盜匪來村望樓支更之壯丁等卽在樓上吹角鳴鑼其鑼以隨手連擊爲號本村本戶一聞鑼角聲立卽鳴鑼接應各壯丁持火執械飛出捕拏附近各望樓聞鑼聲連擊不斷卽擊五聲爲號較遠各望樓聞鑼聲五響卽擊鑼三聲爲號從前舊章無論遠近

均飛出捕拏現在畧加改易應由保正計議盜匪多者自當作速前進若盜匪無多只須鳴鑼互相照應作爲聲援庶免顧此失彼之慮

一各村各戶壯丁擒獲匪首一名賞銀二十兩如盜匪拒捕該壯丁登時格殺一名賞銀五兩如擒獲盜首賞銀五十兩格殺盜首驗明賞銀二十兩其間或有捕匪受傷或傷重殞命者從優給賞

一壯丁不准懷私挾嫌誣拏良善指作盜匪違者照誣良爲盜例嚴行治罪仍將該段落保正等懲治不貸

一抽選壯丁應另立冊簿二本一交官署一交保正地方官當堂蓋印如有事故以及遷移等事亦照保冊樣式隨時註明每屆兩月呈官閱看每屆年底封印後呈官換冊地方官仍將壯丁冊與保甲冊不時互校一有訛誤立即查問保正

以上二十四條參酌舊法量爲變更寓團練於保甲中頗能簡便周備本道爲保護地方起見務當趕緊興辦人之欲善誰不如我以民生爲念者定可鑒此悃忱

批署高明縣吳福田稟卑職抵任察看地方情形擬

辦事宜請示祇遵

同治九年四月廿八日

據稟及片單均悉仰肇慶府飭將應辦事宜隨時認真經理務使地方安謐慎勿徒託空言是爲至要至保甲之法昉自周官弭盜安良莫善於此所有各州縣境內自應無分土客一律舉行前經本道手定章程二十四條寓團練於保甲之中法頗簡便易行現已發交首縣刊刻一俟刊刻完竣卽行印發該縣遵照辦理並飭知照仍候兩院憲暨各司道批示繳

卷之二

三

批開建縣武生鄧錫長控訟棍唆擺串闖瞞聳封

拆民房

同治九年五月初四日

林春芳之女亞妹孤苦無依該武生係其外姻尊長理宜善爲撫恤方於戚誼無愧乃覬覦遺產致滋訟端殊屬非是惟該武生榨房因何查封仰肇慶府迅飭開建縣先行查案稟復一面勒集人證查訊明確分別究追具報均毋稽延切切粘抄保領并發

梅因之履算在

卷二

七

致

王補帆方伯書
貴晉廷署臬

同治九年五月廿七日

上年四月十一月兩據開建縣蔡姓紳耆以蔡顯宗吞
嘗入已控縣未追等情赴道府衙門具控節經批行該
府轉飭該縣查覆訊斷迄未稟復昨據開建縣耆民蔡
作聘又以蔡顯宗欠繳嘗租縣訊未追經該民邀同房
族牽牛作抵現被蔡顯宗裝點情形報縣勘拘究追等
情遣抱具呈正在辦理間並據署開建縣彭令以縣民
蔡顯宗等呈報被蔡志仁等糾搶牛猪銀兩衣物其妻
侯氏被拒受傷復將門屋燒燬現經該縣勘驗拘究擬

將蔡志仁查取入學年分詳革訊辦等情通稟前來去
年兩次飭查之案仍未提及查此案兩造誼關一本牽
牛抵租雖近強橫然亦鄉曲愚氓常有之事况嘗租輦
轆事屬因公非有積怨深仇何至強取財物之後復焚
其屋情節殊覺可疑大約刁詐之輩一經受虧捏輕爲
重在所不免彭令不細加訪察出示拘拏通稟內稱查
驗的實而蔡侯氏原報刀傷又稱實係棍傷可見輕重
不符蔡作聘等定難甘忍及閱蔡作聘呈繳該縣印發
告示一紙有限令交匪繳贓否則立將該姓宗祠焚燬

又粘抄縣批內有紳士咆哮公堂各等語想係偏聽一面之詞以致衆心不服忿激頂撞近日傳聞衆情洶洶深恐另滋事端弟現已行文該府轉飭將原被人證卷宗申解赴道委員審辦俾蔡姓族衆不得鼓噪茲將蔡作聘呈繳縣示并所控案由照錄一分先呈查核并希於晉謁時將弟處提案緣由代稟院憲是所拜禱至開建爲瘠苦之區彭令署任已久該處民風愚魯每謂縣官遇事任性一有不合卽行上控溯查該縣控案現在已有數起雖未必均係實情究覺輿情不協可否回明

院憲予以調動在彭令可以脫離苦缺而該縣紳民亦可不致藉詞弟近因恩平一事時用惴惴管見如是尙乞酌之頃與蔣守面商意見相同并據蔣守面稟已另函達知戴守矣

卸恩平縣柳應喬回省船隻被搶案請嚴飭現署

縣俞功懋認真拏辦上

瑞節相
李中丞稟
同治九年六
月初二日

敬稟者本年三月二十四日據現署恩平縣知縣俞功懋稟稱卑職於十二日辰刻到署接印卑前縣柳令於十二晚登舟開船而去十四日午後訪聞柳令於是日辰刻船至縣屬聖堂墟地方忽被多人上船將衣箱行李毀掠卑職聞信會營前往追捕不及柳令已只覓小舟晉省隨據伊之官親幕友柳子君及屠姓來署面稱該匪等上船之時聲言係屬洩忿而來雖斧鉞在前有

所不忌等語本案雖官民結怨釀成事端然光天化日之下如此橫行大屬玩法除會營密查起衅緣由及當日滋事之人嚴拏究辦外理合馳稟察核等情職道當以案關匪徒截搶官船肆無忌憚無論官民有無結怨均應嚴行懲辦不容稍事顛預而此事究竟因何起衅是何實情亦應確切查明分別辦理卽經札委候補巡檢江林藻前往會同該署縣俞令確查稟覆一面批飭俞令會營選差嚴緝各搶匪務獲訊明究追詳辦維時又有該縣紳士刑部主事馮典夔等以縣役許寬等種

種玩法舞弊并迎合官意勒送牌傘等情臚列多款聯名遣抱赴道呈控職道查核控情原不能必其虛實惟指開各款均係該前縣柳令任內之事該紳等既有見聞何不具控于柳令在任之時而乃遲至柳令交卸後始行上控其情不無可疑當經批飭陽江州轉飭該署縣俞令確查稟覆并查明差役許寬等如有舞弊情事卽行提訊革究在案旋據委員江林藻會同該署縣俞令稟稱卑職林藻馳抵恩平當卽會同卑職功懋及營員前往聖堂地方傳出地保墟甲查訊據供三月十四

日辰刻柳令船隻到墟忽被多人毀掠牌傘什物伊等
當時阻止不及等語沿途訪查無異惟本案事起倉猝
卑職功懋甫經到任民情誠僞尙未周知第據紳士馮
典夔等聯稟衙役許寬等因案曲從迎合官意屢次勒
送牌傘各節顯係內有所恃等情查所稟紳士馮典夔
等曾經具控柳令一節似卽係官民結怨以致柳令被
搶之因惟柳令之被搶也各紳士中有無主使之人稟
內又卻未切實指出且案經多日亦未據掣獲一犯詳
辦實屬泄延復經札飭原委員江林藻再行前往會同

該縣覆加確查據實稟復一面會同營縣認真嚴拏各匪由縣訊明詳辦並札該縣遵照去後茲據該委員江林藻會同該署縣俞令稟稱卑職等當卽會同覆查當日柳令被搶聞係蕉園蓮塘區村大崗洞等處匪徒糾黨行事至官民結怨洩忿截搶未始無因緣柳令在任帶勇徵糧追勒太急者有之辦案遲疑不肯竟結者有之呈請舉行未准保結者有之均係得之訪聞現經差役帶到葉九勝甄光華二名提訊雖未供認真匪而當時搶掠情形已有頭緒卑職功懋業經諭飭各紳將糾

搶有無主使之人確查稟復并飭查搶匪按名協差獲
追除俟獲匪訊明分別詳報外理合會稟察核等情職
道伏查此案官船被搶情節甚爲重大若不從嚴辦理
何以肅功令而儆效尤乃該署縣俞令視作等閑并不
認真拏辦亦不據實通詳甚至飭查有無主使之人亦
復不肯明白稟覆察看情形顯係受制紳士毫無振作
惟有仰懇憲台迅賜嚴飭該署縣俞令務將此案賊賊
尅期弋獲照例詳辦并查明如有主使紳士亦須破除
情面獲案究懲不得顛預了事庶匪徒知儆地方幸甚

是否有當理合具稟憲台察核批示祇遵

敬再稟者據委員江林藻另具密稟稱訪得聖堂墟長
梁富宏并梁亞春吳選源等經馮廷驊交給銅錢六十
千文令伊等雇匪糾搶緣貢生馮廷驊附生馮壩向與
柳令結怨是以乘其卸事時串同刑部主事馮典夔廩
生鄭子風等糾集區村蕉園禰村蓮塘各村匪徒截搶
其銀物扛回區村俵分等語現在兵役先後帶獲渡夫
葉九勝革勇甄光華二名供明係在恩平城內總局領
米飯錢文其爲該局紳等主使似非虛揣職道查恩平

自逆匪滋事士客爭鬪地方官設局辦理防剿不得不藉紳士之力厥後該局紳聲勢遂張於一切公事干預把持厯任縣令但以敷衍了事至今日而竟成積重難返之勢柳令在任未能和協民情駕駛紳士負乘致寇咎固難辭惟攔搶官船情節重大而該局紳復敢出頭主使劫物俵分此等凶橫尤堪駭異若不嚴速懲辦實於全省風氣有關將來各處紳民藉口與官有仇肆行搶掠尙復成何事體蓋柳令一人原無足惜而大局所在豈可姑容此職道所以鯁鯁過計也今此案既不辦

匪又不通詳俞令之意不過因紳民勢衆操之太蹙恐
一經決裂又難收拾然旣知局紳主使反使局紳交匪
雖至愚之人亦知其不可職道再四思維不敢稍涉徇
隱理合附稟密陳可否仰乞憲台飭令藩臬兩司商酌
遴委幹員前往悉心查辦俾紳士不致逞刁匪犯及早
弋獲則大局實藉以保全愚見如是伏候鈞裁

附錄瑞節相批

據稟及片單均悉查此案先據署恩平縣俞令稟報
卽經批司委員馳往確查稟覆核辦仍飭柳令據實

稟覆旋據司呈報飭委長樂縣達才前往查稟在案
現據卸恩平縣柳令以該令在任并無官民結怨卸
事後先行進省友眷坐船留後被賊搶劫現署縣俞
令勒改報詞及片單稟拔貢生馮廷驊等因案怨謗
主事馮典夔冒簽捏控各情稟覆前來核與該道現
稟情節稍有參差應再委員確查辦理以期水落石
出仰東按察司會同布政司速再遴委明幹大員馳
往恩平將方道及柳令現稟各情節逐一澈底確查
柳令在任時官民有無結怨情事其友眷坐船係被

何鄉賊匪搶劫夥黨共有若干失去贓物若干俞令如何勒改報詞紳士馮廷驊等有无因案怨謗及挾嫌主使糾搶馮典夔是否冒簽捏控務得實情并督飭現署縣俞令訊取馮廷驊及現獲之葉九勝甄光華確切供詞分別將主使糾搶紳士詳革拘案并將搶匪按名嚴拏務獲一併解省究辦勿稍徇容暨移方道知照該司並將委員銜名先行報覆查核仍候咨明撫部院并候批示繳稟及片單俱抄發

附錄李中丞批

據稟柳令被搶一案飭據委員江林藻查明係該縣貢生馮廷驊等出錢交梁富宏等雇匪搶掠現已挈獲渡夫葉九勝等二名供認在局領錢等語現據柳令亦以馮廷驊等主使搶奪等情具稟前來亟應認真查辦以肅法紀而儆效尤仰按察司會同布政司遴委幹員前往恩平會同該署縣令秉公確查拘提馮廷驊等到案澈底訊明照例詳辦并飭俞令先將勘訊情形據實通稟察核毋稍顛預稽延併干叅咎至馮典夔等赴道呈控縣役許寬等玩法舞弊各

情既經該道委員會查應卽催令確切查明由道分別稟辦該司等并卽備移查照仍候督部堂批示繳稟及另單俱抄發又准臬司移撫憲李批據卸恩平縣柳令具稟遵札稟覆友眷被劫情形俯賜遴委公正幹員馳往會督拏辦由奉批此案現據肇羅道稟報已批司委員前往恩平縣會同認真查辦仰按察司會同布政司查照另批辦理并移肇羅道及飭該令知照仍候督部堂批示繳各等因奉此除札委准補連州知州余恩鏢前往查辦外相應移會爲此

合移貴道希爲遵照憲批辦理并祈轉行遵照施行

批高要縣孀婦張陳氏控死難復生冤猶可解治同

九年六月
初五日

據呈氏子張永宏赴廣甯貿易被張贊廷主使陳北蒂
呀謀毒斃命彼時張永宏身死隔縣係屬何人報知所
稱葬費銀七十兩究係何人所補此紙字約又係何人
書寫裏親外戚寫字簽花等語其意何指察核呈詞殊
不明晰又不粘抄案由礙難核辦姑著遵照批示明白
呈覆察奪保領附

命世之應身存

一

致善後總局司道書

同治九年六月初九日

頃奉示函備悉壹是新江河面請添設扒船一節四月間據署高要縣王令稟該處河面向歸新橋汛管轄原設有虎頭巡船三隻嗣被賊匪燒燬無存數年以來因無巡船匪徒遂敢駕艇窺伺不能不預爲防範并由該把總何定邦備移前來稟請移會肇協核明派撥淺水扒船三號前往巡緝等因查閱該縣所稟係爲慎重地方起見且係向章應有船隻當卽移會肇協核辦旋據復稱新橋汛額設巡船向由營中稟請督憲動支公費

修造現公費久停此項船隻請會稟督憲可否在省河
餘存三板撥給抑由司核明發給公費銀兩修造等語
弟以請司發給經費當此支絀之際恐難措辦而省河
所泊三板亦未知是否餘存復與張協戎及蔣守王令
商酌僉謂現在護幫船隻往來護送頗著功效該新江
河面若能添設淺水小船則巡察更昭周密匪徒亦不
致匿藏因與張協戎會稟兩院憲請由局添撥護幫淺
水小船三隻以資緝捕茲貴局現無可撥扒船并承台
屬會商張協戎就該處河岸舊有汛防基址擇要修復

數處派兵防守細繹來示洵爲持久之計容俟告知張協戎請其速行籌畫妥善再行咨達冰案先此佈復

再啟者展誦另示德慶段護幫船隻准張協戎改派關守備貴昌管帶一節屬卽密查奉佈查肇慶協營及督標各營差委備弁道署向不過問去年因改定西江護幫船隻章程奉院憲札飭肇慶協暨水師叅府會辦嗣後每月各段巡緝情形及水面有無失事均經張利兩君移會知照五月間准張協戎移知前山營千總陳寬稟假回籍修墓所遺分帶德慶護幫船差使查有右營守備

關貴昌堪以接管等因該守備因公進郡僅到敝署投刺兩次尙未與之晤面其人能否勝任現在聲名如何無從周知惟聞德慶州境現有搶劫渡船之事經該守備立將首犯五名拏獲又在祿步司地方偕同彭巡檢拏獲盜犯三名似尙不敢玩視公事但營員未弁求其操守清潔者恐難其選要在該管上司不時訪察拔其勤奮去其貪惰庶可使知做懼頃據護幫委員朱嘉楨稟稱張協戎以楊柳沙汛係歸右營關守備管轄河面將肇段十三號抽撥廣扒二號舢板三號歸併關守備

自擇管駕巡河直管至楊柳沙前爲止與原奉章程稍有未符等語查_{張利}兩君既有總統之責因地制宜自不能不酌量辦理但須和衷商榷方於公事有裨至肇慶分段稽查之佐雜三員職分卑小該員等以文武分途不願謙下而_{張利}兩君亦皆以二品武職大員不屑與之籌商一涉計較彼此必有意見此中情節弟頗有所聞既承函問合併附陳除隨時查明關守備有無劣迹及各幫員弁如不能得力者再行奉達先此肅復

欽定四庫全書

卷二

--	--	--	--	--	--	--	--	--	--

批開建縣孀婦黃林氏控呈

同治九年六月十九日

本案控爭糧稅輻輳事屬尋常該縣彭令不難查核征冊立判是非乃始則延押於前繼復詳革於後案懸不結何以折服其心仰肇慶府俟新任開建縣俞令抵任卽飭勒集案內人證吊查征冊秉公確訊分別究斷具報毋稍迴護稽延切切粘抄保領並發

歷代名賢傳卷二

三

--	--	--	--	--	--	--	--	--	--

致

王補帆方伯書

同治九年六月廿一日

前因卸恩平柳令船隻被搶一案兩次派委候補巡檢江林藻前往會同俞署令確切查辦據該署令先後稟覆各情均屬含混既未將主使之人指出復未據實通詳事已三閱月真犯并無弋獲查此案經弟訪查實係紳士主使而俞令因紳士過衆不敢認真雖爲小心起見但案關紳民藉口報仇攔搶官船情節較重似未便敷衍遷就弟愚以爲必應妥速懲辦俾儆刁頑茲將查辦情形先行具稟兩院憲察核謹抄錄稟稿呈閱卽乞

卷之四 別集 卷之二

三

檢收專此布達

奉瑞節相札轉飭所屬隨時加意保護各處教堂
及傳教士如有匪徒造言生事立予懲處將辦

理緣由稟復察核

同治九年六月廿七日

敬稟者奉憲台札開現據法國達領事申稱探得五月
二十四日天津土匪作亂燒燬天主堂領事官被匪殘
害等語飭卽轉飭所屬各州縣會同營員將各處教堂
傳教之士以及習教民人并所住房屋按照條約加意
妥爲保護一面密派兵役隨時查察如有不法匪徒造
言生事立卽按名查拏究辦等因奉此職道當卽傳知

署高要縣王令來署密與閱看并飭查明去後旋據王令稟稱查得住居肇慶城內之天主堂教士杜杭已於昨日赴省其主教亦未在郡城該教每逢五十定期講書亦間有不講之日現只有通事一名在館刻下郡城內外并無洋人等語除由職道督同蔣署守王署令隨時訪察加意防護斷不致稍涉大意亦未便過事張皇其肇羅各屬州縣亦卽一體通飭查照嚴密稽察遇有匪徒造言生事立予懲處俾百姓相安而洋人亦不致疑懼以期仰慰憲廑至職道查閱該領事申呈稱係天

津土匪作亂似非尋常民教滋事可比誠如憲諭須靜聽津門消息彼此互相知會妥商酌辦若該領事先自驚慌粵省民情刁悍轉恐流言傳播不法之徒乘機搆衅應請諭知達領事安靜在館候信并約束該館中一應人等毋得照常閒遊出外庶免別生事端是否有當仍候鈞裁合將奉札辦理緣由先行稟復憲台察核

批陽江州監生陳岳齡控陳煥芳鑽修族譜廢冗

滅祀等情

同治九年六月二十九日

查修輯宗譜乃合族公共之事該監生之父陳蘊元有無過犯應否祔祀既經涉訟公庭地方官飭據族衆查覆亦足以昭公允雖造謗污衊事所常有如謂合族之人與一死者爲仇羣起而污衊之恐無是理以合族之是非憑合族之去留不特陳煥芳一人所不能專亦該監生一人所不能爭也前據該州謝牧以飭據陳姓紳耆查覆委係陳蘊元生前有乖倫紀族衆公議不得祔

食並非陳煥芳挾嫌捏誣等情通稟到道業經批行如
稟銷案乃該監生猶復嘵嘵瀆控堅請傳案質訊無非
藉此拖累以便一己之私不知欲蓋彌彰殊無當於幹
蠱之道也該監生其慎思之粘件發還

批署開建縣彭保久稟同治七年八月奉文帶征
咸豐九年分民欠業經兩次具稟復再縷陳懇

乞察核示遵

同治九年七月初四日

查地丁銀米乃維正之供不容絲毫蒂欠前因該縣被
匪滋擾兩院憲具

題請將該縣未完成咸豐九年分民欠俟八年展緩之項
帶徵限滿再行分作兩年接續帶征等因奉准部咨轉
飭遵照在案現稟稱爲前縣誤解豁免字義從未帶徵
此言殊難憑信又稱開建屢遭兵燹難以帶徵前經該

縣稟請設法豁免並乞展至同治八九兩年帶徵等語
無論本案展緩帶徵業經奏奉

恩旨曰不容一請再請卽正項錢糧豈准該縣掠美
市恩所稟大屬非是況查該縣所稱前後兩次具稟並
未到道如果郵遞沉失該縣何不續稟詢明請爲查究
乃以日久未奉批示爲詞更覺荒謬究竟該縣到任時
本案帶徵有無限滿應否該縣經徵仰肇慶府迅將現
稟各情查明奉行事理詳細稟復察核毋稍刻延切切
仍候藩司暨交代局批示此繳

致王補帆方伯書

同治九年七月初六日

前奉賜函備聆一是因肝氣舊恙舉發半月來未獲修
啟奉詢起居想尊體當已和適早占勿藥惟祝加意調
攝寸衷不勝馳念弟現將署中公事畧爲料理擬七月
半後起程晉省若家兄事畢順道來端則須稍遲數日
大約二十四前後亦必趕到晤教在邇幸何如之家兄
之件日來定可出奏上費清神感泐無旣津門事此間
消息罕通地翁有航海之舉未知確否一切情形乞先
行示知德慶州胡牧署事已久承諭極是彼處現在稽

查河道及編查保甲均當喫緊之際昨蔣守來云實缺李牧精神較短恐難勝任尙必須更替務祈擇一能幹者接署似於公事有裨弟亦深以爲然統候裁酌高明吳令來郡稟知客田等事察其所論尙屬妥當未繳田價近又催繳千金惟餘田無人承買頗費周折弟已飭吳令趕緊回縣設法辦理隨後該令必有稟函細達左右也晉翁因各處省米欠解過多詳摘吳令頂戴咎本難辭第據吳令稟稱到任甫及三月六月內已照向章批解米二百石送省至按月勻解一層該縣瘠苦最甚

是以歷任均未遵辦此亦實在情形便中晤晉翁時代
爲提及爲禱郡城內外得雨深透農田尙可豐收米價
油價漸次減落民情亦尙靜謐郡內天主教堂其主教
未回現在并無洋人在此堪慰厯懷弟飭王令舉行保
甲燈牌等事城廂各處一律照辦西北城空僻處所仍
須妥爲布置耳賭館經王令全行封禁或可稍安

--	--	--	--	--	--	--	--	--	--

批署肇慶府蔣立昂稟修復廠簿用過工料銀兩

在蔡守捐存巡船經費項下提用請示

同治九年七月

初六

日

前據該府以黃江稅廠被火延燒等情具稟到道當查該廠事務殷煩辦公不可無所卽經批飭查照向章趕緊籌款興修在案現據稟稱該廠焚燬之後實已片板無存此次從新造復計用工料銀壹千六百八十六兩零急切無款可籌請將蔡任流交捐存停緝西江六段巡船經費銀壹千八百零五兩零項內提銷銀壹千四

百兩餘由該府自行捐給等語查該府幅幘遼濶屬邑繁多倉庫城垣巡防緝捕在在胥關緊要留此庫存閑款猶足備豫不虞緩急應手若以目前無用而遂去之似非慎重積儲之道至於流攤名目業經停止亦難作爲攤抵款項惟該廠被火延燒全簿化爲烏有此次從新造復工料既鉅經營不易較之尋常修理情形迥有不同自應酌量變通以示體恤查現稟工料銀數未免太多應行核減兩成作實銀壹千三百四十九兩三錢三分六厘准於蔡任流交項下借支銀壹千二百兩卽

以奉批之日起歸於該府本缺無論正署分作五年捐
提歸款其不敷銀壹百四十九兩三錢三分六厘卽由
該府自行捐廉湊足將來前後任交接之際務將此項
捐提銀兩移交現銀不准另款作抵其尋常修葺並不
得援以爲例卽遵照此繳

卷之四 應身不

二

批陽春縣貢生劉榮輦等控衙蠹覬覦瞞奪封禁

穀米壅塞病民

同治九年七月二十二日

穀米往來運賣有無相通雖屬例所不禁惟沿海州縣
恐有奸徒販運偷漏出口接濟盜糧情弊地方官例應
稽查嚴禁查該縣地面雖無出洋口岸而距海不遠應
否禁止出境仰陽江州迅飭陽春縣查明向章刻日稟
覆察奪保領並發

羅西公履身衣

卷二

四

批羅定州黃光周申詳命犯林小九在監病故訊

驗

同治九年八月初九日

查死罪人犯在監病故無論會否結案及已未入秋審情實緩決例應詳請派委鄰封州縣前往驗報該州監犯林小九罪應擬絞雖經兩次列入秋審緩決尙未奉文減等仍屬死罪人犯既在監病故該州卽應查照向奉札飭派定鄰縣就近驗訊通詳以符定制今據該州自行訊驗詳報似屬誤會仰卽另具圖結查明該犯原案具詳請咨並開送違例自行相驗職名附叅仍候兩

續西公履身在卷二

院憲暨臬司批示繳

身

擬給洋人閱看節畧四條上瑞節相稟

同治九年九月十五日

日

敬稟者昨奉發下條約各本均檢閱一過總署歷年照會外國及往來書函未通行各省者甚多職道所記遇事隨時商酌更改一語外間既無明文不便援引查同治元年三月總理衙門咨稱議定條約奉

旨遵行各直省督撫等宜悉心體察督飭地方官逐一講求實力遵守卽或條約中有確應更變之處及事界疑似未能自專或本與條約相違而彼此爭執不決亦

須咨明本衙門彼此商明斟酌盡善永遠奉行等因此層書函中似可提起至此件既欲辦理似洋人處必得與之說透茲就職道愚見擬就節畧四條留備採擇是
否有當伏候鈞裁

節畧四條

一中外和好總期日久相安泰西各國定立和約遇有
應當辦理者在京之全權大臣與總理衙門在外之
領事各官與將軍督撫司道無不即時商量妥協並
無絲毫嫌疑獨傳教一事迄未相安每念及此焦灼

殊深不趁此時將肺腑中言語盡行吐出請各國在中國者細細斟酌何以謂之永遠和好乎夫曰和好必須事事盡美視外國爲一體方算真心和好之據今我

大皇帝待外國惟恐保護之不至也內外官員與外國諸官員相處亦愈見和誼之敦篤也各省百姓不特讀書明理之士卽略有知識者亦知換約和好不可起衅也何以一涉教務百姓卽有齟齬近日細揣教民滋事根由實係不習教百姓不肯悅服所致雖

條約中言之諄切地方官自應竭力維持然而官愈維持百姓愈不悅服愈不悅服則猜疑愈多一唱百和頃刻生變官縱有十目十手亦措置不及到其間攘臂忿爭轉成不了之勢試思各國來中國通商生意買賣費煞許多銀錢不是專爲傳教而來似不能因傳教之一端遂爾阻撓全局凡事期於有濟一經勉強必多後慮今欲使中國洽浹必應自無用傳教始

一通商稅則條約咸豐八年十月法國葛大臣照會內

稱自今以後中國與法國各遵和約一切有礙之事
盡行銷除貴國諒信法國真無二意可永結同心之
好等語查法國與中國換約已十餘年一切通商等
事雖偶有辨論均係隨時隨事斟酌妥善從不使稍
有窒礙至傳教一節近年直省各府州縣凡涉習教
無不迭出事端推原其故傳教者原屬勸人爲善并
非有心滋事無如中國習教之民恃入教爲護符遇
事不講情理或欺侮良善或挾制官長該地方良善
百姓豈肯甘心始而隱恨繼而明攻借一不平之鳴

遂羣起而毀責之其實傳教士何曾得罪中國良民而中國良民卻因習教奸徒恃教滋事盡歸咎於傳教士故往往舍習教者而專與傳教者爲難今日報某處燒教堂明日報某處打傷教士試問此等情形有礙乎無礙乎能消除乎不能消除乎我中國與法國本係毫無二意永結同心之好豈可因習教奸徒鬧得處處不安人人畏懼與其事後費兩國大臣調停敷衍之苦心莫若事前設一永無爭論之法果欲永無爭論必應自無用傳教始

一英國條約第八款內稱耶蘇天主各教凡有傳授習學者一體保護其安分無過中國官毫不得刻待禁阻等語又法國條約第十三款內稱凡奉教之人皆全獲保佑身家其會同禮拜誦經等事概聽其便凡信教而循規蹈矩者毫無查禁等語查教務開禁以來地方州縣咸知奉有明文孰肯刻待禁阻只有格外保護之一法奈中國不習教之人見習教者官吏每多優容以致黠者銳意入教希圖恃教肆其奸邪而善良者心懷不服一遇事故彼此水火小則口角

大則殘害地方官稍涉遷就習教者怨官不善保護
教民不習教者又怨官偏於保護教民兩相怨地方
官何法以處之夫中國地方官收呈詞判曲直是其
專責今乃不見遞呈而交闕於閭里矣不問曲直而
焚掠及教堂矣甚至傳教士尙不知因何起衅而陡
生變故矣試思傳教士勸人爲善不遠數萬里而來
轉因爲善而受累且受多少惡名豈不冤甚看來習
教之民非特地方官不能保護他卽傳教士自己亦
不能保護他到了不能保護時不是轉害了他麼害

了習教民尙不要緊必定連著傳教士一齊受害那時我們兩國大小官員看見此等情景外國說中國百姓逞刁歸咎於官中國百姓說外國傳教不善歸究於傳教士究竟遵守和約只能必官員不刻待禁阻不能必百姓不刻待禁阻也只能必傳教士安心傳習中國循規蹈矩之人不能必中國不循規蹈矩之人不在習教之中而中國平民遂指不循規蹈矩之人而不能不刻待禁阻也講信修和原期永好現在百姓之心如此恐法令亦有時而窮然則奈何必

應自無庸傳教始

一條約是個憑據而其要全在辦事者因事制宜各國和約中原定條款後來看出有未盡美盡善者不妨彼此參詳想出妥法卽如更定法國船鈔第二十二條章程嗣後俄國日國亦卽照章改定外國招工一事至同治五年始立定章程二十二條又同治六年議定華商買用洋商火輪夾板等項船隻章程下註明暫時辦理應隨時詳酌增改以求有益而不致有流弊均經總理衙門王大臣與諸位貴大臣再三酌

度僉以爲然方通行遵辦試思兩國大臣如此費心
費力辦理公事非真正和好豈肯若是之和衷商摧
今傳教一事實覺百姓之心愈久愈離在中國自己
治自己的百姓一遇莠民作亂惟有盡法懲辦而外
國來我國通商竟因此等莠民受其欺害我中國於
心安乎是以寫出肺腑之言請諸位貴大臣領事等悉心
裁處庶幾流弊可除而有益無損矣

--	--	--	--	--	--	--	--	--	--

請將院批李亞聚就地正法一節迅卽移復致孫

省齋廉訪書

同治九年九月三十日

敬密啟者竊照高要縣賊犯李亞聚窩集匪徒行劫曾
洗榮梧州渡船一案現據該縣將犯覆訊議擬解經肇
慶府審明錄供轉解前來某提犯覆訊無異業經照章
備列供摺稟請院憲批行飭遵并移尊處在案查李亞
聚一犯罪犯應死猶恃在教爲護符其情最爲可惡本
應先行將其正法惟此事當日領事教士曾經饒舌故
不得不照章稟奉批行再行辦理某現與瑞守聯名密

稟中堂懇請趕緊批行尊處核覆用特將密稟一稿抄呈台覽自悉其始末緣由尚祈閣下一俟奉到院批迅賜核明移覆俾得將該犯李亞聚早日正法感甚禱甚專此密布鵠候回音

批廣西懷集縣屬通江客商聯和店等控在廣甯

河面疊遭劫殺請派兵剿辦

同治九年十月十三日

匪徒沿河搶劫爲害商旅殊屬日無法紀昨據廣甯縣會令稟報現經鄭鎮軍派委四會營江守備管帶安勇一百名前赴該縣駐紮搜捕業經拏獲匪犯曾亞志等數名等情仰肇慶府迅飭廣甯縣會同江守備督飭兵勇將在逃各匪黨認真查拏務獲究辦一面提訊已獲各犯分別歸案辦理毋稍縱延切切保領並發

--	--	--	--	--	--	--	--	--	--

批

肇慶府經歷戴喬林
署高明縣吳福田

會稟同查勘過客田已未變價

數目情形

同治九年閏
十月初四日

查本案前據署高明縣吳令會同坐辦客產委員李丞
查稟該縣未領客田一千餘畝已成荒廢直欲棄之是
以本道札飭該府前往查勘明確分別核辦茲據該縣
吳令會同委員戴經歷將該處客產田畝勘明繪圖註
說列摺稟覆前來查閱圖註客田內尚多可以開耕之
處可見並非全荒亟應由該府親往覆勘明確責成該
縣吳令認真召變吳令職任地方責無旁貸斷難任其

諉延仰肇慶府迅飭查照辦理并轉飭高明縣吳令遵照毋違切切勘圖清摺存

批高明縣民婦甘張氏控擄捉刑斃賄弄冤封治同

九年閏十月初八日

詞稱高華隆自招擄捉其爲業經獲案可知究竟甘茂昌是否亦係在場擄捉之人鍾峻嶽等有無刑逼斃命之事均應拘案訊明分別究辦何以該縣一任匿延反將氏叔甘廣運等押候所呈難保無另有別情惟案關人命亟須澈底訊究仰肇慶府迅飭高明縣刻日比差勒拘甘茂昌等到案傳集屍親人證提同高華隆研訊因何起衅致傷甘福全身死務得實情錄供詳辦毋任

泄延切切粘抄保領並發

爲高要縣考事與肇慶府出示曉諭

同治九年閏十月十三日

爲出示曉諭事現據署高要縣王令稟稱竊卑職於本年閏十月初八日開考歲試文章場中甚爲安靜共收得試卷一千九百七十三本當卽秉公評閱分別甲乙出榜曉示其中文理荒謬或抄襲陳文及犯規者均經貼出不取隨於十二日黎明在考棚出題覆試并調取正場前三十名進內面考以杜鎗替之弊詎封門後有無知之輩以卑職去取不公并以次場不應調堂爲詞任意喧嚷維時應考人衆卑職未便與論隱忍收卷伏

查卑職忝膺民社雖無學問值此衡文取士斷不敢稍涉粗疎惟該士子等竟矢口喧嚷不守場規旣不能悅服其心似未便再行覆校應請委員接辦考事以肅功令而昭嚴密等情到本道府據此查該令向來辦事頗稱能幹前在永安縣任內曾經考過童試士論翕然卽此番開考該縣特稟明本道府邀請候補知縣鄭令曉如來縣閱卷鄭令爲山東名宿早年選拔旋中乙科品學兼優本年派充分校鄉闈亦有聲譽察其去取必屬至當至公故託以衡文重任是該令辦理此事甚爲認

真是非自有公論非本道府有所偏袒也現在城鄉士子均各雲集况正場應試極其安靜該縣何必因一二無知之言遂欲將試事諉卸據稟前由除批飭該縣仍照常由縣示期覆試其試卷卽責成鄭令曉如秉公評閱由該縣分別錄取毋稍偏私外合行出示曉諭爲此示諭高要縣屬應試文章童知悉爾等卽便遵照該縣示期前赴縣署報名考試勿稍遲疑觀望至考試爲掄才大典今日之童生卽將來之國士該文章童等務須安分守已聽候招覆文章有一日之長短父兄有平時之表

率母得妄爲輕舉致令人指爲不端之士倘目無官長
蹈他處鬧考哄堂積習則三尺具存恐難寬宥也各宜
凜遵毋違特示

批東安縣生員彭

沛樊履祥

等控滅理肆逆經斷欺釋

同治九年閏十月二十四日

據呈該生等故父遺囑將書廳改作祠宇爲子孫者理應速爲改建落成仰承先志乃彭履泰父子竟敢藉按佔踞以致頻年構訟同室操戈殊乖孝友之道仰羅定州迅飭東安縣刻日傳集訊明秉公核斷具報毋任稍延致滋訟蔓切切粘抄保領並發

卷二

三

--	--	--	--	--	--	--	--	--	--

批東安縣民林

紹達啟芳

控偽判串吞叩乞親提斷結

同治九年十一月
月初四日

本案控爭山場纏訟不休是以本道批行羅定州提訊以昭公允該民等果有屈抑庭訊之下儘可明白陳訴該州自能辨別是非秉公核斷何致偏順縣意遷就斷結所呈乃屬臆度之詞殊不足據着卽趕緊前赴羅定州投案聽候傳訊毋得率請親提藉詞延宕保領附

卷之二

三

--	--	--	--	--	--	--	--	--

批學前東西街舖民正和店等控賭館被封賭棍

復領

同治九年十一月初九日

查閱粘抄縣批該縣前封學前西街閘內舖屋一所係因差役誤封業經給發原業主何世德領回并經該縣將學前西街閘外所封賭館一間給予該店戶等作為辦公之所何以該舖民等尙復以閘內之屋當日實因開賭被封堅欲備價承領究竟所呈果否實情仰肇慶府迅飭高要縣刻日查明稟覆察奪一面嚴禁匪徒毋許再行開賭滋事是爲至要粘抄碑紙保領並發

蘇西公唐身石卷二

三

批署肇慶府蔣立昂稟高明縣客民遺產尙未變
田一千四百零二畝請如該縣所稟分別召變

召佃請示

同治九年十一月十八日

據稟高明縣未變客田一千四百零二畝零前經該府
札委戴經歷前往會同該縣吳令勘明多在深山窮谷
之中荒蕪已久工力難施以致無人承領現在該縣諄
切勸諭各紳士承領二百八十畝勒限繳價尙田一千
一百餘畝請照鶴山縣前辦章程先行招佃納租等情
辦理尙屬允協自應如稟飭遵惟應否仍由該府親往

覆勘明確再行定奪應由該府酌量核辦至該縣原設
客產局及坐辦委員可否卽行裁撤其事卽責成該縣
吳令一手經理以節糜費并原設彈壓各勇究竟應留
應去或酌留若干以資差遣彈壓之處該府并卽俯察
情形一併迅速妥議稟覆以憑核明飭遵仰卽遵照此
繳

批署高要縣王炳文稟馮光緯等呈請五顯廟唱

夜戲稟請批示

同治九年十一月二十五日

查例載城市鄉村如有當街搭臺懸燈唱演夜戲者將爲首之人照違制律杖一百枷號一個月不行查拏之地方保甲照不應重律杖八十等語又處分則例載深夜唱戲男女擁擠混雜喧嘩恐致生鬪毆賭博姦竊等事責成該地方官嚴拏倘不實力奉行罰俸一年等語是演唱夜戲例應禁止今該縣據紳士馮光緯等稟稱停止夜戲商賈向隅可否准其演唱聽候批示等由該

縣身任地方斷無不諳律例之理何以輕信該紳等懇
懇輒爲出具印稟請示開禁殊覺詫異况以例所當禁
之事形諸公牘欲使本道批准更不知是何居心試問
該縣曾經面稟出示封禁賭館現在一律關閉倘該紳
等亦據稟求開該縣許之否耶肇慶地瘠民貧人尙樸
素該縣膺民社重寄舉凡編保甲聯鄉團詰奸禁暴及
民間疾苦宜何如悉心經理乃不聞一事關心直視百
姓如膜外而一二嗜利好事之徒一有稟呈卽爲之設
法開辦希圖見好本道惟知恪守

王章情願開罪于一二人斷不肯失信於合郡正人君子此事准唱夜戲與否地方官可按例而行毋庸使本道被惡聲焉該縣其三思之此繳

卷之二

三

擬委署肇慶府蔣立昂往勘高明客產上

瑞節相
李中丞

稟

同治九年十一月二十七日

敬稟者高明客產一事前據坐辦委員候補同知李丞
生廷會縣稟報尙有未變田一千四百餘畝已成荒廢
之區無人承領直欲任其拋棄職道以此項田畝爲數
不少若竟棄置殊爲可惜且內中豈盡荒蕪所稟亦恐
有不實不盡是以職道前在省時曾經稟知憲台擬由
署肇慶府蔣守前往勘明分別召變招佃迨回署後當
卽札飭該守遵照并屬其認真查辦旋據該守轉委戴

經歷喬林前往會同該縣吳令勘明該處未變客田一千四百餘畝內有一千三百餘畝係屬最荒之地實難耕種其次荒者止有四十餘畝畧可墾耕由委員會縣勘明繪圖註說列摺稟繳到道并據高明吳令福田來郡面稟前項次荒田畝尙可勉爲召變其最荒各田均極磽瘠難以開耕實恐無人承領等語職道當諭以居官行事必須任怨任勞尤在實心實力此項田畝將來該府覆勘明確如果實係拋荒自難責令全變然至少亦須變去二成尙有八成或卽查照鶴山縣劉令前稟

章程召佃輸租亦無不可并許以如能辦理清楚必當敘其勞績代乞憲恩量子調劑倘因循疲玩亦必據實稟叅諄諭再三該令頗知感奮職道仍將該令原稟批發肇慶府飭令蔣守前往覆勘明確責成該縣妥爲辦理該守旋即屢請病假是以未便飭催茲高明吳令又復來郡謁見稟知奉到該府諭函飭將勘過各田何處可以召變何處可以召佃輸租分別稟覆該令遵經傳集紳士飭令再行承領二成共田二百八十餘畝其餘一千一百二十餘畝卽令召佃納租該紳士等初猶以

田荒費絀爲詞頗多爲難之處迨經再四勸諭始各勉從至召佃各田每畝租銀作何定價俟議定後月行稟報該令再將以上各情稟覆該府請示等語并據署肇慶府蔣守稟據該令稟同前情應否如稟辦理稟請職道示遵等情職道伏查前項客田計有一千四百餘畝據勘本已荒蕪現經該縣吳令督飭局紳人等召變二百餘畝召佃一千一百餘畝計可得田價銀一千餘兩每年租項所入約又可得數百金實爲意料所不及此皆仰賴憲台德威遠被下懷欽佩莫可言宣惟應否卽

照該縣原稟飭遵抑仍須由該府親往覆勘明確再行定奪職道現經批飭蔣守酌量辦理所有原設高明客產局及坐辦委員應否先行裁撤其事卽責成地方官一手經理以節糜費并原設彈壓各勇究竟應留應去或酌留若干之處亦經批府體察情形一併議覆容俟該府議覆到日再行肅具印稟詳晰上陳合先將大概情形具稟憲台察核

補巴之片集正 卷二

二

批開建縣蔡作聘等控曲直已分判涉兩歧莫適

從違

同治九年十
二月初三日

本案經本道批提飭委高要縣訊斷一切情形均經高
要縣隨時面稟斷無偏護爾族蔡顯宗霸產誣搶固不
足取惟該生等讀書明理總當仰體親親之誼顧全大
局試思同堂構衅同室操戈識者有不竊笑耶務卽聽
候該縣訊斷趕緊結案本道實有厚望焉勉之切切保
領附

--	--	--	--	--	--	--	--	--	--

嶺西公牘彙存卷三目錄

同治十年正月初五日起
至十二月二十五日止

肇慶各屬考試經費請仿照韶州章程在於西江

鹽釐項下酌提撥發承辦與府聯銜上瑞節相

稟 同治十年正月初五日

西省懷集縣屬羅吳等姓與徐姓挾嫌糾鬪委員

查復及廣甯等縣續稟情形與府聯銜上瑞節

相稟

同治十年正月初七日

附

瑞節相批

兼署撫院瑞節相批

札委高要縣丞前往東安縣確查門閭撥弄擄搶

一案

同治十年二月初三日

廣西懷集縣屬羅吳等姓與徐姓互鬪滋事奉調

顏都司現經駐紮開建并各州縣探報情形分

飭辦理緣由與府聯銜上瑞節相稟

同治十年二月初四日

日

札高要縣飭差及諭地保人等加意巡防遇有外

來游匪即行挈究并出示嚴禁

同治十年二月初六日

批廣甯縣訓導張樹穀稟廩生楊介眉等建祠毀

佔學署三堂及馬路復敢鼓眾挾抗捏稟聳准

照詳刷繳志圖再懇察核批示

同治十年二月初九日

西山司巡檢恩齡被控一案札羅定州飭查稟覆

同治十年二月十三日

准杜靈牧照會傳教札飭陽江廳按照條約辦理

同治十年三月初二日

飭拏陽江廳屬散匪致陽春縣德恩平縣俞明府書同治十年三月

初三日

據杜教士照會擬派人赴陽江屬傳教請飭該廳

出示保護等情上瑞節相稟同治十年三月初五日附瑞節相

批

飭屬清理積案上瑞節相稟同治十年三月二十日

批羅定州黃光周稟遵札查明卑屬知縣及佐雜

各員出具切實考語列摺密稟同治十年三月二十日

批德慶州監生何連馱控趙福文等連劫九家殺

斃事主等同治十年四月初四日

批署恩平縣俞功懋稟訪聞梁黃二姓聚眾尋鬪

現已彈壓解散稟明察核同治十年四月初十日

札飭高要縣設法搜捕積匪體察情形妥議章程

稟覆同治十年四月二十日

批恩平縣民婦黃世大氏控梁朥仔細擄勒贖等事

同治十年四月二十六日

批署高要縣王炳文稟奉委發審開建縣生員蔡

志仁與蔡顯宗互爭嘗田案訊結完案

同治十年四月

二十六日

委員查辦東安紳耆禁逐天主教緣由上瑞節相

稟 同治十年五月初九日

請將委署新興縣立將司巡檢關鈺留辦護幫事

務移藩司善後總局 同治十年五月十五日

代高要縣擬給杜教士照會 同治十年五月二十三日

批鶴山縣業戶勞秋炯等聯名呈控任敏行強誦

害眾 同治十年五月二十四日

批署高要縣王炳文稟教民蔡公才控搶一案謹

將辦理情形遵札通稟 同治十年五月二十六日

札飭高要縣會同顏都司帶勇前往各鄉搜捕 同治

十年五月二十六日

批開建縣陳樹霖稟卑縣典史彭成松現因幫辦

保甲事宜懇請俯准暫緩調驗批示 同治十年五月三十日

日

簽駁陽江廳詳恩平縣民婦吳黃氏呈控伊男被

截拒斃一案

同治十年六月初二日

批高明縣吳福田稟遵批辦理客產情形

同治十年六月

初五日

杜教士請保護教堂與府聯銜上瑞節相稟

同治十年

六月初九日

札飭各屬遇有福音堂混用信函一概不准收閱

查照條約辦理

同治十年六月初九日

批羅定州民劉德昭等控線匪追搶拒傷事主治同

十年六月

初九日

查辦肇慶人眾議拆教堂及查辦高要匪鄉各緣

由上瑞節相稟 同治十年六月十一日

批積案局委員會稟請將各屬繳到案冊飭發下

局並於何月起辦候示祇遵 同治十年六月十四日

札飭東安縣拏辦匪徒 同治十年六月十六日

批署德慶州知州楊夢龍 會稟現據州屬紳耆劉

道曾等稟請赴鄉查拏土匪 同治十年六月十六日

批高要明縣職員劉成璣等呈控聚眾抗批圖翻撫

局 同治十年六月十九日

奉札將肇慶民教情形及辦理高要匪鄉稟復瑞

節相 同治十年六月二十六日

德慶匪徒在金郡村等處屯踞現飭該管文武趕

緊捕拏先將籌辦大概情形陳明上瑞節相稟

同治十年七月初十日

批廣甯縣袁祖安稟會營調募兵勇馳往縣屬森

洞地方堵剿德慶屬雙棟賊匪情形 同治十年七月十三

日

籌辦德慶州雙棟踞匪情形并請派撥得力兵勇

二三百名馳赴該州會剿上瑞節相稟

同治十年七月

十七日

札悅城司巡檢實力嚴拏金郡土匪究辦毋稍疎

懈

同治十年七月十九日

德慶州雙棟踞匪現已逃散所有前稟請調兵勇

應請毋庸撥往會剿上瑞節相稟

同治十年七月二十二日

風聞哥弟會匪被剿潛行逃竄肇慶預籌防範上

瑞節相稟

同治十年七月二十四日
附瑞節相批

批廣甯縣職員江觀潮控狡蠹勒詐貪贓枉法治同

十年七月
二十六日

批德慶州例貢董俊英控賊匪踞村為巢礮斃兵

勇等

同治十年七
月二十六日

遵札查明肇慶各屬近日搶劫各案上瑞節相稟

同治十年七月二十七日

附瑞節相批

密札廣甯縣嚴拏要匪

同治十年八
月初八日

諭蜆岡鄉紳士李汝剛等立將在逃餘匪一併緝

送解辦

同治十年八月初八日

札飭肇慶府致祭文廟理宜禮節嫻熟

同治十年八月初九日

官廳告白

同治十年八月十九日

嚴飭署德慶州楊牧加懸重賞捕拏著匪并高要

查辦匪鄉情形上瑞節相稟

同治十年八月二十一日

批陽江廳舉人區成佐呈控勢紳把持偏聽蒙稟

同治十年八月二十七日

批東安縣職員廖志信呈控狐鼠朋奸訊不覆據

妄刑酷結

同治十年九月十五日

請將教匪李亞聚一名就地正法上瑞節相稟

同治

十年九月

十九日

擬將李亞聚再行復訊錄供通報聽候憲示妥辦

上瑞節相稟

同治十年九月二十四日

批署鶴山縣黃家德具稟請札委典史王焱專駐

雙都督辦客田召變事宜並委員署理典史缺

以專責成候示祇遵

同治十年九月二十九日

將訊過高要縣盜犯李亞聚等二名訊認窩劫及

行劫事主曾洗滌渡船得贓不諱理合錄供稟

請批飭就地正法上瑞節相稟 同治十年九月二十九日

請將陽江廳職員梁光家衣頂開復文件早日發

行致鄧雙坡方伯書 同治十年十月初三日

擬禁門閭家丁擅穿添青紅青色衣服致肇慶府

瑞南星太守書 同治十年十月初五日

將東安縣典史張炳鏞解省審辦上瑞節相稟 同

十年十月十三日

致孫省齋廉使書 同治十年十月二十五日

梁亞幅現已到案緣由上瑞節相稟

同治十年十一月十三日

批陽春縣貢生藍維翰等呈控冒捏鑽詳叩委勘

訊究斷

同治十年十一月二十二日

梁亞幅仍交譚千總約束責成作線拏匪以贖前

愆上瑞節相稟

同治十年十二月初三日

批廣甯縣袁祖安稟遵札會勘得卑縣廩生楊介

眉等毀佔學宮馬路及訓導署三堂屬實情形

印刷志圖另繪新圖註說送請察核

同治十年十二月初

五日

簽駁陽江廳生色等店貨船被劫案查開疎防職

名詳冊

同治十年十
二月初八日

批開建縣生員馮京唐控為情奸拐逃牽累族屬

前縣摘釋廢井生波

同治十年十
二月十五日

羅定州吏目陳之縉與西甯縣連灘汎把總黃恒

炳越境前往東安縣挈人滋事應嚴行查辦致

鄧雙坡方伯

書

同治十年十
二月十九日

批羅定州黃光周稟西匪竄擾西甯縣屬之排埠

嘉益墟等處會督營縣堵剿

同治十年十
二月十九日

札委從九楊麟馳赴西甯縣確查西匪現在情形

據實稟覆

同治十年十二月二十二日

據報西匪竄擾西甯縣屬排埠等處旋經官兵擊

退上瑞節相稟

同治十年十二月二十五日

諭本署各僕

同治十年十二月二十五日

卷之二 月令 三

--	--	--	--	--	--	--	--	--	--

嶺西公牘彙存卷三

定遠 方濬師 子嚴

肇慶各屬考試經費請仿照韶州章程在於西江
鹽釐項下酌提撥發承辦與府聯銜上瑞節相

稟 同治十年正月初五日

敬稟者現據署高要縣知縣王炳文稟稱竊照肇慶歲
科兩考向由卑縣承辦日前稟定歲考文武兩棚共用
銀六千七百三十七兩三錢零九釐科考文棚共用銀
四千三百一十八兩八錢三分七釐兩考合共用銀一

萬一千零五十六兩一錢四分六釐按照各屬學額均
勻派捐預期移解卑縣承辦供支一切需用久經遵辦
在案從前移解清楚絕少拖欠自咸豐四年以後各屬
軍務迭興兵連禍結十有餘年地方當凋敝之餘辦公
早形竭蹶乃於同治七年間復奉裁減米羨州縣益加
苦累以致考費銀兩竟至不能措解卑縣爲顧大局起
見不得不挪款墊辦尤爲累上加累削骨難填查各屬
派捐考費多則一千餘兩少亦八九百金勻捐雖分三
年措解實爲巨款在用項則萬難撙節而墊辦又無騰

挪與其貽誤於臨時曷若籌維於先事卑職忝居領袖
爲各屬交代監盤此中爲難勢亦難容緘默現聞韶屬
考費渥荷大憲恩施在於北江鹽釐項下每三年酌提
銀壹萬兩爲辦考之用俾各縣稍輕捐數而首邑又無
墊辦之虞意美法良並可垂之久遠刻下肇慶州縣賠
累情形與韶屬無少差別而卑縣辦考之支絀則更甚
於曲江事同一律似可仿照而行茲與各牧令往返函
商意見相同伏乞俯賜轉稟援照韶屬現辦章程在於
鹽釐項下每三年酌提銀一萬兩札發卑縣爲歲科兩

考之需不敷之數再由卑縣核議移派照數捐足俾可
無誤差使等情據此職道等伏查肇慶歲科兩考經費
浩繁向由各屬按照入學名數捐派解交首邑高要縣
承辦自咸豐四年各屬軍務迭興地方業已凋敝迨奉
裁減米羨之後辦公更形竭蹶以致考費籌解不前承
辦之員既無騰挪又難搏節細核所稟尙屬實在情形
現據該縣函商各屬請仿照韶屬章程在於西江鹽釐
項下每三年酌提銀壹萬兩爲津貼歲科兩試辦考之
用不敷之數仍由該縣核議移派照數捐足庶經費有

常而試事無虞貽誤高要與曲江均爲附郡首邑事同一律似屬可行至本屆歲試各屬應解考費仍由府嚴催外理合據情具稟憲臺察核批示祇遵

高要縣缺以考試經費爲第一賠累庚午秋予在闈中與李星衢中丞言之中丞以韶州現辦章程正可仿照歸署述之於各牧令頗爲感戴因據縣稟轉達兩院中丞已調撫桂林瑞澄泉節相批發運司核議竟爲鍾雲卿都轉所格和衷共濟難言哉

辛未仲冬記

西省懷集縣屬羅吳等姓與徐姓挾嫌糾鬪委員
查復及廣甯等縣續稟情形與府聯銜上瑞節

相稟

同治十年正月初七日

敬稟者竊照西省懷集縣屬凝洞羅吳等姓與徐姓挾
嫌糾鬪匪徒從中勾結滋擾一案職道等接據開建等
縣稟報後立即委員候補主簿李肇慶馳赴確探當將
查辦情形稟報憲鑒在案嗣於同治九年十二月初七
日據委員李肇慶稟稱探得廣甯縣著匪周玉勝等先
因攔河打單被官兵捕拏嚴緊遁入西省適懷集縣屬

凝洞村羅吳等姓與徐姓爭山挾嫌各圖報復該匪藉
此爲名勾結土匪多人圍劫徐姓被徐姓殺斃生擒匪
首各一名賊復攻其鄰近雙下羅閑等村并連攻徐姓
山寨直迫木連村駐紮現復添糾德慶土匪多名欲圖
打破徐村等情又據廣甯縣杜令以九年十二月初七
日接據探報懷集凝洞村羅吳等姓人少貧弱向被徐
姓恃眾欺凌因此挾嫌各招德慶廣甯等處匪黨千餘
合鬪互有殺傷現已漸次解散并據開建縣俞令以九
年十二月十三四等日續接探報德慶廣甯匪首潘亞

狗嚴亞潰等各帶匪徒千餘名前往懷集幫鬪徐姓與羅吳等姓各村概被搶掠各等情具稟前來職道等伏查此次西省懷集縣屬羅吳等姓與徐姓挾嫌糾鬪互相滋擾復有土匪從中勾結忽散忽聚難保其不蔓延他邑肇慶府屬開建封川廣甯均與懷集毘連亟應會同營員督飭兵勇鄉團妥爲防守固不可過事張皇尤不得因循疎懈致滋貽誤除札飭各該縣遵照並飭隨時探報外合將委員查復並廣甯開建等縣續稟情形馳稟憲臺察核

瑞節相批

據稟西省懷集縣屬羅吳等姓與徐姓挾嫌糾鬪案經該道等委員查復及廣甯等縣續稟情形已悉現據開建縣俞令懷集縣貴令稟報已另札飭遵仰卽查照另札分飭遵辦仍候撫部院批示繳

兼署撫院瑞節相批

據稟已悉仰卽督飭開建封川廣甯德慶四會各州縣會營督率兵勇鄉團嚴密防堵毋任蔓延仍確探懷集匪蹤隨時馳稟察核並候督部堂衙門批示繳

札委高要縣丞前往東安縣確查門閭撥弄擄搶一案 同治十年二月初三日

爲札委密查稟覆事現據新興縣民梁明遣抱梁升赴轅呈稱竊商籍隸新興縣向在東安西山太平墟開張恒泰布疋蘇杭店安分生理禍因酷吏西山司恩齡妄執苛性白地殃民互串劣棍黃佩道爲伍於去年十一月十八日藉墟上建醮演戲眾標鄉約禁賭遂觸酷怒慘將商叔司事梁龍章無辜捉解以致合墟驚罷歇業幸縣主洞悉其情訊屬無干隨著紳士黃繼善等調復

酷見眾怒難犯祇得詳將商叔釋回意謂事息無虞豈知酷司心藏蛇蝎於去臘十三日午後先奔回衙不知如何聽信奸閹陳玉田播弄膽卽統帶匪役三十餘兇各持刀礮火具蜂擁入店聲稱奉憲抄燬所有商舖恒泰及左右鄰廣生長興三店錢銀貨物概被劫掠一空其受毒最慘者莫如商店盡爲灰燼並殺傷木客蕭應郁一名估計贓錢四千貫有奇卽伊所掠贓物除各分散外餘俱負在劣棍黃佩道家窩藏時值青天白日合墟舖戶紳民男婦共知共見並經墟老場獲得狼役羅

標一名稟送縣主訊押在案旋即赴州呈明乃僅以徇情批調爲辭並不勘辦勢著粘批遣抱望光匍叩憲天伏乞立飭札委會勘嚴飭究吐追贓詳辦以正刑典當批據呈如果屬實殊屬有干法紀惟詞出一面究竟有無捏飾別情仰羅定州迅飭東安縣確切查明據實稟覆察奪毋任顛預稽延切切粘抄保領並發在詞除批揭示並將原呈印發羅定州轉飭遵照外合就札委密查札到該員即便遵照刻日束裝起程前之東安縣密查本案實在情形據實稟覆赴道以憑核奪毋稍顛預

稽延切切特札

十

廣西懷集縣屬羅吳等姓與徐姓互鬪滋事奉調
顏都司現經駐紮開建并各州縣探報情形分
飭辦理緣由與府聯銜上瑞節相稟

同治十年
二月初四

日

敬稟者案照西省懷集縣屬羅吳等姓與徐姓挾嫌互
鬪匪徒從中勾結滋事一案職道等業將接據開建等
州縣稟報暨委員馳往查復情形先後具稟憲鑒隨奉
憲臺檄飭署南韶連鄭鎮派委都司顏金管帶部下安
勇三百名馳赴開建並調西省梧州郡曹參將帶勇合力

進剿仰見中堂綏靖邊陲拯民水火之至意茲於同治十年正月十七日據開建縣俞令會同顏都司稟稱安勇業於正月初十日行抵該邑紮營上年臘底接據探報懷集幫鬪各匪頗有散回新正初五日以後探報漸復屯聚現經馳移懷集貴令并鄰封各州縣會營督勇分防各要隘以期聲勢聯絡又於正月二十一日據廣甯縣杜令稟稱現准懷邑貴令函開該匪憑險負固若我軍全由懷邑攻其前面山路崎嶇逼仄難期得手前奉大憲札調顏都司帶勇赴援飭由該縣進兵攻其後

路使匪腹背受敵誠爲勝算現聞開建縣稟請由廣甯
來縣進攻恐該匪負隅相抗轉致糜餉勞師等由并據
探報顏都司派勇前往凝洞諭令兩造迅速解散無待
大軍剿洗羅吳等六姓尙無異議惟徐姓恃強不遵又
據署德慶州楊牧會同關都司稟稱現經嚴飭城鄉各
團查明匪徒蔡潮嚼等究係何村人氏責成族長紳耆
設法招回解散一面偵探匪勢相機辦理又據開建縣
俞令與顏都司會稟懷集各匪先已攻破徐姓鄉村并
焚搶李關等姓茲據探報正月十二日該匪復破陳姓

卷一百一十五 卷三
十一
一村互有殺傷并有擄捉婦女情事現准懷邑貴令函
移皆云梧郡道勇望後卽可到防卽請安軍駐紮開邑
剿賊後路各等情據此職道等伏查此次匪徒因凝洞
村羅吳等姓與徐姓挾嫌互鬪數月之久焚劫殺擄雖
未抗拒官軍而無賴棍徒乘機混入聚集日久難保不
另滋事端亟應由各州縣隨時會商妥爲辦理先將互
鬪之人解散一面嚴查勾結各匪或懸賞購獲或責成
本匪村莊族長紳耆設法拏送其僅止混入尙未敢夥
同焚搶者或准其自首并准令各村莊迅速招回總期

勸懲兼施方免蔓延爲患現在梧郡曹叅將旣經懷集
貴令稟調管帶道勇前來進剿顏都司一軍復紮開建
兩處聲勢已極聯絡似可無旁竄之虞惟開建縣俞令
已奉撤任誠恐辦理一切呼應不靈應請飭催委署開
建縣陳令樹霖迅速前往接篆以專責守而靖地方除
札飭各州縣實力籌防毋稍疎懈并將探明該匪動靜
隨時稟報外合將現辦情形馳稟憲臺察核

各一
目
ノ
別
ニ
テ
不
レ
同
ニ
シ
テ
三

札高要縣飭差及諭地保人等加意巡防遇有外

來游匪卽行拏究并出示嚴禁

同治十年二月初六日

爲札飭遵照事照得近日郡城開考府試學院不日按臨各屬士子雲集街衢時形擁擠訪聞有外來游匪混跡其中乘間掏摸搶竊情事亟應嚴密查緝以靖地方合行札飭札到該縣卽便遵照選派幹役及諭飭地保街正人等在於人烟稠密處所加意巡防遇有前項匪徒立即拏解究辦仍一面出示曉諭嚴禁均毋稍延切切特札

卷之三

二

批廣甯縣訓導張樹穀稟廩生楊介眉等建祠毀
佔學署三堂及馬路復敢鼓眾挾抗捏稟聳准

照詳刷繳志圖再懇察核批示

同治十年二月初九日

查本案前據該訓導具稟業經批飭肇慶府委員前往
會縣查勘隨據前署廣甯縣會令與委員候補布政司
經歷邱鴻星將會同查勘及飭據紳士馮毓熊等查覆
情形詳細稟復又經批行該前府核明如稟飭遵在案
茲據稟各情究竟果否屬實仰肇慶府迅飭廣甯縣確
切查明稟復察核此繳粘單及圖存

西山司巡檢恩齡被控一案札羅定州飭查稟覆

同治十年二月十三日

爲札飭遵照事案據東安縣客民梁明遣拘呈控西山司巡檢恩齡統役焚搶等情一案先經本道批仰該州轉飭東安縣確切查稟一面由道詳細訪查茲查本案實因太平墟建醮酬神墟眾議出禁約不准挈原被告等事該巡檢查知係恒泰遠珍兩店主著令貼寫飭傳該店主梁龍章等均經外出卽將該兩店工伴梁之重等帶至署中墟眾驚惶卽擁赴該巡檢署前吵鬧并用

石擲破瓦面該巡檢隨將梁之重等釋放飭役拘到在場擲石之韋大才訊供責押隨經東安縣穆令訪聞差查該巡檢又將梁龍章捉獲連韋大才一併親身押解赴縣該處紳士賴魁第等趕至縣城央求總局各紳調處令梁龍章向該巡檢服罪接回署中施放爆竹在墟迎接并將擲破瓦面修復該巡檢卽請穆令將梁龍章等釋放嗣因施放爆竹無多而恒泰店又出言不遜該巡檢因此氣忿復帶弓役前赴該店挈人適是日墟期人多聚擁致將該店前茅蓬擁倒壓在煮賣食物之火

竈上以致起火焚燒恒泰店頭進舖面其左右隣廣生
長興二店亦被畧燒桁桷旋即救熄當起火時該店貨
物不無被旁人搶失該巡檢於未起火之先業經他人
勸回至蕭應郁係因救火被屋瓦跌落擊傷頭上亦非
該巡檢殺傷隨經墟眾將該巡檢公署圍困并經恒泰
店梁明協同墟眾捉獲弓役羅標一名解縣穆令提訊
各執一詞當飭壯勇協差前赴彈壓并飭該巡檢赴縣
一面諭令該墟人等照常貿易聽候查辦等情查梁明
原控情節固有不實不盡惟該巡檢辦事乖謬以致激

成事端亦屬不合合就札飭札到該州迅卽轉飭東安
縣確查本案實在情形據實稟覆赴道以憑核辦一面
察看該巡檢恩齡如須撤任卽由該州委員前往代理
仍將辦理緣由稟覆察核均毋違延切切特札

准杜靈牧照會傳教札飭陽江廳按照條約辦理

同治十年三月初二日

爲札飭遵照事現據杜靈牧照會內開本教之通行原非一朝一夕卽三代以前六朝以後奉教之官吏紳民公侯宰輔屢有人習書籍可稽碑銘可查並非異出新奇之道卽

聖祖仁皇帝亦曾仰道恭行現京都宣武門內之堂乃奉

綸音所建目今仍存御筆親題之神聯扁額並可爲徵

非與邪教異端並論若如偏左何得千百年來傳續至今惟惜未明之輩每每視作異類他流恒多啟衅是以道光二十四年咸豐八年同治二三年後疊奉

諭旨飭各省督撫轉行各府廳州縣抄約遍貼曉諭在案惟陽江州屬內奉教人稀奉文後未經出示遍貼曉諭茲敝牧調授肇羅等處教政宜知該境妥辦情形特派傳教司事溫翰文已遊行陽江屬誠恐紳民未澈和章致啟衅端均靡獲益理合照會貴道憲煩爲照錄備文移知陽江州出示曉諭並給護照一紙與傳教人收

執以免矜者疑惑庶民倡亂倘該傳教人如遇難危敢
祈照料以契

上國宸惠並彰憲臺體朝廷柔遠之至意尤徵不朽和
章實爲公便等因據此查洋人傳教係按照條約辦理
惟各處風氣不同總宜彼此相安庶免別生嫌衅既據
杜靈牧照會前來合亟札飭札到該廳卽便遵照按約
妥爲辦理仍將該教士到廳時日及該廳辦理情形隨
時稟報本道并院憲衙門查核毋違切切

飭挈陽江廳屬散匪致

陽春縣德恩平縣俞

明府書

同治十年三月

初三日

現據陽江余丞面稟該廳深窟塘等處匪徒蠢聚劫掠當經會營擒斬又復懸賞勒族搜捕餘匪除匪首梁允太等十四名業已挈獲解辦外其陽春之老袁老曾及恩平之李掌梁關長等四名尙屬在逃請飭春恩各縣一體設法擒挈等語查匪徒膽敢糾眾搶掠大爲地方之害必須嚴密弋獲俾申懲創而淨根株用特密函佈達卽祈足下查照迅速辦理切勿遲延任其遠竄至貴

處如尙有著名棍徒亦應早日殲除毋使延蔓接信後
并希將現辦情形先行見覆是所切禱

據杜教士照會擬派人赴陽江屬傳教請飭該廳

出示保護等情上瑞節相稟

同治十年三月初五日

敬稟者現接駐肇天主教杜靈牧照會以該牧現擬飭派傳教士前往陽江廳屬傳教誠恐該處紳民未諳和章藉端滋事請飭該廳出示曉諭隨時保護并請給發護照交傳教人收執以免紳民疑惑等情查洋人傳教係按照條約辦理當經札飭陽江廳按約妥辦隨時保護惟所請給發護照一節職道前在總理各國事務衙門當差時每見給發護照均係蓋用順天府印信迨服

官來粵於公牘中見本省護照大率蓋用總督關防職道衙門向無給發護照之事似未便擅行開端業經飭令高要縣王令將以上情由函致杜靈牧知照并令其諄囑傳教士安靜傳教民間願否入教悉聽其便不可稍涉勉強亦不可干預地方公事庶彼此長久相安可免別生嫌衅合將辦理情形稟報憲臺察核

附瑞節相批

據稟已悉查外國教士欲往內地傳教應由該國領事官照會地方官查明察看情形分別辦理該天主

教杜靈牧並不稟明領事官徑行照會殊與條約不符現在該教士既往陽江廳屬傳教紳民能否相安有無窒礙仰卽轉飭陽江同知遵照條約妥爲彈壓保護以免疏虞仍將抵境情形具稟察核毋違此繳

飭屬清理積案上瑞節相稟

同治十年三月二十日

敬稟者案奉憲行清理積案章程十條當卽通飭各屬一體遵辦竊思爲政之要首在得人立法之初必須核實州縣爲親民官長地方一切公事果能悉心經理定無叢脞之虞粵東積習相沿勤奮居官者固不乏人而怠玩因循者亦在所不免乃蒙中堂不加嚴譴手定章程諄諄告誡并嚴飭道府隨時稽考於督察之中仍寓格外體恤成全至意職道等忝膺方面何敢扶同隱飾自蹈愆尤現值陽江余丞高明吳令鶴山劉令開建陳

令先後因公來郡職道等轉述憲意飭令會同高要王
令各抒已見就頒發章程內妥籌盡美盡善之法振刷
精神按照事理不得仍前疲玩僅以一稟搪塞敷衍茲
據余丞等呈遞手摺內開粵東訟獄繁多弊在書差訟
棍勾通漁利圖告不審藉以陷害無辜者十之五六其
真情呈訴者不過十之二三職等擬請嗣後遵照定章
於收呈時令其將作呈寫呈人名標明詞內聯名具訴
者係何人所寫何人所作開列姓名庶免訟棍唆使其
訟棍之著名者或懸賞弋獲或訪實嚴鞫一經訊明卽

行照例重懲則圖告不審之弊可以日少至准理案件
惟認真勒限比差改差查有賄通情節立即革辦則不
能傳集之弊可以日少原告被告有三月不到者一則
立案不行一則專提被告被告誣捏加等治罪則情真
待剖而遷延久宕之弊亦可以日少溯查州縣審斷詞
訟案情百出變幻多端誠如憲諭必應臨時體察斟酌
辦理職等擬請分別虛控實控兩層而實控之中如有
戶婚田土財賦嫌疑之案抑或爭佔界址族大丁多之
案一面先交看管一面摘由稟請道府示遵細故易結

者統交保集訊逕由州縣自理仍照按月詳銷舊章以
免案牘空集往返稽滯又擬分別舊案新案兩層舊案
自奉文日起所有現頒條款擬先出示曉諭鄉愚并諭
各鄉紳耆互相轉告從前誣控但肯自首准免究治此
外如相驗一層職等嗣後惟當親自往驗決不敢濫委
佐襍又准稟請委員一層原係憲恩恐職等鄉征分身
不暇或致審結遲延所以示矜全者更無不至查肇陽
羅三屬鄉征甚少催科兼可撫字且結案之難不在兩
造之已集而在人證之未齊州縣職在親民審理本爲

專責如果人證已集焉肯安逸是耽惟重大之案又未經上控者職等未便擅專以防物議可否轉稟院憲派一同通州縣詳悉例案者在肇慶設局肇慶州縣由府稟商大人發審陽羅二屬則請大人札飭委員審辦稟解人證時由職等詳具節畧候裁至府審仍不能結或由職等通稟請示或由大人詳院請示以上各條均係職等一得之見統祈鑒定等因據此職道等查閱該丞等所議尙屬妥協其分別舊案新案一條似當酌予限期方易稽考應將舊案予限六箇月逐件清釐不准絲

毫紊亂新案則自收呈之日起上緊比差予限三箇月分別詳結或立案不行或專提被告核實辦理限滿無效或不將所以難結之由先行稟明致限滿不結者一經查明輕則稟請摘頂記過重則稟請撤叅至請派同通州縣一員前來肇慶問案一條查高要爲附郭首邑道府發審案件向歸該縣審訊并有該縣稟請幫審客案委員一人故高要一缺非精明強幹不能勝任此時復添派委員來郡轉恐高要縣令及幫審委員任意推諉殊於公事有礙若案情重大者道府須親自提審亦

不煩委員代勞但各州縣缺分不同且肇羅各屬大半瘠苦既懇勿庸委員襄助自當聽其自便使該員等無所藉口轉可以驗其審理之惰勤職道等再四熟商擬在府署空間屋內設一審局卽派現辦幫審客案之高要縣縣丞呂瑛常川照料并派事務較簡之府經歷戴喬林一員會同該縣丞在局會辦凡有各屬申報已結未結各案清冊令其總立一簿分晰註明某月某縣報案若干起比較上月訟案或多幾起或少幾起并結過幾起每半月內呈明道府閱看敘其事之大小分別聽

候查核高要縣事務最繁其有客案過多者卽由該經歷等幫同審問仍歸高要縣主政似此變通辦法在首縣不敢存推諉之心在外州縣見有委員逐日查檢登記亦斷不肯甘於因循受咎庶憲臺所定章程不致日久視爲具文矣再委員在局向有薪水若由職道咨請省局發給誠恐各處紛紛援請必至應接不暇現在擬派局員除縣丞呂瑛本有高要縣送給薪資毋庸另給外府經歷戴喬林一員每月薪水卽由卑府與羅定州黃牧陽江余丞捐廉發給合併聲明所有遵照憲示辦

理各屬詞訟章程緣由謹據實上陳伏乞批示祇遵

嶺西八龍身有
卷三

三

批羅定州黃光周稟遵札查明卑屬知縣及佐雜

各員出具切實考語列摺密稟

同治十年三月二十日

據稟查明所屬各員出具考語列摺呈繳到道查核摺
開各員考語均屬尋常敷衍具文並無實在事蹟殊乖
督憲考覈人才本意照轉定干申飭仰卽遵照督憲所
定章程切實出具考語另行密稟答覆毋稍泄視稽延
切切此繳摺存

批德慶州監生何連枝控趙福文等連劫九家殺

斃事主等

同治十年四月初四日

如果趙福文等膽敢夥眾肆劫殺斃事主殊屬兇橫不法惟據控各匪內指出姓名者共有三十餘名之多且均係趙姓之人究竟該匪等是否與該監生等平時認識當時又係何人見其在場劫殺抑係事後查知詞內均未切實聲明况查閱粘抄州批又僅係尋常命案批語細核情形難保無另有別故但控關劫殺虛實均應澈究仰肇慶府迅飭德慶州刻日拘集趙福文等確切

訊明分別究辦一面查明本案實情先行稟覆察核均無任延切切粘抄保領並發

批署恩平縣俞功懋稟訪聞梁黃二姓聚眾尋鬪

現已彈壓解散稟明察核

同治十年四月初十日

據稟已悉查梁黃二姓互鬪滋事雖經該縣會營彈壓解散惟其事究竟緣何而起孰是孰非該縣務宜詳細查明判其曲直並須嚴諭兩造紳耆妥爲禁約調處方能永遠息爭至黃姓工人被傷者究有幾名係被何人所傷亦應驗訊明確分別拘兇究辦仰肇慶府迅卽轉飭遵照辦理毋得玩泄切切此繳

荀子公履身不
卷三

三

札飭高要縣設法搜捕積匪體察情形妥議章程

稟覆

同治十年四月二十日

爲札飭查議事照得肇屬一帶爲西江要道幅幘遼濶水陸紛歧素爲宵小出沒之區巡防緝捕尤關緊要前奉大憲派撥巡船分段駐緝在案雖匪徒較前斂跡而搶劫之風仍屬未能淨絕卽如該縣屬之蜆岡蓮塘等處每多匪徒窩聚勾結分肥向爲逋逃之淵數此外著名匪鄉恐尙不少方今治理首以肅清地方爲第一要務本道蒞任以來屢經細加察訪而其中底蘊情形深

恐未能周知該縣身任地方耳目較爲切近亟應實力認真查辦以期盜戢民安合就札飭札到該縣卽便遵照查明屬內各鄉何處係屬著名匪鄉積匪是何姓名所屬河道何處係屬偏僻爲匪類窺伺之所應如何設法巡防搜捕方免漏逸以及城廂內外如何稽察總期匪類無從託足商民藉得久安逐一體察情形妥議章程稟覆以憑核辦毋稍稽延速速此札

批恩平縣民婦黃吳氏控梁朥仔細擄勒贖等事

同治十年四月二十六日

本案昨據恩平縣將兩造互鬪滋事大概情形具稟到道當經批行該縣查明起衅根由判其曲直一面嚴諭兩造紳耆妥爲禁約理處並驗明受傷各人分別拘兇究辦在案茲據呈梁朥仔等始則擄勒劫殺現復迭劫傷人並將黃帶德等擄去如果情真殊屬不法仰肇慶府迅飭恩平縣立即移營勒差先將被擄之黃鄧氏等吊放一面拘集梁朥仔等確切訊明分別究追詳辦毋

任玩泄稽延切切粘抄保領並發

批署高要縣王炳文稟奉委發審開建縣生員蔡

志仁與蔡顯宗互爭嘗田案訊結完案

同治十年四月

二十
六日

據稟奉發委審開建縣民蔡作聘等與蔡顯宗等互爭
嘗田一案現經傳集兩造訊明將土名石硯地方先後
所墾田畝斷歸伊等蔡士遠祖六房公嘗仍准蔡顯宗
等承批耕種輸租其蔡顯宗以前所欠租穀及蔡志仁
等所牽抵租牛隻彼此均免追賠蔡顯宗家門樓因爭
鬧失火延燒擬令蔡志仁等繳銀一百兩給與蔡顯宗

爲修葺之費取具兩造遵結完案等情查核所斷尙屬
允協應卽如稟辦理并將控案註銷至另稟蔡志仁等
所繳批約代請蓋用道印一節查閱批約內旣已聲明
由道提發該縣審結遵照堂諭立批字樣卽由該縣蓋
印給發日後斷無慮其爭執所請蓋用道印之處應毋
庸議除札飭開建縣遵照外仰卽知照并將發來蔡志
仁蔡顯宗等所立批約蓋用印當堂發給收執毋延此
繳道卷一宗并甘結二紙存

委員查辦東安紳耆禁逐天主教緣由上瑞節相

稟 同治十年五月初九日

敬稟者現據駐肇慶天主教杜靈牧照會稱現有東安縣腰古茅坡村紳耆陳貴等約同新要二縣隣近三十餘村團練會議害溺傳教入教諸人并將願入教民人梁亞六毆傷當卽著人親赴東安縣面懇迅辦數日并無動靜復查東安紳庶素稱守法實因土棍陸亞遂藉旨在教誘惑不法教民蔡若望勒索藍山莫亞九銀錢適本堂派温翰文在腰古傳教該處相近藍山是以紳

民不服紛紛肇衅又聞傳說腰古隣近徐姓民人意欲從教該處紳民禁挈淹沒現在三十餘村合同禁逐若不明晰剖辨羣疑莫釋除請新興等縣就近彈壓外惟東安一縣最爲緊要請立派幹員親抵東安茅坡腰古等村彈壓剖辨開導紳民免致滋生事端等情到道據此查職道自前年到任以來兩載之間杜教士與職道衙門從無交涉事件乃本年春間該教士以開平武童取去教堂什物及陽江傳教兩事先後照會到道業經將辦理情形稟報憲鑒茲據前情雖未經由該國領事

代達惟據稱甚爲緊要似未便置之不理適因肇慶府
瑞稟札委高要縣縣丞呂瑛前往新興等縣查辦事件
職道當卽飭委該縣丞順道先行馳赴東安會同該縣
親抵茅坡腰古等村查明起衅根由分別是非妥爲持
平辦理務使中外相安毋任藉端滋事并札飭東安縣
遵照在案除俟該委員等將查辦情形稟覆到日另行
稟報外合將接准杜教士照會及委員前往查辦緣由
先具稟聞

敬再稟者昨據高要王署令面遞手摺內開監生羅元

傑呈控伊女嫁與陳茂揚長子爲妻其姑兇悍致逼女命等詞當經訊明伊女實係自行落水身死并非逼迫傳到兩造勸諭結案旋又據羅元傑以糾眾強葬背諭埋冤等情赴縣呈控羅陳兩姓各執一詞是以將陳姓帶候飭交陳羅氏及人證到案設法訊結庶可折服羅元傑之心詎陳茂揚屢次延抗竟恣恧美國福音堂人出頭兩次函請釋放語多不遜現經卑職覆福音堂信據理直陳飭其不得干預公事該堂亦并未再來信函等語查傳習天主教惟法國爲然美國向不傳教何得

受陳茂揚指託遂謂陳茂揚是美國人教之人洵屬無理取鬧且該堂司事人絕無姓名每次信中但稱福音堂具字樣難保非內地奸民借該堂名目挾制官長除飭王署令將本案認真訊結不得稍涉遷就外可否仰求中堂遇便諭知美國領事轉飭該堂嗣後務宜安分不得隨事生波是所叩禱謹此附聞

卷之三

三三

請將委署新興縣立將司巡檢關鉉留辦護幫事
務移藩司善後總局

同治十年五月十五日

爲備移事現據署高要縣知縣王炳文稟稱竊照候補
從九品關鉉前奉局憲札委來縣辦理護幫事務當於
到段後會同營員修葺船隻添補器械認真巡護備極
勤勞現在該員復奉委署新興縣立將司巡檢本應卽
行赴任惟查該員才具明敏現辦護幫事宜正在得手
可否仰懇轉移藩憲准予該護幫委員關鉉留辦半年
俾卑職得收指臂之助地方幸甚等情到道據此本道

覆查無異合就據情轉移爲此合移貴司請煩查照希
爲酌核辦理施行須至移者

代高要縣擬給杜教士照會

同治十年五月二十三日

查徐煥平一名當屍親呈控之時本縣先經問明卽徐亞慶現供亦稱并未入教本縣於民間詞訟無論平民教民總以是非曲直爲斷且自抵任以來凡有貴教牧照會教民之案應辦者均持平訊結毫不偏倚其中詞訟事件因恐審虛卽混稱入教以爲護符者亦必就案論案絕不能因有習教字樣遂置本案於不問蓋此等造言煽惑之人在貴教牧前則稱平民欺侮教民甚至造出許多陷害教民之話希圖聳聽請貴教牧行文查

辦其實不過一面之詞卽如在本縣前有稱教民歡侮
平民亦造出教堂中許多陷害之話本縣惟以案情真
僞秉公審訊彼遂無從施其詭計貴教牧向來知道本
縣辦事認真故不妨直言相告至於貴教牧在此傳教
入教者自係本人情願不入教者亦斷不能勉強地方
官及局紳等遇有案件只據其理之是與不是從不問
其習教與不習教又安用阻撓爲耶嗣後貴教牧務飭
在教諸人安分守已上不干犯

國法下不見惡鄉黨各門各戶相安無事雖習外國之

教猶是中國良民豈非本縣與貴教牧所厚望歟此案
應俟傳到徐亞五等質訊明確由本縣分別辦理茲准
前因合就查明照覆爲此照會貴教牧請煩查照須至
照會者

卷四 公廩 第三

三

批鶴山縣業戶勞秋燭等聯名呈控任敏行強譎
害眾
同治十年五月二十四日

本案既經該縣勘明集訊斷令麥村紳民自覘灰爐起
至單橋麻石止龍溪鄉紳民自單橋麻石起至迎龍廟
止均照舊址修復不得越界增高任敏行等何得將鞏
堤增高三尺有奇且復越界佔築究竟所呈是否實情
仰肇慶府迅飭鶴山縣刻日集訊復勘明確妥爲斷結
具報毋任延訟粘抄繪圖保領並發

批署高要縣王炳文稟教民蔡公才控搶一案謹

將辦理情形遵札通稟

同治十年五月二十六日

查本案昨據杜靈牧照會到道業經札委高要縣縣丞
呂瑛前往該縣會同查辦茲據稟各情仰卽傳差莫亞
任等并拘李介菴等到案提同舖房典吏陳善剛卽陳
介垣質訊明確分別究報一面會同委員呂瑛將此案
妥爲查辦刻日稟覆察核事關中外交涉該縣務須振
刷精神認真辦理毋稍顛預從事致干未便切切此繳

羅西公履集有卷三

三

札飭高要縣會同顏都司帶勇前往各鄉搜捕

同治

十年五月
二十六日

爲札飭遵照事案據該縣具稟請將現駐開建之顏都司一軍俟到郡時暫行截留會同查辦匪鄉一案當經本道據情具稟兩院憲在案茲查顏都司一軍業已抵郡所有該縣屬著名之蜆岡等處匪鄉均應次第搜捕其祿步附近之金雞坑地方現聞有匪多人在彼聚集尤應先其所急認真拏辦以安閭閻合就札飭札到該縣卽便遵照刻日會同顏都司督帶各勇馳赴祿步附

近之金雞坑地方實力查拏并諭飭該處紳耆將潛聚各匪按名緝送仍次第前往覘岡等鄉一體認真搜捕盡法究辦務期淨絕根株勿留餘孽該縣現雖奉文調署東莞第一日在任卽有一日責成毋得稍存五日京兆之見致滋貽誤是爲至要切切特札

批開建縣陳樹霖稟卑縣典史彭成松現因幫辦

保甲事宜懇請俯准暫緩調驗批示

同治十年五月三十

日

據稟該縣典史彭成松在任有年於地方情形熟悉現令該典史查辦門牌保甲未便遽易生手請准暫緩調驗等情自係實在情形惟查門牌保甲非防剿要務可比且官員六年俸滿調驗甄別係屬激揚大典所請准將該典史暫緩調驗之處礙難准行仰肇慶府迅卽遴委幹員前往代理該縣典史並隨同該縣辦理一切事

宜以資得力一面飭令該典史彭成松造具履歷冊扣
明歷俸日期由縣府遞加考語申送赴道以憑驗明咨
送詳咨仍飭該縣遵照此繳

簽駁陽江廳詳恩平縣民婦吳黃氏呈控伊男被

截拒斃一案

同治十年六月初二日

查本案吳運高既與堂兄吳運慶同行當賊匪林亞千等攔搶時吳運慶何竟棄其堂弟吳運高於不顧即使畏賊兇橫亦止應暫時避匿何以輒自走回事後又不前往尋找迨趙仲熙看見吳運高被搶殺斃向吳黃氏報知始隨同吳黃氏赴案呈報且搶奪之案賊匪止在圖財初無致死事主之心吳運高當被追時並無喊捕林亞千等何致先將吳運高殺斃始行搶其銀兩如謂

林亞千等實係先殺後搶則不得謂之搶奪矣况查賊匪林亞千等姓名吳黃氏既能一一指出究竟是否事主素識之人抑係見證趙仲熙平日認識轉向吳黃氏告知詳內聲敘事主報呈各供均未敘及倘賊爲事主素識則該匪等出頭露面竟不慮事主指名控究似亦無此情理又查詳內事主報呈並未敘及吳運高係被何項兇器致傷身死卽相驗時作作喝報亦僅稱係鐵器傷究竟賊匪當日用以殺人之兇械係何名目是否係應禁軍器抑係尋常器具現詳又未聲明情節旣屬

支離聲敘復多含混照轉恐干駁詰合就簽回仰將發
回詳冊查收遵照指飭情節刻日查明妥敘另詳以憑
核轉案關題達毋稍率延切切此簽仍繳

卷四
目錄
三

三

批高明縣吳福田稟遵批辦理客產情形

同治十年六月

初五日

據稟已悉查本案未變客田一千餘畝先經該縣親自勘定稟明除招變二成外飭均招佃納租等情現在客產局委員既經裁撤所有已變未變各田畝事宜俟委員李丞列冊移交到日均責成該縣一手經理已變者卽行催繳價銀陸續批解未變者卽仿照鶴山章程趕緊招佃納租不得再事延宕致干未便仰肇慶府迅卽轉飭遵照此繳

卷之三

三

杜教士請保護教堂與府聯銜上瑞節相稟

同治十年

六月初九日

敬稟者本月初九日接據杜教士函稱近聞順德香山等處匪徒煽誘良民肇衅希圖乘機滋事以致謠言紛紛標字傳播謂伊教中有毒民情事咸欲尋教陷害現於本日在郡城揭得一字內言的於本月初十日午刻眾人齊集七營武廟內議將天主教堂盡拆似此情形民心大動難保不滋生事端務懇多派幹員並飭縣會營著勇先於教堂及四城門并七營武廟等處紮防倘

有百十成羣入城者迅行阻止如城中稍有浮動卽一面彈壓一面將城門關閉俾得內外相安等情據此查肇慶協刁副將昨日赴祿步緝捕高要縣王令亦督帶兵勇前往富佛蜆岡查辦匪鄉均未在郡職道等當卽公同商議外間既有張貼字條聲言拆毀教堂之事無論事之有無真假均應預爲之防惟不宜稍涉張皇致令人心搖動該教士所請分派壯勇在於各處駐紮殊非辦法職道等現已飛調高要縣王令並函致刁副將趕緊回城一面囑令水師利叅將轉致在郡各營弁並

委肇慶府戴經歷高要縣呂縣丞分別查探勸諭密爲
布置防範除俟將來如何情形另行稟報外合將現在
辦理緣由先行馳稟憲臺察核

札飭各屬遇有福音堂混用信函一概不准收閱

查照條約辦理

同治十年六月初九日

爲飭遵事現奉兩廣總督部堂瑞札開案據本道具稟以高要縣民人陳茂揚因被該縣押交人證屢次延抗竟愆戾美國福音堂人出頭兩次函請釋放語多不遜均經該縣理飭至該堂司事絕無姓名每次信中但稱福音堂具字樣等情當經緘致美國領事官轉飭福音堂司事人等毋再受人囑託干預地方公事去後茲據美國趙領事官緘復內稱該福音堂人是否美國人或

係何國人並未聲明亦無開列姓氏所稱該堂人語多不遜本領事無從知悉究屬何國人氏如果伊等不安本分混行干預公事殊屬不合且有礙傳教分內情事自應嚴行申飭以杜將來經查肇慶府福音堂前係美國教士紀好弼司理去年該教士返國該堂經年無美國人居住現有新來教士司文因初抵粵學習華言尙未寓肇美國教士斷不許堂內司事出言不遜無端干預公事倘美國人不遵守本國律例及萬國公法美國官憲斷弗庇護本領事斷不肯稍存徇庇等由前來查

該福音堂究竟如何出言不遜該縣真內亦未據實聲敘似此情形難保非陳茂揚藉該堂名目冀圖挾制所致除緘覆知照外合就札飭札到該道卽便遵照轉飭所屬查照嗣後如有福音堂混用信函干預公事一概不准收閱以符條約至各屬遇有中外交涉案件務當按照條約妥速查辦秉公斷結具報以杜藉口是爲至要切切等因到道奉此合就札飭札到該府廳州卽便轉飭所屬一體遵照嗣後如有福音堂混用信函干預公事一概不准收閱以符條約至各屬遇有中外交涉

案件務當按照條約妥速查辦秉公斷結具報以杜藉口是爲至要毋違切切

批羅定州民劉德昭等控線匪追搶拒傷事主同治

十年六月初九日

陳官元既係該民等認識之人何敢出頭露面勾引賊匪多人攔搶該民等財物並將該民劉德昭等致傷竟不慮事主指名控究且詞稱柯張奴係同行見證何以詞尾又註爲經投知證之人究竟所呈是否屬實有無別情仰肇慶府迅飭陽春縣移營勒差嚴緝本案賊賊務獲確切訊明分別究追詳辦毋稍稽延切切粘單保領並發

卷之三

三

查辦肇慶人眾議拆教堂及查辦高要匪鄉各緣

由上瑞節相稟

同治十年六月十一日

敬稟者昨因杜教士呈遞信函并稱有肇慶人眾齊集武廟議拆教堂等事當將籌辦緣由於初九日申刻馳稟憲鑒初十日辰刻高要王署令由蜆岡趕回郡城暗調安勇百名駐紮城內午後刁副將亦由祿步回署據稱各鄉雖得省城佛山兩處謠傳均無聚眾滋事之意職道派出之戴經歷呂縣丞二員連日在城廂內外悉心訪探街談巷議不過仍是賣藥下毒等語城中各營

官均經水師利叅將邀至署中令其每營酌派武弁一員帶同兵丁不動聲色輪流在城廂左近察看一面傳諭各紳士互相照應據該紳士等僉稱肇慶百姓尙屬膽小斷不首開衅端第恐省城佛山三水等處設有不虞則此間亦難保無事職道等查民間誘賣粉藥有似蠱毒害人必須嚴拏究辦但此等匪徒是否內地奸民所爲抑係洋人指使必得真憑的據方可根究由來若僅以外面謠傳該民人等張貼長紅乘隙構衅不特民教不能相安且恐無知棍徒藉此滋事殊於地方事體

大有關係除由職道再行出示妥爲曉勸俾愚氓不致
搖動外刻下街坊靜謐貿易照常杜教士堂中并無洋
人在彼至美國所建福音堂前奉憲札始悉該堂內現
無司事洋人已飭王署令到該堂閱視諭令閉門不得
多事其餘一切職道惟有密爲布置隨機應變斷不稍
涉疏懈以期仰慰廑懷合將現辦情形稟請憲臺察核
再此係密陳之件是以未用印稟并祈勿用發房以防
傳播合併聲明

敬再稟者顏都司管帶安勇抵郡後職道查得高要縣

屬之蜺岡富佛等處盜匪最多其祿步附近之金雞坑一帶亦有匪徒藏匿當卽札飭王署令炳文會同顏都司前往各鄉設法拏辦茲據王署令稟稱六月初一日晚抵金雞坑地方該處并無村莊止有零星客民耕山度日傳詢賊蹤僉稱或聚或散并無一定隨查有東安縣瓦窰村賊匪林亞娣林亞和及楊柳村賊匪潘亞益時常糾夥在祿步河面搶劫其祿步大灣各村匪徒俱聞風遠颺飭傳紳士具限緝送并將大灣生員陳起鶚一名帶回縣署押交各匪初七日與顏都司移軍蜺岡

各處相機搜捕等語職道當卽密札東安縣穆令并移知羅定協副將一體派勇截剿查高要地方山水險峻匪徒易於出沒若不趁此聲威大加懲辦恐日久蔓延水陸均受其害現在護幫扒船下水一帶歸利叅將管轄者尙能常川梭巡其上游自高要至德慶封川等路劫案仍不能免推原其故皆由帶船武弁日久懈生視護送爲具文賊來并不捕拏迨至失事又不設法弋獲業經分派委員張惠民楊麟王傳球等前赴各屬明察暗訪飭令將本年何處失事何處諱案不報何處失事

之案最多詳開手摺聽候辦理容俟該委員等回時再行縷悉具稟上呈鈞覽現在高要一屬既有安勇在此自應嚴速拏辦淨絕根株况值民教不能相安揭帖長紅逐日張貼甯可事前妥爲布置庶無意外之虞一切情形久在洞鑒查高要王令炳文心地直爽遇事奮勉該令在任將及兩年地方事宜較爲熟悉昨蒙憲恩予以調劑改署東莞在該員仰沐仁施原不敢存五日京兆之見第恐交篆在即稍涉諉卸便覺坐失事機惟有仰懇中堂再行札飭該令認真辦理不得絲毫鬆懈草

草了事并懇於憲札中添入不將匪鄉辦完斷不准交卸赴東莞署任字樣俾王令接奉嚴札知出自中堂憲意畏威懷德定當力圖報稱不特職道等收臂指之助而水陸從此稍靜盜匪日少則良民日安感戴鴻慈曷其有極職道因慎重地方起見是否有當理合附稟密陳統乞憲鑒施行無任仰企之至

敬再稟者肇慶城廂內外民少兵多近日各營將官均尙能約束整齊不致在外生事惟現當酷暑照例停操各兵丁散而不聚誠恐謠言肆起或有一二無知棍徒

愆患兵丁出頭愚氓不知究竟以爲兵尙不服則平人更可乘衅而入前日揭帖中卽聲言在七營關帝廟議論雖事屬風影似不可不預爲之防利叅將當卽告知各營將官派弁梭查名則保護彈壓實則稽察民丁不得多事所辦不爲無見職道等與各營均係同寅未便過於深說合無仰求中堂俯念地方緊要札飭督標各將及肇城副將各宜約束兵丁并會同地方官隨時彈壓毋許稍形搖惑并求作爲憲意想邀洞鑒謹此附稟密陳伏惟垂鑒

此稟發後旋奉澄泉節相手答均照來稟辦理王令炳文帶勇督差立擒匪徒數十名盡法嚴懲地方稱頌秋冬以後盜賊之案甚稀所謂下一番工夫卽有一番成效予爲節相僚吏者六載遇有陳請從無斥駁而於查辦賊匪尤屬加意惜小夫進讒謂予辦事過急過嚴節相遂疑信相半然後此修理城垣請稟委何鏡海觀察剿捕積匪謝重觀等亦皆聽從未議不復阻撓古稱知己不必信任爲知卽疑忌亦未始非知也書之以志節相聽言之慎且以見肩事受讒

卷之三

三

之可畏
戊寅二月
濟師記

批積案局委員會稟請將各屬繳到案冊飭發下

局並於何月起辦候示祇遵

同治十年六月十四日

查各屬造報詞訟原應按月照式造繳祇以近年來章程屢易或致造報參差其有視爲具文延不造送者實屬咎無可卸現既由司核定條款開明格式擬以功過並經本道與肇慶府稟准委員設局稽查自不能任其如前參差遺漏據稟前情查臬司詳定章程係以本年四月起悉照新章辦理茲肇陽羅各屬造報上控自理詞訟該局亦應自本年四月起查核各該廳州縣每月

共案幾起已結幾起未結幾起按月分列上控自理兩冊呈候核辦如各屬內有延不造報或止報上控而不報自理者卽由局稟請飭催所有府屬詞訟冊應由肇慶府發局其陽羅等屬詞訟冊應候由道飭發該局查核事畢卽行繳回至此事稟定章程本止委令該經歷縣丞經理現稟係與該縣王令會銜殊可不必嗣後應毋庸再列該縣銜名以符原稟仰卽遵照此繳

札飭東安縣拏辦匪徒

同治十年六月十六日

爲密飭拏辦事照得本道訪聞現有賊匪林亞進林亞和二名係該縣屬瓦窰人其兄林升林光現充該縣差役又賊匪潘亞益潘亞弟混名側頭弟二名係該縣屬楊柳石巷人其弟潘京漢係屬生員該匪等均係著名積匪亟應查拏究辦以靖地方合就密飭札到該縣卽便遵照立刻提傳差役林升林光生員潘京漢等勒令各將該匪等刻日交出訊明歸案究辦該縣切勿以林升林光充當差役稍涉徇隱致干未便仍將辦理情形

限文到二日內稟覆察核案關密查要犯毋得遲延漏洩該差役等或有逃避實爲該縣是問切速特札

批署德慶州知州楊夢龍
德慶州守備關貴昌
會稟現據州屬紳耆劉

道曾等稟請赴鄉查拏土匪

同治十年六月十六日

查安良莫先於弭盜而弭盜之方又莫善於團練一法
該署牧身膺民社卽本道並未頒發章程亦應督飭紳
耆認真團練况經本道手定條款飭令遵行何竟言之
諄諄一任各鄉紳耆聽之藐藐卽此一端該署牧平日
辦事之不實力可知矣近來該州屬盜風甚熾搶劫頻
聞昨奉督憲嚴札飭查業經委員前往查復該署牧務
須振刷精神立將各案尅期破獲分別詳辦不准諱飾

稽延至該守備既有地方之責又復管帶扒船亦宜認真緝捕以期盜戢民安倘再玩泄從事本道定卽稟請撤叅勿謂言之不預也仰肇慶府迅卽轉飭遵照毋延此繳

批高明要縣職員劉成璣等呈控聚眾抗批圖翻撫

局 同治十年六月十九日

本案前據客紳湯朝桂等赴轅具控業經前道明晰批斥茲據呈聞有遣散客民紛紛赴各衙門遞呈欲回故村居住並捏稱有田五十頃被土人霸耕情願引勘希圖入境構衅等情查本道衙門現在並無前項客民呈告究竟有無赴別處衙門控經批行查辦之事仰肇慶府迅卽分飭高明兩縣刻日查明稟覆察核粘抄保領并發

奉札將肇慶民教情形及辦理高要匪鄉稟復瑞

節相

同治十年六月二十六日

敬稟者本月十七日接奉憲札內開肇慶謠傳匪徒施送神仙粉係由洋人主使遂有棍匪匿名揭帖揚言在七營關帝廟集眾議事飭卽會同肇慶各營將官嚴拏匿名揭帖之匪解省懲辦如有不安本分之兵丁隨聲附和在三營關帝廟議事務宜實力彈壓禁止分別拏辦旋於二十一日又奉憲札以巴領事申呈前由飭卽會營查辦各等因奉此職道當卽傳知同城各營將官

及署高要縣王令炳文遵照在案職道前因匿名揭帖
一事業將籌辦情形於十一日馳稟憲鑒旬日以來城
廂內外安堵如常惟據王令面稟教士杜杭迭次具函
一以東莞石龍教堂已被匪徒拆毀懇將肇慶各教堂
力爲保護一以東莞羣民又於十三四等日再焚教堂
現有南海匪人潛來肇慶城內恐有滋事之憂一以峽
下蓮塘水坑各村匪棍誣稱水坑教堂藏有洋人日隱
夜出散毒鄉間昨上廟會議務要本堂搜挈洋人意圖
乘機搶劫水坑原屬大鄉懇請善爲處息等語查高要

縣屬大灣等鄉共有教堂數處前以謠言肆起曾飭王令密派妥人前往查看據稱各鄉中尙爲安靜肇慶城內亦未見有南海匪徒藏匿百姓并無驚惶復由王令函致水坑紳士各宜約束子弟毋得聽信匪謠惟旣據杜教士迭次函請保護前來自應格外防範以免構衅現經肇慶協刁副將督標左營鄧叅將等遴派千總譚德廣等各帶兵丁二十四名輪流稽察并經職道等告以刻下安勇勦辦匪鄉恐有匪徒竄迹是以移請各營派出弁兵幫同照料并無別意使地方紳民不至疑猜

復諄囑各營飭令該弁等只可暗中布置切勿令各兵
丁稍形滋擾總期無事則彼此相安有事則招呼立至
各營將官均能體會似不致有他虞所有憲諭飭令應
否添撥兵役之處擬請從緩大抵肇慶民情較之省城
佛山東莞等處畧爲馴謹仰賴憲威遠播省佛各處得
以安謐則此地斷不能別滋事端除由職道等會督同
城文武加意防查遇有施粉棍徒或播弄謠言之人訪
實拏辦并隨時妥爲防備外合將近日肇慶城鄉安靜
情形稟報憲臺察核再正繕稟間又奉鈞札并告示一

張已飭發各州縣一體遵辦合併聲明此係密陳之件
是以未用印稟

敬再稟者本月十七日已刻接奉憲札內開高要縣屬
各鄉村盜匪甚多亟應嚴行捕拏務獲究辦以靜地方
飭卽轉飭該署縣王令會同顏都司督率勇役務將各
鄉村盜匪認真查拏悉獲究辦不得稍涉諉卸及草率
了事各等因奉此職道當卽面諭署高要縣王令遵照
查高要縣屬金鷄坑一帶河面時有賊匪肆出搶劫忽
聚忽散昨經該署縣王令會營督飭兵勇鄉團擊斃賊

匪多名生擒著匪陳亞來等九名并起獲賊船原贓器械多件提訊據各該犯供認迭次搶劫不諱業將陳亞來等數犯先行處死示眾尙有數名留俟續獲逸犯質訊究辦現仍重出花紅嚴拏供夥併究經此一番懲創團練極爲鼓舞民情亦甚歡欣其覘岡富佛等處匪鄉王令先經會同顏都司督帶安勇前往查辦旋因郡城有事經職道等飛調該令回城商議所有顏都司與各勇仍在彼駐紮現在王令尙須暫留郡城一時未能赴彼職道等當卽札委高要縣縣丞呂瑛前往該處會同

顏都司督飭各勇嚴密查拏勒交不准稍爲鬆勁昨經
拏獲著名匪犯李新有杜亞七等五名交縣審辦現復
諄諭王令恪遵憲札務將各鄉盜匪認真查獲不得稍
存五日京兆之見察看該令頗知感奮似尙不致玩泄
從事辜負憲恩也緣奉前因合將遵札辦理情形稟請
憲臺察核

德慶匪徒在金郡村等處屯踞現飭該管文武趕
緊捕拏先將籌辦大概情形陳明上瑞節相稟

同治十年七
月初十日

敬稟者竊照德慶州屬悅城鄉下自水口上至莫村墟
綿亘百里水陸衝途匪徒最易出沒曾經職道於上年
手定鄉團保甲及設立十家燈牌巡更章程飭令該地
方文武實力舉行以期地方綏靖本年六月初間接據
署德慶州楊夢龍會同守備關貴昌稟稱搶劫之案雖
屢有弋獲而盜風仍未盡息憲臺所定鄉團章程卑職

諭飭誥誠置若罔聞五月初八日監生董靈祥呈報在
吉堆寨前河邊灣泊船隻被匪搜劫銀兩叩乞緝究又
據悅城鄉紳耆劉道曾等稟稱土匪肆搶商民受害請
帶兵練進鄉查辦卽經卑職查開匪名諭令各鄉紳耆
設法查拏勒限半月緝送倘限滿無獲卑職等立即會
督兵練赴鄉圍捕等語職道以該處旣屢出劫案該紳
耆等又復稟請查辦該署牧等並不立時前往當卽批
飭速將各案尅期破獲不得諱飾稽延旋於七月初二
初五等日迭據該署牧等稟稱六月二十九日馳抵播

植墟駐紮詎金郡等寨匪徒恐被圍捕竟敢勾結羣聚
金郡意圖抗拒該匪係梁亞七溫亞毛卽溫亞德梁亞
添及廣甯賊匪周福等糾集黨夥約數百人現在墟市
屯踞七月初四日集有團勇兵練差役齊進金郡該處
墟市村寨中隔一河鎗礮齊施未見動靜比率隊抵墟
始知匪已退去查探該匪連日逃散僅存百餘人復探
有七八十人逃雙棟村內卑職等卽前赴雙棟追剿各
等語職道查悅城鄉與高要縣之祿步村毘連上通廣
甯最爲險要金郡村究竟離悅城若干里是否專係水

路抑有陸路可通該匪突然聚集數百人是否係本地匪徒抑係勾引外匪既云意圖抗拒何以官弁一到該匪卽行逃散僅存百數十人其餘逃匪究往何路奔竄現有七八十逃匪攔入雙棟村中是否匪首梁亞七等仍然在內該署牧等所稟不能縷晰條分殊覺含混當飭署高要縣王炳文密派妥役馳赴悅城一帶訪探并飭署祿步司巡檢陸炳城趕緊查明稟覆連日據陸炳城稟報金郡村係悅城鄉司巡檢所管與祿步相去百里水陸通行播植與金郡相去三十餘里七月初一日

德慶兵勇與匪遇於半路彼此相拒開礮未曾獲勝是夜該匪攻撲任村傷練丁二名廣甯外匪由桃嶺竄入經團練擊轉內匪於初三日晚私自逃遁現在有七八十人經過雙棟村欲回廣甯等語又據探役稟報金郡地方開有花會并揸攤等數十人該處紳練起意約眾圍挈該匪懼罪招集廣甯匪徒約二百餘人往各鄉滋擾德慶文武往捕該匪卽由金郡退出往上路雙棟村抄掠係奔廣甯懷集之路等語餘與陸炳城稟大致相同查匪徒聚集滋擾實爲地方之害該文武一聞稟報

卽應親往迅速捕拏乃事前僅諭紳耆網送臨時復又任匪遠颺閱其前後所稟各情未免張皇粉飾除備移肇慶協一體督飭弁兵趕將此股匪徒撲滅并嚴飭署德慶楊牧務將首犯梁亞七等悉數弋獲其逃入雙棟村匪徒七八十人亦卽兜拏務獲不准一名逃散以安閭里而絕盜根仍分飭下游之高要縣上游之廣甯縣添派差勇協同防剿外合將現辦情形稟請憲臺察核

批廣甯縣袁祖安稟會營調募兵勇馳往縣屬森

洞地方堵剿德慶屬雙棟賊匪情形

同治十年七月十三

據稟已悉查德慶州雙棟踞匪現經該署州楊牧會同
關守備督率兵勇鄉團前往圍捕復由本道移文顏都
司派撥存城之安勇四十名委弁管帶馳赴該處協剿
當此兵力厚集該匪等人數無多斷難負嵎久抗第恐
肆竄紛逃該縣地界毘連防堵不容鬆懈仰卽會同營
員督飭兵勇并分飭紳團於交界要隘處所認真堵捕

卷四之序集不

三

三

毋任匪徒竄入滋擾是爲至要切切此繳

籌辦德慶州雙棟踞匪情形并請派撥得力兵勇

二三百名馳赴該州會剿上瑞節相稟

同治十年七月

十七日

敬稟者竊照署德慶州楊牧等稟報會督兵勇查辦雙棟踞匪一案先經職道將辦理情形於十一日馳稟憲鑒在案隨據該署州楊牧以該匪恃堅負固非用大礮轟擊不能蕺事申請飭發大礮數尊并派撥安勇二百名前往助剿等情卽由府先行移請肇慶協撥借八百斤大礮一位七百斤大礮一位五百斤礮二位

配齊火藥鉛子火繩礮架等項飭派扒船星飛解往應用其所請安勇一節正在商辦間復據該署牧稟報初八日以後進剿互有殺傷該匪現仍負固隱伏且聞該匪有招集外匪前來之謠應請迅派安勇前來剿辦等情查顏都司所帶安勇本止二百名先經飭派一百六十名前往高要縣屬峴岡富佛等鄉搜捕土匪尙餘四十名安置郡城巡防現在峴岡等處捕務亦正在吃緊之際未便遽行抽調當由職道備移顏都司派委區千總管帶存城之安勇四十名馳赴德慶協剿并經先期

飭委候補從九品平焜密往確探實情據實稟復去後
茲據楊署牧會同關守備具稟十三日我軍用礮轟擊
該匪出迎當場生擒一名傷斃二名該匪隨即退入我
軍亦陣亡勇目二名現在賊匪內添有數十人共約賊
百餘人廣甯縣袁令現已帶勇赴森洞堵截等情又據
委員平焜回郡稟稱奉委後遵卽改裝易服前往查探
現雙棟踞匪實止百餘人關守備帶有兵勇約二百人
在雙棟對沙相離賊巢約二里許之大崗地方紮營楊
署牧則在距雙棟十里之莫村駐紮所帶親隨差役不

過一二十名各處雖有鄉團殊不得力該匪現雖人數不多惟匪首梁亞添梁亞七及外匪李亞勁周福溫德均在其內恐曠日持久則愈聚愈衆似須厚集兵力迅爲撲滅方免蔓延等語并繪圖呈閱職道伏查此股匪徒楊署牧始則延不挈辦僅諭紳耆勒交迫進兵之際又不能卽時撲挈任令該匪逃至雙棟踞守現當圍捕吃緊猶復遠在莫村駐紮不肯逼近賊巢至關守備平日緝捕尙稱得力而此次兵力不無較單察看情形若不添派兵勇前往速爲剿捕誠恐匪勢愈張辦理更形

棘手本日復移商顏都司先其所急并由峴岡撥出勇
丁八十名往該處攻勦可否仰懇憲恩迅賜酌撥兵勇
二三百名派委得力幹弁刻日管帶起程馳赴德慶州
會同楊署牧暨關守備一軍合力圍捕俾得一鼓蕩平
以免蔓延滋害如蒙俯允將來此起弁勇到德慶後職
道等兩次撥去之勇擬仍屬顏都司調回高要以便各
辦各事兩無貽誤是否有當理合具稟憲台察核批示
祇遵實爲公便

崔西公臚集存

卷三

五

札悅城司巡檢實力嚴拏金郡土匪究辦毋稍疎

懈

同治十年七月十九日

爲札飭會辦事照得德慶州屬金郡土匪梁亞添等糾衆竄踞雙棟董村先據該牧會同關守備稟報跟蹤圍捕並據稟經飭發大礮四位配足火藥火繩等項及安勇四十名前往助剿在案現據廣甯袁令稟報已帶勇馳往與董村交界之森洞防堵亟應合力會剿以期迅速蕝事除札飭袁令就近移營會剿並移顏都司再行調撥安勇八十名親身督帶前往助剿外合亟札飭札

到該巡檢隨同楊牧激勵各鄉團練協同兵勇合力剿捕并分派練勇在于該鄉要隘處所堵截兜拏以期悉數殲除毋任一名漏網該巡檢責司緝捕此係特札委辦之件務當實力奉行不得視爲具文稍形鬆懈是爲切要仍將遵札辦理情形隨時稟報察核切切

德慶州雙棟踞匪現已逃散所有前稟請調兵勇

應請毋庸撥往會剿上瑞節相稟

同治十年七月二十二日

敬稟者竊職道於本月十八日將籌辦德慶州雙棟踞匪情形并請派兵勇二三百名馳往該州會剿緣由具稟憲鑒在案十八日顏都司管帶安勇八十名由峴岡起程到郡經高要縣代為僱備船隻定於次早開行馳赴德慶會剿詎是夜颶風大作將各勇船隻什物盡行沉溺幸弁勇人等均已上岸並無傷損連日置辦軍裝衣服等項本擬日內即須起程茲于二十一日據

高要縣祿步司陸巡檢探報該匪等已於十八日夜乘風雨大作紛紛逃竄等情又據署德慶州楊牧夢龍會同關守備貴昌稟稱十四十五十六等日攻勦雙棟踞匪燃礮轟擊碎石飛騰該匪迭受痛創勢極驚惶守無固志十七日區干總管帶奉調之安勇四十名前來卽經安紮大沙地方與卑職營壘聲氣相通十八日仍用大礮轟擊逼其出巢以便撲滅乃該匪負嵎如故是夜月色朦朧兼又大風守備貴昌於三更時候親督奮勇數十名各帶火藥包潛至柵邊劈柵入內點放藥包火

光四起各隊吶喊上前當場斬獲首級一顆搶佔礮樓
奪取大旂多面子母礮一位抬鎗藤牌器械多件各匪
驚恐擁歸後屋由後牆隙撬開逃跑守備貴昌當卽施
放號礮揮軍追擊卽由天川迦尾追至車牛等處時近
四更驟然風雨交作又屬山路難行看路不見未便窮
追卽經收隊至十九日午刻回營計傷斃賊匪數名生
擒賊匪林四一名我軍陣亡一名受傷兵勇三名查由
車牛過山地屬廣甯縣管轄現經飛移查拏并由卑職
夢龍懸立重賞購緝及嚴諭各匪家族勒將該匪等速

卽招回送案嚴辦再昨奉札知調撥顏都司安勇八十名前來會剿等因現在該匪業已被擊逃散請移知毋庸拔隊以免往返等情據此正在核辦間奉到憲札飭署南韶連鄭鎮酌撥安勇二百名交署四會營守備江志管帶先往會剿俾資得力至西省懷集詩洞潘九等東省廣甯會村等處亦有土匪蠢動均應嚴行堵截以杜勾結等因奉此旋又奉到十五日據職道等具稟情形蒙督憲批示仰卽備移刁副將督飭備弁會同楊署牧趕緊拏辦等因查此股匪徒逃至董姓村中不過七

八十人匪首均在其內該署牧等縱不能激勵團勇協力攻剿既經通稟請派兵勇往捕自當扼要防守使之不得竄匿以待兵勇到時一鼓撲滅乃株守莫村並不前進職道等嚴札飭催仍復置若罔聞以致該匪等十八夜大風急雨肆行逃散不特匪首梁亞七等并未就擒餘匪亦均未弋獲竟以奮力擊退爲辭意存粉飾辦理殊欠周密除札德慶楊署牧暨關守備并廣甯袁令一體將逃匪嚴拏務獲并另札楊署牧以文到日起勒限一月務將匪首梁亞添梁亞七及外匪李亞勁周福

溫德按名捕拏不准一名漏網倘限滿無獲卽行稟撤留緝外所有憲臺派撥安勇二百名交江守備管帶前往及職道等續調顏都司管帶之安勇八十名旣據該州稟報賊已逃竄自應暫緩前往其前調安勇四十名應俟該州續稟到時再行酌量調回高要查辦匪鄉至職道等所請派撥兵勇之稟係十八日稟發已在憲臺撥勇之後應請毋庸置議再查廣甯袁令一奉札飭卽行馳赴德慶地方會同辦理該州所屬曾村等處應札袁令妥爲防範西省懷集潘九等匪楊牧隨後稟報絕

未提起擬札令楊署牧移知懷集縣令一體查拏合將
雙棟踞匪業已逃散前調兵勇均可毋庸前往會剿緣
由具稟憲臺察核俯賜批示祇遵實爲公便

風聞哥弟會匪被剿潛行逃竄肇慶預籌防範上

瑞節相稟

同治十年七月二十四日

敬稟者竊照肇慶前因施送神仙粉匪徒捏造謠言一事當經職道等會商肇慶協刁副將暨督標左營鄧叅將等各撥兵丁二十四名派弁管帶在於城廂一帶輪流稽察業將辦理情形稟報憲鑒在案目下謠言盡息地方安堵如常兩月以來各弁兵均能奮勉從公不辭勞瘁洵稱得力今已事竣本應飭令歸伍惟近來風聞湖南省哥弟會匪被剿窮蹙肆散潛逃肇慶爲附省通

衢五方雜處難保該匪等不潛行竄匿且值德慶餘匪未靖誠恐勾煽生事尤應加意預防以昭慎密現與副將鄧叅將等熟商擬仍照舊派兵無論晝夜常川巡緝庶期有備無患各營將備亦屬意見相同所有預籌防範緣由理合具稟憲臺察核是否有當伏乞批示祇遵

附瑞節相批

據稟會營稽察肇慶城廂一帶現在施送神仙粉捏造謠言匪徒雖已盡息惟風聞湖南會匪被剿肆散

潛逃且德慶餘匪未靖誠恐勾結生事擬照舊派兵
巡緝以期有備無患等語所辦甚是仰卽移會刁副
將鄧叅將等飭令帶兵營弁督率兵丁在于城廂內
外晝夜梭巡嚴密稽查如有湖南會匪及德慶逃匪
潛竄入境立卽嚴拏解辦毋任蔓延爲患別滋事端
等因

批廣甯縣職員江觀潮控狡蠹勒詐貪贓枉法治同

十年七月

二十六日

關亞朗等盜砍杉株因被該職工人邱壽撞獲自願書
立悔約交執並經其戚屬范亞賢保領回家是關亞朗
等盜砍有憑何敢復行擺婦架擄捏控與武生江明瀾
有何干涉又何以串令丁書將職員及工人邱壽羈押
並向逼詐多贓所呈是否另有別情仰肇慶府迅飭廣
甯縣刻日查明本案實在情形先行稟覆察核毋任稍
延切切粘抄保領併發

批德慶州例貢董俊英控賊匪踞村爲巢礮斃兵

勇等

同治十年七月二十六日

查此股賊匪昨據該州稟報業經官軍擊敗逃散當經
札飭該州暨關守備並廣甯縣督飭兵勇勒限一月趕
緊嚴拏究辦在案茲據呈該州押令監生董靈祥辦繳
花紅銀兩是否屬實仰肇慶府迅卽查明稟覆察奪一
面嚴飭該州刻日將在逃各匪按名弋獲究辦毋任玩
縱稽延大干叅咎切切保領並發

--	--	--	--	--	--	--	--	--	--

遵札查明肇慶各屬近日搶劫各案上瑞節相稟

同治十年七
月二十七日

敬稟者案奉憲臺札行飭卽查明肇慶地方近日搶劫之案共有若干起事主是何姓名何案係何縣管轄因何並不稟報先行據實稟覆一面責成該管印捕各官會同營員督率兵役密往圍捕務將各案盜匪尅期破獲盡法懲辦以贖前愆倘再仍前玩縱任令各匪肆擾定將該地方官嚴行撤叅以爲縱盜殃民者戒等因奉此查高要一縣爲附郡首邑卽由職道等就近飭查其

餘各州縣當經飭委候補從九品張惠民王傳球楊麟等分往查明稟覆不准稍爲隱飾倘將來查有諱匿不報定將該委員移司叅辦一面責成該管印捕各官會同營員督帶兵役密往圍捕務將各案盜匪尅期破獲究辦去後隨據高要縣稟覆查縣屬祿步河邊有事主何盛芳貨船于本年三月十一日夜被賊行劫一起又新橋河邊有事主廖球船隻于四月初九日夜被賊行劫一起又事主伍瑜家于四月三十日被賊行劫一起又事主姜福家于五月初三日夜被賊行劫一起又事

主李進貨船于三月十五日在縣屬蓮塘村下河邊被搶一起均經會營勘訊詳緝又事主沈黃氏艇隻于五月初六日在羚羊峽河邊被賊三人圖搶未成適縣營扒船巡至經兵役當場格傷賊匪陳亞四一名落水身死屍身漂沒無存又格傷蕭亞得李亞桃二名挈獲解案訊認圖搶未成不諱旋據報該犯等帶傷進監身故均經驗明殮埋此案事主因未失賊並未具報請勘且案內並無餘犯請免詳報又據委員張惠民稟覆查得鶴山縣屬有事主許景欽耕寮于本年三月二十二日

夜被賊行劫拒傷伊弟許觀福身死一起又查得新興縣近日並無搶劫之案又據委員王傳球稟覆查得四會縣屬上觀舖拘頭寨有民人林瓊芬家于本年三月二十七日夜被劫拒傷事主林泰芬身死一起又村美鄉外有高要貢生梁昌霖書館于本年四月三十日夜被賊行劫一起又查得德慶州屬吉堆河面有事主董靈祥船隻于本年五月初一日被賊行劫一起又事主陳廣堯家于本年六月初五日被賊行劫一起又查得廣甯封川開建三縣近日均無搶劫之案又據委員楊

麟稟覆查得恩平縣屬東墟地方有事主陳象玲遂源
綢布店于本年五月十一日夜被賊行劫一起又查得
陽春開平高明三縣近日均無搶劫之案各等情據此
職道查以上各案均經該州縣等通詳通稟核與高要
縣及各委員查覆相符除嚴飭各該州縣移行勒緝務
將各案盜匪尅期破獲詳辦倘續經查有搶劫之案諱
匿不報者卽將各該州縣及該委員等分別稟請撤叅
外合將遵札查明肇屬近日搶劫各案據實詳晰稟覆
憲臺察核

瑞節相批

據稟已悉仰卽嚴飭各該州縣會營懸賞購線督率
兵役上緊嚴密偵緝務將被劫各案賊盜尅期全獲
究報毋再懈縱致干嚴叅該道府仍隨時密訪各屬
如有搶劫之案諱匿不報立卽揭請叅辦勿稍姑容
此繳

密札廣甯縣嚴拏要匪

同治十年八月初八日

爲嚴札飭拏事照得本道前因德慶州雙棟踞匪紛紛
逃竄業經札飭該縣嚴密查拏在案茲聞本案首要各
犯謝重觀二謝重觀三等竄往該縣屬之妙村地方梁
亞三梁亞七等則在該縣屬之岡墩地方潛匿亟應密
札飭拏合就札飭札到該縣刻日會營督飭兵勇并購
覓妥線不動聲色立將該匪謝重觀二謝重觀三梁亞
三梁亞七等設法嚴密查拏務獲究辦至該匪等現經
德慶州楊牧懸賞購緝倘能將該匪等拏獲所有花紅

獲匹公牘算在卷三

三

銀兩該縣卽移請德慶州給發毋稍稽延特札

諭覘岡鄉紳士李汝剛等立將在逃餘匪一併細

送解辦

同治十年八月初八日

爲嚴諭勒交事現據署高要縣王令面稟覘岡一鄉向
爲盜匪淵藪先于春間奉札嚴飭該紳等按名細送乃
竟置若罔聞迨至親督兵勇前赴查辦又復躲匿不出
時逾兩月之久僅據交匪數名若非意存庇護何致任
匪遠颺該紳李汝剛身列士表平日辦事尙稱奮勉此
次飭拏匪犯原爲綏靖地方起見更宜踴躍將事保衛
身家詎意一味諉延毫無振作是誠何心殊不可解稟

請嚴辦等情據此查該鄉尙有在逃著匪三十餘名之多亟應悉數緝交斷難任其推諉岩延合亟諭飭諭到該紳李汝剛等即便遵照督同匪屬立將後開有名要匪悉獲解究卽或不能全數交出務于三日內先行緝交過半以贖前愆至匪徒李亞達等俱係著名要匪尤當實力購挈首先緝解倘仍陽奉陰違逾限不交或僅緝送一二希圖塞責該縣身任地方旣經稟請嚴辦定必會營督勇卽日前赴該鄉將該族祖祠及匪屬房屋一併查封拆毀並將該紳等功名斥革拘案押交治以

鹿縱之罪本道亦決不能稍爲寬貸凜之慎之速速

卷之三

三

札飭肇慶府致祭文廟理宜禮節嫺熟

同治十年
八月初九

日

爲札飭事照得春秋祭祀大典攸關執事人等理宜禮節嫺熟謹敬將事本月初九日恭值致祭

文廟牲饌一切均未陳設整齊贊禮生并未演習儀節并不設盥洗所卽贊入拜位迨上香時僅止一炷詣讀祝位時贊引唱復拜位讀祝畢應三叩首輒贊一叩首更有大不敬者三獻禮止行至亞獻下面卽引分獻官行三獻禮而正獻并未三獻似此種種舛誤實非尋常

疎忽可比該教官爲諸生表率平時旣不能認真告誡
臨祭又不親行檢視教導以致祭品蕪雜禮節參差查
欽定學政全書內載守土正印官率領各屬員於上丁
日行禮毋得簡率從事均照典制遵行又載凡恭遇

聖節元旦冬至丁祭之期其優等生員并貢監等皆令
分班陪列行禮居址稍遠者亦令輪班入城學習行禮
如有高臥不赴參錯驕蹇者行學戒飭并飭令各教官
實力奉行等因凡在執事宜如何雖雖肅肅用昭嚴恪
之忱乃贊引生疎儀文脫略而諸生之陪列行禮者查

無其人該教官所司何事竟視典制爲兒戲耶合亟札
飭札到該府卽將糾儀之教官等各記大過一次以示
薄懲并飭該教官查明本日贊引參錯之禮生照例戒
飭嗣後倘再玩誤定將該教官等叅撤不貸務宜凜遵
切切

嶺西公牘彙存

卷三

三

官廳告白

同治十年八月十九日

濬師來自田間忝巡嶺嶠亟思與諸君子講求吏治詢
考民情下以覘僚屬之勤能上以備大府之採擇但經
投刺從不留門惟是外官積習太深或阻滯於號房或
稽延於奴僕重堂隔絕一面惟艱言念及斯實堪痛恨
嗣後各屬州縣教職佐雜等官遇有奉委赴任出差以
及俸滿驗看者除衙參期外每日辰巳兩時及已屆晚
鼓向有應辦公事不獲候敘餘則午刻以後申正以前
凡來見者立時請入其偶有微疴瑣務未能邀進者亦

必遣价言明倘號房奴僕故意阻滯稽延卽希當面直
陳嚴加懲辦庶盧君旅寓免吟名紙生毛而齊相門闌
無待舍人持帚矣若夫苞苴以遺竿牘以進此小夫之
知非所論於賢者也敢布區區伏惟督照方濬師謹白

嚴飭署德慶州楊牧加懸重賞捕拏著匪并高要

查辦匪鄉情形上瑞節相稟

同治十年八月二十一日

敬稟者竊照德慶州雙棟踞匪先於七月十八日乘風
雨交作紛紛逃散當經職道嚴飭德慶州楊署牧暨關
守備及廣甯縣袁令一體將逃匪嚴拏并另札楊署牧
勒限一月內務將匪首梁亞添等按名弋獲不准一名
漏網業將辦理緣由馳稟憲鑒一面札調德慶州悅城
司巡檢王禧昭來郡詢據該員面稟本案一切情形核
與委員平焜前此查覆大畧相同茲奉憲臺批行業將

楊署牧撤任另行遴員接署倘楊署牧限滿不能獲犯
卽行稟請摘頂留緝並據楊署牧以現經加懸重賞嚴
緝各匪惟聞該匪梁亞七等現在逃往廣甯縣屬之妙
村江墩地方藏匿應請檄飭廣甯縣會營嚴密圍捕等
情具稟前來復經職道札飭廣甯縣袁令上緊嚴拏各
匪務獲究辦仍飭德慶州文武一體購緝至高要縣查
辦匪鄉一節先經王令會同顏都司督帶安勇前往覘
岡富佛等鄉查拏因各匪多已聞風先逃經該縣飭傳
各紳耆勒限將各匪送案並經職道嚴諭舉人李汝剛

等勒交隨據各該紳拏獲匪犯李切耳等十餘名先後送縣審辦仍飭該紳等將未獲餘匪按名拏送現在署高要縣劉令業已抵郡王令炳文應卽交卸所有未盡事宜飭令劉令接手辦理其餘各鄉應拏匪徒尙多均應責成劉令會同顏都司督勇次第查辦所有前調安勇二百名辦理正在得手一時未便遽撤合無仰懇憲恩仍准暫留肇慶以重捕務理合具稟察核

批陽江廳舉人區成佐呈控勢紳把持偏聽蒙稟

同治十年八月二十七日

陽江廳專棚考試事爲創始所有考費銀兩勢不能不設法籌捐凡廳屬紳耆桑梓相關應如何和衷共濟以期嘉惠士林亦卽所以自培子弟豈可各懷私見任意阻撓迺自有籌捐之議該舉人等卽與舉人鄧琳等紛紛抵訐牽訟不休是何居心殊不可解總之凡事但求實效無須謬執一己之偏尤不得因意見不同展轉牽制以致大局有虧終成無補據呈前情仰陽江廳迅卽

傳集廳屬各紳再行妥議究竟按糧派捐之說是否公
允加增卷價之說有無流弊是否可行秉公體察切實
通稟以憑分別飭遵辦理務宜各得其平俾易集事而
免憤爭是爲至要至各紳互訐前此侵吞公項等情係
與此次議捐考費無甚干涉儘可一面另行查追而本
案議捐考費仍應及早籌辦固不必因噎廢食也粘抄
保領并發

批東安縣職員廖志信呈控狐鼠朋奸訊不覆據

妄刑酷結

同治十年九月十五日

查閱粘抄本道批示竟敢任意增刪改易大屬荒謬該職員等在本道處具呈將本道之批尙敢如此捏造則其他可想而知矣究竟本案現在作何辦理仰羅定州迅飭東安縣先行查覆一面集訊明確並究明該職等因何混改批語分別究斷具報均毋任延切切粘抄保領並發

請將敎匪李亞聚一名就地正法上瑞節相稟

同治

十年九月

十九日

敬密稟者竊照高要縣事主會洗榮梧州渡船被賊行劫拒傷水手一案先經該前署縣王令會營勘驗拏獲賊匪曾亞香一名訊認夥同李亞聚等行劫本案屬實王令未及稟報旋值卸事該署縣劉令到任接准移交飭據兵役緝獲李亞聚卽李亞敘一名訊據供認邀同張亞就等在伊沙寮聚集行劫會洗榮梧州渡船得賊分用不諱提同前獲之曾亞香質訊無異正在詳辦間

忽有傳教士杜杭函致該縣劉令以李亞聚係屬教民
恐有仇攀情事囑爲緩辦又函致肇慶府瑞守懇爲從
寬辦理經該府縣赴道面稟公同妥商職道因查該犯
李亞聚旣經訊認行劫罪應駢首杜教士何得干預地
方公事代爲乞恩此風斷不可長當囑劉令以理覆之
并令高要縣縣丞呂瑛前往妥爲開導該教士理屈詞
窮尙無異議亟應將該犯覆訊懲辦職道現經飭令劉
令密速錄供稟解惟由府稟道由道稟院由院飭司移
道往返稽遲動逾時日設省中領事郡城教士再來饒

舌轉覺棘手莫若訊供明確卽行辦理庶可免卻許多
葛藤况所辦係本地搶劫匪徒與洋務毫無干涉此中
竅要久在憲鑒之中現擬日內道府過堂後卽將該犯
先行就地正法一面由道照章補具印稟供摺呈繳稟
摺到日再乞中堂批司核明移覆以符定例是否如斯
仰候迅賜示音以便遵辦是所叩禱

擬將李亞聚再行復訊錄供通報聽候憲示妥辦

上瑞節相稟

同治十年九月二十四日

敬稟者本月二十二日接奉憲札內開現據巴領事照會轉據杜教士稟訴高要縣拏獲之李亞聚係屬教民并無行劫情事係被仇攀等情札道督飭府縣查訊明確分別辦理又於二十三日接奉鈞函以職道十九日所肅密稟業邀鈞覽所有李亞聚一犯飭卽督同瑞守轉飭高要縣確切查訊如實係盜匪卽行就地辦理倘稍涉游移務須詳細根究以昭折服各等因奉此遵查

李亞聚一犯先經署高要縣劉令親提審訊業據該犯供認行劫曾洗榮梧州渡船得贓分用不諱并訪聞合邑紳耆均謂該犯係窩劫積匪此次就獲可除一害其爲真正盜犯并非誣攀可知雖杜教士函請府縣代爲乞恩經劉令迭次復函并當面駁論該教士已俯首無詞職道恐其愆愆省城領事出頭辦理必形棘手是以商諸瑞守莫若早爲辦結免其饒舌今果於職道稟函未到之前該領事聽信教士教民唆擺稟訴憲聽其反復庇護實屬可惡但旣據領事稟求查辦若仍照職道

前議過堂後卽先行就地正法彼必堅執仇衅誣攀地方官枉行逼供殺以滅口誠如鈞諭非特無以折服其心且添出許多葛藤更難收拾現與瑞守轉飭劉令再行確切復訊錄供通報聽候酌度請示妥辦至勒竹園等處該領事恐其株連教衆一節查高要各鄉入教之人頗多近來安勇及縣營兵役訪查購線挈獲積匪多名顏都司一軍向遵鄭鎮紀律從不敢滋事妄爲而縣營兵役等有道府不時督察况此間去省較近耳目易周亦斷不敢稍有擾累當此緝捕吃緊之際匪徒恃人

教爲護符教士受教民之愚弄則各鄉村落隨在皆可
作匪人逋逃之藪各該文武稍一瞻前顧後殊於地方
大有關係職道已諄飭該員弁等約束兵役格外謹慎
小心而於應辦盜犯務當嚴密捕獲不可因噎廢食除
隨事詳細密陳外合將現辦情形先肅布聞

批署鶴山縣黃家德具稟請札委典史王焱專駐

雙都督辦客田召變事宜並委員署理典史缺

以專責成候示祇遵

同治十年九月二十九日

客田變價亟應迅速催繳鶴山縣雙都地方去縣城較遠該縣不能常川照料擬請委員專駐該處襄同督辦自係實在情形應卽如稟辦理仰肇慶府遴委妥員前往暫行代理鶴山縣典史篆務一面飭令典史王焱於交卸後趕緊馳赴雙都襄辦客產一切事宜將來辦有成效應否仍令該典史回任之處應由該縣酌量情形

具稟該府核明飭遵該府並卽先行錄批稟報藩司知

照此繳

將訊過高要縣盜犯李亞聚等二名訊認窩劫及
行劫事主曾洗榮渡船得贓不諱理合錄供稟

請批飭就地正法上瑞節相稟

同治十年九月二十九日

敬稟者同治二年十一月初五日欽奉

上諭嗣後廣東距省較遠各州縣所獲罪應斬決盜犯
審實後卽解送該管道府覆審錄供具詳該督撫核明
情節確實卽行飭令就地正法等因欽此欽遵在案茲
據肇慶府瑞昌稟據署高要縣劉維楨稟稱縣屬渡夫
曾洗榮梧州渡船于同治十年八月初二日夜在縣屬

土名山猪灣河邊灣泊被賊駕艇持械行劫銀物拒傷
水手黎二何興平復一案先經卑前署縣王炳文具報
會營勘驗飭據兵役隨同護幫弁勇于同治十年八月
十九日緝獲案犯曾亞香一名解案訊認行劫本案得
賊屬實錄供附卷旋值卸事未及稟報卑職抵任接准
移交照案移營勒差緝拏隨于同治十年九月初三日
據兵役隨同護幫員弁緝獲本案窩主李亞聚卽李亞
敘一名解案當卽提同前獲之曾亞香一併研訊據該
犯李亞聚供認窩集未獲之張亞就在伊寮內共謀起

意糾同伊弟未獲之李二聚及林亞蘇伍亞勝溫幅養
並溫幅養轉糾現獲之曾亞香未獲之羅亞運及不識
姓名二人連伊窩主一共十人于同治十年八月初二
日夜三更時候在縣屬山猪灣河邊行劫事主曾洗榮
梧州渡船銀物張亞就拒傷水手黎二何興二人伊並
未同行上盜事後分得贓物等情不諱質之曾亞香供
亦相同飭傳事主曾洗榮質訊靡異當將該犯等收禁
錄供通詳在案茲查逸犯張亞就等屢緝未獲監提現
犯李亞聚會亞香嚴加研訊據各供認前情不諱究鞫

不移案無遁飾查該犯李亞聚會亞香均罪應斬決理合錄供連犯解候勘辦等情到府卑府提犯李亞聚等覆審無異查律載強盜窩主共謀者行而不分贓及分贓而不行皆斬又強盜已行但得財者不分首從皆斬各等語此案李亞聚會強盜張亞就等共謀行劫該犯未經同行上盜事後分得贓物一次曾亞香聽從行劫得贓一次均應照律問擬應如該縣所擬李亞聚卽李亞敘合依強盜窩主共謀者分贓而不行斬律擬斬立決曾亞香合依強盜已行但得財者不分首從皆斬

律擬斬立決理合議擬備錄供摺連犯解候勘辦等情
連盜犯李亞聚卽李亞敘曾亞香二名稟解到道據此
職道當卽提犯李亞聚曾亞香二名覆審據該犯等供
認前情不諱均核與就地正法新章相符除批飭補具
供看詳咨外理合遵照新章備錄供摺稟候憲台察核
俯賜批示將該犯李亞聚卽李亞敘曾亞香二名就地
正法以昭炯戒實爲公便

羅西公牘集存

卷三

三

請將陽江廳職員梁光家衣頂開復文件早日發

行致鄧雙坡方伯書 同治十年十月初三日

現據陽江廳余丞稟稱竊照廳屬州同銜梁光家被梁秀堂具控恃符抗糧又被李佐昌呈控買屋扣價不交二案業經傳集各造訊明將斷結情形并請將該職梁光家衣頂准予開復各緣由通詳各憲在案惟日久未奉批行查該職梁光家前經認捐考棚經費銀貳千八百兩分作四季繳局發當生息已據繳過春季銀一千元其夏秋二季屢推屢延總以功名未邀開復為詞意

卷之三
圖延宕且聞日前阻撓考費之梁樹基現已由省回籍
恐其從中別有愆慮於考費大有關係現在開考伊邇
待需孔亟理合稟懇函致藩憲請將該職梁光家衣頂
開復文件早賜發行以免藉口而應急需等情弟查該
丞所稟洵屬實在情形用特專函奉佈務祈俯如所請
將該職梁光家衣頂開復文件早日發行是所拜禱

擬禁門閹家丁擅穿添青紅青色衣服致肇慶府

瑞南星太守書

同治十年十月初五日

昨有一事因匆匆未曾與老同年語及竊惟衣冠不可
倒置服色以判尊卑軍興以來名器之濫可謂極矣明
知滄海橫流豈一二迂濶書生所能挽回風氣然於其
小者近者或能杜漸防微亦未始非補救之一法弟官
京朝十年見九列以至郎曹凡家人僕隸悉皆恪守本
分衣服從無擅用添青紅青色者卽在內之軍機處在
外之總理衙門所用蘇拉有賞給頂戴其穿用馬褂長

春官之制實不
三
一
褂尚皆元色雖未必盡與會典相合而大致卻不敢與
會典相違自戊辰出都眼界爲之一變簽稿傳帖之僕
長褂馬褂無不僭用添青紅青甚至滌硯之雛僮捧茶
之小使亦無不僭用添青紅青馬褂者問之則曰無傷
也是乃羽毛洋呢也不知今日士大夫亦皆服羽毛洋
呢矣士大夫至今日所爭者僅此一顏色之異耳乃并
此而不區別之則今日添青紅青之羽毛大呢卽他日
添青紅青紬縐之漸貂裘負籠幾何不爲淮南所怪哉
弟抵端後卽張貼告示并通札各屬州縣一體查禁兩

載有餘尙能遵守去年在羊城與王補帆諸公言之亦頗以鄙言爲不謬前月底劉明府辦差家人王姓來見竟穿用紅青馬褂弟當宛轉面諭之該价唯唯立行脫去其在外尙穿用與否非所敢知也初一日赴招入門見持帖之尊管其褂則元青呢面可知京師舊僕絲毫不改常度足爲諸价表式弟擬申明前說再作一簡明告示張之俾互相猛省惟立法須自近始目之所見原易訓飭恐一出衙門仍復肆無忌憚弟署下人姓名可數其中未必皆安分謹小之人擬求老同年出署時便

中留心除短襖及長袖馬褂外倘遇仍前僭用添青紅
青者立即嚴加責懲以警其餘至尊署以及縣佐各署
弟亦於出門時隨便查察斷不容氣弟與老同年忝叨
至誼故不憚煩瑣陳之敢布區區諸惟督照不戢

將東安縣典史張炳鏞解省審辦上瑞節相稟

同治

十年十月

十三日

敬稟者現據東安縣知縣穆精阿稟稱竊本年九月三十日夜卑縣監犯葉亞青黃統涓羅富南三名越獄脫逃卑職時在富霖鄉徵聞報趕回一面移營撥兵及着典史飭役協同兵差懸賞追緝復令該典史將如何越走情形據實稟明以憑通稟該典史屢延不報遽于十月初九日以家人陳升出名稟丁母憂並繳鈐記前來又不將監犯越走情形聲敘實屬任意頑宕卑職前經

親提禁役訊明供詞先于十月初四日通稟在案殊該卸典史立心奸險藉喪圖詐稱要送給銀兩以理母喪方肯遵辦適初十日卑職午堂比卯聞幕友書房喧噪時卑職之子贊禮郎景德自京請假來署省親聞聲往看見該卸典史張炳鏞帶同其子數人臥在幕友中廳地上叫喊要救全家性命勸其係重喪之人趕緊轉回上前勸阻反敢捏毆圖僣隨喝同妻子多人擁到法堂吵亂不休書差勸阻橫僣愈甚且欲碰傷頭顱多生枝節雖幸人衆遮攔尙不斂跡退回卑職再三開導諭理

曉情不獨藐抗弗遵加以突起兇狠欲扭卑職拌命以
致旁觀黎庶共忿不平均道以卑凌尊固干禮訓法堂
吵亂又犯律條官長且然閭閻何以表率卑職親聆是
語雖屬難堪猶欲稍事姑容同詣憲轅請示該卸員抵
掌牽衣以頭碰撞誓要與卑職同死種種刁頑筆難罄
述當經恭請 敕印出堂叱令差役將該潑員帶赴憲
轅聽候發落所有該卸典史張炳鏞犯逃匿報離喪衣
錦以及吵亂法堂辱尊圖索各緣由理合帶同潑員據
實躬稟憲臺察核轉詳揭叅等情到道據此查東安縣

監犯葉亞青等越獄脫逃業經該縣通稟在案茲據該縣穆令具稟典史張炳鏞於丁憂後藉喪圖詐逞兇億賴情節較爲重大亟應解省審辦以昭慎重除委員縣丞呂瑛協同東安縣穆令將典史張炳鏞妥爲護送至省交臬司審辦外理合具稟憲台察核俯賜勸臬司提訊明確分別核辦實爲公便

致孫省齋廉使書

同治十年十月二十五日

二十四日東安穆令到端展誦手教敬悉種種東安典史弓役馮彩一案本擬先將典史撤任因穆令七月親自來郡面稟該典史之母曾到縣署數次懇求并云一門數口以官爲生倘被叅劾絕無生路并經該典史面求該令代爲乞恩是以做處但將全案提郡飭高要縣確訊酌辦劉令亦以穆令所屬擬欲通融辦理正在商量間而該典史又有滋鬧之事某當卽告知劉令將此案暫緩詳覆穆令在省時竟不將此情節稟明節相及

閣下該令不但老實且近糊塗矣某之前函係爲顧全局面起見茲奉來教已飭劉令趕緊具稟由道將馮彩移解尊處聽候審辦務須回明節相是所切禱至教民李亞聚一案梁亞幅本係投首願作線人挈匪贖罪乃劉令覆杜教士信稱梁爲盜犯後來通稟并不聲敘清楚只說馮線梁亞幅是其幕友李姓疎忽所致不得已擬將梁亞幅係曾亞香之誤申請節相回復領事某意於彼族權宜辦理則可不據實稟知節相豈非欺飾故劉令正稟之外又遞另稟今穆令來奉節相面諭飭

卽照月稟由縣稟道轉院昨晚已飭劉令遵照繕具印
稟日內卽專差馳遞總之此案原辦得不錯誤於幕友
不肯細心致被領事駁詰現在梁亞幅一名雖據譚千
總聲稱在外作線究未曾到縣迭飭劉令上緊要回如
有延誤斷不能爲之粉飾近來尙查出分府佐雜中數
員行止不端曾囑瑞守密達左右時勢日非一味敷衍
必廢吏治稍加風厲恐有不測之虞吾丈閱歷最深當
能鑒此肺腑德慶事昨奉大咨屬核明楊牧應否寬其
旣往之處移司酌辦查本案匪首周福溫德均經關守

荷西之履實不在
卷三

備訪獲似可予以免議不日即可咨覆

二

梁亞幅現已到案緣由上瑞節相稟

同治十年十一月十三日

敬稟者案照高要縣賊犯李亞聚窩劫曾洗榮梧州渡船一案先奉憲台鈞函以現據巴領事由陳謂高要縣劉令前覆杜教士函內稱梁亞幅係屬賊夥而稟覆則稱梁亞幅係屬線人殊覺前後不符飭卽傳詢明確據實稟覆等因當經傳詢劉令據稟梁亞幅原係畏罪投首情願引挈各夥黨贖罪經譚千總帶令引獲李亞聚解案究辦現仍在譚千總處作線等語業經據情轉稟憲鑒并諭飭該縣劉令責成譚千總趕將梁亞幅交出

在案茲據劉令以梁亞幅一名已准譚千總交回到縣
等情具稟前來除飭劉令將梁亞幅妥爲看守聽候查
辦外合將梁亞幅現已到案緣由具稟憲台察核

批陽春縣貢生藍維翰等呈控冒捏鑽詳叩委勘

訊究斷

同治十年十一月二十二日

本案昨據前代辦縣以案經移學督同生員林啟倫等前往該處勘明建祠處所係在學宮賢關界內該監生等實有私佔學地情事因傳該監生等延匿不到當將該祠斷令改作義學各生均皆樂從並據邀同舉人陳守衷等出具切結等情通稟到道業經批府飭候院司批示飭遵在案茲據呈各情核與縣稟互異難保非飾詞狡辨惟既據曉曉控瀆究竟應否卽照原斷辦理抑

須覆集勘訊以昭折服之處仰肇慶府迅飭現署陽春
縣王令刻日查核明確分別妥爲辦理具報毋稍稽延
切切粘抄繪圖保領並發

梁亞幅仍交譚千總約束責成作線拏匪以贖前

愆上瑞節相稟

同治十年十
二月初三日

敬稟者現奉鈞函以高要縣賊犯李亞聚窩劫梧州渡
案內之梁亞幅既經引拏要匪尙知悔罪自新應仍交
譚千總約束責成作線購拏各案盜犯以贖前愆倘有
應須查訊之處卽着譚千總隨時交案飭卽轉諭高要
縣劉令遵照辦理并諭瑞守知照等因當經分別諭飭
遵照去後茲據署高要縣劉令稟稱遵卽飭傳梁亞幅
將督憲格外施恩之意向其明白曉諭着令務須上緊

作線購拏如能多獲賊犯自當稟請道憲轉稟督憲再
爲開恩梁亞幅亦深知感激唯唯答應當將梁亞幅仍
交譚千總約束責成作線協同差役購拏各案盜犯容
俟梁亞幅能否引拏盜犯多名再行分別稟請核辦外
理合稟明等情據此理合據情轉稟憲台察核

批廣甯縣袁祖安稟遵札會勘得卑縣廩生楊介

眉等毀佔學宮馬路及訓導署三堂屬實情形

印刷志圖另繪新圖註說送請察核

同治十年十二月初

日五

查本案先經該前署府蔣守飭委候補經歷邱鴻星前往會縣查辦旋據委員會同前署廣甯縣會令以飭據紳士馮毓熊等查明楊姓修建祖祠委無越佔學地情事實因學宮重修改建形勢與縣志不甚相同是以張訓導懷疑具稟現經該紳等勸令楊姓讓出稅地縱橫

各五尺撥歸訓導署內俾資寬展楊姓業已允從可否免其置議將案註銷理合會稟察核等情具稟到道當經批飭該前府請如該委員等所稟概免置議等情核覆前來并聲明已飭遵照在案茲據稟會同委員呂瑛查勘各情核與前委員邱鴻星及該前縣會令所稟大相逕庭究竟當日原稟之紳士馮毓熊等查稟情形因何與現在查勘互異該縣與委員會否向其詰詢稟內未據聲明現據監生楊逢祥等以張訓導偏聽門斗唆擺反復捏佔現在委員會縣覆勘並不傳集族人又不

邀同三學難保無偏枯左袒之弊等情赴道呈控自非
傳集楊姓紳耆及原稟之紳士馮毓熊等覆加查核勘
訊不足以昭折服仰肇慶府迅飭廣甯縣刻日傳集一
千人等覆加查勘訊明秉公斷結具報毋任偏延致滋
藉口切切此繳圖存

簽駁陽江廳生色等店貨船被劫案查開疎防職

名詳冊

同治十年十
二月初八日

查本案前據該廳將供看冊呈送到道因查看冊內聲敘情節多有疎漏未協之處礙難照轉業經簽回另行妥具繳送核辦在案茲據該廳查開本案疎防職名詳請補叅前來查供看尙未呈送未便先將疎防職名開報且查獲犯後審明補叅之案如有延遲應將延遲職名開報不得以遲延有因聲請免議迭經奉准部咨有案現詳請將遲延職名免開恐干駁詰又查定例失事

處所距營汛在五里以外作無墩舖防兵論如相距在五里以內卽作有墩舖防兵論營員之叅處以有無墩舖防兵分別輕重茲據詳失事地方距那龍汛約一里則應作有墩舖防兵論營員處分應加重矣何以詳內又稱附近並無設立墩舖防兵聲敘亦覺參差均難照轉合行簽回仰將發回詳冊查收遵照指飭情節查明本案失事處所相距那龍汛究有若干里有無墩舖防兵俟呈送供看後查開文武疎防及開報遲延各職名一併具詳請叅毋稍率忽此簽仍繳

批開建縣生員馮京唐控爲情奸拐逃牽累族屬

前縣摘釋廢井生波

同治十年十一月十五日

昨據該縣以該生被控庇匿拐匪馮觀就在家迭經差傳勒交竟敢始終玩抗任意匿縱等情稟請將該生衣頂斥革核與該生現呈互異總之本案該生如果實有匿縱拐匪馮觀就情事則無論該生是否馮觀就家長一經差傳勒交卽應網送乃據呈並不將有無匿縱明白聲訴徒以並非家長呈請將名摘除殊覺含混究竟是何實情仰肇慶府迅飭開建縣刻日傳集案內人證

確切訊明分別究報毋任稽延切切粘抄保領並發

羅定州吏目陳之縉與西甯縣連灘汛把總黃恒

斫越境前往東安縣挈人滋事應嚴行查辦致

鄧雙坡方伯書 同治十年十
二月十九日

孫省齋廉使書

二月十九日

日前訪聞現署羅定州吏目陳之縉與西甯縣連灘汛
把總黃恒斫越境前往東安縣屬挈人滋事當經函致
東安縣穆令密詢茲據穆令查覆本案因徐郭氏赴陳
吏目處稟控東安人馮華陞將伊女阿招拐匿黃把總
從中播弄陳吏目卽差弓役前往該縣屬高勘馮姓鄉
村拘起該處鄉長將各弓役細留該吏目卽與黃把總

督帶兵役馳赴該村挈人吊放以致兵役人等焚搶滋
鬧現經該縣分別稟咨羅定州協并經陳吏目拘獲馮
四等三名解奉本州札發審辦等情查該吏目陳之縉
以雜職人員而擅受民詞以管獄之官而擅離職守已
屬不合且與連灘汛把總黃恒忻督帶兵役越境挈人
以致激成事端尤屬大干功令況該州所屬雜職屢次
生波該吏目又復肆無忌憚若不嚴行查辦無以肅法
紀而儆官邪現在尙未據羅定州稟報昨已函致黃牧
囑其據實查復一面將該吏目把總認真詳辦勿稍姑

息用特專緘奉布卽祈查照先行回明院憲為禱

有正心出類不在

三

批羅定州黃光周稟西匪竄擾西甯縣屬之排埠

嘉益墟等處會督營縣堵剿

同治十年十一月十九日

據稟已悉查上年春間西甯縣屬之社廊村地方被西匪竄入滋擾經該前縣劉署令會營分派勇練四路堵截一面督飭兵勇紳團四面環攻殺斃及生擒賊匪多名奪獲礮械多件隨將該村克復是役文武官紳合力同心兵勇鄉團均各用命故於數日之間即將該匪擊退辦理甚爲得力茲此股西匪竄擾該縣屬之排埠等處其勢洶洶且該縣屬與西省岑溪縣交界之處甚多

在事文武亟應督帶兵勇激勵鄉團擇要防堵認真剿辦方免蔓延爲患仰卽會同羅定協督飭西甯營縣鄉團趕緊認真堵剿毋任蔓延并確探賊匪情形隨時稟報察核仍候兩院憲暨藩臬司善後局批示繳

札委從九楊麟馳赴西甯縣確查西匪現在情形

據實稟覆

同治十年十一月廿二日

爲札委確查稟覆事同治十年十二月十九日據羅定州黃牧稟稱竊卑職先訪聞廣西岑溪縣屬之黎木水汶等處有逆匪糾集夥黨滋擾情事當卽札飭西甯縣會營督飭兵勇鄉團防堵一面飛諭附近鰲頭一帶團練實力堵剿去後茲據探報該匪於本月十三日分股千餘名竄擾西甯屬之排埠嘉益墟等處聞岑溪容縣匪首甘木等尙聚匪數千未到查排埠嘉益墟距岑溪

黎木三十餘里距州城一百二十里亟應迎頭截剿以
免蔓延爲患除會同羅定王署協戎督飭營縣鄉團認
真堵剿並確探逆匪情形隨時飛報外合將西匪竄擾
西甯排埠嘉益墟會督營縣堵剿緣由飛稟察核等情
到道據此除批飭該州會同羅定協督飭西甯營縣趕
緊實力堵剿毋任蔓延并經札西甯縣會營督率兵勇
激勵鄉團分別擇要防堵認真剿辦外合札委查札到
該員卽便遵照刻日束裝啟程馳赴西甯縣地方立將
此股賊匪實有若干人現在屯聚何處賊勢如何匪目

是何名姓該縣營現在作何布置有無擇要防堵曾否
與賊接仗兵勇鄉團約有若干堵剿能否得力逐一確
切查明詳細稟覆赴道以憑核辦軍務要件該員係特
委之員務須趕緊確查據實稟覆毋稍顛預稽延致干
未便速速

卷之三

三

據報西匪竄擾西甯縣屬排埠等處旋經官兵擊

退上瑞節相稟

同治十年十二月二十五日

敬稟者本年十二月十九日據羅定州黃牧光周稟稱竊卑職先訪聞廣西岑溪縣屬之黎木水汶等處有逆匪糾集夥黨滋擾等事當卽札飭西甯縣會營督飭兵勇鄉團防堵一面飛諭附近鰲頭一帶團練實力堵剿去後茲據探報該匪於本月十三日分股千餘名竄擾西甯縣屬之排埠嘉益墟等處聞岑溪容縣匪首甘木等尙聚匪數千未到查排埠嘉益墟距岑溪黎木三十

餘里距州城一百二十里亟應迎頭截剿以免蔓延爲患除會同羅定王署協督飭西甯營縣鄉團認真堵剿並確探逆匪情形隨時飛報外合將西匪竄擾西甯排埠嘉益墟會督營縣堵剿緣由飛稟察核等情到道據此查上年二月間西甯縣屬社廊村地方被西匪竄入滋擾經飭該前署縣劉令紀勲督飭兵勇鄉團實力堵剿旋於數日之間卽據稟報將該村克復是該處團練尙屬可靠茲此股賊匪竄擾該縣屬之排埠等處亦應查照上次辦理當卽批飭黃牧會同羅定協督飭西甯

營縣趕緊督率兵勇激勵鄉團分別扼要防堵認真勦辦并徑札代理西甯縣吳炳綬遵照一面飭委候補從九品楊麟馳赴西甯縣地方隨時偵探稟報去後隨於本月二十二三四日迭據羅定州及西甯縣以我軍於十四日亥刻分三路攻擊至十五日辰刻該匪力敵不住敗退排埠賊巢當將嘉益墟收復計轟斃執大旂賊目一名殺斃賊匪數十名割取首級十二夥奪獲旂械多件查點兵勇共受傷七名十六日我軍復將排埠附近之大塘义中軍嶺腳賊壘攻燬轟斃逆匪十餘名殺

斃四五十名各匪始敗回排埠極邊之木寨死守查點我軍傷斃二名重傷三名輕傷五名十八日寅刻我軍分投夾擊四面環攻火箭藥包紛紛飛擲隨將木寨大小賊營六座盡行焚燬燒斃賊匪不計其數餘匪由黎木水汶一帶奪路竄逃我軍極力窮追擒獲偽將軍王四品一名逆匪陸守儀等三名解州審辦等情具稟前來職道伏查羅定西甯等州縣與西省之岑溪等縣毘連山多箐密兼有水路可通現聞冬令水涸河路淺阻難行全在附近山林一帶嚴密防備現在此股匪徒雖

經敗竄惟其出沒靡常必須隨時籌畫查該州縣從前
用兵多年團練素稱勁勇而西甯千總陳聰又經該前
縣劉令保過熟悉情形可期得力似不致有疎虞除由
職道飛札該牧令仍須加意會營督率團勇隨時防禦
不得稍涉大意并俟委員楊麟探明稟報到日再行核
辦外合將據報西匪竄擾西甯縣屬排埠等處旋經官
兵擊退收復緣由具稟憲台察核

--	--	--	--	--	--	--	--	--

諭本署各僕

同治十年十二月二十五日

諭門房各僕知悉本署凡有買用衣綢食物及一切雜項均係現銀取用向不賒欠爾等卽傳知各舖戶人等嗣後本署有人往該舖賒欠者許該舖戶等當面阻止倘有希圖見好任意賒賣以致每節拖欠不能償還該舖戶來衙取索吵鬧一經查出卽將該舖戶等交縣責懲所欠賬目本署斷不爲之理處至該舖戶等有送應用物件來署祇准至東西兩門房中由爾等自行帶人送進舖戶人等一概不准進內自諭之後倘敢故違定

爲爾等是問輕則逐出重則責懲爾等其凜之特諭諭衙役人等知悉本衙門設有號簿每日上下人等出入宅門均令爾等登記簿內以便查考近日聞爾等隨意書寫數人并不據實登載殊屬膽大特再嚴行申諭自後出入人數務須一一登記明白爾等雖不能攔阻惟須一面登簿一面回明門房倘故爲隱瞞一經查出定將爾等重責枷號不貸切切特諭

本衙門各項家人原不能免其絕無親友來往嗣後著傳知把宅門人役遇有此等人來署問明找尋何人令

其說明帶至求已齋後下房彼此會面話畢卽出倘偷
在署中住宿及呼朋引類賭博飲酒甚至勾引下人外
出游蕩一經查出立刻交縣板責其書房帳房及內門
房均不准此等人進來切切特諭

諭傳帖家人知悉書房爲少爺等讀書之所向來不准
會客嗣後各處官長及來往戚友等遇有拜候者只留
名帖爾等立即回明應回拜者持帖回拜均不必請入
相見并將不准會客之故答知各位官長戚友庶不見
責而免酬應倘號房人等不將名帖交與爾等及書房

跟班人等將各位請人書房者一經查出除枷責號房
外定將爾等及書房跟班一併責逐不貸特諭

嶺西公牘彙存卷四目錄

同治十一年正月初六日起
至十一月十六日止

批羅定州黃光周稟剿匪大獲勝仗克復排埠極

邊之木寨西甯縣境一律肅清

同治十一年
正月初六日

高要縣屬事主曾洗榮梧州渡船被劫案內夥犯

梁亞幅悔罪投首後引挈同夥李亞聚等四名

訊辦請將梁亞幅寬免交保聯府銜上瑞節相

稟

同治十一年
正月初八日

批羅定州黃光周稟遵將陳吏目與連灘汎黃把

總統帶兵役越境辦案始末情形稟覆

同治十
一年二

月初四日

羅定州吏目陳之縉越境辦案滋擾緣由上瑞節

相稟

同治十一年二月十二日附瑞節相批

批

廣甯縣袁祖安守備江志

會稟奉札會督勇役嚴密搜拏

卑屬妙村著匪起程日期及辦理情形

同治十一年二月

月十三日

飭廣甯縣袁祖安會營往剿謝重觀著匪日期上

瑞節相稟

同治十一年二月十八日

羅定州吏目陳之縉越境辦案滋事一節將馮姓

原呈及羅定州東安縣來稟照錄致鍾雲卿署

臬書

同治十一年二月二十八日

請將辦理謝重觀著匪情形便中達知瑞節相致

鍾雲卿署臬書

同治十一年二月三十日

批西甯縣民婦羅林氏控賄弄封冤押親轄領由

同治十一年

四月初六日

請飭催准補西甯縣陳令趕赴新任以專責成致

鄧雙坡方伯書

同治十一年四月十八日

批鶴山縣雙都局紳士吳藻等呈請將辦理客田

專催產價免其輸租 同治十一年四月二十二日

批西甯縣貢生陳蘭生控家遭三劫縣未辦賊乞

飭會營比差關移嚴緝 同治十一年四月二十七日

批肇慶府瑞昌稟修造大扒等船用過工料銀兩

請歸本缺無論正署分限八年捐提歸款 同治十一年四月二十七日

年四月二十七日

批羅定州舉人沈培蘭等控大盜盤踞沿村焚劫

同治十一年五月初二日

批陽江廳余祚馨詳廳民曾亞義呈報胞兄曾亞

統被嫂陳氏姊弟謀殺一案訊驗

同治十一年五月初二日

札飭高要縣出示永禁演唱夜戲

同治十一年五月二十四日

給各房書吏諭帖

同治十一年六月十三日

批陽江廳余祚馨詳廳民金廷鳳工人金阿安被

匪搶牛殺斃獲犯訊供

同治十一年六月十八日

批高明縣吳福田稟請將各屬經管圍基飭承將

舊案抄發下縣

同治十一年六月二十四日

札飭各屬遇有上司批行查復案件立即查明稟

覆

同治十一年七月十三日

批西甯縣陳杞稟到任後查辦地方大概請留典

史并達感謝下忱

同治十一年
八月初四日

札委用縣簡士珍稟覆卑職前署陽春縣任內應

送主講瑞雲書院脩金早經補送

同治十一年
八月初四日

批封川縣劉祖慶稟舉人梁立本等聯名呈控船

戶梁亞美等船隻被搶各情先行稟報

同治十
一年八

月二十
三日

請將東安縣職員馮華陞呈控一案訊明具稟議
結緣由并片稟請將陳之縉黃恒炳甄別緣由

回明

瑞節相 鄧雙坡方伯

致

鍾雲卿署臬

書

同治十一年八月二十六日

東安縣職員馮華陞等呈控羅定州吏目陳之縉

連灘汎把總黃恒炳統帶兵役入村焚搶一案

辦理緣由列摺請示遵辦上

瑞節相

稟

同治十一年八月

月二十六日

批德慶州例貢董俊英等控劉明滄等通濟逆匪

梁阿添倉穀

同治十一年八月二十七日

請飭顏都司將隨隊原經截留在郡之勇一百名

撥派回郡駐紮致鄭心泉總戎書

同治十一年九月十四日

批東安縣教職林秀儀呈控違例藐法滅倫毆尊

裝點攙爭夤緣舞弊

同治十一年十月初一日

請將院批陳之縉黃恒忻被控一案備移過道致

俊質堂廉使書

同治十一年十月二十一日

肇慶府城垣圯壞現飭高要縣詳擬章程動工興

修并請派委大員覆勘確估與府聯銜上

瑞節相張

中稟

同治十一年十一月初七日

肇慶協刁副將現在帶兵出境應請札飭六營酌

派弁兵會同文員巡緝上

瑞節相張中丞

稟

同治十一年十一月

十六日

附瑞節相批

批鶴山縣職員李崧年等控飾詞混指瞞登縣詳

同治十一年十

一月十六日

卷之五

五

嶺西公牘彙存卷四

定遠 方濬師 子嚴

批羅定州黃光周稟剿匪大獲勝仗克復排埠極

邊之木寨西甯縣境一律肅清

同治十一年
正月初六日

據稟已悉查該州及西甯縣屬與西省岑溪等縣交界之處甚多此股賊匪現雖擊退惟其出沒靡常仍須加意防堵方免再行竄擾仰卽會營及督飭西甯營縣派撥鄉團妥爲堵禦切勿稍涉大意致貽後患一面將所獲僞將軍王四品及逆匪陸守儀等訊供稟辦均毋違

奇因五雁真在 卷四

延仍候兩院憲暨藩司臬司善後局批示繳

高要縣屬事主曾洗榮梧州渡船被劫案內夥犯
梁亞幅悔罪投首後引挈同夥李亞聚等四名
訊辦請將梁亞幅寬免交保聯府銜上瑞節相

稟

同治十一年
正月初八日

敬稟者現據署高要縣劉維楨稟稱案照事主曾洗榮
梧州渡船行至縣屬山猪灣河面被劫案內夥犯梁亞
幅共謀爲盜臨時畏懼不行事後分贓旋于五日內畏
罪自赴投首後引挈夥犯李亞聚訊辦一案前經稟奉
面諭奉督憲函開查梁亞幅既經引挈要犯尙知悔罪

自新應仍交譚千總責成作線購拏各案盜犯以贖前愆等因遵將梁亞幅一名移交譚千總帶領作線茲查梁亞幅又先後帶同兵役引獲本案盜犯張亞就翟亞拒譚亞池三名解案訊認行劫不諱錄供通報在案是梁亞幅頗能革面洗心力圖自贖合無仰懇轉稟准賜開恩格外俾梁亞幅得以自行謀生等情據此職道等伏查梁亞幅原犯共謀爲盜臨時畏懼不行事後分贓罪止杖流該犯旋即悔罪于五日內自行抱贓投首照律已得寬免復先後引拏同案夥犯李亞聚張亞就翟

亞呷譚亞池四名實屬自知悔罪冀贖前愆茲據該縣
具稟前來理合轉稟憲台察核可否俯如該縣所請准
將梁亞幅交保約束予以自新俾得另謀生業之處伏
候批示祇遵

羅西公履算右

卷四

三

批羅定州黃光周稟遵將陳吏目與連灘汎黃把

總統帶兵役越境辦案始末情形稟覆

同治十一年二

月初四日

據稟已悉該州吏目陳之縉既經該州查有擅離職守越境辦案情事自應據實通稟請撤將該吏目留州訊明稟辦何得以本道查詢之後始行稟請由道撤叅并以陳之縉係該州吏目自應迴避爲詞請由本道提訊殊屬非是仰卽據實通稟將該吏目陳之縉撤任一面委員暫行代理仍將該吏目扣留在州行提案內一千

卷四
名四

四

人證集訊明確分別叅辦毋得稍涉迴護是爲至要此
繳

羅定州吏目陳之縉越境辦案滋擾緣由上瑞節

相稟

同治十一年
二月十二日

敬稟者竊照職道訪聞署羅定州吏目陳之縉有擅離
職守越境前往東安縣屬辦案致兵役人等藉端滋事
民情洶洶當經飭令羅定州查覆去後茲據該州黃牧
稟稱遵查本案先於同治十年七月初八日據州屬孀
婦徐郭氏呈稱氏早歲夫故生下一女名喚亞招年方
十三歲同治二年許配梁姓遷居龍頭岡母女二人紡
織度活不料本年三月二十一日有與夫素識之葉四

垂涎女貌欺氏孤寡窺女外出膽敢甜言迷拐至連灘
馮華陞混名公仔六所開之永祥店窩匿尋覓無蹤幸
遇鄰人見報始覺駭異登報汛官及街老地保等知證
相與理論聲稱葉四帶至與伊無干復向葉四理論葉
四則稱華陞始知與他無涉復查明遷往茅坡謝超羣
家卽着人往謝超羣家詢問而超羣亦稱華陞寄託說
要銀七十兩方肯放贖但氏無銀可獻迫投附貢生葉
子端職員謝永晃武生江球伊族老馮高澤地保黃火
清等勸令交還了事殊匪屢推屢延套約不交反出惡

言聲稱此女已爲華陞之妾任告莫奈伊何迫得披情
籲叩伏乞飭差會營先將氏女起回嚴拘葉四等到案
訊辦等情到州據此卑職因查連灘係西甯縣轄管地
方該氏并未赴縣控告批飭赴縣呈請拘究毋得越瀆
在案卑職旋親赴各鄉督徵錢糧隨訪聞署吏曰陳之
縉有擅離職守越境辦案情事當卽飭查去後嗣據東
安縣穆令具稟該署吏曰陳之縉與連灘汛把總黃恒
忻統帶兵役越境辦案并據該縣續稟甯坡堡紳士控
告該署吏曰與黃把總督帶兵差到高塢村拆毀馮姓

房屋懇請嚴札該署吏目趕緊回州并將所捉之人札提飭發下縣俾得訊供查辦各等情正在札提間卽據該署吏目陳之縉稟稱竊卑職於十一月初八日據代防連灘汛把總黃恒斫帶同孀婦徐郭氏喊稟竊氏夫早故生下一女名喚亞招業已許配梁姓不料與夫素識之葉四馮華陞頓起不良將女亞招誘拐藏匿馮華陞家內投明附貢生葉子端地保黃火清等知證勸令交回勿恤後又移匿謝超羣家內乞飭役拘究等情卑職當以未便擅受不行准理該把總黃恒斫復以該氏

痛女情切憲台遠在各鄉催徵再三代爲籲請并帶同
線工葉姓前來卑職卽派弓役李登及捕役廖坤等前
往緝拏旋於十五日據弓役李登以奉簽前赴高塢拘
傳拐匪馮華陞未至該匪門首卽聞鑼角聲陡見寨內
山上馮姓各匪并別姓匪徒約二百餘人手持鎗礮將
役等圍住亂行砍殺捕役廖坤受傷倒地役與各伴共
二十名均受傷被網役見該匪防守稍懈掉命逃出至
宋桂先行稟明東安縣主就近拘匪吊放爲此據實稟
明懇請轉稟州憲移營吊放等情并准東安縣穆令函

開均同前由卑職趕卽復信懇請穆令查明吊放拘兇
究辦嗣據弓役復稟東安縣已赴連灘徵糧未將被擄
各役吊放卑職一時情急深恐被馮華陞將各役凌逼
致斃多命所關非細又值憲台在行轅催徵若稟候批
示有需時日不得已從權於十七日前赴高壩先行吊
放不料該匪馮華陞卽公仔六并馮姓各匪黨均已畏
罪逃匿被擄各役亦無一人見面無從吊放祇傳到該
處地保黃火清一名并拘獲在場目擊毆差之馮四馮
二妹二名卑職謹將訊取供詞并地保當中呈遞掌模

切結備文申解究辦等情并據稟繳馮四等供摺一扣地保黃火清掌模切結一紙解到馮四馮二妹地保黃火清共三名當經札發東安縣查收飭卽趕緊拘傳本案犯證提同澈審實情按律詳辦在案惟查該署吏目陳之縉擅離職守越境辦案咎無可辭而馮華陞等如果誘拐徐郭氏之女亦有應得之罪若非分別嚴叅懲辦恐啟僚屬專擅之漸亦恐長地方刁健之風緣奉前因合將本案始末情形稟復憲台察核伏乞將署吏目陳之縉撤叅委員接署并懇提齊本案人證卷宗澈審

各情據實詳辦以昭折服而成信讞實爲公便再本案情節有無不實不盡想在憲台洞鑒之中一經提訊自能水落石出至陳之縉係署卑州吏目卑職例應迴避未便提審合併聲明等情到道據此除批飭該州據實通稟將該吏目先行撤任一面由州委員暫行代理仍將該吏目扣留在州提集案内一千人證確訊實情分別叅辦外理合具稟憲台察核

附瑞節相批

查此案羅定州民婦徐郭氏以伊女亞招年止十三

歲被葉四迷拐至連灘馮華陞永祥店窩匿隨又遷往謝超羣家索銀放贖等情赴州具控當時該州既查明連灘係西甯縣管轄案關迷拐重情何以并不趕緊札飭西甯縣查拏僅止批飭自行赴縣呈請拘究辦理殊屬非是查迷拐子女之案例應題叅疎防捕官例有處分該州吏目陳之縉因據徐郭氏喊稟前情并經代防連灘汛把總黃恆炳帶有線工卽派弓役等前往緝拏係屬分內之事尙非專擅可比惟因何將東安縣屬之高勘村馮姓房屋拆毀究竟馮

華陞是否係高勘村人抑係住居連灘其被拆房屋之馮姓是何名字曾否被控有名均屬緊要關鍵既據該道將陳之縉先行撤任自應查明辦理仰東按察司會同布政司遴委幹員前往嚴密確查實在情形及徐郭氏之女是否實被迷拐該吏目等有無越境滋擾情事單銜據實通稟察核如果馮華陞等迷拐屬實并卽由司行令該州飭屬查拏究辦毋稍玩縱一面會營前詣勘明先行通報仍候撫院衙門批示繳

批廣甯縣袁祖文會稟奉札會督勇役嚴密搜拏

卑屬妙村著匪起程日期及辦理情形同治十一年二月

月十三日

查本年正月間該縣來郡稟見止言謝重觀等為該縣屬著名賊匪屢緝未獲將來擬請安勇前往拏辦並未提及上年冬間及鄉局紳督團往捕被該匪糾黨抗拒殺斃團勇二十餘名之事本道因公晉省始得自傳聞然當時以未據該縣稟明究不知其事確否是以於謁見督憲時奉詢及此猶不敢說其必有乃該縣現在通

稟內忽稱曾於正月間將此事面稟本道察核殊覺詫異若如該縣所稟則豈非本道於督憲前說謊耶該縣作此數語實不知是何意見至謝重觀等迭劫擾害又復糾集匪黨殺斃二十餘人之多實屬罪大惡極斷難姑容該縣現既募有壯勇三百名又經督憲札調周守備夢熊帶勇二百名該四會營江守備帶勇一百名前往剿捕兵力不爲不厚亟宜乘此兵威實力痛剿以期一鼓就擒慎勿稍留遺孽致貽地方之害大千叅咎仰肇慶府迅卽轉飭廣甯縣遵照辦理並移江守備一體

知照仍候兩院憲暨藩司臬司善後局批示繳

卷之四

二

--	--	--	--	--	--	--	--	--	--

飭廣甯縣袁祖安會營往勦謝重觀著匪日期上

瑞節相稟

同治十一年
二月十八日

敬稟者案奉憲台札開案查廣甯縣屬妙村著匪謝重觀卽謝瓜四厯年糾黨肆劫素稱兇悍前于同治五六年間疊經官兵圍捕該匪逃匿廣西懷集梧州等處去年冬間潛回妙村又復糾集夥黨數十人將圖劫掠該縣各鄉局紳恐釀禍患急於捕拏未及報縣且因其時署四會營守備江志奉委帶勇會同高要縣按辦蓮塘匪鄉相隔尙遠亦未遑前赴請勇移緝該紳等遂于十

一月初五日自行督率鄉團數百人逕往妙村圍捕詎該匪謝重觀膽敢糾同夥黨六七十人各持鎗械突出抗拒各團練抵敵不住被匪當場殺斃二十餘人遂卽退走各散回鄉現聞該匪仍匿妙村其夥黨時聚時散各鄉時切隱憂查謝重觀卽謝瓜四爲廣甯著名巨盜黨羽旣多性尤狡獪每聞兵勇抵境先自潛逃及兵撤去又復竄回滋事且恃該縣毘連廣西邊界山嶺綿亘竹林深翳一經遁匿無跡可尋該匪此次潛回妙村糾集夥黨殺斃團練二十餘人之多匪膽愈張則禍心愈

熾倘不嚴加搜剔其患何可勝言應卽嚴拏懲辦以除
地方之害除札署四會營守備江志刻日妥商廣甯縣
確探匪蹤不動聲色立卽親帶所部勇丁一百名前往
搜捕并密約現駐高要縣之守備周夢熊帶勇二百名
繞赴廣甯會合兜緝務將該匪謝重觀及各夥黨悉數
弋獲懲辦勿任逃匿仍將辦理情形隨時稟報察核及
札廣甯縣遵照會同守備江志確探匪蹤督率勇役認
眞搜捕務將該匪謝重觀及各夥黨悉數懲辦并諭令
各鄉局紳帶領鄉團扼要堵截勿任逃匿致貽後患并

札肇慶協遵照督飭該管汛弁會同實力搜捕毋稍鬆懈并札高要縣遵照備移守備周夢熊帶勇赴廣甯搜捕俟事竣回縣立將應辦匪鄉會同按辦外合就札飭札道即便查照毋違等因奉此當經轉行遵照去後職道等隨于二月初一初四等日先後回郡守備周夢熊管帶安勇二百名亦于初四日由肇起程前往廣甯縣會辦茲于二月十一日據該署縣袁令會同四會營守備江志稟報袁令選募壯勇三百名江守備親帶部勇一百名并札委廣甯城守千總劉志邦卸典史張國恩

隨營帶勇協辦暨諭飭各鄉局紳帶領練勇扼要堵截于二月初六日齊赴妙村約會守備周夢熊迅督安勇合力剿捕除俟進剿如何情形另行稟報等情據此職道伏查該縣屬妙村著匪謝重觀等迭次糾黨擾害漏網多年去冬竟敢潛回復圖劫掠袁令于新正晉郡僅據面稟請辦隨聞去年十二月間先經紳士督團往捕該匪等膽敢糾眾截殺團練二十餘名之多實屬愍不畏法亟應設法嚴拏懲辦以除民害現在核計該縣營所部兵勇暨各鄉局練勇約共千有餘名足資剿捕惟

查廣甯縣屬妙村一帶道路紛歧四通八達林深樹密
山徑崎嶇布置稍有未週誠恐乘機竄逸除嚴飭袁令
等會督兵勇實力圍捕及飭高要縣劉令督率勇役馳
赴交界之大逕祿步一帶扼要堵拏并飭將辦理情形
隨時稟報外合將據報會剿日期先行具稟憲台察核

羅定州吏目陳之縉越境辦案滋事一節將馮姓
原呈及羅定州東安縣來稟照錄致鍾雲卿署

臬書

同治十一年二月二十八日

二月念七日馮倅寶封來接奉華函備悉種切羅定州
吏目陳之縉擅離職守越境前往東安縣屬辦案一事
既奉中堂諭經尊處札委候補通判馮寶封前往密查
稟覆足徵慎重周詳佩服之至本案弟早有所聞先經
飭據東安縣穆令查明案由列摺稟覆因念羅定屬巡
檢捕廳各員近年多有不職之事亟思一爲整頓爾據

黃牧查稟前情并據馮姓人等赴道呈控查該吏目爲管獄之官乃擅離職守越境辦案以致滋生事端殊屬不合故不得不據情轉稟一面照該牧所稟批令撤任提訊現在馮倅奉委到彼密加澈查自能悉其始末原委也弟處前次稟移均係就黃牧所稟轉達因批飭該州訊明通稟是以未將馮姓原呈及東安縣來稟敘入茲特照錄送呈留備查考計手摺三件統希檢收專此布復

請將辦理謝重觀著匪情形便中達知瑞節相致

鍾雲卿署臬書

同治十一年
二月三十日

竊照廣甯縣屬妙村著匪謝重觀等糾集黨與窺伺竊發并拒斃練勇一案現奉督憲札行分飭江周二守備督帶部勇會同該縣袁令合力圍捕業經該令等調集兵勇鄉團齊抵妙村於二月初六初八等日兩次圍攻詎該匪等始則聞風糾黨屯聚妙村附近之高坑山內結巢抗拒嗣因被剿窮蹙卽乘夜兩翻山潛逃追獲匪黨謝水保等五名匪巢全行平燬經將辦理情形先後

通稟在案弟等現經責成袁令懸立重賞購線查拏并會同江守備確探該匪潛匿處所跟蹤搜緝務將首夥尅期弋獲解辦查袁令辦理地方公事向稱認真此次親督兵勇馳赴會拏頗屬不遺餘力實因該匪狡獪異常行蹤叵測兼以該處山徑紛歧尤易竄匿雖經追獲夥黨數名而首匪尙未就獲誠恐上關節相廛念倘於謁見時提及務祈閣下將現在辦理情形婉爲上達若不詢及置之勿論可也

批西甯縣民婦羅林氏控賄弄封冤押親轄領由

同治十一年
四月初六日

本案昨據該縣以氏男羅亞八夥同羅十八將陳用行家婢女亞五新彩二口誘拐回家經陳用行央令黃邦業等將該婢女等尋回並投保李瑞廣等將氏男羅亞八挈獲解至中途氏男畏罪潛取毒草自行服毒斃命報經該縣驗明屍身委係服毒身死並無別故提訊該婢女亞五等亦供係被氏男羅亞八夥同羅十八誘拐等情通詳到道業經批州飭候院司批示遵辦茲據呈

情節核與縣詳大相逕庭究竟有何的確證據詞內又未敘及而提訊抱告羅芳亦稱不知細核控詞是否藉命誣賴抑其中尚有別情除將抱告羅芳發交高要縣遞回該縣收訊外仰羅定州迅飭西甯縣俟抱告羅芳遞解到日刻卽傳集案內一千人證確切訊明分別究坐詳辦先行據實稟覆不可稍涉迴護切切粘抄保領並發

請飭催准補西甯縣陳令趕赴新任以專責成致

鄧雙坡方伯書

同治十一年
四月十八日

竊查西甯縣一缺先經貴處飭令准補斯缺之陳令杞前赴新任聞該令本署長樂候代是以迄今日久尙未履新昨據現署西甯吳令炳綬稟報西省復有匪徒李萬集等竄至該縣屬之替樟村地方滋擾雖經官兵攻勦各匪業已退回西省岑溪老巢惟此股匪徒出沒靡常仍須加意防堵該署縣吳令在任一日責有攸歸當不致存五日京兆之見第在事之紳團勇役因該令不

久卽須交卸難免意存觀望則辦理一切呼應不靈深
恐於地方防務大有關礙用特專緘奉布務祈閣下飭
催陳令俟交卸長樂後卽行馳赴西甯接篆以專責成
倘接任之長樂縣令尙未起程前往并懇飭催該令趕
緊赴任以便陳令得以早日交卸起程幸勿任延是所
感禱至西省竄匪現據羅定州黃牧稟報業經官兵連
日攻勦先後擒殺多名奪獲旗械多件各匪均已退回
西省等情弟當卽批令督飭在事員弁并紳團仍須實
力防堵不可稍涉大意尙祈於晉謁節相時代爲回明

是荷

是荷

12

谷可之期至不

フ

--	--	--	--	--	--	--	--	--	--

批鶴山縣雙都局紳士吳藻等呈請將辦理客田

專催產價免其輸租

同治十一年四月二十二日

查雙都客田先據該前縣以該處地方瘠苦民力維艱擬請將已領田而未繳價者准予分限勻繳其餘未領之田則寬以限期准其陸續承領仍暫行召佃輸租其租銀每年分兩造完納等情稟經本道據情稟奉院憲批行照辦在案茲據該紳等呈請專催產價免其輸租等情不思輸租之議實因已領之田既不能繳清產價未領之田又復延不承領不得已而爲之該紳等果能

互相勸勉將已領未繳之田價掃數繳清未領之田趕
緊承領又何必多此召佃輸租之舉細揣該紳等之意
無非以輸租章程係按年分造完繳難於拖欠而承領
繳價則可日久宕延似此居心殊屬非是所請各節斷
難准行仰肇慶府迅飭鶴山縣刻日諭令該處紳民將
從前已領未經繳清田價掃數繳清未領之田亦即趕
緊承領至召佃輸租仍照前定章程辦理倘有佃戶拖
欠租銀卽行嚴催按數繳納均毋任延地方官數年辦
理土客之案煞費苦心無非欲保全土民俾可久安無

事該紳等誼關桑梓當亦不忍膜視也凜之切切保領
并發

國朝文獻通考卷之...

三

批西甯縣貢生陳蘭生控家遭三劫縣未辦賊乞

飭會營比差關移嚴緝

同治十一年四月二十七日

昨據該縣查復該生家於上年二月間被劫一案先經獲犯陳日華等數名訊不承認行劫情事飭傳該事主質訊未到旋據報各該犯先後患病病故至該生家於本年三月間被劫一案已據該縣具稟到道業經批行勒緝賊贓究辦在案茲據呈本案現已獲犯伍恍桂等三名究竟曾否訊認何以該縣尙未錄供詳報該生家數年之內被劫三次情殊可憫而賊之愍不畏法亦殊

堪髮指若不認真嚴拏懲辦何以肅法紀而儆兇橫仰
羅定州迅飭西甯縣刻日會營勒限兵役並關移隣近
之德慶東安等州縣一體上緊嚴緝各案賊匪務獲分
別究追詳辦仍將現獲之伍恍桂等如何供情迅速先
行查復察核均毋任延切切粘抄保領并發

批肇慶府瑞昌稟修造大扒等船用過工料銀兩

請歸本缺無論正署分限八年捐提歸款

同治十一年

年四月二十七日

據稟該府黃江廠口向設各號船隻爲巡查護餉之用
現因駕駛日久又復時遭風雨以致船料諸多壞爛合
將大扒船一隻從新另造并將二扒船公司艇加工修
復計共用過工料銀壹千三百四十一兩一錢四分除
將大扒船舊料變價銀四十兩充公外尙實支工料銀
壹千三百零八兩一錢四分均係挪項支給擬請援照

該前府蔣守造復黃江廠簿成案將用過前項工料銀歸於該府本缺無論正署分限八年捐提歸款等情自係實在情形惟查分限八年未免惟時過久應爲酌中定議改作分限五年卽以奉批之日起按年勻捐如此則款工可期早清而該府亦可稍紓賠累矣仰卽遵照此繳冊存

批羅定州舉人沈培蘭等控大盜盤踞沿村焚劫

同治十一年

五月初二日

西匪李萬集等糾黨多人竄入西甯縣屬替樟等處肆
行焚劫滋擾大屬兇橫不法雖經官兵將其擊退并獲
犯多名嚴行究辦惟餘匪尙屯鄰境難保不乘間復來
亟應實力剿捕方免蔓延爲患候卽札飭羅定州轉飭
西甯縣趕緊會營督帶兵勇並移會西省岑溪縣務將
此股匪徒尅期撲滅以靖地方至三羅團練素稱得力
近年羅定西甯等處屢被西匪竄擾均經各該紳團幫

同官兵擊退足見同心合力衆志成城殊堪嘉尚現在此設匪徒出沒靡定各鄉團練固須格外講求不可稍涉大意而保甲一事尤宜相輔而行方足以清內奸而禦外寇本道前經手定團練保甲章程頒發所屬各州縣遵照辦理該紳等不妨赴所在地方官稟請抄發傳知各鄉一體照辦可也粘抄保領並冊附

批陽江廳余祚馨詳廳民會亞義呈報胞兄會亞

統被嫂陳氏姊弟謀殺一案訊驗

同治十一年五月初二日

據詳聲敘屍弟會亞義原報供詞內稱本年三月初一日伊兄會亞統因與妻弟陳阿衆等索欠互相口角經伊前往勸息次日會阿統之妻會陳氏到伊處報稱伊兄患病繼復着人報知伊兄中風暴死迨伊往看見伊兄屍身有傷查詢伊嫂會陳氏言語含糊顯係姊弟通同謀殺等情如果會阿統一命實係伊妻會陳氏與陳阿衆等通同謀殺則案關茂倫情節甚爲重大惟查本

案會阿統不過與妻弟陳亞眾等索欠起衅會陳氏何遂與其弟將夫致斃究竟有何確證會阿義亦未能切實指明況當日會阿義見伊兄屍身有傷查詢伊嫂會陳氏言語含糊則其事大有可疑自應將其扣留送案詢辦何以又計不出此任令潛逃細核案情殊多疑竇亟應拘兇集證確切訊明方成信讞仰卽比差勒緝兇犯會陳氏等到案傳同屍親查傳見證確訊本案實在因何起衅會阿統究被何人致傷身死務得實情錄供詳辦案情重大疑竇多端毋稍玩泄稽延切切仍候兩

院憲暨臬司批示繳格結存

院憲暨臬司批示繳格結存

三

禮記卷之四十五

三

札飭高要縣出示永禁演唱夜戲

同治十一年五月二十四日

爲札飭嚴禁事照得本道前於八年間因東門外閱江樓等處演唱夜戲以致匪徒乘機搶奪滋事當經督同肇慶府出示嚴禁併飭該縣出示永遠不准演唱夜戲在案乃近日訪聞西門外衙公廟等處復敢違禁開唱夜戲實屬膽玩已極合亟札飭札到該縣即便遵照前札事理立即出示嚴禁嗣後永遠不准演唱夜戲一面飭差訪拏抗違爲首之人務獲究懲毋違切切

奇西之應算在

卷四

三

給各房書吏諭帖

同治十一年
六月十三日

諭各房書吏知悉照得各房卷宗乃存案備查之件各該書理宜各歸各檔小心經管不容稍有錯亂散失乃近來飭檢案卷每多檢不齊全甚或以并無此件混行稟覆更有此案之件忽從別案卷內檢出似此慢不經心實屬玩視公事本應記責姑寬嚴飭嗣後由內發出文件務須詳細查明應附何案卷內分別歸檔其卷內文札稿件尤須查明年月挨次粘連不得前後倒置致難查閱再以後發出尋常文件應敘稿擬批送核者如

係午前發出均限以次日早晨敘稿擬批送核如係午後發出或其中有情節糾紛須查案詳敘者均限於再次日早晨送核倘係緊要事件一經發房卽行速辦不許稍事停留至核定稿件發出繕正者均限兩日內送簽其有字數較多者亦不得過五日以上各節該房書等務當遵照奉行毋得仍前玩忽延擱倘經此次嚴飭之後再敢違延定卽從嚴責革決不寬貸凜之切切特

諭

批陽江廳余祚馨詳廳民金廷鳳工人金阿安被

匪搶牛殺斃獲犯訊供

同治十一年
六月十八日

據詳已悉查大仁山賊匪一節據恩平縣稟報勦捕因該匪等迭次抗拒尙未得手等情茲該犯張舉元等既稱於本年正月投入大仁山爲匪則此股賊匪爲首者係屬何人夥黨究有若干該犯會否與官兵打仗均應切實究明方昭覈實仰卽遵照再提該犯張舉元等確切訊明並研訊該犯等現犯之案究竟是劫是搶其被殺之金阿安屍身應否詳請啟檢抑卽據供定讞務須

核明例案妥爲分別解辦毋稍率延切切此繳圖冊存

批高明縣吳福田稟請將各屬經管圍基飭承將

舊案抄發下縣

同治十一年六月二十四日

據稟該縣暨典史衙門檔卷先因咸豐四年逆匪陷城均已遺失以致捕巡經管圍基地段無可稽考向以爲縣屬所有圍基均歸三洲司巡檢經管典史屬內並無圍基茲奉札行以典史向有經管圍基十道飭查稟覆始知訛錯惟檔案已被燬無存理合稟懇飭承將舊案抄錄札知俾得分飭照舊分管等情查咸豐四年逆匪滋事郡城亦經失陷道府案卷亦多遺失前因西潦漲

發必須委員查勘當經飭據道房將流交須知冊檢送
查閱冊內註明該縣典史經管上陶築中陶築下陶築
崇步南岸俊州陳陵白鶴大沙等處圍基十道三洲司
巡檢經管三洲上秀麗中秀麗下秀麗綠葱松朗等處
圍基六道自係有所依據是以本道據冊札飭查勘稟
報茲據稟前情仰即將該縣及典史衙門遺失檔案刻
日逐一查明稟請藩臬司飭承抄發備案仍俟抄發到
日照抄一分繳道該典史於經管處所并不早為查明
即使案卷遺失何以數年之久并不稟請抄發其為廢

弛公事已可概見嗣後務當振刷精神遇事覈實勿得
顛預從事再有疎忽致干叅撤凜之慎之卽飭該典史
知照可也此繳

卷之四十一

三

札飭各屬遇有上司批行查復案件立即查明稟

覆

同治十一年
七月十三日

爲飭遵事現奉廣東巡撫部院張憲札開照得各屬詳稟案件每多遞延文內又無奉文及據報日期礙難稽核嗣後凡詳稟各項文件必須於文首聲明某年月日奉到某憲文行某年月日據某廳州縣呈報該廳州縣亦須將據某紳民呈報日期於文內聲敘以憑稽核而杜壓摺除札各司道遵照並分札各廳及札各府州轉飭所屬各州縣一體遵照辦理並飭各屬嗣後一切公

事務須隨到隨辦毋得稍有積壓致干未便外合就札
飭札到該道即便一體轉飭遵照該道接奉各憲公文
及據各屬詳稟核轉文件亦須於文首分別聲敘奉文
據報日期以憑稽核毋稍遲違切切等因到道奉此合
就札飭札到該府州即便轉飭所屬一體遵照嗣後一
切公事務須隨到隨辦毋得稍有積壓所有接奉各憲
公文及據各屬詳稟并據紳民呈報核轉文件均須於
文首分別聲敘奉文據報日期以憑稽核毋違特札

批西甯縣陳杞稟到任後查辦地方大概請留典

史并達感謝下忱

同治十一年
八月初四日

據稟已悉該縣典史顧欽署事既將期滿自應聽候藩
司委員接署何得藉端稟留該縣甫經抵任於屬員之
優劣未必卽能深知斷不宜如此見好也仰羅定州飭
卽知照此繳

卷四 履身有

三

批委用縣簡士珍稟覆卑職前署陽春縣任內應

送主講瑞雲書院脩金早經備送

同治十一年八月初四日

查此案前於同治九年二月間據陽春縣生員陳文光等以該前署縣簡令任內尙有應送瑞雲書院掌院脩金五十兩未經送交懇請札飭補送等情赴道具呈當經批行陽江州轉飭該前署縣王令承芳備移該前署縣簡令查明自行清理稟覆在案茲據稟前項脩銀已於九年九月內送交清楚取有該掌院李教官收字存據等語是則陳文光等具呈在前簡令補送在後惟事

閱數年之久何以該署縣王令現始將奉到批行事理
備文移知究竟此項銀兩曾否補送清楚仰肇慶府迅
飭現署陽春縣王令刻日查明稟覆察核此繳

批封川縣劉祖慶稟舉人梁立本等聯名呈控船

戶梁亞美等船隻被搶各情先行稟報

同治十一年八月

月二十三日

據稟已悉查李卓榮船隻被賊圖劫未成拒傷工伴馮佩章身死一案既經事主赴縣稟報該縣即應先行通稟一面飭傳引勘趕緊獲犯究報乃直至舉人梁立本等赴道具呈批行查辦始以飭傳事主引勘未到為詞一稟塞責殊屬玩泄仰肇慶府飭即先行通稟一面會營勒差懸賞購線趕緊嚴緝本案及梁亞美被搶案內

廣東通志卷之六十一

三

賊匪務獲究報毋再玩延干咎切切此繳

請將東安縣職員馮華陞呈控一案訊明具稟議

結緣由并另稟請將陳之縉黃恒忻甄別緣由

回明

瑞節相
張中丞

致

鄧雙坡方伯
鍾雲卿署臬

書

同治十一年八
月二十六日

案照羅定州民婦徐郭氏呈控葉芭芳卽葉四將伊女
亞招拐至馮華陞家窩匿并東安縣職員馮華陞具控
署羅定州吏目陳之縉與連灘汎把總黃恒忻統帶兵
役入村焚搶各等情一案先奉督憲飭道提審當經行
提人卷發委高要縣審辦旋據高要縣將審過供情及
擬辦緣由開具節畧呈送請示弟因查此案要證尹肇

楊遠颺無蹤斷難到案此外應訊各人亦多未到若俟
提集質訊方爲詳辦必致將現到人證紛紛拖累是以
日前因公晉省曾與閣下面商只可就現訊供情從寬
外結其吏目陳之縉把總黃恒炘不合之處擬卽另行
稟請歸入甄別案内予以叅革似爲妥協茲將本案訊
明具稟議結并另稟請將陳之縉黃恒炘甄別叅革及
移尊處知照尙祈閣下於謁見兩院憲時再爲轉回是
荷

東安縣職員馮華陞等呈控羅定州吏目陳之縉

連灘汎把總黃恒忻統帶兵役入村焚搶一案

辦理緣由列摺請示遵辦上瑞節相稟同治十一年八月

月二十
六日

敬稟者同治十一年四月十九日奉憲臺札開同治十

一年四月初三日據兼署按察使鍾謙鈞稟稱同治十

一年三月二十三日據委員候補通判馮寶封稟稱奉

委前往羅定州屬地方嚴密確查卸署州吏目陳之縉

等因何將東安縣屬之高塢村馮姓房屋拆毀究竟馮

華陞是否係高勘村人抑係住居連灘其被拆房屋之
馮姓是何名字曾否被控有名徐郭氏之女是否實係
迷拐該吏目等有無越境滋擾情事查明實在情形單
銜通稟毋稍諱飾稽延等因奉此卑職遵卽束裝起程
由六都起旱先赴東安羅定西甯又由水路繞至連灘
宋桂各處地方改裝易服於所過村鄉舖店詳細密訪
僉稱徐郭氏先年在羅定爲娼嗣嫁州差徐升爲妾攜
帶幼女一口名喚亞招又名阿晚迨徐升身故又隨寄
居羅定之嘉應人楊清爲妾均帶伊女同住後因楊清

回籍該氏母女未經同去仍在州城居住馮華陞卽公
仔六東安高塹村人葉四卽葉蘭儔東安宋桂村人向
在西甯縣屬連灘合本開張永祥故衣舖生理與徐郭
氏時常往來其女亞招亦隨同招呼人客年甫十三頗
有姿色早爲馮華陞所注意擬買爲妾該氏不從而馮
華陞先已花費不少久欲得而甘心隨與葉四商同馮
華陞措出身價代葉四先納郭氏爲妾仍帶阿招撫養
意謂母女併爲已有可以相勸賣成希圖得受重價奈
郭氏堅以亞招年輕貌美必須選擇年歲相若者雖說

望女終身有靠實爲藉口居奇不願與馮華陞作妻
四屢謀不遂郭氏又不能安分家居以致時相吵鬧葉
四恐其帶女潛逃隨囑馮華陞於去年三月間率領族
人硬將阿招帶回高塢家內爲妾是時郭氏曾否得受
身價抑被葉四吞騙外間傳說不一未能懸揣且該氏
未控以前或有代謀取贖爲妾者或有從中說項欲補
身價瓜分者而葉四一味搪延以致該氏回城聽唆串
控州批赴縣呈拘旋赴吏目衙門喊稟并有劣紳蘇應
春等從旁慫恿該吏目卽派弓役李登捕役廖坤等前

往緝拏不料馮華陞已帶阿招往茅坡謝超羣家躲避
該族鄉人卽將捕役前行毆捆僅有李登逃出先至宋
桂稟請東安縣吊放適穆令轉赴連灘征糧未及查辦
該吏目一時情急恐被留各役遭馮姓凌虐又值本州
黃牧公出未回若稟候批示有需時日是以移請中軍
都司賴國恩轉請羅定協戎委弁會同吊放在王
協戎祇因州官未回案關擄禁弓役多名倘若置之不
理誠恐別滋事端卽委代防連灘汛把總黃恒忻就近
會同吊放十一月十七日該吏目等齊赴宋桂地方在

張公廟住歇而鄉間誤傳本州親臨馮姓人等一聞此信紛紛躲匿被擄各役亦卽乘間逃回該吏目祇傳到地保黃火清一名馮四妹馮二妹兩名訊取供結已經解州審辦各等語卑職再三查訪眾論僉同惟思該吏目果無進鄉情事何致被人指控當卽會同黃牧傳到安良局紳黃亨衢等詢以本案情形所說大畧相同并稱馮華陞以案情鬧大故于住屋左廊揭開瓦面以爲裝點請勘張本其馮廣佩等屋門扇實未拆卸等情雖訪察人言固難盡信然揆諸情理事屬可疑如果馮華

陞實係憑媒立契價買阿招爲妾輒被兵役進鄉滋擾
甚至拆毀房屋自必理直氣壯抱忿呼冤檢契攜妾挺
身赴審因何數月之久非特躲匿不出且無隻字赴州
呈訴僅囑控告無名之族老馮廣珮等暨伊妻黃氏遣
抱赴東安縣呈瀆其爲情虛畏質已可概見至拆毀房
屋一節正擬商請再行詣勘適有東安縣屬附近高塹
居住之廩生江炳靈生員江輝垣謝展勳謝瑞泉貢生
葉子端職員葉輝耀葉其莊等均以該吏目與黃把總
僅到宋桂張公廟駐紮卽經紳耆勸阻并未到高塹村

內亦無燒毀房屋等情赴州具呈又經會同黃牧當堂
訊供取結附卷總之該吏目等誤聽人言越境辦案實
屬咎無可辭營員僅止發札吊放似無不合惟葉四先
後甜騙郭氏母女有無捏造契據得受馮華陞錢文串
同誘拐及郭氏是否先已得收身價又復聽唆串陷均
爲案中緊要關鍵非訊不明案經方道憲訪聞飭州查
辦幸未釀成巨案現又批州提訊已將陳吏目撤任扣
留聽候黃牧委員速赴東安縣守提人證卷宗秉公審
辦理合將馳抵羅定州屬查明本案始末情由據實通

稟察核等情到司據此本兼署司伏查本案該委員所稟葉四先後甜騙郭氏母女有無捏造契據得受馮華陞錢文串同誘拐及郭氏是否先已得收身價又復聽唆串陷均爲案中緊要關鍵必須澈底根究似應由道就近提集全案人證審辦以期迅速結案而免拖延是
否有當理合稟候察核俯賜飭道提案訊辦實爲公便
等由到本閣部堂據此應如所稟辦理除稟批回外合
就札飭札道卽便遵照刻日委員前往東安守提全案
人證卷宗秉公確訊務得實情錄取切供分別叅辦毋

稍狗延速速等因到道奉此卷查本案先據羅定州黃光周稟稱同治十年七月初八日據州屬孀婦徐郭氏呈稱氏早歲夫故生下一女名喚亞招年方十三歲同治二年許配梁姓遷居龍頭岡母女二人紡織度活不料本年三月二十一日有與夫素識之葉四垂涎女貌欺氏孤寡窺女外出膽敢甜言迷拐至連灘馮華陞混名公仔六所開之永祥店窩匿尋覓無蹤幸遇隣人見報始覺駭異登投汛官及街老地保等知證相與理論聲稱葉四帶至與伊無干後向葉四理論葉四則稱華

陞始知與他無涉復查明遷往茅坡謝超羣家卽著人往謝超羣家詢問而超羣亦稱華陞寄託說要銀七十兩方肯放贖但氏無銀可獻迫投附貢生葉子端職員謝永晃武生江球伊族老馮高澤地保黃火清等勸令交還了事殊匪屢推屢延套約不交反出惡言聲稱此女已爲華陞之妾任告莫奈伊何迫得披情籲叩伏乞飭差會營先將亞招起回嚴拘葉四等到案訊辦等情到州據此卑職因查連灘係西甯管轄地方該氏并未赴縣控告批飭赴縣呈請拘究毋得越瀆在案卑職旋

親赴各鄉督征錢糧隨訪聞署吏目陳之縉有擅離職
守越境辦案情事當卽飭查去後嗣據東安縣穆合具
稟該署吏目陳之縉與連灘汎把總黃恒忻統帶兵役
越境辦案并據該縣續據合堡紳士控告該署吏目與
黃把總督帶兵差到高塢村拆毀馮姓房屋懇請嚴札
該署吏目趕緊回州并將所捉之人札提飭發下縣俾
得訊供查辦各等情正在札提間卽據該署吏目陳之
縉稟稱竊卑職於十一月初八日據代防連灘汎把總
黃恒忻帶同孀婦徐郭氏喊稟竊氏夫早故生下一女

名喚亞招業已許配梁姓不料與夫素識之葉四馮華
陞頓起不良將女亞招誘拐藏匿馮華陞家內投明附
貢生葉子端地保黃火清等知證勸令交回勿恤後又
移匿謝超羣家內乞飭役拘究等情卑職當以未便擅
受不行准理該把總黃恒斫復以該氏痛女情切憲臺
遠在各鄉催征再三代爲籲請并帶同線工葉姓前來
卑職卽派弓役李登及捕役廖坤等前往緝拏旋於十
五日據弓役李登以奉簽前赴高塢拘傳拐匪馮華陞
未至該匪門首卽聞鑼角聲陡見寨內山上馮姓各匪

并別姓匪徒約二百餘人手持鎗礮將役等圍住亂行
砍殺捕役廖坤受傷倒地役與各伴共二十名均被傷
網後役見該匪防守稍懈拌命逃出至宋桂先行稟明
東安縣主就近拘匪吊放爲此據實稟明懇請轉稟州
憲移營吊放等情并准東安縣穆令函開均同前由卑
職趕卽復信懇請穆令查明吊放拘兇究辦嗣據弓役
復稟東安縣已赴連灘征糧未將被擄各役吊放卑職
一時情急深恐被馮華陞將各役凌逼致斃多命所關
匪細又值憲臺在行轅催征若稟候批示有需時日不

得已從權於十七日前赴高塢先行吊放不料該匪馮華陞卽公仔六并馮姓各匪黨均已畏罪逃匿被擄各役亦無一人見面無從吊放祇傳到該處地保黃火清一名并拘獲在場目擊毆差之馮四馮二妹二名卑職謹將訊取供詞并地保當堂呈遞掌模切結備文申解究辦等情并據稟繳馮四等供摺一扣地保黃火清掌模切結一紙解到馮四馮二妹地保黃火清共三名當經札發東安縣查收飭卽趕緊拘傳本案犯證提同澈審實情按律詳辦在案惟查該署吏目陳之縉擅離職

守越境辦案咎無可辭而馮華陞等如果誘拐徐郭氏之女亦有應得之罪若非分別嚴叅懲辦恐啓屬僚專擅之漸亦恐長地方刁健之風合將本案始末情形具稟察核伏乞將署吏目陳之縉撤叅委員接署並懇提齊本案人證卷宗澈審確情據實詳辦以昭折服而成信讞實爲公便等情當經批飭該州據實通稟將該吏目陳之縉撤任一面委員暫行代理仍將該吏目扣留
在州行提案內一千人證集訊明確分別叅辦毋得稍存迴護并經由道先行稟報隨奉憲臺批司委員前往

查覆又據東安縣穆令精阿以查明馮華陞買娶徐郭氏之女亞招爲妾係屬憑媒立契并無迷拐情事至馮華陞係卑縣屬高勘村人在西甯縣屬連灘地方與葉四夥開永祥故衣店其高勘村馮姓房屋先經卑職親詣勘明馮華陞家燒燬左廊一間馮廣珮等屋十九間門扇什物俱有拆毀形跡等情通稟在案茲奉前因并奉另札飭知己飭羅定協副將將把總黃恒忻刻日解審飭俟黃恒忻解到立即提集質訊詳辦等因職道遵卽札委候補從九品江林藻先後馳赴東安羅定守提

人卷并備移羅定協將把總黃恒斫解訊隨據東安縣將職員馮華陞暨徐亞招地保黃火清監生葉芑芳卽葉四及馮二妹馮廣珮馮廣超共七名口連縣卷一宗羅定州將徐郭氏差役徐芬弓役李登三名口連州卷一宗先後申解到道當經飭委高要縣確審嗣據卸署羅定州吏目陳之縉自行赴道投訊并准羅定協將連灘汎把總黃恒斫移解前來又經飭發高要縣提集質訊去後茲據署高要縣劉維楨稟稱遵卽提集兩造人證逐加質訊緣職員馮華陞憑媒價買徐郭氏之女亞

招爲妾監生葉芑芳卽葉四亦價買徐郭氏爲妾因徐
郭氏與葉芑芳情意不投又與葉芑芳之妻不睦嗣葉
芑芳前往貴州軍營臨行時曾向徐郭氏聲言日後不
能相顧聽其自便徐郭氏向在羅定州城居住隨即轉
回州城因貧苦無依央求馮華陞資助不允又因葉芑
芳不給養贍錢文心懷忿恨卽捏以伊女亞招被葉芑
芳誘拐窩藏馮華陞家內等詞赴羅定州具控未經准
理徐郭氏因與代防西甯連灘汎把總黃恒炳素相認
識當經赴汎投訴適黃恒炳在州徐郭氏卽赴羅定州

吏目衙門喊稟并求黃恒斫轉懇吏目查辦署羅定州
吏目陳之縉以事屬擅受未允准理徐郭氏再三懇求
而黃恒斫誤聽徐郭氏一面之詞亦復代向陳之縉央
懇陳之縉因維時印官赴鄉征糧卽派弓役李登等協
同羅定州差役徐芬前往查起徐芬因赴鄉催征并未
偕往李登等卽往高塲村起拘馮華陞索票觀看該弓
役等不肯取出聲稱欲將馮華陞扭鎖馮華陞喊同隣
人要細該弓役等送官該役等將票取出給看馮華陞
當將徐亞招係憑媒價買爲妾并非窩拐之言向該役

等說知該役等隨即散去該弓役李登先行走回不知底細混稱各役俱被馮姓細禁陳之縉一時情急卽移請羅定協中軍都司特稟經羅定協副將札派黃恒忻就近會同陳之縉帶領兵役前往吊放黃恒忻與陳之縉管帶兵役隨往東安縣屬宋桂鄉張公廟住歇當有該處紳士謝展勳等接見詢知各役俱已回州馮華陞實係買娶徐亞招爲妾并非窩拐陳之縉與黃恒忻當卽轉回馮華陞聞有兵役來村心內驚慌帶同合家人等走避維時觀看人眾不知何人吃烟遺落火煤將馮

華陞屋房草堆燃著延燒附近房屋數間村人倉猝救
火什物間有損失迨馮華陞聞知兵役已散轉回家中
一時未及查明火起及失物情由疑係兵役焚搶卽邀
同族隣赴東安縣呈請勘辦當日陳之縉與黃恒斫所
帶兵役實無入村焚搶情事此徐郭氏控告葉芑芳等
將伊女亞招拐匿及羅定州吏目陳之縉等越境辦案
之原委也緣奉委審遊經提集兩造人證訊悉前情并
據各遞具甘結前來合將奉委訊過情形備列供摺連
甘結稟繳核辦等情到道據此職道當卽提集馮華陞

等逐加覆訊據供均與高要縣原審無異詰訊至再矢口不移職道伏查本案徐郭氏捏控誘拐本有應得之咎姑念婦女無知且於人證尙未齊集之前自行據實供明卽與自首無異應請從寬免其深究徐亞招係馮華陞價買爲妾仍交馮華陞領回馮華陞訊無拐匿情事其邀同族隣人等呈控吏目陳之縉把總黃恒炳統帶兵役入村焚搶雖有未實惟係事出有因懷疑誤控且一經到案卽行據實供明應與訊無誘拐之監生葉芑芳卽葉四聽從馮華陞誤控旋經據實供明之馮廣

珮馮廣超訊屬無干之馮二妹地保黃火清及羅定州
差役徐芬均請免其置議弓役李登并不查明底細輒
以馮姓將各役細禁之言混向吏目陳之縉報知以致
陳之縉情急移營帶領兵役前往吊放實屬不合應請
將該役照不應重律杖八十折責發落仍革役案經訊
明未到人證概請免提以省拖累至卸署羅定州吏目
陳之縉代防羅定協連灘汛把總黃恒忻雖訊無統帶
兵役入村焚搶情事惟陳之縉以佐雜微員旣經擅受
於前又復擅離職守越境辦案於後實屬有違功令黃

恒斫於徐郭氏捏控誘拐一案毫不干己乃誤聽徐郭氏一面之詞并不查明虛實輒向陳之縉代爲央懇查起亦屬冒昧糊塗不安本分除將該員弁等另行稟請甄別叅革外是否允協合將本案訊明辦理緣由備列供摺具稟憲臺察核俯賜批示祇遵實爲公便

附稟者本案先經委員候補通判馮寶封往查稟稱馮華陞於住屋左廊揭開瓦面裝點焚燒情形請勘又復躲匿不出營員僅止發札吊放似無不合等語奉憲臺飭道提案秉公確審分別叅辦經發委署高要縣劉維

偵審訊該馮姓房屋實因人眾遺火延燒數間馮華陞一經行提卽攜妾徐亞招赴東安縣聽候解審并非躲匿不到營員黃恒忻聽信徐郭氏之言懇求署吏目陳之縉出差拘拏雖該署吏目擅受呈詞越境辦案而起事之由實係黃恒忻播弄該委員馮寶封奉札密查尙有不實不盡現在旣經劉令訊明是以就案完結以免拖累并另稟請將該員弁等歸入甄別叅革合並聲明謹此附陳

此案東安縣穆精阿原稟據實直陳予派員密查本

與穆令相合黃恒斫係一微弁劣迹多端竟敢夤緣
院批以爲該弁分內之事前見嗣經委員往查又敢屬
託添入羅定協副將飭令都司轉派并以僅止吊放
似無不合一語爲之開脫予按委員通稟卽欲親提
署臬使鍾君雲卿老吏也知予性情不肯依阿乃稟
院發道研審予遂督同署高要縣劉令認真辦理始
水落石出本擬詳請奏叅劉令再四婉商姑就縣稟
完結實則尙嫌輕縱也戊寅二月初一日記

卷四
公履真在
卷四

三

--	--	--	--	--	--	--	--	--

批德慶州例貢董俊英等控劉明滄等通濟逆匪

梁阿添倉穀

同治十一年八月二十七日

本案前據該職等赴轅呈控業經批行該州查明分別辦理并勒緝各逸匪務獲究報旋據該州以查得劉念高平日品行端方急公好義實爲鄉間表率且辦金郡賊匪亦屬奮勉得力并經局紳梁典壽等聯呈結保劉念高委無通賊接濟實係被匪誣報事主懷嫌妄控等情具詳到道又經批飭勒緝夥匪解辦在案茲據該職等復以前情嘵嘵赴道具呈究竟是否該職等懷嫌妄

卷四
三

控仰肇慶府迅飭德慶州再行詳細查覆一面遵照前
批事理勒緝本案夥匪務獲究辦均毋稍延切切保領
并發

請飭顏都司將隨隊原經截留在郡之勇一百名

撥派回郡駐紮致鄭心泉總戎書

同治十一年九月十四日

上次高要縣令稟請截留貴部顏都司一軍駐紮郡城會同查辦積匪極爲得力當日勇丁本係二百名嗣因麾下飭調顏都司往羅定防堵轉而至於高廉以彼處較爲喫緊只留勇一百名交周守備帶領尙有一百名則隨同顏都司大隊移營前往昨聞高廉事竣顏都司已拔隊回至羅定該處防務現在稍鬆茲據署高要縣劉令以高要各鄉積匪尙須嚴辦轉瞬節交冬令匪徒

尤宜挈緝擬請仍由麾下飭令顏都司將隨隊原經截
留在郡之勇一百名撥回肇慶俾得會同辦理以壯聲
威而易奏效等情用特專函轉懇尙祈麾下俯如該令
所請迅賜札飭派撥以期肅靖萑苻想麾下舊鎮此邦
當亦樂見其閭閻之安謐也若蒙允准應否由尊處稟
知院憲抑須弟稟報統候示遵

批東安縣教職林秀儀呈控違例藐法滅倫毆尊

裝點攪爭夤緣舞弊

同治十一年十月初一日

本案前據該縣先後通稟到道並將該教職林秀儀通
詳禡革均經批仰羅定州飭候兩院憲暨藩臬司批示
遵辦在案查定例無子者許令同宗昭穆相當之姪承
繼先儘同父周親次及大功小功總麻又無子立嗣若
應繼之人平日先有嫌隙則於昭穆相當親族內擇賢
擇愛聽從其便各等語該教職係林汝忠期親胞姪照
例自應爲嗣惟查該縣稟內該教職與林汝忠之妻麥

氏素不和睦經麥氏生前邀集房族親戚擇到喜悅之
小功服姪林驥儀承繼正與應繼之人平日先有嫌隙
則於昭穆相當親族內擇賢擇愛聽從其便之例相符
今該縣擬將林汝忠所遺產業斷令該教職與林驥儀
均分洵屬情理兩平至公且當乃該教職堅執瞞稟藩
司准令承祧之批曉曉爭辨實屬不知自愛據呈前情
仰羅定州迅飭東安縣刻日覆集訊明究斷具報母任
延訟切切粘抄保領并發

請將院批陳之縉黃恒忻被控一案備移過道致

俊質堂廉使書

同治十一年十月二十一日

案照羅定州吏目陳之縉與西甯縣連灘汛把總黃恒
忻被控統役焚搶一案經弟於前月下浣將訊明議結
緣由具稟兩院憲并備移貴司知照在案惟其中人證
尙多在押在保候奉文行發落茲據高要縣劉令面稟
該人證等現在間有患病者但未奉文行未便遽行發
落而延押日久又難免拖斃之虞究應如何辦理請示
飭遵等情除諭飭劉令撥醫加意調治務痊外用特專

卷四

三

緘馳佈務祈查明此案如已奉到院憲批行迅卽備移
過道以便轉飭遵照幸勿有遲是所切禱

肇慶府城垣圯壞現飭高要縣詳擬章程動工興

修并請派委大員覆勘確估與府聯銜上

瑞節相張

中承稟 同治十一年十一月初七日

敬稟者竊職道暨卑府於秋間晉省先後面奉憲諭以肇郡城垣年久未修諸多圯壞飭卽籌議修復等因奉此仰見憲臺厯念地方保衛民生至意敬聆之下欽佩難名職道等回署後遵經督率高要縣劉令會同肇慶協刁副將周歷巡視逐段察勘並由縣按照應修處所飭匠確估籌議興修去後旋據該縣估計工程繪圖稟

覆並據聲稱城工旣議修葺亟須疏濬濠竇以護城基
添置礮械以資捍衛總計各費實共需銀三萬兩等情
分擬章程列摺呈覆前來查肇郡城工自道光三年修
葺之後迄今越五十年其間咸豐四年被匪踞擾愈形
坍塌時值奉議停辦工程期內致未興修兼之城南一
帶面控大江頻年西潦盛漲波濤震撼磚石浮鬆雖據
經管段落之各州縣隨時粘補而有限工程亦未能大
興土木職道等曠覽形勢考證地輿知此時籌款興修
誠有萬不可緩者蓋肇慶一郡向稱嶺海奧區憑據省

城上游四通八達最爲扼要之地控馭兩粵襟帶三江
非特東省之屏藩抑亦西陲之保障是以憲督標六營
重兵駐紮藉資鎮撫鎖鑰攸寄關繫匪輕較他郡尤爲
衝要查府城周廣八百七十一丈高二丈五尺厚一丈
五尺其中牆垣剝落雉堞傾頽不勝枚舉他如城樓窩
鋪馬路大小礮臺礮房月樓角樓等處非全行倒塌卽
壞棟欹斜又郡城東西北三面向有長濠圍繞城內並
有東北兩竇以洩城中積水亦因年久淤塞均應一律
疏通至於防城礮械並宜添置齊全用資鎮攝似此情

形若不亟籌修復將年復一年更覺不可收拾惟是工程浩大所費不資而

國家經費有常未便請帑修理職道等通盤籌計參酌章程惟有官爲捐廉用示激勸尤須借資民力集腋成裘擬於三萬兩之中提出銀一萬兩由職道暨卑府酌量捐題外其餘銀兩於肇陽羅十六屬各廳州縣按缺分之優瘠定銀數之多少分派捐繳以足萬金之數尙該銀二萬兩分別等差按屬派定責成該地方官勸諭紳民商富量力輸將共襄美舉將來工程告竣除官捐

一項係地方應辦之事分當報効不敢仰邀獎敘外其紳民如有踴躍捐輸以及在事尤爲出力者准予按名請獎藉資鼓勵至興工之後所需工料一切由職道等隨時稽查責成承修之員核實支用不得絲毫浮冒請免造冊報部核銷以省繁費并乞憲臺先行

奏明立案以便工竣請獎是否有當理合具稟憲臺察核訓示祇遵正在核稟間適閱邸報見有署江蘇撫院張

奏修崇明縣城一案係委蘇松泰道沈秉成前往覆勘

確估今肇慶府城較之崇明縣工程尤爲浩大應否派
委大員前來覆勘確估之處伏候鈞裁再高要縣所擬
章程查核似尙允協容再悉心參酌俟興工時另行稟
繳合併聲明除稟督撫憲外肅此具稟

肇慶協刁副將現在帶兵出境應請札飭六營酌

派弁兵會同文員巡緝上

瑞節相稟同治十一年十一月

十六日

敬稟者溯查西江一帶水陸地方向來盜匪充斥搶劫頻仍自八年冬間經升任王藩司議改護幫扒船章程派撥弁勇常川巡緝上年又經高要縣稟奉調撥安勇多名來肇搜捕河面較前靜謐陸路亦稍覺又安惟本年春間天時亢旱夏間又值西潦漲發以致早穀歉收晚穀收成亦未能十分豐稔窮民衣食不足小民徇偷

鼠竊大則劫搶橫行在在均所難免當此冬令正宵小
出沒之時亟應將捕務切實講求以期有備無患而郡
城爲根本之地現值府考科試生童雲集難保無匪徒
溷跡其間尤宜嚴密巡防不容稍懈職道當經會同營
員嚴飭地方文武於水陸要隘認真查緝一面督飭署
高要縣劉維楨傳諭城廂內外紳民舖戶人等無論大
街小巷遇夜設立燈牌并雇募更卒嚴行邏察仍由縣
及肇慶協派撥兵勇責成委員營弁管帶實力巡查現
在辦理正有頭緒適肇慶協刁副將奉文酌帶本標弁

兵前往恩平縣尖石地方勦辦賊匪城中少此兵力未免空虛似不得不量爲布置因思憲督標六營同駐肇城文武往來均極和協職道當與各該營叅將熟商擬請其每營酌派兵丁委弁管帶會同文員所帶壯勇實力巡緝該將官等均已允從現經由道先行移請照辦惟各該營究無地方之責理合稟懇憲臺察核俯賜札飭各該營將備迅卽酌派弁兵會同文員巡緝地方俾壯聲威而昭周密實爲公便

瑞節相批

現據標下六營稟稱准該道移派弁兵巡緝業經該將等會商每營派兵二十名配足軍火器械與都司守備輪流督帶於本月二十日起在於肇慶府城廂內外周夜巡查等情仰卽轉飭高要縣督帶壯勇會同實力巡緝毋稍懈弛仍候撫部院批示繳

批鶴山縣職員李崧年等控飾詞混指瞞聳縣詳

同治十一年十一月十六日

本案昨據該縣以勘明南坊李振齡等所築圍基係爲防備潦水起見其圍處所則在土名五龍濠並非呢井巴地方與該職等中坊實無妨礙似應准其先行修復等情具稟到道茲據呈各節核與該縣所稟互異且查李裕才等前呈謂南坊紳耆所築圍基有礙伊等祖祠風水今該職等則以其霸塞水道有礙田園灌溉等詞赴轅呈訴是李裕才等與該職同係住居中坊之人而

所控則各執一說是否飾詞狡辨亟應集訊明確以斷
訟簾仰肇慶府迅飭鶴山縣遵照節次批行事理勒集
兩造一千人證確切訊明分別究斷具報毋任延訟切
切粘抄保領并發

嶺西公牘彙存卷五目錄

同治十二年正月初七日起至十二月二十日止

核議籌修肇慶城垣章程及酌定官民捐數聯府

銜上

瑞節相 張中丞稟

同治十二年正月初七日

肇陽羅各屬解繳官民捐修肇郡城工銀兩數目

并請將四會陽江高要等廳縣先行分別給予

記功聯府銜上

瑞節相 張中丞稟

同治十二年正月十五日

批

委員徐賡陞 羅定州黃光周

會稟訊明局紳梁以文等委無

勒抽茶桂靛各款中飽情事請將龐裕章陳黎

光等控案註銷並懇批示

同治十二年正月二十日

履勘肇慶府城應修各處所並估計工料分別繪

圖列冊具結稟繳察核會候補道文星瑞銜上

瑞節相稟同治十二年二月初八日
張中丞

批高要縣孀婦翟洗氏呈控恃財賄役藐府抗縣

霸吞分產等情同治十二年二月初十日

批開平縣周灝益控案經縣斷通詳銷案串謀圖

佔擺婦誣翻同治十二年二月初十日

請由藩庫分挪洋銀五千兩以應城工急需致俊質

堂方伯鍾書同治十二年二月十三日
雲卿都轉

札高要縣教諭李愷疇卽便遵照粘抄修城章程

辦理 同治十二年二月十六日

修肇慶府城勸捐告示 同治十二年二月二十四日

請將借修城工銀兩兌交委員呂瑛齋回致善後

局沈輔之觀察書 同治十二年三月初五日

委員前赴善後局請領借修城工款項并將城工

銀兩均存肇慶府庫支發上 瑞節相 同治十二年三月

五月初五日

批西甯縣陳杞稟遵札勸諭卑縣紳民捐修肇慶

城工銀兩應請援例先期入奏

同治十二年三月初七日

批四會縣烏廷梧稟遵札勸諭城工經費紳民如

有玩視推諉准予擇尤詳革伏候批示

同治十二年四月

六月初六日

飭將廣西懷集縣教官在西甯縣被劫印信一案

實在情形稟復致西甯縣陳采珊明府書

同治十二年

年四月十七日

委員前往西甯會訊龍歸鄉抗拒官兵一案請將

西甯縣陳令先記大過一次并由道驅逐劣幕

壽青谿上

瑞節相 稟 同治十二年
張中丞 五月初六日

批西甯縣陳杞及管帶安勇都司顏金會稟龍歸

鄉傅姓劣衿現在軟抗挈獲要犯傅三媽傅新

祥宋亞秋三名訊取確供應請就地正法聽候

憲示遵行餘犯分別破鎖另辦卑職杞因奏銷

緊急撤回鄉徵都司顏金仍紮連灘督同駐紮龍

歸各哨弁勇合力購挈并令紳耆網送

同治十二年五

月初七日

飭紳士修理圍基義學并先籌銀兩發交辦理告

示

同治十二年五月十五日

批鶴山縣生員李曜南等呈控李仕光糾匪搶割

庇匪不交等情一案

同治十二年六月十二日

批署東安縣王倬韓稟縣民廖恩通具控羅佩綠

等窩拐一案稟前縣穆精阿札飭西山司就近

查覆該巡檢劉堯賓遵札往查因地保梁勝串

同羅佩綠抗不遵依傳責犯病取保在外身故

屍親梁伍氏赴縣具控現經驗明屍身委係因

病身故稟乞批示

同治十二年六月十九日

批東安縣孀婦梁伍氏控西山司門閹李良城酷

斃無辜驗據難徇

同治十二年六月二十二日

批陽春縣民李廷玉控縣閹裴霞裳因訟致鬪傷

驗屍滅一案

同治十二年閏六月十一日

廣甯縣屬著匪謝重觀疊次劫搶為害地方請回

明

瑞節相張中丞

另派將官酌添勇丁會同該地方文

武設法搜勦致張石洲廉使書

同治十二年閏六月二十八日

批開平縣商民誠利店麥殿翰等控舉人張毓林

等藉案糾搶乞恩迅速札縣拘追究辦

同治十二年七月

七月初七日

移善後局移還未動原銀五千兩歸款查收

同治十二年

年七月十一日

科場應辦事宜呈張中丞稟摺

同治十二年七月二十日

札飭肇慶府委員前往確查舉人謝達庭控告案

同治十二年八月十九日

請將肇慶府屬州縣官聲詳細開一清單以便參

核密稟兩院致肇慶府瑞南星太守書

同治十二年十一月二日

十一月二日

十四日

嶺西各屬州縣考語未能按期稟報緣由上

瑞節相張

中稟 同治十二年十
二月二十日

身
在
先
丑

三

嶺西公牘彙存卷五

定遠 方濬師 子巖

核議籌修肇慶城垣章程及酌定官民捐數聯府

銜上

瑞節相 張中丞 稟

同治十二年正月初七日

敬稟者案奉憲臺批據稟肇慶城垣圯壞現飭高要縣
詳擬章程動工興修並先請派委大員覆勘確估緣由
奉批據稟已悉查同治七年九年部議章程各省修築
城垣應先行 奏明立案並於開工時遴委司道大員
前往查勘出具切實甘結詳咨送部存查等因通行遵

照在案肇慶府城既據該道府籌議興修工程浩大白
應照章辦理仰候咨會撫部院會同札委道員前往勘
明具結移由藩司核明詳請分別 奏咨立案該道府
一面督同高要縣妥議章程稟繳察核仍候行司知照
此繳遵經飭據高要縣擬議章程列摺繳覆公同逐款
酌核似尙妥協所有職道倡捐銀一千兩卑府認捐銀
二千兩自當趕緊籌發以應支用其派定各屬官捐民
捐銀兩業經札飭遵照務令各該員竭力籌解廣勸捐
題以期迅速集事無誤要工除遵奉札行一俟委員文

道到日會同職道將應修城垣處所覆加勘估出具切結移由藩司核明詳辦一面飭行承修之高要縣將興工竣工日期具文通報外合將現議章程及派定官捐民捐銀數分列清摺稟繳憲臺察核再此次城工係由官民捐辦如有踴躍捐輸以及在事尤爲出力者應請給予外獎藉資鼓勵工程銀兩旣非動項興修自與請帑辦理者不同將來工竣請免造冊報部核銷以歸簡易如蒙允准並懇先行 奏明立案是否有當伏候訓示

卷之五

二

肇陽羅各屬解繳官民捐修肇郡城工銀兩數目
并請將四會陽江高要等廳縣先行分別給予

記功聯府銜上

瑞節相 同治十二年
張中丞 稟 正月十五日

敬稟者竊照肇慶城工一案先因工程浩大需費甚繁
不得不藉資各屬官民捐輸以冀眾擎易舉當經議定
數目章程具稟憲鑒並分飭肇陽羅各屬遵照辦理旋
據四會縣先後批解官捐銀三百三十兩民捐銀一千
一百兩陽江廳余丞批解民捐銀一千一百兩署陽江
廳恒丞批解民捐銀四百兩高要縣批解官捐銀五百

兩民捐銀一千兩新興縣批解官捐銀一百兩民捐銀
三百兩開平縣批解銀四百兩陽春縣批解官捐銀一
百兩民捐銀二百兩西甯縣批解官捐銀二百兩高明
縣批解官捐銀一百六十五兩德慶州批解民捐銀一
百兩鶴山縣批解官捐銀一百五十兩民捐銀三百兩
其開平縣所解之四百兩是否官捐抑係民捐未據分
晰聲明又經批飭查明稟覆在案查四會縣原派官捐
銀三百三十兩民捐銀一千二百兩今該縣烏令已將
官捐之項解清民捐亦解至一千一百兩所欠僅止一

百金陽江廳原派官捐之項先因該前廳余祚馨交卸在卽業經由道稟明責成後任捐解其民捐原派一千五百兩余丞已於任內解至一千一百兩之多均屬最爲奮勉至高要縣原派官捐銀一千兩民捐三千兩今該署縣劉維楨已將官捐解繳及半民捐亦解至三分之一現署陽江廳恒林到任月餘卽能將民捐尾欠四百兩掃數解清亦尙踴躍從事除由職道等分別札飭各廳州縣仍將未解之官捐民捐銀兩展限於閏六月以前趕緊批解清楚以副要工俟工竣日再行酌核請

獎此外捐解不力任意遲延者亦隨時稟請予以處分
以示勸懲外擬請先將四會縣知縣烏廷梧卸陽江直
隸同知余祚馨各予記大功一次署高要縣知縣劉維
楨署陽江直隸同知恒林各予記功一次以示鼓勵而
資觀感是否有當理合具稟憲臺察核俯賜批示

批委員徐賡陞

羅定州黃光周

會稟訊明局紳梁以文等委無

勒抽茶桂靛各款中飽情事請將龐裕章陳藜

光等控案註銷並懇批示

同治十二年正月二十日

查本案昨准臬司移奉督憲批行以該州原議扣收茶
桂靛各款雖據稟明均係本境土產并非外來貨物然
扣收名目究與抽釐相似且商人又呈請免抽其中亦
不無窒礙自未便仍行照准應再由該州勸諭地方紳
富另行設法籌捐毋得延宕等因行司移道當經轉飭
遵照茲據稟前情仰卽查照督憲批行情節妥爲辦理

至龐裕章等控案既經該州會同該委員訊係商販抗
示不遵局紳並無勒抽中飽情事自應先將控案註銷
惟此案會據商民赴院憲呈控現在又係臬司札飭會
訊茲既訊明請銷應卽通稟院司聽候批示飭遵可也
此繳

履勘肇慶府城應修各處所並估計工料分別繪

圖列冊具結稟繳察核會候補道文星瑞銜上

瑞節相稟 同治十二年二月初八日

張中丞稟

敬稟者職道星瑞奉憲臺會札開案照前據肇陽羅道
方濬師肇慶府瑞昌稟稱肇慶府城垣年久未修諸多
圯壞現飭高要縣詳擬章程動工興修請先行 奏明
立案以便工竣請獎并派委大員前往覆勘確估等情
前來查同治七年九年部議章程各省修築城垣應先
行 奏明存案並於開工時遴委司道大員前往查勘

出具切實甘結詳咨送部存查等因所有肇郡城工當

經本閣部堂札委候補齊道前往會同覆勘在案茲查

齊道委署雷瓊道篆務應卽另行委員往勘合就札委

札到該道卽便遵照刻日束裝前往肇慶會同方道將

應修各城垣處所覆加查勘確估共需工料若干迅卽

出具切實印結移由藩司核明詳請分別 奏咨立案

仍先行稟覆本閣部堂察核毋稍飾延速速等因奉此

遵卽束裝起程於二月初三日馳抵肇慶府城當經會

同職道濬師並督同肇慶府瑞守署高要縣劉令將所

有應修處所週城逐一復加履勘均與原稟相符誠如所請非大加修葺不足以資捍衛隨卽傳到各匠人估計工料共需銀二萬零九百餘兩此外疏濬渠竇添置礮位及設局委員經費不在其內總計其成約需銀三萬兩時當春令亟宜趕緊興工以免大雨時行西潦盛浸工力難施除由職道濬師督同肇慶府瑞守嚴札肇陽羅各廳州縣迅將議派官民捐輸銀數分別趕緊措備及勸捐齊集尅期解繳以免延誤要工一面飭令署高要縣劉令刻日督同在事官紳設局料理督修一切

事宜暨所有開局興工各日期概由職道濬師督府飭
縣另文稟報外理合將職道星瑞奉札會勘過工程情
形繪具城圖并據署高要縣劉令呈繳工料細冊出具
切結會稟憲臺察核俯賜核明分別 奏咨立案實爲
公便再職道星瑞現擬發稟後卽行回省銷差合并聲

明

批高要縣孀婦翟洗氏呈控恃財賄役藐府抗縣

霸吞分產等情

同治十二年二月初十日

此案昨據高要縣以訊得該氏所控翟子魁欠交公家會銀及歷年租穀概無憑據難於准斷惟查氏夫翟子雲夫兄翟子魁父遺產業除從前兄弟賣去外實尙有田塘二百四十畝應卽斷令平分外當令翟子魁將田一百二十畝點明稅契交給該氏收執兩造均經悅服具遵完案旋據該氏復嘵嘵翻控雖難保非翟子魁延不清丈交產所致亦難保非該氏聽唆搶控以圖纏訟

卽經諭飭該族紳耆切實查覆以憑分別核究乃該氏不待查覆遽行錄批赴府呈控不解其意何居等情具稟到道當經批行再集兩造覆訊明確秉公究斷具報在案茲據呈前情果否屬實仰肇慶府迅飭高要縣遵照先今批行事理刻日覆集確訊究斷具報毋稍偏延滋訟切切粘抄保領並發

批開平縣周灝益控案經縣斷通詳銷案串謀圖

佔擺婦誣翻

同治十二年二月初十日

查陳國供等原與莫聰燕等之土名官來逕田畝周岐贊等與周振灤等互相爭買在周振灤等僅止交過定銀三十兩而周岐贊等則已交清田價且已印契該前縣黎令將田斷歸周岐贊等管業周振灤等不肯具遵於是接署縣蔡令到任則以周岐贊等不應一業兩契飭令僅繳定銀之周振灤備繳價銀四百五十兩依照周岐贊等印契原價將銀二百三十兩零給還業已

交價印契之周岐贊等收受其田卽歸周振灋等管業
尙餘田價銀二百餘兩留撥充公備文詳請銷案周岐
贊一造卽以濫押勒遵短價逼領等詞上控經該前府
查核縣詳所斷殊欠平允稟請提府委審當經如稟批
飭行提人卷核訊究斷前據周振灋呈稱案經肇慶府
提發高要縣質審蒙斷將田均分等情又經批行高要
縣將兩造如何供情該縣如何訊斷先行查覆在案茲
據呈前情仰肇慶府迅飭高要縣查照先今批行事理
刻日先行查明稟覆察核毋稍稽延切切粘抄保領并

發

漢書卷九十九

請由藩庫分挪洋銀五千兩以應城工急需致質俊

堂方伯鍾書 同治十二年二月十三日

雲卿都轉

肇郡城工一事原議章程合計工料銀約三萬兩同城道府縣共捐四千餘則派令各屬官民捐繳業經稟明院憲及移知尊處在案除將弟等認捐四千卽日籌發外其餘所短尙多現經嚴札各屬催提惟值學院按臨之際又須撥解考棚經費誠恐此款一時未能解清擬請由尊庫分挪洋銀五千兩以應急需一俟各屬捐解到日卽行歸款由弟一力肩承斷不稍有延宕弟前者

晉省原擬將此意奉商緣係地方應辦之事但有可以設法斷不遽操錦懷目前察看情形實有緩不濟急之勢而西水不久漲發必須及時興修再四籌思萬分焦灼此文樹臣觀察之所目擊也夙稔閣下顧全大局軫念生民用敢函懇玉成俾免延誤倘蒙回明院憲俯如所請卽祈飛速示知以便備具印領前來是所拜禱餘由樹翁面述專泐奉懇

札高要縣教諭李愷疇卽便遵照粘抄修城章程

辦理

同治十二年二月十六日

爲札委事照得肇慶城垣年久未修諸多圯壞奉督撫
憲面諭督率所屬籌議興修一案當將核議籌修情形
稟奉批行遵照隨飭據高要縣擬議章程列摺繳覆又
經本道酌核稟繳院憲核示飭遵并飭高要縣設局開
辦各在案惟此次工程浩大事務紛繁旣經設立總局
必須遴委幹員常川駐局坐辦以資助理而專責成查
該員老成練達任事實心堪以委辦合就札委札到該

員卽便遵照粘抄章程內開事理駐局坐辦一應事宜
務須會同高要縣實心經理凡遇各屬捐項解到由該
局驗明掛號卽日封繳聽候發收其局中應需書役飯
食及紙筆油蠟等項並匠工局費一切支款照章由高
要縣按旬預領轉給該員覈實支發其逐日收支款項
卽與高要縣隨時回明辦理仍按十日將收支銀數列
摺繳查均毋違誤致負委任切切

修肇慶府城勸捐告示

同治十二年二月二十四日

爲曉諭事照得肇慶城垣年久失修諸多傾圮非大加修葺不足以資捍衛當經本道督同府縣週城逐一履勘并將修濬渠竇添置礮械統共確估數目稟奉兩院憲遴委補用道文會同勘估繪圖列摺稟覆茲於本月二十二日在城內文昌宮設局興工派委官紳分別督修勸捐惟是工程浩大需費甚繁必須集腋成裘庶幾眾擎易舉現在官捐一項由本道及府縣先行倡捐洋銀四千兩餘於肇陽羅各廳州縣按照舊章一體派捐

其民捐一項亦按肇陽羅各屬均勻捐派所需工料皆係由局自行採買絕不假手書吏家丁涓滴胥歸實用不准絲毫枉費倘有在官人役及不肖棍徒借捐輸名目在外招搖舞弊者一經查出立即嚴辦爾紳民等毋得遲疑觀望務當踴躍輸將成茲美舉除分飭各州縣將官捐銀兩刻日捐繳一面酌派公正紳耆將民捐銀兩趕緊勸諭捐解外合行出示曉諭爲此示諭闔屬紳民人等知悉爾等須知此次工程係爲保衛地方起見爾等誼關桑梓定當同此悃忱如果妥速捐助將來大

工告竣自應分別詳請優敘若彼此推諉置要工於不顧甚至有�延緩則甚非本道屬望爾等之本心公論在人恐難逃洞鑒也其各凜遵毋違特示

卷之三

一

請將借修城工銀兩兌交委員呂瑛齋回致善後

局沈輔之觀察書

同治十二年三月初五日

竊照捐修肇郡城工一案原勘估計工料銀三萬兩內以一萬兩作爲官捐二萬兩作爲民捐官捐一萬兩內則以弟捐銀一千兩肇慶府捐銀二千兩高要縣捐銀一千兩餘於肇陽羅各屬按缺派捐茲已於本月二十二日設局興工待需孔亟各屬捐款一時未能解到僅得同城道府縣捐存銀四千兩實覺不敷支應當經函懇質堂方伯請於藩庫內暫行挪借洋銀五千兩倘湊

不足數并請商之鍾雲卿都轉於運庫內湊足隨接
翁覆函以藩運兩庫因湊解京協各餉無款可挪擬於
善後局練餉項下借撥洋銀五千兩業經回明院憲准
行囑卽飭備印領前來以便給發等因除另備公牘并
委員高要縣縣丞呂瑛備具印領前來請領外用特專
函奉佈務祈閣下卽將前項銀兩如數兌交該員齎回
支用是所拜禱

委員前赴善後局請領借修城工款項并將城工

銀兩均存肇慶府庫支發上

瑞節相稟同治十三年三月五日

月初五日

敬稟者竊照肇慶城工先經職道與肇慶府瑞守署高要縣劉令倡捐修費并派定肇陽羅各廳州縣官捐民捐數目分札飭遵旋因各屬捐項解繳需時一切費用浩繁勢難停工以待當經函商藩運二司允於善後局練餉項下借撥洋銀五千兩約以六個月歸還職道前與肇慶府瑞守聯銜稟報設局興工日期文內業已聲

明在案茲職道備移善後局請將前項借款卽行兌發并飭委高要縣縣丞呂瑛備具印領前往領解一俟齎解回郡卽發交肇慶府存庫以備高要縣暨城工局隨時請領支用至職道衙門向來無庫此次興修係肇慶府城所有各屬捐項均宜解交肇慶府庫收存聽候撥給職道前此與肇慶府札飭各屬未曾飭將捐項解繳何庫自發札後已據新興縣解過百金高明縣解過百餘金均係解府惟四會縣解到百金西甯縣解到二百金則係解道職道現經將四會西甯等縣解到捐項札

發府庫收存日後如有續行解道者亦一併發府以昭
畫一其應如何撥用之處應由肇慶府核明給發將來
善後局借項期滿卽由職道札府於各屬捐項內提還
歸款不致延誤職道爲慎重支項起見一切未盡事宜
惟有隨時與府縣和衷商議期於妥善斷不敢稍避勞
怨庶要工易於告竣而收發亦昭核實矣除再札催各
屬速將官捐民捐銀兩解繳外合將委員前赴善後局
請領借款及擬將城工銀兩均存府庫支發緣由具稟

憲臺察核

批西甯縣陳杞稟遵札勸諭卑縣紳民捐修肇慶

城工銀兩應請援例先期入奏

同治十二年三月初七日

據稟已悉查肇慶城垣爲本道駐紮之所是以每值小修之時羅定屬各縣向有派修段落今因大修此城而令道屬各廳州縣官民捐輸經費並非過舉乃該縣矜耆以爲與三羅無涉不願捐輸實屬不知大義旣經該縣切實開導該矜耆等各皆允從自應責令認真勸捐依限解繳至此次興修城工先經本道督同肇慶府遵照新章稟請兩院憲派委司道大員覆勘確估先行

奏明立案旋奉兩院憲檄委候補道文來肇又經本道會同委員覆加勘估繪圖列冊聯銜稟覆在案將來事竣請獎必不致有駁飭之虞惟上年冬間奉准通行嗣後城工請獎分別有無軍務省分辦理如無軍務省分捐資者照籌餉例定銀數加四分之一核獎出力者按照定例議敘等因粵東省已於同治八年九月內奉行奏明軍務肅清應照無軍務省分辦理今稟內援引袁統帥 奏准通行欲照有軍務省分請獎礙難照辦再肇慶每年夏秋之間誠有西潦漲發但工程緊要詢

之同城官紳僉以爲春間可以開辦不致有礙是以業
於二月二十二日設局興工矣仰羅定州迅卽轉飭知
照并飭將官捐民捐銀兩趕緊批解毋延切切此繳稟
抄發

卷之三

三

批四會縣烏廷梧稟遵札勸諭城工經費紳民如

有玩視推諉准予擇尤詳革伏候批示

同治十二年四月

月初六日

據稟已悉查肇慶城工業已開辦所需經費甚繁全賴

捐輸銀兩源源接濟斷難稍事刻延茲該縣民捐止派

銀一千二百兩以四十八舖分任則每舖所派為數無

多原不難尅期集事乃各該舖紳耆黨正副等猶多意

存觀望藉口推延非特不能仰體父母官諄諄勸諭之

苦心且亦毫無桑梓之誼甚屬不取所請准予擇尤詳

革之處仰肇慶府迅卽飭令該縣卽照所稟辦理至此
項銀兩固屬捐自紳民尤藉有司之設法勸諭該令職
任地方責無旁貸且向來辦事著有能名務當實力實
心妥爲經理總期捐輸踴躍毋誤毋延毋徒諉之紳耆
一稟塞責也該府併飭知之此繳

飭將廣西懷集縣教官在西甯縣被劫印信一案

實在情形稟復致西甯縣陳采珊明府書

同治十二年

年四月十七日

日前何學使由三羅按試回道經此地弟與之會晤據云西省懷集縣教官在貴屬被劫印信一案曾聞閣下談及印信已有下落惟人犯則多係巡船水手尊處獲犯稟內因恐於營中面上有礙故不便說出云云用特函布務祈閣下將此案實在情形并現獲人犯草供據實見示至此事吾兄宜自行作覆不必用印亦不必工

楷只須照尋常朋友書札即可切勿假手幕友家丁爲
要專此奉佈

委員前往西甯會訊龍歸鄉抗拒官兵一案請將

西甯縣陳令先記大過一次并由道驅逐劣幕

壽青谿上

瑞節相
張中丞

稟

同治十二年五月初六日

敬稟者同治十二年四月二十五日准臬司移開十二年三月三十日奉撫憲張批據西甯縣會同管帶安勇顏都司具稟龍歸鄉傅姓劣矜現在軟抗挈獲要犯傅三媽傅新祥宋亞秋三名訊取確供應請就地正法聽候示遵餘犯分別礮鎖另辦卑縣因奏銷緊急撤回鄉征都司仍紮連灘督同駐紮龍歸各哨弁勇合力購挈

并令矜者網送由奉批據稟及附稟供摺均悉傳三媽等三犯應否由縣就地正法分別斬決梟示傳亞五等六犯所擬是否允協仰按察司核議詳覆飭遵並飭該縣拘集傅琛傅彤勳等到案提同傅琅等三犯及縣差鍾佳等質訊明確錄取切供分別究坐詳辦仍飭該都司督同駐紮龍歸各哨弁勇確探匪蹤合力搜捕一面勒令該鄉矜者查拏網送務將在逃各匪悉數弋獲以靖地方毋稍鬆懈爲要仍候閣督部堂批示繳稟及附稟供摺俱抄發又四月初八日奉督憲瑞批據稟及供

摺附稟均悉傅亞五傅爛仔五傅亞桂或供認代撈賊錢並未隨同上盜或認聽從搶奪妓女並未動手抗拒官兵擬由縣永遠礮鎖並將失察其子爲匪之傅彥祺認竊之傅大潰傅亞才擬由縣枷責發落是否允協仰東按察司迅卽核明飭遵具報一面轉飭該縣提同狡供之傅琅傅亞錦陳燦清質明分別懲辦該縣因奏銷屆期旣已撤勇回城所有龍歸鄉在逃各匪卽由顏都司督同各哨弁勇合力購拏并勒令該鄉衿耆網送毋任一名漏網至監生傅彤勳等呈控縣差鍾佳等藉差

索擾搶毀衣物一案並飭拘集傅琛傅彤勳等到案提同鍾佳等質訊明確實究虛坐以昭折服毋稍偏延至供認搶劫擄捉抗拒官兵之傅三媽傅新祥從劫一次之宋亞秋應否就地正法仍候撫部院批示遵照辦理此繳供摺存等因奉此並據該縣等具稟到司查該犯傅三媽傅新祥供認迭次搶劫擄捉抗拒官兵宋亞秋供認從劫一次遵照章程應解州道覆訊稟候院憲核明批飭就地正法據該縣稟稱各犯解州均須經由該鄉恐致疎虞請免解審應請由道委員前往西甯會同

該縣提犯傅三媽傅新祥宋亞秋三名覆訊明確分別
照例按擬斬梟斬決備錄供摺由道稟候院憲批行就
地正法以昭慎重至傅亞五傅爛仔五傅亞桂或供認
代撈贓錢並未隨同上盜或認聽從搶奪妓女並未動
手抗拒官兵該縣擬永遠磔鎖並將失察其子爲匪之
傅彥祺擬枷責發落均與例不符傅大潰傅亞才認竊
幾次計贓若干未據聲明應否枷責發落並飭委員會
同該縣提犯傅亞五等六名覆訊確情分別照例按擬
由道移司核議詳覆飭遵奉批前因除具報外合就移

會爲此合移貴道希卽遴委幹員前赴西甯會同該縣
提犯傅三媽傅新祥宋亞秋三名覆訊明確分別按擬
斬梟斬決備錄供摺由道稟候院憲核明批飭就地正
法至傅亞五等六犯並飭委員會同該縣提犯覆訊確
情分別照例按擬由道移司核議詳覆飭遵並飭該縣
拘集傅琛傅彤敷等到案提同傅琅等三犯及縣差鍾
佳等質訊明確錄取切供分別究坐詳辦仍飭顏都司
督同駐紮龍歸各哨弁勇確探匪蹤合力搜捕一面勒
令該鄉衿耆查拏細送務將在逃各匪悉數弋獲以靖

地方施行等由到道准此查該縣會稟以上前情并未具稟到道既准臬司移道委員會審自應遴員前往會同訊辦第分肇慶差委各員內并無正印人員其西甯隣近各州縣又均有地方應辦公事礙難札委查有升用知縣肇慶府經歷戴喬林曾經肇慶府瑞守委令代理陽春縣篆人尙敢爲當於四月二十九日札委該經歷前往會同陳令提集各犯覆訊明確分別辦理一面札飭該縣遵照旋於五月初二日據陳令以前情備列供摺稟繳到道并以該縣監生傅彤勳等赴道呈控縣

差鍾佳等藉差索擾毀搶衣物一案附稟前來查閱稟
內封發日期係填三月十四日如果此稟係與院司各
稟同時并發何致遲至臬司奉批核議移道委審之後
始行遞到其爲該縣本未稟道因知臬司移會委審方
倒填月日照抄補稟無疑然或係一時疎漏原不足較
追閱附稟內所敘傅彤勳等控案聲明亦係通稟詞語
之間甚以職道爲不然者而所辯嘵嘵不休又屬全不
曉事溯查傅彤勳等於去年十二月十八日赴道呈控
該縣報傳姓匪徒抗拒官兵一件係本年正月初三日

到道當傳彤勲具呈時職道何由知其抗官之事向例
控關差役索擾毀搶虛實均應澈究就事論事不得不
批以果否屬實仰州飭縣查訊明確分別革究具報等
詞揭示旋將原詞印發羅定州轉飭遵照仍徑札飭該
縣查明先行稟覆此乃按部就班一定辦法該縣既不
查明傳彤勲等控呈與縣稟到道之後先又不諳批呈
體式輒謂職道早應接閱縣稟因何并不提及抗官一
言又謂君子可欺以方據呈即可剖辨似無所用其是
否屬實等語妄逞詞鋒頗爲唐突情若類乎訴冤跡復

涉於傾軋施之同寅尙覺不可似此糊塗荒謬殊失情理之平惟訪聞此次妄稟爲該縣幕友壽璫手筆職道久知壽璫卽壽青谿平日遇事招搖聲名惡劣從前在廣州府幕曾經被人議論驅逐上年就開建俞令增光之聘又復肆無忌憚每發上司稟件非涉誇張卽加誣罔現在西甯縣署恃陳令書生可欺輒敢掉弄筆頭恣愚瞞稟刁滑險詐不知是何居心凡屬官僚靡不鄙薄將來該縣公事設聽其顛倒訛謬必致貽患地方職道現勒令該縣將其立卽辭退不往逗遛在署該縣陳杞

歷仕未久人亦迂謹到任以來察其辦事較實故於歷次密稟中及在省與憲臺及司道府述及稱其尙堪造就身膺民社一切文稟案牘固賴幕友襄理然須自爲主持不料其任令幕友妄爲毫無定見粗忽之咎實所難辭卽稟請撤叅亦非過當姑念人才難得刻下經手各務尙多應請將陳杞飭記大過一次以觀後効該縣嗣後一應公牘務須親手核辦不得概諉幕賓倘再漫不關心致滋舛誤惟有據實稟請叅撤不敢姑息職道百無一長稍知大體平生所講者首在操守而見事

最惡者傾陷擠排今逐此惡劣之徒正欲挽回風氣不願博見好之虛名亦不避浮言之散播也惟憲臺實鑒察之至此案罪關斬臬人犯該令先未稟道雖係劣幕壽姓所爲壽姓現經勒辭誠恐稍存意見業由職道函商臬司請其酌奪或再由省派委正印官一員會同道委之戴經歷秉公覆訊稟候憲示祇遵俾昭慎重而免延誤合併陳明

批西甯縣陳杞及管帶安勇都司顏金會稟龍歸
鄉傅姓劣衿現在軟抗拏獲要犯傅三媽傅新
祥宋亞秋三名訊取確供應請就地正法聽候
憲示遵行餘犯分別礮鎖另辦卑職杞因奏銷
緊急撤回鄉徵都司顏金仍紮連灘督同駐紮龍
歸各哨弁勇合力購拏并令衿耆網送

同治十
二年五

月初
七日

此案四月二十五日准臬司移知奉兩院憲批示核議
請由道委員前往會審查該縣會同顏都司所稟以上

各情并未具稟赴道直至五月初二日始據該縣以前情備列供摺稟繳稟內係填三月十四日發如果此稟係與院司各稟同時發遞何以遲至臬司奉批核議移道委審之後始行遞到其爲照抄補稟倒填月日無疑此層姑勿深究該縣附稟所敘傅彤勲等控呈聲明亦係通稟而詞意之間大以本道所批爲不然嘒嘒置辯名爲分割實則傾軋該監生傅彤勲等係去年十二月十八日赴道具控當於二十一日批示該縣稟報傅姓匪徒抗拒官兵之事係去年十二月十七日發稟本年

正月初三日接到當傅彤勳具呈時本道何由知其抗拒官兵乎向例控關差役索擾毀搶無論虛實須批查覆是以本道於傅彤勳等控呈內批以果否屬實仰州飭查一面徑札該縣查明先行稟覆此固一定辦法即使該縣爲人上司遇有此等控呈亦必就事批揭該縣附稟所稱早應接閱縣稟因何并不提及抗拒一言又謂君子可欺以方據呈即可剖辯似無所用其疑詞加以是否屬實等語直似本道接該縣通稟後并不查檢案卷糊塗批出不知縣稟在後批詞在先本道尙不糊

塗如該縣也去年奉到院憲會札行令本道轉飭該縣辦理此案亦有仍宜分別良歹切勿牽及無辜該縣想亦閱過矣上司行文正自不得不爾非有疑於該縣而不令其辦匪也該縣本管上司自直隸州以上不止一人若遇事生風任意妄臬今日可施之巡道明日即可施之兩司甚至越司道而逕達督撫試問成何體制士君子讀書讀律一行作吏於待人處已總宜慎重周詳縱使上司偶有行文誤會同僚偶有意見不合亦應宛轉登覆妥爲解釋人之欲善誰不如我斷無甘爲小人

不聽正言之理今無故而加以非理之詞在儕輩猶失
寅恭何況本管上司耶該縣貌稱循謹不知何以一時
荒謬如是真本道始慮所不及矣連日訪察該縣此次
妄稟情節均係幕友壽青谿所爲該幕友壽璣卽壽青
谿平日品行卑污聲名惡劣通省在官在幕靡不嘖有
煩言明恃該令書生可欺遂致肆無忌憚縣令公事紛
繁若任其顛倒謬妄貽患地方該縣恐不能當其重咎
至該縣身膺民社案牘文稟固賴幕友劬勩但須自行
經理乃不問事之可行與否一任劣幕主持儼同木偶

疎忽之咎尙何所辭姑念到任以來辦事尙實暫免叅
撤除稟明兩院憲及咨會藩臬司將該令記大過一次
以觀後效并由道飭將壽璉卽壽青谿立卽辭退不准
逗遛外仰羅定州轉飭該令知照卽將壽姓幕友辭出
一面將該幕友出署日期通報院憲及藩臬司并本道
衙門察核不得延誤本案一千人犯業經派委肇慶府
經歷戴喬林前往審訊復函請臬司酌奪派在省正印
一員會同戴經歷訊辦矣該州一併飭令知之此繳

飭紳士修理圍基義學并先籌銀兩發交辦理告

示

同治十二年
五月十五日

爲曉諭事照得本道莅任嶺西倏經五載地方利弊亟
思有所興除惟性情粗直遇事不避嫌怨惴惴焉深恐
開罪士民幸五載以來諄飭各州縣申理冤抑緝捕盜
賊雖不敢謂悉臻妥善而各該州縣殷殷佐治勸懲交
施與該紳民頗稱融洽當亦爾等共見共聞夫錢穀兵
刑固有司之專責而農桑學校尤政治之本源本道查
得肇慶所屬圍基水患最宜防禦高要爲郡之首邑自

景福圍以次大小各堤尤應加意培築去年西潦漲發衝破數圍賴人力護持隨衝隨補農田不致過傷第需費不貲出於民則貧戶居多求之官而籌款匪易若不設一經遠之計恐圍身土鬆水激堅固愈難必須未雨綢繆方可有備無患至端江義學一區早經頽壞兵燹以后更無過而問者本道思絃誦之功足化桀驁之氣果能聿興舊址重定條規延請師儒訓迪子弟則人人可以習詩禮戶戶可以成魯鄒見訟獄則知牙角之堪虞見匪類則知穿窬之可恥舉凡尊君親上處已待人

披尋於往籍陳編警懼於耳提面命蓋不僅爲科名之具學問之資也以上二事興工募費刻不容緩本道現在籌畫一欸以二百兩發交景福園董事等預備修理各園之用以二百兩發交賓興局董事等先爲興辦義學之倡除將銀兩札發高要縣傳到該董事等面行付給外爲此示諭紳民知悉爾等務卽遵照會齊城鄉各紳民妥議章程將各處圍基應如何歷久保護端江義學應如何卽時興修圍基存項若干每年應用若干義學基址統計完整需用多少能否量力飲助稟由高要

縣核酌詳道聽候批示但使本道力所能爲必與爾紳民等成茲善舉爾等其各盡心從事勿負本道厚望焉再現籌之款尙餘百元今秋大比之期諸士子寒窗辛苦志切觀光應卽發交府縣教官傳集高要縣應試諸生按名給與卷費以示鼓勵一併通諭知之各宜凜遵毋違特示

批鶴山縣生員李曜南等呈控李仕光糾匪搶割

庇匪不交等情一案

同治十二年六月十二日

匪徒搶劫為害地方與戶婚田土等事不同本無所用其調處茲據呈該生等前控新村匪徒搶割拒捕一案李仕光賄囑舉人李錫疇聯呈調處希圖將匪脫卸等語如果情真大屬不合惟李錫疇所遞調處之呈究竟如何措詞該縣又如何批示現呈既不詳晰聲明又未抄粘呈閱亦覺含混所呈是否屬實有無別情仰肇慶府迅飭鶴山縣刻日查案先行稟覆一面分別比緝勒

交本案賊賊務獲究辦均毋任延切切保領并發

批署東安縣王倬韓稟縣民廖恩通具控羅佩綠
 等窩拐一案卑前縣穆精阿札飭西山司就近
 查覆該巡檢劉堯賓遵札往查因地保梁勝串
 同羅佩綠抗不遵依傳責犯病取保在外身故
 屍親梁伍氏赴縣具控現經驗明屍身委係因

病身故稟乞批示

同治十二年
六月十九日

據稟梁勝屍身業經該縣驗明僅有笞責微痕委係因
 病身死并經該縣查明梁勝實係地保何以該屍親梁
 伍氏尚復執定前詞稱係西山司飭令門閭李良城等

帶署勒充地保不允被責身故亟應集訊明確以成信
讞仰羅定州迅飭東安縣刻日傳同案內屍親人證再
行確切訊明毋稍枉縱至廖恩通呈控羅木章等誘拐
一案係於何年月日赴縣具控該前縣穆令又係於何
年月日札飭西山司巡檢劉堯賓查覆現稟未據聲明
該州併飭該縣查明稟覆一面將本案訊驗緣由填具
格結通詳察核均毋違延切切此繳

北東安縣孀婦梁伍氏控西山司門閻李良城酷

斃無辜驗據難狗

同治十二年六月二十二日

此案昨據該縣以廖恩通呈控羅木章羅佩綠等誘拐婦女一案經該前縣札委西山司巡檢就近查覆嗣據該巡檢稟報飭役協保前往羅佩綠家令將被拐人口放回該地保梁勝卽梁瑞琚因與羅佩綠係屬姻親不惟不協同勸導反串同羅佩綠抗不遵依該巡檢隨將該地保傳案笞責後因患病取保身故等語經該縣驗得地保梁勝兩腿僅有笞責微痕餘無別故委係因病

身死並查得梁勝卽梁瑞琚實係地保西山司巡檢因其串同羅佩綠抗不遵依是以飭傳管責等情具稟到道當經批行集案訊究在案茲據呈並未提及廖恩通控案一語而所控各情與該縣稟大相逕庭究竟該巡檢有無勒充地保索規不遂將梁勝重責致死情事抑係該屍親飾詞聳聽仰羅定州迅飭東安縣刻日勒集案內一千人證確切訊明分別詳辦毋稍徇延切切粘抄保領並發

批陽春縣民李廷玉控縣閹裴霞裳因訟致鬪傷

驗屍滅一案

同治十二年閏六月十一日

本案昨據該縣以李希初等糾匪焚殺實屬膽大妄爲應請將李鵬飛李希初會仲謀等衣頂斥革等情先後稟詳到道當經批行該縣會營拘兇研訊按辦並候院司批示在案查該縣稟詳內有謂該民業已供明李亞四實無被擊斃命會仲謀等唆使捏控等語現呈何以復稱李亞四被斃滅屍究竟是否實情仰肇慶府迅飭陽春縣遵照先今批行事理刻日會營勒拘各兇匪務

獲研訊確情分別按擬詳辦至詞稱縣閹裴霞裳索給
照銀一節究竟有無其事該府併飭該縣查明據實稟
覆察核均毋任延切切粘抄保領并發

廣甯縣屬著匪謝重觀疊次劫搶爲害地方請回

明

瑞節相
張中丞

另派將官酌添勇丁會同該地方文

武設法搜剿致張石洲廉使書

同治十二年閏
六月二十八日

竊照廣甯縣屬妙村著匪謝重觀等疊次搶劫爲害地方已非一日先於同治五六年間經各該前縣稟請大兵前往剿辦該匪等竄往西省懷集等處潛匿未獲就擒前歲冬間復行潛回妙村糾夥多人意圖劫掠經該縣各鄉局紳督練圍拏反被該匪等拒殺鄉勇二十餘人當經弟飭令該前署縣袁令祖安會營督帶兵勇鄉

奇聞之月集不
團速加剿捕并經袁署令稟奉督憲札調守備江志周
夢熊各帶壯勇馳往會剿雖據報獲匪黨高亞崧等訊
辦惟謝重觀等仍往各處潛藏屢緝無獲該前署縣袁
令隨將奉調之勇稟撤酌留安勇百名駐縣會緝該匪
始稍斂跡嗣奉將酌留之安勇調赴靈山查辦土匪該
匪謝重觀等又復出而肆擾并揚言與江積村陳瓊林
有仇欲圖報復遂糾黨數百人前往江積之葫蘆塘圍
攻陳瓊林亦集衆抵禦經該縣江令琛會營馳往彈壓
并諭令各村紳耆趕緊勸解散一面稟請派調安勇

前往會同剿辦旋經南韶連鄭鎮軍札飭清遠營劉遊擊派撥安勇一百名馳往會剿并迭次奉到閣督憲札飭茲據該縣稟報該匪謝重觀等業已退散并請將安勇常川駐緝等情查該匪謝重觀等爲該縣屬積年著匪罪不容誅迭經地方文武厚集兵力前往圍拏總因該匪等恃其所居妙村一帶山路崎嶇林深箐密加以四通八達路路可以潛逃以故辦理多時未能得手現在匪雖退散難保其不去而復來該匪等一日不除閩閩之患一日不已亟須將其拏獲方免貽害地方斷不

可因暫時退散稍形鬆懈第前此圍捕兵勇不爲不多時日亦不爲不久而卒之匪蹤遠遁未能掃穴擒渠留此禍根蔓延至此者實由該匪等憑險負嵎此挈彼竄之所致也爲今之計固不能不藉兵勇之力尤應以智取爲先現在督帶安勇之千總劉全興職分太小似當派一奮勇將官酌添勇丁若干會同該地方文武在各要隘設法布置或密購妥線或掩其不備定能一鼓就擒若僅如該縣所請但留百名勇丁駐緝終恐無濟於事管見所及尙祈便中回明兩院憲聽候酌核示遵是

所至禱

禮記卷之九十一

三十一

羅西公履身右

卷三

三

批開平縣商民誠利店麥殿翰等控舉人張毓林

等藉案糾搶乞恩迅速札縣拘追究辦

同治十二年七

月初七日

舉人張毓林等坭船被水口局掣稟充公其事與該商民等無涉何以張毓林等輒將該商民等貨物搬搶抵償殊不可解究竟所呈是否屬實有無別情仰肇慶府迅飭開平縣刻日集訊明確分別究報毋稍稽延切切粘單保領并發

卷之三

三

移善後局移還未動原銀五千兩歸款查收

同治十二年

年七月

十一日

爲移還歸款事案照肇慶城工一案先因設局開辦待用孔殷各屬捐項一時未能解到僅得同城道府縣捐存銀四千兩實覺不敷支應當經移請貴局於公項內暫行挪撥洋銀五千兩並飭委員高要縣縣丞呂瑛備具印領前赴請領旋據委員呂瑛將前項銀五千兩領齋回肇卽經本道驗明封條完固發交肇慶府暫行存庫聽候撥用嗣因各屬官捐民捐頗稱踴躍隨到隨支

尙不致於竭蹶是以前項挪撥銀兩未經動用合就原封移還爲此合移貴局請煩查照將移還洋銀五千兩查收歸款仍祈將收到日期見覆施行

科場應辦事宜呈張中丞稟摺

同治十二年七月二十日

一庚午科三場點名因向來人衆擠擁有三更後尙不能封門者王補帆中丞在粵藩任內與李星衢中丞商酌仿照江南鄉試林文忠作監臨時所定章程分別各府廳州屬人數排勻編入點名牌內外面豎立一旗上寫寅卯辰巳等時字樣按時放號礮一聲應該某時聽點各生卽隨旗魚貫而進俟點完後再放號礮一聲另換牌旗照前敘進惟初八頭場中間大門未開僅開左右二門而最喧嘩擠擁之廣肇兩府

屬列在前路任意爭先不能魚貫聽點且將頭門擠倒迨封門時逾三鼓矣嗣二三場開中間左右三門分進較爲從容不迫然封門尙在戌初前後光景此次三場點名似應告知藩司將上屆章程及旗牌等件檢出仍查上次所派照管升旗放礮之委員酌派數員以資熟手本擬將廣肇兩府酌量改入後路俟點到此兩府時即可畢事封門易於照料詢之此間紳士則恐衆人不願依舊難於彈壓應請先與藩司商之或將貢院門外點名廠搭高專派首府督飭各

學教官按牌給籤而進送場間人不准多入倘敢不
遵卽將送考教官立予處分仍當一面先出告示詳
細曉諭並由藩司嚴飭送考教官遵照約束庶點名
不致遲滯再查粵閩點名向無善章以致各學爭先
落後叢雜擁擠臨點應名者十無四五庚午科王前
藩司詳定擬分中東西三路點進廣州府學旗籍南
海番禺惠州府全屬南雄州全屬連州全屬連山廳
嘉應州全屬佛岡廳監生赤溪廳生監通省教職京
職由中路點進東莞順德新會香山潮州府學海陽

潮陽揭陽饒平大埔惠來高明恩平廣甯開平德慶
 封川開建鶴山高州府學茂名電白信宜化州由東
 路點進增城龍門從化三水清遠新甯新安花縣韶
 州府全屬澄海普甯豐順南澳廳監生肇慶府學高
 要四會新興陽江陽春吳川石城雷州府全屬廉州
 府全屬瓊州府全屬羅定州全屬由西路點進各學
 排勻人數書寫名牌并懸示大旗一面書明某刻如
正卯初點某州放礮一聲應該點進者按牌中名次
等字至貢院柵欄外接簽魚貫而入甚屬妥善無如廣州

一府應試者不能遵守廣州府屬教官亦不肯認真督率以故在先者推落在後在後者搶擠在先查粵東選省應試人數上科有一萬一千四百餘人廣州府居其一半如此擁擠迨至點進文場已費窮日之力監臨提調公務紛煩即使全副精神照應點完而
他事亦多叢脞矣現屆場期非嚴切曉諭恐仍蹈上科故轍本地紳士既以首府不便改後點進自當俯順輿情應請先由藩司出示再爲通諭一面先傳廣州府帶同各學教官將三路所進第一處門首如何

懸牌放礮如何應名給籤給籤後如何令該學教官
 書斗督令該生隨牌進貢院頭門聽候點進稟由首
 府詳司核定倘於定章後再有不遵即將該學生監
 扣名并將教官立予處分更屬藩司飭令書吏刊刻
 一板用極厚白紙長方六寸上下中間大書某刻聽
 點如寅正卯左書某州學右書應試士子姓名均共
初字樣
 備辦一萬二千張於各生投納試卷時驗明籍貫姓
 名填寫清楚蓋用司印令各生粘在卷袋上面臨點
 名時一目了然設非其時而來者不准進柵欄門首

而送考閒人亦可減卻大半似此層層照應當可毋
誤時刻至諸生偶有退落後面重行補點亦屬事理
之常但須先立章程如廣州府學落點者埃府學點
完將應落名數補點一次倘再不到卽應俟點旗籍
等學候旗籍有補點者再爲點進不得亂請補點其
餘三門以次遞推其有不遵或至喧鬧者記其試卷
名字俟應送膳錄所時暗行扣除不發膳錄各生聞
之必知懼戒絕不敢任意遲延矣大畧如此祈憲台
札飭藩司妥爲辦理并札提調查照以上情節均須

藩司列入告示內使遍行知悉方妥

一點名封門後貢院周圍牆外應派當差之各營弁兵等均應照王補帆中丞所定章程一概不准在柵欄內住宿以杜傳遞挾帶文字之弊每晚仍照前科議定請藩臬運糧四司道輪流在貢院牆外巡察至柵欄應設何處營員應在何處不得攙越科場廳方功惠當知其詳可以傳問

一三場點名上科分開三門曾添派候補道一員會同辦理惟龍門前士子之點進者及監臨提調監試各

項人役在彼伺應者人數衆多擁擠喧嚷加以號軍雜役人等隨時出入雖有科場廳及小委員等究難彈壓若不量爲變通殊非慎重關防之道此次擬請憲台仍添派文道星瑞前往開點時每門司道二人現在司道及提調監試已有六人再添一候補道便有七人應請藩臬兩司專在中門運司會同候補道專在左門糧道督同監試劉守專在右門其龍門前設公座一張提調專司稽察如京城稽察接談換卷之式凡點進者飭令委員分別東西兩路照卷號各

歸號舍勿得由中路行走不特各生不敢滋鬧卽闈
內各項人役亦不敢喧嘩矣江南歷科係監臨親坐
龍門前粵省情形不同監臨仍應在中門設座以便
三面統屬有提調在彼亦足資彈壓也至添派候補
道點名所費不過飲食幾頓科場廳毫無所苦

一管山水及挑水夫委員須精明能幹之員要在能恩
威并用而又不過於刻厲者科場人衆不嚴不能彈
壓過嚴恐滋事端此層科場廳知之最悉應便中預
傳方丞問明設法料理免似上科混鬧致水槽均爲

夫役等損壞也

一科場廳專司供給又有三小委員隨同照料足勝其任上科星衢中丞忽添陳倅入闈其實絲毫不能幫忙反多出一分伙食蘇東坡云養馬者馬瘠則添一人以牧之而馬更瘠愚見諸事責成科場廳自可不致延誤何用多此無用委員耶應請憲台裁去爲幸

一膳錄一事粵中俗例官有賞耗膳錄生均賴此以資用度上科監臨出闈後華樵雲欲裁減賞銀致各膳錄生擁衆數百人鬧至科場廳打毀門窗毆傷僕役

樵雲閉戶不理該謄錄生直闖至提調堂監試堂喧嘩滋鬧職道親帶至公堂委員坐堂彈壓言明次日一准將賞銀照發該謄錄生等猶不見信當出印示粘貼頭門一面飭令委員將各謄錄生押出頭門以外事雖平靜而局面大損矣問方功惠便知其詳嗣經王補帆榜後訪出書吏數人枷示究竟此等例賞行之日久何必裁革此科應由提調及科場廳先行出示曉諭以免饒舌至謄錄官四員由提調酌派實任州縣因該員等尙另有賞項應於分派時嚴飭各

員照舊辦理毋蹈前此故轍也乞憲台便中先爲提
及俾司事者知所做

一三場坐號戳及彌封雙單紅號各木戳前次送進闈
內者大半破壞不堪使用此次應請憲台先飭科場
廳傳諭司事人員等毋得再照上次樣式職道抵省
時再行嚴飭

一剔弊固宜認真但科場人衆總求其平安無事最好
上科藩司面諭巡綽官如果挈著鎗冒立予委署二
場卽有巡檢趙燮和查獲鎗手盧雲秋一案趙燮和

命下之州生不... 卷三
旋卽稟委一缺此次各巡綽官必有加意搜訪希圖
得缺者竊恐稍不慎重轉致滋事似應告知藩司毋
庸先行特諭如真有的實鎗冒自應立刻稟拏提調
官必能斟酌辦理也

一 至公堂傳事佐雜記得派委六員一應事務及夜晚
火燭最爲緊要必任怨任勞方可無誤然大半皆係
求情而得以此處委員日在監臨提調監試之前可
以露面且事竣卽得優獎也苟非其人諸事呼應不
便提調喫苦矣上科如試用鹽經歷張克興候補鹽

大使錢嵩齡現署番禺縣典史吳志澐皆極妥當其餘實無可取吳志澐已委缺應毋庸議張錢兩員請憲台留心便問運司有無別差現屆仍可派人否此外如有堪以差委埃職道到省再為稟知現在未便指明請藩運司派委以免嫌疑想憲台亦以為然

一上科闈內添進善後局勇丁每夜輪流在各處巡察

以防火燭等事

記得是二十名光景

此次應照上年章程添入

歸提調監試管轄但須飭令局員檢派誠實不懶惰之人并不吸鴉片烟者為妙出闈時由提調飭知科

場廳酌給賞耗所費有限而得益實多

以上各條就其最要者畧陳大概其餘一應事宜
皆係提調專責俟到省時酌量稟知而行斷不稍
避勞怨所陳如蒙採納卽乞隨時告知司道施行
尤爲叩切

札飭肇慶府委員前往確查舉人謝達庭控告案

同治十二年

八月十九日

爲札飭事現准藩司移開同治十二年八月初四日奉
廣東巡撫部院張批據高要縣舉人謝達庭遺抱謝康
赴轅呈稱緣石狗墟文通書院係廣甯四會兩縣建造
爲歷年延師課士之所本年該處紳士聘舉人掌教書
院下帷課誦餘事不知突於閏六月二十六日廣甯縣
江令到鄉催糧向日官到俱由該處地保備辦公館不
料公館湫隘不遂官意是日遣差到書院聳言卽要搬

徙瞬息之間江令已到胥徒僕從並壯勇數十蜂擁而
來責令舉人師徒概行搬徙時天已傍晚遷徙不及舉
人回明催糧公館向由紳保籌辦倘決意借住亦請俟
明日遷移詎江令賦性乖張以爲有意違阻登時辱罵
親手褫舉人之衣押令匍跪不容分說將籤筒親行擅
打舉人手掌三板立命驅逐並嫌館僕遲搬杖責數十
幾無完膚似此憑藉官勢凌虐師紳竟不類官長所爲
實屬不知政體村思書院爲教讀所居搬遷亦非一刻
之事舉人忝居西席爲所迫逐致主僕俱被刑責在江

令且暴且狂罔惜斯文掃地舉人無辜無罪何堪畢世
蒙羞經叩府主道憲藩憲奉批抄粘迫將憤抑瀝訴憲
轅乞請撤究按律定擬庶士氣獲申官方愈肅切赴等
情奉批據呈廣甯縣江合因借住書院不遂輒將該舉
人擅行掌責如果實情殊屬不合查閱粘抄案經由道
批府委查仰布政司移行該道府迅飭委員確切查明
據實稟辦毋延粘抄並發又是月初五日奉兩廣閣督
部堂瑞批據高要縣舉人謝達庭遭抱呈控同前情奉
批查閱粘抄案經由府委員往查仰東布政司會同按

察司卽飭肇慶府轉飭該委員秉公確查據實通稟核
辦仍將委員銜名先行具報粘抄并發各等因奉此除
札肇慶府卽飭委員秉公確查據實通稟察核仍將委
員銜名先行具報外合就備移爲此合移貴道希爲一
體檄飭遵照施行等由到道准此合就札飭札到該府
卽飭委員秉公確查據實通稟察核仍將委員銜名先
行通報毋違此札

請將肇慶府屬州縣官聲詳細開一清單以便叅

核密稟兩院致肇慶府瑞南星太守書

同治十二年十

一月二
十四日

案奉閣督憲行知每年三月九月將各屬人員出具切

實考語親繕清摺密稟歷經遵照辦理本年九月應屆

密稟之期弟提調入闈十月初一日始行回署未克如

期具稟十一月十三日奉到閣督憲札知于所屬府州

縣務須隨時認真考察將操守才具政績聲名隨事詳

明聲敘切勿為人受過等因奉此現擬補具九月密考

稟摺該州縣等平日居官行事弟處亦會留心訪記第
恐耳目有限孰賢孰劣或尙不能周知因思閣下表率
屬僚查察較更親切卽祈將所屬州縣官聲若何於日
內詳細示知只須開一清單密封遞下俾得叅核入稟
不勝禱盼除羅定兩屬另函達知饒刺史外專此佈臆
云云

嶺西各屬州縣考語未能按期稟報緣由上

瑞節相張

中稟 同治十二年十
二月二十日

敬稟者本年十一月十三日奉憲台札開照得本閣督部堂前因各屬牧令動隔千數百里其政事勤惰心術賢否誠恐采訪難周當經札飭各道府直隸州將所屬人員隨時留心考察於每年三月九月出具切實考語親繕清摺密稟以憑考註近來據各道府直隸州稟呈所屬考語能秉公甄別切實填註者固不乏人而以浮泛之詞草率塞責者亦復不少若非見好屬員有所瞻

顧卽係視爲常套漫不經心大非本閣部堂慎重地方
考覈人才之意札道卽便遵照嗣後于所屬府州縣務
須隨時認真考察逐一存記迨出考時不厭詳明切實
等因奉此查本年三月分道屬府廳州縣密考業經職
道繕摺密稟在案計自夏秋以來所屬州縣時有更調
而職道又奉文提調秋闈在省從公將及三月直至十
月初間始行回肇離署多日於所屬各牧令之到任未
久者尙未深知固須逐一考察其未經更動各員是否
能不始勤終怠先後異轍亦須覆加確查方能出具切

實考語是以九月分密考尙未繕報奉札前因職道竊思州縣之賢否勤惰各府州爲親臨上司耳目更近自必有真知灼見若采之於該管守牧然後參以職道平日所聞之政聲現在所見之事蹟互相印證似覺更臻周妥查前署肇慶府蔣守羅定州黃牧在任時職道均曾密諭查詢現在亦應查照辦理當經分致肇慶府瑞守署羅定州饒牧密函囑其各將屬內州縣居官若何切實密覆迄今日久尙未據覆到除俟該府州稟覆到日再由職道覆加查核歸入明年三月出具切實密考

卷五

三

繕摺稟報外所有職道九月分出考遲延緣由理合先行具稟憲台察核

嶺西公牘彙存卷六目錄

同治十三年二月初八日起至十二月二十八日止

批羅定州屬州同職唐成舉控為冤枉剖瀆乞委

提訊澈究事

同治十三年二月初八日

批署陽江廳恒林稟查明卑廳已故縣丞童源潤

被傳遠昌跳騙匪兌奏銷銀二百兩

同治十三年二月十日

六日

批恩平縣耆民黃榮集等呈控梁奕靈等焚殺劫

擄兒童封贖無蹤一案

同治十三年二月二十三日

賊匪謝重觀投誠後延不交匪請回明院憲委何

鏡海觀察前往查辦致張石洲廉使書

同治十三年二月二十九日

月二十九日

批署高要縣孫鑄稟訪聞縣屬茶亭街地方恒豫

銀號被劫先行稟報

同治十三年三月初二日

諭告狀人及保家人等

同治十三年三月十二日

致何鏡海觀察書

同治十三年三月十四日

致何鏡海觀察書

同治十三年三月十六日

批廣甯縣吏房典吏歐楨呈控閩蠹聯謀捏欠濫

革粘單呈核

同治十三年三月二十一日

批封川縣民人譚繡賢呈控莫亦成等捏屯作民

差役陳有功攬串嚇詐將該差及賣主禰維然

扭送赴轅

同治十三年四月初八日

批封川縣劉祖慶稟禰童氏控禰士甯等賣屋有

契留錢無憑一案

同治十三年四月二十五日

札飭高要縣派人看守省城魁巷行署情形稟覆

同治十三年
五月初四日

批封川縣劉祖慶稟訪聞卑縣鄉局擅行捆送差

民越訴誣控請飭查辦

同治十三年
五月初六日

批委員補用巡檢葉啓綬稟恩平縣官捐城工銀

兩是否該縣現任分完抑前任慶合一人應解

同治十三年
五月二十日

批調署靈山縣前任恩平縣慶瑞具稟俯賜委員

銷差並請札飭現任恩平縣籌解城工銀兩

同治
十三年五
月二十日

批署羅定州饒世貞申詳東安縣職員申明倫家

被匪行劫拒斃黃德康案查開疎防及二叅職

名分起具詳
同治十三年五月二十日

請將懸賞購拏謝重觀著匪情節回明院憲致張

石洲廉使書

同治十三年五月二十五日

札飭高要縣將肇陽羅道行署後羣房租與李錦

榮等店刻將租部呈繳察奪

同治十三年五月二十九日

伍村防兵單薄現已移商肇慶協添調練兵前往

協助請飭善後局籌備薪糧與府聯銜上

瑞節相張

中稟

同治十三年六月初四日
附瑞節相批

致何鏡海觀察書

同治十三年六月初四日

候補何道函請調撥現駐高要四會之安勇前往

廣甯防堵助剿及現在辦理緣由與府聯銜上

瑞節相稟同治十三年六月初四日
張中丞附瑞節相批

批高明縣舉人楊琳等聯呈三洲墟平碼館一案

等事 同治十三年六月二十六日

致何鏡海觀察書 同治十三年六月二十九日

批高要縣紳士蘇廷鈞等聯呈新江紳士黎翔鳳

等借碾倉穀未還一案 同治十三年七月初一日

批署高要縣孫鑄稟廣甯匪徒竄至縣屬大播村

地方現在鼓勵兵勇鄉團加緊守禦 同治十三年七月十三

二日

批高要縣民張作新等呈控著匪鍾星林等潛匿

未獲三命冤沉等情

同治十三年七月十六日

批署陽江廳施紹文詳廳屬監生李宏勇等家被

賊行劫一案踈防未獲職名開叅

同治十三年七月二十二日

日

批高要縣屬監生伍其烈等呈控著匪鍾星林等

焚劫殺命匪黨仍聚等事

同治十三年七月二十六日

德慶州屬有匪徒擄殺蠢動及現在辦理情形并

請添撥安勇與府聯銜上瑞節相稟同治十三年七月十二日

十六日

批署高要縣孫鑄具稟遵札派人看守省城行署

並羣房收租銀數同治十三年七月二十八日

嚴禁高要廣甯交界窩藏廣甯著匪謝重觀等告

示同治十三年八月初七日

札飭廣甯縣歷次出稟遲延稿同治十三年八月二十一日

批署高要縣孫鑄稟繳省城行署羣房租簿請蓋

印發給收租同治十三年九月初一日

請飭督標六營調撥練兵一百名派委妥弁管帶

幫同高要縣巡緝與府聯銜上兼署督憲張中

丞稟

同治十三年九月初四日
附兼署督憲張中丞批

札飭開建縣將抗拒擄禁把總孫朝安等匪徒嚴

勒挈辦

同治十三年九月初七日

飭高要縣孫署令會同武營嚴飭兵民毋許與洋

人滋事情節稟復兼署督憲張中丞

同治十三年九月十

四日

批十六屬紳士高要縣翰林馬儀清等聯呈爲籌

復倉儲添修武備聯請示遵事

同治十三年九月十四日

批署開平縣吳廷杰具稟卑縣舉人張毓林等聯

保案犯張亞賀並無為匪提訊犯供翻異可否

提出俟覆訊明確再行分別辦理

同治十三年九月十五日

批陽江廳縣丞李瑞杰具稟卑前任童故員被騙

去銀二百兩一項求改為二十年或十六年由

本缺後任攤補歸款

同治十三年九月十七日

批高要縣新江局紳士舉人何公涑等聯名呈控

歸還倉穀

同治十三年九月二十一日

廣甯著匪謝重觀等經何鏡海觀察勦平請專札
優獎并給予儘先記功上兼署督憲張中丞稟

同治十三年九
月二十九日

移督標中營都司分別將調撥練兵一百名會同

親赴較場點名閱看

同治十三年
十月初四日

嶺西地方辦匪情形致張石洲廉使書

同治十三
年十月十

三
日

批署開建縣鄭慶輝稟現因會營督同委員紳士

勒限植村紳耆延不交匪送究情形仰懇飭發

兵勇下縣勦辦

同治十三年十月二十日

德慶州陽江廳地方辦匪情形致張石洲廉使書

同治十三年十月二十四日

請將練兵口糧按日發給致善後局

俊質堂方伯沈輔之觀察

書

同治十三年十一月初三日

肇慶巡緝情形并將高要縣兵勇駐紮巡防地段

清摺稟繳察核與府聯銜上兼署督憲張中丞

稟

同治十三年十一月初三日附兼署督憲張中丞批

批署陽江廳施紹文稟卑廳司獄李季凱瘡患未

痊稟請委員代辦事務

同治十三年十一月初七日

批高要縣紳士蘇廷鈞等聯呈新江紳士黎翔鳳等因防堵客匪借碾倉穀爲公儲久假仍乞嚴追補還以杜脫卸事

同治十三年十一月初九日

批委員候補從九王鏡具稟遵札查明大仁山匪徒情形據實稟覆並將該處山川形勢繪圖呈

繳

同治十三年十一月初二日

札林令兆南飭查嶺西各屬獐狃情形密行稟覆

同治十三年十一月十四日

一月十四日

修理肇慶府城垣工竣日期并收發捐項銀兩數

目與府聯銜上兼署督憲張中丞稟

同治十三年十一月

十八日

委員查覆陽江恩平陽春等廳縣辦理大仁山賊

匪情形與肇慶府聯銜上兼署督憲張中丞稟

同治十三年十

一月二十一日

札高要縣將存餘城工銀一千兩交殷實當舖生

息具領稟報

同治十三年十一月二十二日

飭將羅定西甯勦辦土匪情形查復致署羅定州

杜后山刺史書

同治十三年十一月二十九日

陽江大仁山現有賊匪情形及查羅定西甯有無

匪徒滋事緣由稟復兼署督憲張中丞

同治十三年十一月二十九日

同治十三年十一月二十九日

札陽江廳務將大仁山賊匪搜捕著匪鍾亞喜等

拏獲究辦

同治十三年十二月初一日

批署陽春縣鍾錫綸稟大仁山賊匪經陽江兵勇

攻散現仍會營派撥兵役練勇嚴行防堵

同治十三年十二月初二日

同治十三年十二月初二日

批開建縣民婦陳梁氏呈控汎弁孫朝安為挾嫌

誣攀陷良為匪乞恩提訊以釋無辜事

同治十三年十

二月二十一日

批高明縣監生關兆龍呈控都含汎官李超龍捏

佔營地一案

同治十三年十月二十一日

開建縣植村匪徒擄禁汎弁孫朝安并殺斃兵丁

一案情節上兼署督憲張中丞稟

同治十三年十二月二十

八日

陽江廳舉人鄧琳等具呈請撥兵剿辦大仁山賊

匪情形并據羅定州稟稱該州并無西匪竄擾
惟前經從逆匪犯尙有數十名未獲緣由上兼

署督憲張中丞稟

同治十三年十
二月二十八日

卷四
公履身存

嶺西公牘彙存卷六

定遠 方濬師 子嚴

批羅定州屬州同職唐成舉控爲冤枉剖瀆乞安

提訊澈究事

同治十三年二月初八日

案經迭次批行確訊究辦昨復據該州以查得該職之子唐士瀆向來不法與賊交通檢查案卷並無紳耆保結及黃前州批准摘除案據安勇將該職獲案時提訊供詞支吾並不遵將唐士瀆交出祇以葉成開挾取証陷等詞搪塞飭令供開之紳耆潘燦等赴保亦不敢赴

案保結顯係狡展等情具稟到道核與該職所呈大相懸殊究竟是否該職飾詞圖卸仰羅定州迅卽遵照前批拘傳集訊明確分別究斷詳辦毋稍枉縱稽延切切保領并發

批署陽江廳恒林稟查明卑廳已故縣丞童源潤

被傳遠昌跳騙匯兌奏銷銀二百兩

同治十三年二月十

六日

此案前據該廳縣丞童源潤稟稱該縣丞有匯存傳遠昌店內洋銀二百兩懇請札飭將所封傳遠昌舖屋變價勻抵等情當經批飭該廳查核明確妥爲辦理具報在案茲據稟該縣丞童源潤被傳遠昌跳騙之項先因該前廳余丞亦曾被傳遠昌跳騙匯存地丁銀三千兩嗣僅追變得銀一千三百兩尙追不及原數以致該縣

丞被騙之銀迄未追給現查該縣丞童源潤業已病故
款仍無著若令該故員家屬賠貼正項銀二百兩未免
偏枯若按數追給則傳遠昌已遠逃無蹤此外亦無產
業實屬無憑拘追等情稟覆前來查核所稟自係實在
情形惟該故縣丞被騙之項究應如何辦理方不致有
偏枯如何設法拘追始不致款仍無著之處稟內未經
議及仰卽再行妥議稟覆察核一面飭知該故員家屬
遵照此繳

批恩平縣耆民黃榮集等呈控梁奕靈等焚殺劫

擄兒童封贖無蹤一案

同治十三年二月二十三日

本案昨據該府將提到梁葉燦等發委高要縣審訊兩造供詞各執並委員前往開平縣會同該縣馳赴崑岡村內確查實情及梁奕靈等是否早已病故分別吊放嚴拘及催提未到人證質審各緣由通稟到道茲據呈各情是否屬實仰肇慶府迅卽催提未到人證刻日解府提同梁葉燦等質審實情錄供稟辦一面嚴催趕緊查明分別拘起吊放均毋稍延切切粘抄保領并發

卷之二

三

賊匪謝重觀投誠後延不交匪請回明院憲委何

鏡海觀察前往查辦致張石洲廉使書

同治十三年二月

九月二十九日

昨據署廣甯縣孫令通稟該縣屬妙村積匪謝重觀畏罪投誠經該縣勒令將各匪交案僅據交出卓觀保譚里洪二名餘匪尙多未交現探聞古水地方有匪徒曾亞崙等糾夥圖劫經兵勇將曾亞崙等鎗斃并獲犯陳亞標等三名訊認搶劫屬實又探得曲水地方有匪徒黃亞蒂謝亞長等糾眾索搶情事經兵勇拏獲匪犯鄧

亞苟等二名訊認沿河擄搶不諱并據該縣附稟以黃亞蒂乃係陳瓊林之外甥謝亞長卽係陳瓊林購挈謝重觀之線工迭據厚田村黃如金等以該匪等窩聚陳瓊林家糾集江積村匪徒焚殺擄捉等詞赴縣稟控惟查謝重觀因伊妙村與江積村相隔數里時虞陳瓊林夥黨背約謀害所有著名悍匪堅匿不交誠恐藉詞推延養癰仍復貽患再四思維惟有請將陳瓊林調開一法擬請函致鄭鎮軍將陳瓊林調赴行營差遣此後謝重觀匪黨如有勒索搶擄情事卽責令謝重觀交案使

其無可藉口各等情到道據此查謝重觀兄弟四人多年積賊近復招集匪黨借與陳瓊林仇鬪肆出滋擾而所藏匿處所又恃深林密箐山路處處可通兵勇難以搜捕是以歷任文武設法拏辦總未得手究竟該匪心腹黨羽不過數十人自宜跟蹤購線重懸賞格并責成該匪親族勒限緝獲盡法懲治方可稍安閭里孫署合志鈞去秋委署廣甯弟在省中卽告以此案爲該縣緊要之舉該署令抵任後卽行募勇集團頗覺踴躍但銳意招撫冀先散其黨類俾就範圍無如此等匪犯狼子

野心名雖悔罪投誠實則毫不悔改今果遷延日久所有著名之匪一概不交只以卓觀保等二名送官搪塞其中情偽不問可知孫署令正月在肇慶時曾面稟去冬謝重觀央求紳士帶其來見乞恩經該署令曉以利害伊亦俯首無詞并敘及陳瓊林亦係狡猾之匪若置而不問必爲民害弟當答以如果謝匪肅清自可次第辦理陳姓股黨復詢其刻下招撫謝匪能否確有把握該署令則含糊答應是亦知其投誠真偽與否不能料定也至陳瓊林一犯不過因其就撫歷任從寬未究乃

敢暗結戚好黃亞蒂等仍事搶劫庇匪窩贓如果情真
自應與謝重觀等一律查辦雖據該署令稟稱謝重觀
與陳瓊林仇鬪兩村相隔數里時虞陳瓊林背約謀害
因而延不交匪不知械鬪只爲兩家之事謝重觀糾眾
搶擄控案不一而足斷難藉口於兩姓仇讐置被害諸
家於不顧加以近日古水地方又有劫案該署令稟中
既謂與謝無干而又接敘謝姓被控累累必須將各案
要犯交縣似曾陳等犯恐未必非謝姓一黨今謝重觀
事尙未就緒與正月間該署令面稟情形迥不相同忽

又請將陳瓊林調開萬一陳瓊林亦效謝重觀所爲不受束約甚至激而生變是一波未平一波復起必致跋前疐後不可收拾彼時卽嚴予地方官處分亦屬於事無濟查何鏡海觀察現在恩平督辦各起匪案屢次接其信函不日可以蒞事彼處勇力頗厚擬請閣下謁見院憲時順將前情回明可否就近委令鏡海觀察俟恩開事畢便道前赴廣甯督同文武認真查辦倘謝姓等匪真心畏罪立將著名各犯儘數交出地方一律平安該署令自可酌量爲之乞恩聽候憲示倘該匪等怙惡

不悛亦卽立予勦拏庶可一勞永逸也管見所及謹此
佈陳

廣西公履身左

七

批署高要縣孫鑄稟訪聞縣屬茶亭街地方恒豫

銀號被劫先行稟報

同治十三年三月初二日

據稟已悉該失事地方去城頗近捕官汎弁平時漫不
經意視緝捕爲具文以致匪徒肆劫殊堪痛恨該縣疎
於防範亦屬咎無可辭仰肇慶府飭卽會營勒限兵役
加懸重賞廣購眼線務將本案賊匪剋期弋獲毋得稍
事玩泄一面先將勘驗情形另文通詳察核仍候兩院
憲暨臬司批示此繳

命世公別名在

ノ

諭告狀人及保家人等

同治十三年三月十二日

諭告狀人及保家人等知悉嗣後爾等赴轅呈控案件務須取具切實保領粘連呈繳一面在保家寓所聽候批示如奉傳訊卽行赴案不得遠離該保家一經出保卽須著令該告狀人在寓靜候毋許逃匿倘傳訊不到定將該告狀人及該保家分別拘究押交至告狀人赴代書處蓋戳時該代書須查詢保家的確方准蓋戳如蓋戳後將來查得保家不實卽惟該代書是問均毋有違干咎特諭

卷之二

十

致何鏡海觀察書

同治十三年三月十四日

昨奉兩院憲札知閣下會辦恩開賊匪已有頭緒而廣甯積匪謝重觀一事又須借重長才移師查辦足徵能者多勞上游倚重曷勝欽佩想尊處日間亦必奉到札行矣此事始末原委院札內已畧言大概閣下到彼後吊閱縣卷訪察情形自能更知詳細毋俟弟爲縷述總之謝重觀等乃多年積匪肆擾鄉閭必須乘此兵威爲一勞永逸之計第該匪所居之地林深箐密八達四通往往此挈彼竄搜捕亦殊不易所恃閣下謀勇兼資無

論是何盤錯一經大匠經營當無不迎刃而解也除另
備公牘移知外合先奉佈

致何鏡海觀察書

同治十三年三月十六日

昨以閣下奉調移師廣甯一事會布寸楫想不日卽登
籤閣矣頃聞李主簿肇慶旋郡齎奉手函誦悉種切恩
開交界處所遇有失事往往互相推諉捕務因此廢弛
匪徒卽因此而愈形膽大今得大才勘定劃清疆界并
爲議設兵房望樓派兵駐守俾該縣等此後各有遵循
不致再行爭執賊匪可期斂跡行人咸免戒心凡此布
置周詳實屬功德無量感佩何可言喻專此奉復

日本書紀卷之二十一

二十一

批廣甯縣吏房典吏歐楨呈控閩蠹聯謀捏欠濫

革粘單呈核

同治十三年三月二十一日

前據該縣以該革吏虧挪征收糧米銀兩逃匿不繳實屬膽玩應請卽予斥革拘追究辦等情通詳到道當經批行遵照在案茲據呈該革吏並無虧欠公項如果屬實該縣何致平空詳辦核詞殊覺不近情理仰肇慶府迅飭廣甯縣立將該革吏拘追究辦一面查明所控各情究竟有無其事刻日稟覆察核均毋任延切切粘單并發

卷之二 履身不

三

批封川縣民人譚繡賢呈控莫亦成等捏屯作民
差役陳有功攬串嚇詐將該差及賣主禰維然
扭送赴轅

同治十三年四月初八日

據呈該民父所買禰楚揚等稅田向係完納民米被莫
亦成等捏屯作民強索錢文勒寫單據復被縣差陳有
功攬串嚇詐等情果否屬實有無別情既據該民將差
役陳有功賣主禰維然扭解赴轅應卽委員確審除將
解到之陳有功等連該原告一併發委高要縣提訊外
仰肇慶府迅卽一併轉飭高要縣立提原被人等確審

實情錄供稟候核辦仍轉行封川縣知照毋延切切粘抄保領并發

批封川縣劉祖慶稟禡童氏控禡士甯等賣屋有
契留錢無憑一案

同治十三年四月二十五日

此案去年十一月二十三日據禡童氏呈控該縣將伊
夫禡志通拘押并有門閹蕭子貞受賄圖詐等詞當經
批府轉飭查案稟覆迄今日久該縣并未具稟今此稟
內稱奉本府札奉藩司轉奉憲臺批等語又有奉藩司
札轉奉憲臺批字樣似非稟本道之件究竟係稟何衙
門該縣辦理公事自應一一屬目何以疎忽若是仰肇
慶府迅飭查明限文到三日內稟覆察核毋再延玩此

卷之七

繳

一

札飭高要縣派人看守省城魁巷行署情形稟覆

同治十三年

五月初四日

爲札飭遵照事照得省城歸德門內魁巷地方向設有
肇陽羅道行署一所先經前道諭飭駐省長班黃俊看
守并於行署後之孚通街設立羣房六間出租與人其
租銀卽給與該長班作爲看守工食及修葺行署之用
乃該長班近年輒將行署私行出租於中取利并不赴
道具稟殊屬膽玩亟應將其斥退另行派人看守合就
札飭札到該縣卽傳遵照選派誠實可靠之人前往省

城魁巷肇陽羅道行署打掃潔淨妥爲看守聽候本道
因公晉省駐紮不准踏黃俊故轍私租與人其行署後
羣房租銀仍照向章給與看守之人作爲工食及修葺
行署之需所有行署內門窗等件及羣房現在租與何
人每年租銀若干均令黃俊指點明白交代清楚勿任
顛預仍將所派看守之人姓名及辦理情形稟覆察核
毋稍違延切切特札

批封川縣劉祖慶稟訪聞卑縣鄉局擅行捆送差

民越訴誣控請飭查辦

同治十三年
五月初六日

查本案前據該縣民譚繡賢赴道呈控并將差役陳有
功賣主禰維然扭解前來當將原呈批示并將該差役
陳有功等發委高要縣審訊隨據委員署高要縣孫令
將訊過供詞稟覆到道聲明該差陳有功果否串同業
主禰維然藉端訛索似應解回封川縣提同先向譚繡
賢訛索業已得錢之屯差莫亦成分別訊究等情又經
批行飭將該差陳有功等解回該縣提傳集訊究報并

札飭該縣遵照在案茲據稟前情仰肇慶府飭俟高要縣將差役陳有功等遞解到日迅卽提傳原被人證集訊明確分別究報至該縣所稟局紳伍國華包攬詞訟應行摘案詳請斥革并請逐令出局暨將局一併裁撤等情應俟此案訊結時由該縣通稟聽候核辦可也此繳

批委員補用巡檢葉啓綬稟恩平縣官捐城工銀
兩是否該縣現任分完抑前任慶令一人應解

同治十三年

五月二十日

該員經道府再給札文守催署恩平慶令派捐城工銀
兩自應催其趕緊解繳清楚卽慶令不肯完解亦不妨
據實稟知聽候核辦茲稟稱卑職未諳前項銀兩是否
該縣現任分完抑慶令一人應解等語試問如係該縣
現任分完又何必特委該員守催乎此等浮滑取巧之
詞恐未必出自該員之手仰肇慶府仍飭該員前往速

卷四十五 廣身存

催慶令完解毋得諉延可也此繳

批調署靈山縣前任恩平縣慶瑞具稟俯賜委員
銷差並請札飭現任恩平縣籌解城工銀兩

同治

十三年五月二十日

查該縣欠解官捐修城工銀三百兩屢催屢延現經委員守催復以交卸爲辭請飭後任籌解不思該縣在任日久按限早應清完豈能推歸後任實屬不知大體仰肇慶府迅飭前署恩平縣慶令速將欠解前項官捐城工銀兩趕緊如數籌解清楚以應要需毋任再延切切此繳

卷之六

二

批署羅定州饒世貞申詳東安縣職員申明倫家
被匪行劫拒斃黃德康案查開疎防及二叅職
名分起具詳

同治十三年五月二十日

查向辦開叅之案如係該州本屬案件卽由本道核轉
如係東安西甯兩縣案件卽由該州徑詳臬司核辦並
照造一分詳道以便本道將統轄職名移司彙叅今東
安縣事主申明倫等被劫一案據該州將疎防及二叅
職名分起具詳到道查閱詳尾並無除詳臬司字樣究
竟曾否經詳臬司亟應查明分別辦理仰卽遵照指飭

情節刻日查明稟覆察核一面轉飭東安縣移行勒緝
贓賊務獲究報均毋稍延切切此繳

請將懸賞購拏謝重觀著匪情節回明院憲致張

石洲廉使書

同治十三年五月二十五日

竊照廣甯縣屬積匪謝重觀投誠一事前奉兩院憲札
委何觀察前往查辦嗣接何觀察來函以謝重觀延不
交匪其非真心投誠可知不能不嚴拏究辦誠恐該匪
竄往別處業經懸賞購拏并札飭隣近之高要等州縣
認真查緝囑爲一體加札等因當經分札高要德慶四
會清遠各州縣傳諭鄉團實力堵捕去後昨據署高要
縣孫令面稟該令已諭鄉團遵照一面會營馳赴祿步

一帶查拏旋有祿步司屬五村地方紳士項汝敦赴該
令行署稟知日前謝重觀帶有匪黨數十潛匿該處村
外并致該紳一信著令十人攜至該紳家內投交此十
人均各攜帶口袋其信內大致係言該鄉現在舉行團
練伊等夥黨共有數十人堪以應募充勇現因口糧不
繼是以著令十人前來請發糧米或借或買均無不可
該紳當以團練乃本地方公事毋須招募外來之人糧
米則家無存儲無憑借賣至爾等現在身上有事未便
函覆等詞向此十人告知而散現聞謝重觀等業已竄

往他處連日復聞人言該匪欲逃往西省懷集地方或
又云該匪斷不能離其窩巢過遠東逃西竄無非總在
附近各處如能加懸重賞必易就擒等語查該匪狼子
野心性情反復現經何觀察星羅棋布其勢已窮自當
一意主勦不必再事招撫惟何觀察原出賞格花紅止
千五百元之數弟現與肇慶協刁協戎及高要縣孫署
令商令酌添五百元妥爲設法購緝重賞之下必有勇
夫或能將該匪挈獲亦未可定尙祈閣下於謁見兩院
憲時便中將此情節代爲回明是所至禱

卷之二

三

札飭高要縣將肇陽羅道行署後羣房租與李錦

榮等店刻將租部呈繳察奪

同治十三年五月二十九日

爲札飭遵照事案照省城歸德門內魁巷肇陽羅道行署向派駐省長班黃俊看守嗣查得該長班近年將行署私行出租於中取利并不赴道具稟殊屬膽玩當將該長班斥退札飭該縣另行派人前往看守并將行署後之孚通街羣房六間租銀給與看守之人作爲工食及修葺行署之用在案昨據該縣面稟已派戴姓家人前往看守并追出羣房三間之租簿三本呈繳尙有羣

房三間租簿未據繳到又據駐省黃俊之幫辦李陞繪具行署圖形一紙及將羣房六間每間現在租與何人租銀若干開具清單一紙繳送到道并據稟稱行署向有打掃夫一名并無工食只有署後至孚通街餘地一段給與該夫作爲棲止之所經伊故父捐買建就上蓋著令伊弟李安在該處開張明珍眼鏡店兼當打掃夫之役今奉查詢理合據實稟明乞恩仍准伊弟李安充當打掃夫之役等情查現開之明珍店原在羣房六間之內應與各羣房一併由看守行署之人收租其打掃

夫之役卽由看守之人司理毋庸再令李安充當至看守之人每月准給工食銀五兩卽於收得各店租內扣支餘存銀兩繳送該縣存貯留作每年修葺行署之用仍令該看守家人將收支數目按月稟報該縣備查其餘存銀兩亦卽隨稟繳送毋得停前待後致有侵挪合就札飭札到該縣卽便遵照札飭事理轉諭該看守家人及該駐省幫辦家人一體遵照并飭將租與李錦榮存生堂明珍等店羣房租簿一併繳送該縣呈候察奪毋違特札

卷之二

三

伍村防兵單薄現已移商肇慶協添調練兵前往

協助請飭善後局籌備薪糧與府聯銜上瑞節相張

中稟 同治十三年六月初四日
丞稟

敬稟者竊職道等日前曾將廣甯匪徒鍾星林等糾合謝匪竄擾高要縣屬之大播村當經駐防兵勇鄉團協同堵擊獲勝情形及高要縣孫署令親赴該處察看匪情相機辦理各緣由馳稟憲鑒在案茲復據孫署令稟稱探聞該匪等被擊後仍竄回廣甯大林尾青塘頭等處山林內分匿并聞何道現擬撥勇搜山惟該處竹山

深茂觸處可通匪等勢急計窮難保不再行竄突查交界地方路徑雖多而河口墟伍村兩處最爲扼要鄉團雖眾必須兵勇當前方能作其勇敢之氣現在河口墟已有安勇駐紮似可無虞惟伍村一帶尙屬空虛擬請移撥協標練兵五十名前往防堵事竣卽行裁撤等情據此職道等伏查該匪等行蹤飄忽往來靡定何道現在廣甯石澗一帶駐紮一經搜山難保不再行竄越河口墟有守備周夢熊駐紮彼處安勇百名素稱得力防禦自可無虞惟千總譚德廣在伍村駐防所帶兵丁無

幾未免過形單薄該署令稟請添撥自係實在情形現
已移商肇慶協刁副將迅調練兵五十名派撥妥弁管
帶前往協助防堵以壯聲威而昭周密除再嚴飭在事
各員弁協同鄉團實力堵擊毋稍鬆懈外理合據情馳
稟憲臺察核俯賜札飭善後局照章籌撥新糧以副支
應實爲公便

附瑞節相批

現據肇慶協稟撥兵五十名於十六日起程馳赴大
逕地方交千總譚德廣管帶會同高要縣孫署合督

率兵勇鄉團堵擊聲明此次弁兵所需薪水口糧請
照東莞辦案練兵章程先由高要縣墊支按月由縣
領回歸款等情當經批回并飭善後局核明移行遵
照具報察核在案據稟前情仰卽嚴飭高要縣孫署
令會同在事員弁督率兵勇鄉團確探匪蹤約會黃
遊擊等官軍合力勦捕務將該匪掃數撲滅毋稍鬆
懈仍將剿辦情形隨時稟報察核暨候撫部院批示
繳

致何鏡海觀察書

同治十三年六月初四日

五月晦日佈覆公函一件又另信一件交原差齎回知
邀青及初四早展閱六月朔所寄手教備悉種種石澗
橫逕兩處經臺端督飭紳耆認真團練該匪必可斷絕
昨周守備拔營前往分界後據孫署令鑄稟稱和舍地
方另有路逕不可不防復商之刁用庭協戎派外委馬
帶兵十五名在彼駐紮以便防禦偵探又刁君處
有一探人密稟謝三觀仍在妙村四觀則藏匿於高坑
之上三箇竹山內行蹤無定意欲給以一月之限分派

心腹百人隨時隨地查察一得實耗百人合而圍之并須拌三五性命或可就擒蓋此探的知謝三觀僅死黨二三十人也一月口糧約在二百餘金所言如此真否不能逆料頃晤刁君屬再詢此探人如果稍有把握或將此人遣赴廣甯叩見吾兄斟酌辦理弟在郡未敢遙揣遇有聞見自當佈達左右以備審度新單枝手一匪係客家久應拏辦現囑孫署令設法覓線再加以些須花紅似可得手祿步墟處尙有一楊姓以賊歸正近已捐納六品職員聞該處紳士疑其通匪日前孫署令諭

之來城曉以大義刻下辦事只須就謝匪一家而論餘則不宜過舉恐起疑生衅讀來示先收人心次問賊黨八字與鄙見適合佩服無旣所冀堅持定見一意主勦小小么魔奚難弋獲哉嗣後賜函務祈將某日接某日信示知俾免舛誤爲禱

卷六

三

候補何道函請調撥現駐高要四會之安勇前往

廣甯防堵助勦及現在辦理緣由與府聯銜上

瑞節相稟 同治十三年六月初四日

張中丞

稟

敬稟者竊照廣甯縣積匪謝重觀赴縣具稟投誠一案

先奉憲臺會同督撫憲札委候補何道會同黃遊擊增勝

督帶兵勇前往查辦嗣接何道迭次來函以謝重觀屢

傳不到又復延不交匪其非真心投誠可知亟應嚴拏

究辦現已懸賞購緝并札飭鄰近之高要等州縣認真

堵捕囑爲一體加札等由職道等當經分飭德慶高要

員百八員食字

卷四
四會清遠等州縣諭令各鄉團練實力防緝旋據署高要縣孫鑄稟報已飭鄉團遵照一面會營馳赴祿步一帶查拏五月十五日有匪徒三十餘人在相距伍村十餘里交界處所屯聚經鄉團人等聞報會齊往捕業已逃竄無蹤是日據報洞頭村亦有廣甯匪徒三四十人竄至卽飭該處巡防兵勇率練圍拏該匪等在山頂看見卽四處逃竄兵勇用鎗轟擊斃賊二名又追獲溫水保等五名提訊據供聽從鍾星林卽單枝手糾邀前來欲圖擄搶致被拏獲伊等並非謝重觀夥黨等語是否

狡展容再研訊確供拘黨併究現在交界各村并無匪蹤團練尙屬踴躍業已酌留勇丁隨同坪水汛弁馬超揚會同安勇駐紮適中之河口墟督率鄉團隨時巡緝該署令卽行回署等情又接何道函開彼處現經督勇進剿兵力不敷請札調現駐高要之安勇進紮廣甯高坑地方杜其潛竄其現駐四會之安勇亦望札調前來助剿以厚兵力等由職道等當與高要縣孫署令及管帶安勇之周守備夢熊面爲商酌本應卽將安勇調赴高坑駐紮惟查此起安勇現紮高要之河口地方尙未

撤防若將其調往高坑未免過遠萬一匪徒竄至恐難策應且查高坑地方崇山峻嶺難以紮營而該處八達四通亦復難於防禦但安勇駐紮之河口墟與廣甯相去太遙爲高要防堵計則可爲何道調遣計則又不便展轉思維惟有將安勇酌調五十名馳赴高要廣甯交界之分界地方駐紮則地處適中兩處均可招呼得到職道等當卽諭飭周守備刻日拔營前進其現駐四會之安勇亦經札飭該縣烏令查明如無防堵緝捕要務可以調開卽行移知帶兵官帶往何道行營聽候調遣

并經函覆何道知照在案除知會肇慶協刁副將札派
弁兵分赴交界地方一體認真堵捕外合將何道請調
安勇及現在辦理緣由具稟憲臺察核

附瑞節相批

昨據高要縣稟有廣甯匪徒竄至洞頭村經兵勇團
練圍拏斃賊二名追獲溫水保等五名當經批回嚴
密巡防并提犯訊供查拏供開之鍾星林究辦并據
肇慶協稟報已飭德慶開建兩營守備文德汎把總
在於廣甯交界防緝各在案據稟前情仰卽飭令周

守備督率安勇在於高要廣甯交界地方實力防堵如遇謝重觀等竄至立即奮勇兜擒務獲解辦毋稍鬆懈仍候撫部院批示繳

批高明縣舉人楊琳等聯呈三洲墟平碼館一案

等事 同治十三年六月二十六日

昨據委員署高要縣孫令稟稱奉本府札委前赴高明縣查辦平碼館一案遵卽馳抵該縣之三洲墟地方會同吳令傳集三坊紳士秉公訊問惟該紳士互有私心各執己見上中兩坊則以貨物滯銷爲詞必欲添設五家下坊則以把持壟斷爲詞必欲革除五家斷令公辦公分兩造均不情願現與吳令商酌擬將先開之慎安等七家及續添之吉安等五家一併革除另行招充以

免爭競并聲明另行會同吳令詳細稟候示遵等情惟
現尙未據該縣等會稟到道究竟現在作何辦理仰肇
慶府迅飭該縣等刻卽詳細會稟察奪毋稍稽延切切
保領並發

致何鏡海觀察書

同治十三年六月二十九日

四月二十四及五月初十四等日三奉惠函當於四月二十八及五月十三十八等日先後泐復計期早應遞到惟現於五月二十六二十八等日兩接來書未經提及不識前後數函何時收閱除面諭署高要縣孫令嗣後發遞文信嚴飭前途不准稽壓外仍祈查明示悉承囑調撥高要之安勇前赴高坑一節二十九日瑞守與孫令同到弟署述及高坑地勢四通八達難以紮營欲在適中之分界地方防禦庶兩面均可照護瑞守并

面請與弟聯名函覆尊處頃已由府縣知照周守備夢
熊將河口駐勇拔營馳赴分界駐紮如得有該匪逃竄
消息卽祈隨時札飭周守備合其妥爲辦理四會所留
安勇弟已飛札烏令趕緊酌量情形逕稟臺端察核此
間每奉手教無不與府縣商酌料理斷不掉以輕心或
有力不從心之處務祈格外原宥總之此股匪徒宜剿
而不宜撫若未懲創而遽議招安無怪其猖獗日甚非
仰仗聲威恐後患竟無底止矣得手之遲速請萬萬勿
庸過慮歷閱尊處稟院各稿洞中機宜且部置隱密以

情事揣之似無不獲之理也來示以現在進兵飭令斬伐竹木并令停止收割兩端原係正辦且亦萬不得已之舉使弟當事亦不能不如此辦理乃外間傳說以收割之際勢難久停竹木皆民產又不無愛惜爲詞當此棋布星羅間不容髮之候豈可因浮言稍形搖動然既有所聞不敢不據實奉告弟與閣下一見傾心最稱投契想大君子必能審度而善處之以後辦理情形仍希隨時見示爲荷

卷之八

三三

批高要縣紳士蘇廷鈞等聯呈新江紳士黎翔鳳

等借碾倉穀未還一案

同治十三年七月初一日

據呈新江紳士黎翔鳳等借碾倉穀延不買補還倉殊屬疲玩仰肇慶府迅飭高要縣諭令該新江紳士黎翔鳳等刻日將前借穀石如數買補歸還以重倉儲而備緩急勿任再行延宕切切保領并發

荀子之別學不

三

批署高要縣孫鑄崇廣甯匪徒竄至縣屬大播村

地方現在鼓勵兵勇鄉團加緊守禦

同治十三年七月十

二日

據稟及另單均悉廣甯匪徒由周坑地方竄至該縣屬之大播村經千總譚德廣等督率兵勇協同鄉團迎擊該匪等竟敢拒捕傷勇實屬罪不容誅現在該匪等既已竄往苦竹坑及大播附近屯聚亟應跟蹤追捕以免遠颺仰肇慶府迅飭高要縣會督兵勇激勵鄉團分投追勦務期棍株淨絕以靖地方毋稍疎懈至稱該縣在

防兵勇無多深恐未能兜擒候卽函致何道臺撥兵會
剿可也該府併飭知照仍候兩院憲暨藩司臬司善後
局何道臺批示此繳

批高要縣民張作新等呈控著匪鍾星林等潛匿
未獲三命冤沉等情

同治十三年七月十六日

廣甯匪徒鍾星林等搶劫滋擾業經廣甯高要兩縣官
兵合力勦捕斷難任其漏網至詞稱楊大光等包庇結
黨致該匪肆劫蘇永秀等家並殺斃張亞黃等三命既
經獲犯溫水保等供開係楊大光主使劫殺何以該縣
並不將其挈究核詞恐有不實總之楊大光等係屬客
籍現值辦匪團防土客宜和衷共濟不可節外生枝致
生嫌隙惟所控究竟是何實情仰肇慶府迅飭高要縣

刻日確切查明分別辦理具報一面會督兵勇激勵鄉團認真堵捕務將該匪鍾星林等悉獲究辦毋任竄逸切切粘抄保領并發

批署陽江廳施紹文詳廳屬監生李宏勇等家被

賊行劫一案疎防未獲職名開叅

同治十三年七月二十二日

日

查擄人勒贖開叅之案向辦均係文武各自開報緣叅
限各有不同也今李宏勇等劫案內之李亞朋被賊擄
捉該廳將武員失察職名與文員疎防職名彙詳到道
殊與向辦不符雖據該廳於詳內分晰聲明惟武員失
察擄捉一月限滿卽應開叅若直待至文員盜案疎防
四個月限滿始行彙併開報則其遲延月日咎將誰歸

本司之用多不便

三

且聲說亦多窒礙現已將本案文員疎防及失察竹銃各職名咨請臬司核轉其武員一切應叅職名應由該廳移營自行開報可也仰卽知照此繳

批高要縣屬監生伍其烈等呈控著匪鍾星林等

焚劫殺命匪黨仍聚等事

同治十三年七月二十六日

昨據該縣民莫星開等以賊匪鍾星林等竄入縣境行劫蘇永秀等家並殺斃張亞黃等三命等情赴轅呈控當經批行該縣會督兵勇激勵鄉團認真緝捕在案茲據呈該匪等又焚劫刁萬福等家店舖斃鄉勇伍儒通等兩命經該生等購線緝獲潘亞樹一名解縣審辦等情查該匪鍾星林卽單枝手等屢次竄擾焚殺劫掠實屬罪不容誅仰肇慶府迅飭高要縣刻日會督兵勇

鄉團嚴行勦捕勿任遠颺一面提犯確訊究報均毋稍
延切切粘抄保領并發

德慶州屬有匪徒擄殺蠢動及現在辦理情形并

請添撥安勇與府聯銜上

瑞節相稟同治十三年七月二

日十六

敬稟者現據署德慶州余恩鑠稟稱竊照廣甯謝重觀
股匪被勦逃竄當經卑職會營派撥兵差壯勇并諭各
鄉團練分投堵捕茲訪聞亞林仔夥黨懷挾在卑州屬
播植居住之肇慶協候補把總馮可輝日前作線引挈
賊夥亞林仔解辦之仇伺馮可輝回家將其殺斃并將
其子馮顯忠擄去不知下落等情查廣甯德慶土匪眾

各下州分佈要隘隨時堵拏以靖地方而資得力等情據此查本案前據該署收以防堵謝重觀股匪兵力多所在皆有茲見謝重觀負隅抗拒輒敢明目張膽擄殺橫行并聞各處匪徒亦有蠢動響應之意誠恐蔓延勾結貽患益深卑職聞信後卽添雇壯勇會營添帶兵丁馳往播植驗明馮可輝屍傷一面於附近各鄉村激勵團練設法查辦惟是卑州民情刁悍地方瘠苦雖欲多添兵勇嚴行勦捕不獨經費難支卽軍裝器械火藥等件亦不能齊備理合稟陳察核俯賜酌調安勇三四百名下州分佈要隘隨時堵拏以靖地方而資得力等情據此查本案前據該署收以防堵謝重觀股匪兵力

單薄請卽札調駐紮羅定州之安勇一百名前往該州
協防等情具稟赴道當經職道札飭羅定州遵照調撥
嗣據署理高要縣孫鑄面稟現接德慶余署牧來函以
州屬候補把總馮可輝被匪黨挾仇殺斃旋有賊匪多
人在該州屬之鳳村屯聚囑卽代爲轉請催調駐紮羅
定之安勇一百名前往防勦并請發給火藥等物以爲
勦捕之用等情職道等當卽飭令高要孫署令向營中
借給火藥等物并札委員候補從九王鏡馳赴德慶確
查賊匪情形稟覆核辦一面由職道函催羅定州杜署

牧趕緊調撥安勇一百名前往德慶防勦在案茲據稟
前情職道等伏查該匪因挾作線引拏盜犯亞林仔等
解辦之嫌膽敢糾眾殺擄實屬愍不畏法亟應認真拏
辦以儆兇頑且現當廣甯勦辦著匪謝重觀等之際該
州與廣甯毘連難保該匪等不互相勾結乘間竄越尤
應實力堵勦以免滋蔓除批飭會督兵勇激勵鄉團協
力查辦毋稍疎懈一面上緊會營迅將被擄之馮顯忠
先行查起給領并將仇殺馮可輝之賊夥確查姓名嚴
密購拏按法解辦以示懲創仍俟委員確探賊情稟覆

到日另行馳稟外合將據報匪徒擄殺及現在辦理情形稟報憲臺察核俯賜札飭駐紮羅定管帶安勇官弁遵照迅撥安勇百名派弁管帶先行馳赴德慶協防并請再行添撥安勇一百名前往該州以資勦捕之處伏候鈞裁

卷四之別身不
名

三

批署高要縣孫鑄具稟遵札派人看守省城行署
並羣房收租銀數

同治十三年七月二十八日

據稟已悉省城本道行署既經該縣派令家人戴泉前
往駐守應卽責令該家人妥爲看管照料不准容留閒
雜人等居住亦不得擅自出租與人其每月所收羣房
租銀除給該家人工食五兩多餘俱著令按月繳存縣
庫以爲修葺行署之費至李安一名姑准暫充打掃之
役并將明珍店每月租銀給作工食仍由該縣察看如
須斥退另充卽行稟請核奪所有各羣房租簿該縣應

即取齊繳道聽候蓋用印信發回轉給以昭慎重仰卽
遵照辦理此繳摺存

嚴禁高要廣甯交界窩藏廣甯著匪謝重觀等告

示 同治十三年八月初七日

爲出示嚴禁事照得廣甯縣著匪謝重觀等疊次擾害
閩閩實屬罪大惡極必須將其拏獲究辦方足以伸
國法而快人心現經候補道何會督營縣在於廣甯一
帶嚴密搜捕而高要縣與之交界地方亦經該縣調兵
集團節節防堵似此星羅棋布原不難一鼓就擒惟聞
該匪等於高要廣甯毘連處所親故頗多每遇搜捕吃
緊輒卽分投隣境藏匿親戚之家或一匪而遞匿數家

或一家而連窩數匪以致官兵驟難知覺各匪得以殘喘苟延是則窩匪之人情殊可惡亟應嚴行禁止斷難稍事姑容合行出示嚴禁爲此示諭高要廣甯交界軍民人等知悉自示之後爾等如遇廣甯賊匪謝重觀等潛至境內均當併力圍拏毋得容留藏匿倘敢故違則係有心通賊法無可貸一經本道訪聞或被告發定卽嚴拘到案稟請督撫憲批行就地正法決不姑寬各宜凜遵毋違特示

札飭廣甯縣歷次出稟遲延稿

同治十三年八月二十四日

爲札飭遵照事照得各屬投遞文件務須責成跑役趕緊齎投毋得以文件一經給發卽作了事該縣現在正當辦匪尤宜格外迅速乃查該縣於稟報查辦匪犯謝重觀等各文件核計郵程往往遲至十日八日或半月之久始行遞送到道似此緊要事件尙且如此稽延其餘尋常文件更不知如何耽擱亟應認真查究方免貽誤合亟札飭札到該縣卽便遵照將歷次發遞文件因何遲延之故立卽稟覆嗣後遇有發文務須責成該跑

役限以時刻趕緊齎投倘再任意遲延除將跑役立予嚴懲外仍將該縣一併予以處分不貸凜之切切特札

批署高要縣孫鑄稟繳省城行署羣房租簿請蓋
印發給收租 同治十三年九月初一日

據稟繳到省城本道行署後羣房各店租簿九本現已
蓋用印信應卽發交該縣轉給收租其羣房內有現尙
無人租住者卽令看守行署之家人戴泉趕緊招人承
租將承租之人姓名照填簿內所有退租出屋未經交
清銀兩仍應如數追繳清楚不得短少至李安雖准暫
充打掃之役并將明珍店每月租銀給作工食惟其租
簿應交戴泉收存按月取租轉給不得由李安自行收

取又現繳李錦榮筆店租簿所註自同治九年八月起
至十八年八月止每月應扣上蓋租銀六錢四分一節
究竟此店當日果否有人起造上蓋應行扣租抑係駐
省黃俊飾詞朦混應令戴泉確切查明據實稟覆毋許
扶同捏飾仰卽分別查收飭遵此繳印簿九本併發

請飭督標六營調撥練兵一百名派委妥弁管帶
幫同高要縣巡緝與府聯銜上兼署督憲張中

丞稟

同治十三年
九月初四日

敬稟者竊照肇慶爲西江孔道八達四通從前搶劫之
案層見迭出職道等抵任以來體察情形督同地方官
議立章程各捐經費派委員弁在郡城內外地方週年
巡緝業將辦理緣由稟明憲鑒一面飭縣編查保甲并
令各街居民舖戶每夜懸點牌燈復經稟留安勇一百
名梭織巡緝自經此次辦理之後盜風稍息現值查辦

廣甯著匪謝重觀等吃緊之際高要壤地毘連路路可通誠恐匪徒乘間竄越前經署理高要縣孫鑄將安勇調赴要甯交界之伍村河口一帶分紮堵防亦已具稟憲鑒在案惟查郡城路通西省爲商賈必經之地舖戶民居俱在城外一屆冬令宵小每生窺伺之心且西北一帶山路叢雜匪徒最易出沒而安勇調防在外一時未能撤回所有郡城內外緝捕巡防不克兼顧與其事後張皇徒多糜費不若先期布置防患未然以目下情形而論必須酌添兵勇方資巡緝當傳孫令至署公同

商酌該縣向募有防勇數十名由縣捐給口糧分撥各處巡緝爲數旣屬無多而分駐零星遇事亦猝難調集此時若令添募勇丁該縣爲著名賠累之區勢難再行籌款惟有添調練兵較爲得力查肇慶協練兵已撥配肇德等段護幫扒船及駐紮高明彈壓之用并無存營惟憲標駐紮肇慶六營原挑有練兵八百名除續奉裁減三成及分撥三水段護幫各扒船外尙有存營練兵四百名擬請調撥一百名幫同該縣巡緝有此兵力則附城一帶可免疎虞明知局中經費有常餉需不易而

所費究屬有限實於地方大有裨益職道等商酌再四
意見相同合無仰懇憲恩俯賜札飭督標駐肇六營調
撥練兵一百名配足器械并選派熟習地方長於緝捕
之管帶官一員帶領駐紮肇城幫同該縣實力巡防倘
該縣遇有查辦匪鄉之事即將此項練兵隨時稟明職
道等帶同前往如蒙允准應卽責成孫署令一手妥爲
經理不得稍形鬆懈俾資得力而免貽誤并請札飭善
後局照章給發薪糧實爲公便是否有當理合會稟憲
臺察核批示祇遵

附兼署督憲張中丞批

查肇慶爲西江孔道一交冬令捕務最關緊要所請
調撥督標練兵一百名派弁管帶前往幫同巡緝係
爲地方起見應如所稟辦理除札標下中軍遵照調
撥并札善後局照章給發薪糧外仰卽轉飭孫署令
一俟帶兵官督率練兵到日立即會同在於郡城實
力巡防毋稍鬆懈如須前項練兵查辦匪鄉并飭隨
時稟明該道府斟酌調遣仍俟地方稍靖卽將練兵
撤回歸伍以節糜費仍候撫部院衙門批示繳

卷六

号

札飭開建縣將抗拒擄禁把總孫朝安等匪徒嚴

勒拏辦

同治十三年九月初七日

爲札飭嚴勒拏辦事現據該縣稟稱竊照縣屬監生林士英呈報伊家於本年六月初四夜被匪搶劫當場格斃賊匪一名餘匪逃逸各等情一案當將勘訊情形具文通報憲鑒茲於本月十八日飭據兵役緝獲案內劫犯陳炳妹一名前來訊認夥同行劫得贓等情并據供開夥犯植亞秀等數名正在移營協拏間卽據埔北汛把總孫朝安購得線工密報供夥植亞秀並另案搶匪

林帶全莫亞聚黃亞九四人潛回在三都植村植亞秀
家內藏匿該把總卽於本月二十二日午刻帶同舉縣
票差及百總張愈高兵丁梁超升姚經威姚佐光高如
昌前往捕拏於戌刻行抵該村協同地保指引植亞秀
住屋甫到該匪門首卽有該村爛崽數十餘人手持刀
械蜂擁前來聲稱本鄉并無賊匪地保不應擅帶官兵
到來卽將地保羅恒業亂行毆打該把總孫朝安上前
喝阻詎植亞秀等由屋後跳出竟敢鳴鑼集眾不分
皂白將該把總及兵差概行毆傷一併捉上水石寨關

禁內有兵丁梁超升受傷最重於是夜身死止有地保羅恒業一人帶傷逃出於二十三日差人犇報卑職聽聞之下不勝駭異登卽會同署守備郭河東馳往查辦吊放二十四日馳抵該村詎知通村之人全行搬進水石寨內將寨門緊閉預爲拒捕維時卑職與郭守備所帶兵差無多不敢造次前進誠恐別釀事端更難收拾且官兵尙在該匪寨內萬一操之過急猶恐被其戕害再四思維卑職等迫得退駐相離數里之老侯舖地方一面傳到附城之紳士拔貢生張作衡貢生龍弼梁壽

昌莫奉璋四人著令前去協同該都紳耆先將附和之人解散一面曉以利害責令速將把總及兵差卽行送回於是該紳張作衡等往返熟商多方設法於二十八日午刻始據將該把總孫朝安及兵差交該紳等放回卑職隨卽將死生各傷當場驗明分別輕重給資調治已死兵丁梁超升屍身除飭家屬前來領埋并各兵差傷痕另列清單附呈除再會同營員傳集各紳士籌商設法查拏再行通稟外合將官兵捕匪被拒擄禁現已吊放情形先行馳稟等情據此并據該署合面稟詢據

孫把總聲稱當該鄉匪徒毆打兵差時有該處紳士符乾元在場喝令等語查該鄉窩藏賊匪經官兵進村捕拏輒敢聚眾抗拒而符乾元身爲紳士并不力爲禁約反敢喝令毆打致兵丁梁超升被毆斃命餘俱受傷實屬愍不畏法藐玩已極亟應嚴行拏辦以儆兇頑合亟札飭札到該縣卽速會營派撥兵役督同附城紳士拔貢生張作衡等前往該處分別嚴拘并勒令該鄉符乾元等限十日內立將該匪植亞秀等及滋事傷人首要各匪按名網送務獲確審按辦倘仍不知悔悟抗延不

交卽將符乾元等衣頂先行通詳斥革查封祠屋一面
將抗拒情形據實稟報聽候飭撥兵勇前赴勦辦該縣
務宜認真嚴勒拏辦切勿稍事因循玩視致滋縱逸大
干叅咎切切毋違特札

飭高要縣孫署令會同武營嚴飭兵民毋許與洋

人滋事情節稟復兼署督憲張中丞

同治十三年九月十

四日

敬稟者本月十三日接奉鈞函以現接法國達領事抄送匿名揭帖一紙其中牽涉洋務恐有匪徒藉端生事飭卽會督營縣嚴密查禁妥辦等因并抄發揭帖一紙奉此查此事先於本月初一日早職道出署行香見照壁上貼有揭帖旋署後卽著家丁往揭詎已被人撕去隨據高要縣孫代令檢得揭帖一紙面呈查閱帖內所

言本無足論惟肇慶城內有天主教堂一處福音堂一處今揭帖內既有欲拆福音堂之說事關洋務不得不預爲之防當卽諭飭高要孫署令會同肇慶協及督標各營嚴密防範迄今將及半月地方尙屬安靜大約不致滋生事端除再會督營縣嚴密查禁妥辦外緣奉前因合將辦理情形稟覆憲臺察核

批十大屬紳士高要縣翰林馬儀清等聯呈為籌

復倉儲添修武備聯請示遵事

同治十三年九月十四日

據呈請將各屬官紳士庶捐修城工用餘銀兩或買穀石以實倉儲或置鎗礮而修武備等情自係為保衛地方起見官斯土者本無不樂從即如本年六月間據高要縣紳士蘇廷鈞等以新江紳士黎翔鳳等前因防堵客匪勇糧不敷借礮倉穀日久延不歸還等詞赴控即經本道批行高要縣諭令黎翔鳳等刻日將前借穀石如數買補歸還誠以倉儲至重緩急不可不備也惟是

現在雖將告竣而總數尙未截清究竟各屬官民捐項
共收若干何處尙欠解若干除支用外尙餘若干將來
所餘銀兩能否買置倉穀鎗礮抑另有需用之處必須
通盤籌畫以期盡善盡美仰肇慶府迅卽督同高要縣
截清總數妥爲核議稟覆察奪保領并發

批署開平縣吳廷杰具稟卑縣舉人張毓林等聯

保案犯張亞賀並無爲匪提訊犯供翻異可否

提出俟覆訊明確再行分別辦理

同治十三年九月十五日

查張亞賀一犯先經該縣獲案訊認聽從行劫水口粵海關稅廠及金山張崇源店得贓不諱迨經解赴何道臺行體覆勘亦復無異如其實有冤抑何以當時並不翻供舉人張毓林等又不早行赴保直至何道臺錄供稟奉兩院憲批行之後始據張毓林等赴縣具呈覆訊張亞賀始將前供翻異情節殊覺可疑案關生死出入

虛實均應澈究仰肇慶府迅卽札提該犯張亞賀到府
研訊明確分別辦理具報以免枉縱而成信讞一面錄
批稟明臬司何道臺知照仍候兩院憲暨臬司何道臺
批示繳

批陽江廳縣丞李瑞杰具稟卑前任童故員被騙
去銀二百兩一項求改爲二十年或十六年由
本缺後任攤補歸款

同治十三年九月十七日

查該前縣丞童源潤被傳遠昌跳騙匪兌奏銷銀兩先
經前署陽江廳恒丞擬以分限八年歸於該縣丞缺內
接任之員勻攤歸款等情具稟到道當經如稟批飭移
行遵照茲據稟該縣丞缺分瘠苦每年攤銀二十五兩
實在力薄難支懇請自司獄李季凱兼理縣丞到任之
日起分作二十年或十六年攤賠歸款俾得從容彌補

等情查分限至二十年或十六年爲期太遠自應酌中
定斷使各後任均得其平所有此項銀兩應卽自司獄
李季凱兼理縣丞到任之日起以後接任之員無分正
署分限十年勻攤歸款各後任自可不致藉口賠累仰
陽江廳迅卽分別移行監盤官及該縣丞遵照此繳稟
抄發

批高要縣新江局紳士舉人何公涑等聯名呈控

歸還倉穀

同治十三年九月二十一日

昨據該縣紳士蘇廷鈞等以新江紳士黎翔鳳何鳳飛等借碾郡城倉穀十六萬五千六百餘斤延不買補還倉請飭作速籌補等情聯呈到道當經批行該縣諭飭該新江紳士等如數買補歸還在案茲據呈此項倉穀當日係五班紳士聯名請發如果屬實何以紳士蘇廷鈞等專責之該新江紳士籌還且詞稱借穀止十三萬六千七百斤亦核與蘇廷鈞等所呈數目不符究竟當

日如何借領所領穀石實有若干其中有無轉轉現在
應否著令該新江紳士如數籌還仰肇慶府迅飭高要
縣刻日查明原案傳集各紳妥爲核議飭遵務使穀石
有著以重倉儲仍將辦理情形稟覆察核保領并發

廣甯著匪謝重觀等經何鏡海觀察剿平請專札
優獎并給予儘先記功上兼署督憲張中丞稟

同治十三年九
月二十九日

敬稟者本月二十九日接准何道應祺函開廣甯積匪
謝重觀三謝重觀四等已於本月二十七日在厚田地
方被德勇擒斬兵勇亦受傷數人等由當經職道即日
函致張臬司囑其代爲稟知想已轉達鈞聽矣查該匪
怙惡十餘年經官軍剿捕九次均未得手平時地方府
縣不肯實心查辦畏難苟安職道蒞任有年亦深抱愧

茲幸何道在彼半載謀勇兼施渠魁授首洵足上伸國法下快人心此外在逃之匪應卽設法查緝以絕根株附近良民歷次被擾者亦應妥爲撫恤其善後一切事宜必須悉心籌畫方臻周密現已札飭廣甯縣孫署令速爲經理不得因循草率容俟稍有頭緒再當另行馳稟憲鑒至謝匪當日搶劫橫行恃其負隅之處箐密林深兵至則竄兵退復回出沒靡常行蹤詭祕官兵旣不能持久閭閻則受害日深今何道自奉委勦捕以來費盡心力先則陸續獲辦匪黨數十名內如鍾星林容

大口三謝式芬等均爲著名積惡逆匪現復將謝重觀
三等擊斃多年巨寇一鼓蕩平真可謂才能出衆勤勞
懋著者矣當此用人之際如果賞罰嚴明則臨事者知
所勸懲後來者亦生其鼓舞在何道以監司大員斷不
稍存希冀職道仰體大人振拔人材之意似宜立沛憲
恩用特冒昧直陳伏乞憲台俯將何道先行專札優獎
或一面給予儘先記功酌量委署以昭激勸之處統候
鈞裁再陽江鎮遊擊黃增勝會同何道辦理此事亦屬
著有勞績宜荷恩施合併聲明

西廡身有

五

移督標中營都司分別將調撥練兵一百名會同

親赴較場點名閱看

同治十三年
十月初四日

爲備移事案奉兼辦兩廣總督事務廣東巡撫部院張
批據本道與肇慶府會稟請札飭督標駐壁六營調撥
練兵一百名派委妥弁管帶幫同高要縣巡緝由奉批
查肇慶爲西江孔道一交冬令捕務最關緊要所請調
撥督標練兵一百名派弁管帶前往幫同巡緝係爲地
方起見應如所稟辦理除札標下中軍遵照調撥并札
善後局照章給發薪糧外仰卽轉飭孫署令一俟帶兵

官督率練兵到日立即會同在於郡城實力巡防毋稍鬆懈如須前項練兵查辦匪鄉并飭隨時稟明該道府斟酌調遣仍俟地方稍靖即將練兵撤回歸伍以節糜費仍候撫部院衙門批示繳等因奉此旋准督標中營協鎮府尙移開現奉督憲札飭遵經選派得肇慶協中軍都司陳光亮督標左營中軍守備劉泮堪以管帶練兵一百名幫同高要縣孫署合實力巡緝除札標下中軍都司在於本標內調撥練兵一百名交陳光亮等接管幫同巡緝相應備移查照等由并准肇慶協中軍都

司與督標左營守備呈同前由并造具練兵花名冊一本到道准此惟查此次請撥練兵原爲巡緝地方之用必須年力精壯緝捕勤能之人方足以資差遣本道現擬定期會同貴都府暨肇慶協鎮督同府縣親赴較場點名閱看以昭核實除分別移行知照外合就備移爲此合移貴都府請煩查照施行須至移者

荷西公廩身存

卷一

六

--	--	--	--	--	--	--	--	--	--

嶺西地方辦匪情形致張石洲廉使書

同治十三年十月十三

三
日

昨以廣甯著匪謝重觀三等已被擒獲一事曾布寸函
諒經達覽矣謝匪爲多年巨寇迭經官軍剿捕無從下
手而民間則受害日深弟數年來每一念及殊覺難安
本年春間因見何鏡海觀察辦理恩開匪案實心任事
意以謝匪之事屬之必有成效是以函請閣下轉回兩
院卽委鏡海移師廣甯查辦今果然矣鏡翁之功大不
可沒現已將其勞績稟達中丞聽候核獎想閣下當以

爲然也日前開平吳令廷杰曾有盜犯張亞賀翻供一稟到道查該匪卽鏡翁查辦恩開案內所獲由縣訊認迭劫解經鏡翁覆訊無異稟請就地正法者今該縣忽謂有紳耆呈保覆訊該犯又忽翻供此中情節大有可疑况該縣關張司徒等姓族大丁多良莠不齊不可不防其弊弟當經批飭肇慶府瑞守札提該犯張亞賀到府研訊明確分別辦理一面錄供報明尊處不知瑞守曾否遵照錄報尊處如何批行深以爲念尙祈查示開建縣弁兵孫朝安等被植村匪徒植亞秀等毆擄一案

先經弟督府委員馳赴該縣查復勒交一面聯銜稟報
茲奉院憲派委何鏡翁前往查辦惟聞該匪等業已逃
散村內無人此時卽帶勇赴彼恐亦徒勞往返鏡翁不
日卽須旋省晤時希與商之德慶州賊匪馮亞旺等殺
斃馮可輝并將其子馮顯忠擄去一案先經該署州余
牧分投布置懸賞購線首匪尙未弋獲日前水師關護
叅將來云伊手下線工已訪得該匪等下落可以捕拏
當經弟給予移文囑其會同該州嚴緝辰下亦尙無獲
犯消息陽江陽春恩平等廳縣交界之大仁山等處近

有匪徒滋擾陽江施丞陽春王令恩平劉令先後稟報均稱已諭紳耆辦團防緝劉令并擬募勇入山查拏弟已面告瑞守轉飭王劉兩令與施丞妥商辦理查該處界連數邑山徑陡峭不能及早查辦但又未便輕舉妄動弟已飭府派委幹員前往細查繪圖呈閱容俟查覆到時再行酌核奉聞以上數事皆西江現在辦理大畧情形恐省中不知詳細用特先行泐函佈達

批署開建縣鄭慶輝稟現因會營督同委員紳士
勒限植村紳耆延不交匪送究情形仰懇飭發

兵勇下縣剿辦

同治十三年
十月二十日

據稟已悉查該匪等堅匿負隅固屬罪不容誅而該處
紳耆屢經勒限交匪乃日久並未獲送一名情尤可惡
現在既經該縣將該紳符乾元片文詳請斥革並稟請
何道台移商刁協鎮督飭兵勇赴縣剿辦應候何道台
核明辦理惟刻下何道台甫經由廣甯晉省不知何日
始可到縣所有本案滋事各匪該縣總宜趕緊設法拏

辦不得藉延仰肇慶府迅飭該縣刻日會同守備督帶
兵役并募雇勇丁前往該處設法剿拏務將各匪悉獲
究辦毋稍鬆懈仍將辦理情形隨時稟報察核餘候兩
院憲暨各司道批示繳

德慶州陽江廳地方辦匪情形致張石洲廉使書

同治十三年十

月二十四日

德慶州匪徒仇斃把總馮可輝并擄禁馮可輝之子馮顯忠一案據余署牧恩鑠函知署高要縣孫令鑄內稱接西甯顏守備函云前派孔哨官等帶勇往廣西緝於九月十八夜在平樂府陽朔縣仗利墟地方挈獲著匪馮黑眼羣梁亞美何新受梁振均等又另案匪杜阿北一名就近約同西省梁都司效賢協勇一併挈獲當查被擄之馮顯忠在該處已被馮阿野馮秋蘭殺斃查

起屍身其馮阿野等兇手亦登時就擒又楊哨官在桂林六墟地方拏獲馮樹興一名均寄平樂縣監聞該處府縣派委經歷押解尙未見到等語此案獲犯連前梁三表等共計九名安勇不辭勞瘁余署牧亦能設法聯絡弁勇俾該匪等不致遠颺尙屬可嘉至匪首梁法邦馮阿旺二名在逃未獲現經余署牧激勵本地練丁及安勇等悉心訪察似不難一鼓成擒矣本月二十三日接閱陽江余署丞通稟知大仁山一帶賊匪經該丞會營督勇在田畔鄉駐紮分路由山邊直進深窟塘剿捕殺

死一賊餘匪四散逃走已飛信知照恩平陽春兩縣合力堵禦等情惟此股匪徒皆係該廳縣土著之人賊首是何姓名搶劫是何村落來由何處竄往何處各廳縣并未查明但以剿賊爲詞殊覺含混弟處派委從九王鏡前往查看尙未返郡昨奉院札飭委安勇助剿前日江遊擊帶勇五百名過端據云鄭心翁日內可到應埃心翁晤面時與之商酌辦理再行佈聞開建植村一案鄭署令慶輝業已通稟計不日必奉院批自當遵辦便中祈回明院憲爲祝

西廂記卷之

三

請將練兵口糧按日發給致善後局

俊質堂方伯沈輔之觀察

書

同治十三年十一月初三日

現奉調督標練兵一百名已於十月初一日到郡分駐各處會同高要孫署令嚴密巡查有此兵力附城地方可免失事之患查練兵一百名照章可派訓練官兩員現派陳都司劉守備管帶尤爲得力該都司等係實缺之員本不應請領薪水因此起練兵係稟明如遇地方官查辦匪鄉隨時調用且分紮多處徹夜巡查所領燈油銀兩不敷應用是以照管帶駐紮省城飛來寺督標

練兵章程請領薪水以資津貼該都司既領薪水未敢再派練官致多糜費惟現既分紮多處在在需員彈壓可否准照駐省督標練兵章程由該都司選派練官兩員以資巡緝并應否回明院憲之處務祈酌奪示知至此起口糧爲數無多應請諭知支應所委員每月於上旬發給以免轔望因督標兵丁最爲窮苦與他標情形不同也泐此奉佈

肇慶巡緝情形并將高要縣兵勇駐紮巡防地段
清摺稟繳察核與府聯銜上兼署督憲張中丞

稟

同治十三年十
一月初三日

敬稟者案奉憲台批據職道等會稟請札飭督標駐肇
六營調撥練兵一百名派委妥弁管帶幫同高要縣巡
緝緣由奉批查肇慶爲西江孔道一交冬令捕務最關
緊要所請調撥督標練兵一百名派委管帶前往幫同
巡緝係爲地方起見應如所稟辦理除札標下中軍遵
照調撥并札善後局照章給發薪糧外仰卽轉飭孫代

令一俟帶兵官督率練兵到日立即會同在於郡城實力巡防毋稍鬆懈如須前項練兵查辦匪鄉并飭隨時稟明該道府斟酌調遣仍俟地方稍靖即將練兵撤回歸伍以節糜費仍候撫部院衙門批示繳等因奉此遵經轉飭高要縣孫署令遵照旋准中協尙副將選派肇慶協都司陳光亮督標左營守備劉泮管帶督標六營練兵九十六名肇慶協標練兵四名共練兵一百名由該都司陳光亮守備劉泮督帶赴高要縣幫同巡緝并造具練兵花名冊呈核前來職道等當與高要縣孫署

令親赴較場逐一查點所挑練兵均係精壯軍火器械亦頗整齊卽於十月初一日起分駐郡城內外會同巡緝在案茲據署理高要縣孫鑄稟稱查肇慶爲西江孔道五方雜處匪徒最易潛蹤自憲台嚴定查夜章程每夜由委員帶同卑縣壯勇會同營弁兵丁晝夜梭巡續又稟留安勇一百名駐紮防緝是以數載以來漸形安靖惟附城地段甚寬冬令已屆布置尙須周密現蒙請調前項練兵前來洵足以壯聲威而資巡緝卑職伏思練兵一項每月須由善後總局籌撥薪糧務使一兵得

一兵之用庶餉不虛耗而效可立收查城外東南一帶
爲商賈輻輳之區巡防固須嚴密而西北地方空濶尤
當加意查緝以免宵小出沒所有在城兵勇自當分段
駐紮以專責成當卽會同陳都司光亮劉守備泮并管
帶安勇之周守備夢熊等相度地勢詳細熟商所有練
兵一百名駐東門外學前街東北角佛聖廟西門外風
神廟西北角四社并城內居中之文昌宮五處安勇一
百名分駐慧日寺北帝廟塔脚閱江樓黃江厰白馬廟
六處陳都司等每夜親身督帶不分雨夜分段梭巡卑

縣向於城外設有東西南勇卡三座募勇巡防均屬緊要地方毋須更動仍由奉派查夜委員署肇慶府經歷陳崧試用從九品江林藻李銘珊分班督帶縣勇并在文昌宮所駐練兵內每夜抽撥四名會同營弁往來巡緝如此星羅棋布或不致疎虞街坊牌燈柵門以及看柵更夫飭令各街保正循照舊章妥協辦理毋得以兵勇稍多意存懈怠卑職不時酌帶勇丁親赴各處查察總期有犯必獲無隙可乘俾盜賊不敢覬覦閭閻得以安枕以仰副憲台除暴安良之至意至此起練兵卑

職赴鄉緝捕如須調用再行稟明酌帶前往除將兵勇分駐名數并巡查地段另開清摺外所有稟調兵勇巡防緣由理合具稟察核等情并開列兵勇駐紮巡防地段清摺到道府據此查肇郡地方遼濶道路紛歧宵小出沒靡常巡查必須嚴密先經職道等議定查夜章程派委員弁督飭兵役逐夜巡查嗣復稟留安勇一百名常川駐緝現又稟請調撥練兵幫同緝捕布置已極周密或不至有疎虞惟是經理須貴得人方克有裨於事職道等現已諭飭孫署令會商營弁務須認真巡防切

勿有名無實并諭以各鄉盜賊亦宜實力查拏倘有著
名匪鄉非藉兵力不能捕拏者卽由該署令體察情形
稟明職道等酌帶此項練兵前往查辦至於能否得力
職道等仍當隨時查察分別核辦總期盜戢民安斷不
敢稍存姑息據稟前情除批飭該縣實力巡緝外合將
現在辦理情形并將高要縣兵勇駐紮巡防地段清摺
稟報憲臺察核

附兼署督憲張中丞批

據稟及清摺均悉前撥練兵安勇各一百名旣經分

段駐紮仰卽轉飭孫代令會同營委員弁督率各段
兵勇實力巡防毋稍疎懈如有著名匪鄉卽由該道
府在前項練兵內酌量派撥委員管帶前往查辦總
期匪戢民安勿稍鬆懈仍候撫部院衙門批示繳摺
存

批署陽江廳施紹文稟卑廳司獄李季凱瘡患未

痊稟請委員代辦事務

同治十三年十
一月初七日

從九葉繼如委赴該廳催提吳黃氏控開之林亞望等
到案自七月十二日接札起程迄今已將四月既不將
應提之犯催拘解道又不將該犯等因何尙未拘到之
故先行稟覆不知在陽江逍遙一百餘日是何意見似
此奉差延玩實從來所未有除將該委員記過停委撤
回肇慶并另委吳際昌前往守提外該廳所請飭令葉
繼如暫行代辦司獄事務應毋庸議至司獄李季凱如

果患瘡不能辦事應由該廳稟明藩司派委幹員接署
以重監獄而免貽誤切切此繳

批高要縣紳士蘇廷鈞等聯呈新江紳士黎翔鳳
等因防堵客匪借碾倉穀爲公儲久假仍乞嚴

追補還以杜脫卸事

同治十三年十
一月初九日

前據該紳等赴轅具呈當經批行該縣諭令新江紳士
將前借穀石如數買補還倉嗣據新江紳士何公涑等
以前項倉穀當日係五班紳士聯呈請發自應公借公
還等情赴道呈訴又經批行該縣查明原案傳集各紳
妥爲核議飭遵在案查此項倉儲穀石原備緩急之用
一經因公借碾事後卽應籌還乃歷任地方官均各悠

忽視之並不認真飭催買補以致事閱十年尙爾虛懸無著實屬不成事體現呈謂當日借碾倉穀時係新江紳士黎翔鳳何鳳飛等自行赴縣稟請各班紳士並未預聞似此各執一詞自非傳集詢明不可黎翔鳳聞已身故其子尙存究竟此項穀石當日實係何人請領現應如何着落歸還仰肇慶府迅飭高要縣刻日查傳黎翔鳳之子及何鳳飛等到縣傳同各班紳士詢問明確細查原案妥爲核議飭遵不得再有延宕仍將辦理情形稟覆察核保領并發

批委員候補從九王鏡具稟遵札查明大仁山匪徒情形據實稟覆並將該處山川形勢繪圖呈

繳

同治十三年十一月十二日

據稟及另單地圖均悉所探大仁山賊匪情形尙屬條分縷晰具見辦事認真深堪嘉尙應卽准予回郡銷差仰肇慶府轉飭知照至稟開著匪鍾亞喜等現仍屯聚河仔尾地方亟宜實力剿捕查前奉院憲行知已調南韶連鄭鎮軍所部安勇前往勦辦不日當可到彼該府併卽分別移行陽江陽春恩平等廳縣一俟安勇到日

迅卽合力會剿務將各匪悉數殲除勿留餘孽仍將辦理情形隨時稟報察核此繳

札林令兆南飭查嶺西各屬獐狍情形密行稟覆

同治十三年十

一月十四日

爲密札委查事現據該員面交

藩

司密函一件除照錄

條款清單函致肇慶府屬各州縣及陽江廳并羅定東

安西甯各州縣查照辦理外合就密札委查札到該員

卽便遵照刻日束裝起程前赴肇慶府屬各州縣及陽

江廳并羅定東安西甯等州縣將密函面交各該地方

官會同查照

藩

司函內情節妥速密查稟覆赴道以憑

函覆

藩

兩司轉繳撫憲察核此係密札委查之件該員

卷之六

七

務須慎密切勿張揚爲要特札

修理肇慶府城垣工竣日期并收發捐項銀兩數

目與府聯銜上兼署督憲張中丞稟

同治十三年十一月

十八日

敬稟者竊照籌捐經費修理肇慶城工一案所有工程情形及收支捐項銀數歷經具稟憲鑒遵奉批行督飭縣局各員將一切應行修葺處所認真經理茲據代理高要縣知縣孫鑄會同城工局委員高要縣學教諭李愷疇稟稱案奉札行籌修郡城飭委卑前署縣劉維楨暨卑職愷疇設局支應並率同各段監工委員督匠興

修於同治十一年十一月二十三日破土鳩工庀材十二年二月興工葺築卑職鑄抵任後遵照接辦工程浩大爲時幾及兩年茲于同治十三年十月二十六日一律工竣查看周圍內外城牆拆砌二百四十七丈修補一百四十五丈其西南兩面濱臨大河西潦衝刷最易損壞工程尤爲吃重因將該段牆身加用灰漿根砌并週圍城垣一律根灰糞臻鞏固城上垛堞共計拆造五百五十三個修砌九百六十八個攔馬牆並礮窩各處圍牆共拆砌二百五十九丈修理三百五十一丈其餘

各處俱已分別修整完固各道城門及于劬闌板俱用格木配造門扇釘用鍍皮四城卡房一併修葺西北兩門向有照牆各一道坍塌不堪概行拆卸從新建復東西南北城樓四大座木料半皆斲朽磚瓦亦多破碎均已全行拆造所需樑柱桁枋椽桶等件除檢回堪用舊料外概以坤甸六坤石辣各項格木如式配用磚石瓦片一概用新披雲樓一座亦照舊修復各樓新裝門窗板障俱各油飾齊全東北兩竇溝渠亦皆挑挖深通城中積潦堪資疎洩又附貼城身原有空心礮臺六座皆

因年久失修全行倒塌僅存基址此係全城保障尤爲緊要俱購北江上等木料定置磚瓦按址建復各臺基均方寬二丈五尺高二丈八尺中分三層上層週佈瞭望垛口中層羅列鎗眼下層分開礮門各六個內有兩座附設官廳各一間俱皆加工構造齊全并修築騎城磚間一十六道此外月樓五座角樓四座窩舖一十三間大小礮臺一十七處半多坍塌無存均各查照舊制逐一修建城面道路一併磚砌平整南門城外向設鷄翼礮臺兩座壞爛不堪現各加料修復逐段查閱均屬

工堅料實悉臻穩固伏查前項工程原估約計銀三萬兩因在事人員力求搏節陸續稟發銀二萬五千六百七十兩除工料薪水雜項應銀二萬五千六百四錢八分九釐全行支發清楚外尙領存在局銀六十八兩五錢一分一釐至存城礮位現經卑職鑄會同營員于各礮臺相度形勢分別配設所存各礮或朽蝕無存或殘缺不全以及礮架施放未見靈便不堪使用者亟應從新製造容卽飭匠確估開單呈核再行選購堅料配造合式車架安放周妥藉資鎮攝除會同將先後

用過工料及各項支用數目彙造細冊並具保固切結
月文申繳外合將修葺城垣工竣日期暨支過領存銀
兩總數先行稟報察核并請轉報再自開工起至工竣
止爲時兩載各段監工委員均能不辭勞瘁寒暑無間
在局購料支應員紳亦皆實心從公始終罔懈各屬紳
董捐貲出力均屬著有微勞可否酌請獎勵以資激勸
合併聲明等情據此查肇郡城垣先因歷年久遠坍塌
過甚現經籌款興修工程較鉅溯自開辦以來迄今將
屆兩年一切工段均經職道等督同縣局員紳隨時親

歷查視其有未盡周密之處當卽復飭補修茲已一律
完成洵足垂諸永久查此次工程原估計銀三萬兩內
除職道等倡捐外計派肇陽羅各廳州縣官民捐共銀
二萬七千兩已據各屬解繳銀二萬六千五百兩尙欠
銀五百兩內陽江廳欠官捐銀一百五十兩新興縣欠
官捐銀一百五十兩恩平縣欠官捐銀二百兩迭經札
委嚴催迄未解繳足數至城工經費自開工起至本年
十月二十六日工竣止已據高要縣暨城工局員具領
各屬解到捐項銀二萬二千六百七十兩又職道捐銀

一千兩卑府捐銀二千兩均已發交縣局具領支用合
共發過城工銀二萬五千六百七十兩除支發外尙存
各屬解到捐項發交卑府存儲銀三千八百三十兩連
現據縣局稟報領存銀六十八兩五錢一分一釐共應
存銀三千八百九十八兩五錢一分一釐俟將礮位礮
車等項一併添補齊全究餘捐項若干另行稟辦據稟
前由除督同高要縣趕緊將存城礮位逐一查檢修整
及添置存備并飭縣局將用過工料及各項支用銀數
彙造細冊取具保固切結通報查核外合將修理肇郡

城垣工竣日期暨收發捐項銀數稟報憲台察核再此
次辦理工程在事員紳均能始終罔懈以及各屬官民
紳董捐貲出力洵屬踴躍急公可否仰懇憲恩分別給
獎以示鼓勵之處並候訓示祇遵

再稟者現據高要縣孫署令稟稱查郡城 萬壽宮年
久未修樑柱桁桷牆壁瓦面諸形朽壞察看情形必須
趕緊修葺又東門外向有迎恩亭一所半多倒塌亦應
修理茲查修葺城工原議估計分派官民捐銀三萬兩
現已陸續奉發銀二萬五千六百餘兩城垣業已竣工

尙需修造礮位一項爲數無幾約計前項捐款尙屬有餘可否酌提銀兩修葺 萬壽宮建復迎恩亭之處稟乞示遵如蒙允准再由卑職督匠將兩處工程需銀若干覈實估計造冊呈核等情據此職道等伏查郡城

萬壽宮及迎恩亭兩處委因年深月久朽壞不堪該縣所稟係屬實在情形自應趕緊葺復以崇 典禮而肅

觀瞻又南門外正馬頭及東門外水街馬頭瀕河石勘亦因潦水冲刷均各傾圮並須及時修整以利行人查現存城工捐項除陽江新興恩平等廳縣欠解銀兩不

計外尙存銀三千八百餘兩城工業已蕝事只須添置
存城礮位此項工料需費無多總計全工告竣捐項尙
有盈餘除酌撥餘存銀兩飭將以上應修處所分別確
估修葺外理合稟報憲台察核

--	--	--	--	--	--	--	--	--	--

委員查覆陽江恩平陽春等廳縣辦理大仁山賊
匪情形與肇慶府聯銜上兼署督憲張中丞稟

同治十三年十
一月二十一日

敬稟者竊職道昨准臬司移開同治十三年十一月初
一日奉憲台批據陽江廳具稟大仁山賊匪經連日進
剿已逃往河仔尾一路而去現將深窟塘賊巢燒毀由
奉批據稟該廳會同守備邱榮高督帶兵勇調集團練
于初六初七兩日直進深窟塘圍捕斃匪數名并將賊
巢焚燬餘匪由河仔尾逃逸等情查此次兵勇共有一

千二百餘名之多聲勢不爲不壯乃并未擒獲一犯迨至各匪逃竄又不跟蹤窮追實屬無能至首犯是何姓名亦未查明敘及辦事尤屬疎忽查此案昨經咨會署南韶連鄭鎮派員帶勇前往查辦在案除知會護理陽江鄭鎮督飭守備邱榮高會同辦理外仰東按察司備移肇陽羅道嚴飭該廳移會邱守備及鄰封營縣體察情形先行妥爲認真搜捕一俟署南韶連鄭鎮派員帶勇到日亦卽協同熟商辦理務將該匪悉獲懲辦毋任蔓延爲患倘再仍前玩泄定將該文武從嚴叅撤不貸

仍將辦理情形隨時馳稟察核并候撫部院衙門批示
繳又先於十月二十八日奉廣東巡撫部院張批此案
昨經督部堂衙門移咨署南韶連鄭鎮俟回省道經陽
江派員帶勇會辦茲據稟前情仰按察司飭再會同邱
守備等督率兵勇鄉團確探該匪逃匿處所迅速追拏
并知會恩春二縣嚴行堵截務將該匪悉數殲除毋任
漏網致貽後患大干重咎仍候督部堂衙門批示繳奉
此并據該廳具稟到司合就備移過道希卽嚴飭該廳
移會邱守備及鄰封營縣體察情形先行妥爲認真搜

捕一俟署南韶連鄭鎮派員帶勇到日亦卽協同熟商辦理務將該匪悉獲懲辦毋任蔓延爲患倘再仍前玩泄祈卽從嚴詳請撤叅仍飭將辦理情形隨時通稟察核施行等由到道准此并先於同治十三年十月二十一日奉憲台行知現已咨會署南韶連鄭鎮遴派幹員督帶安勇前往大仁山體察情形認真查辦等因均經職道轉行遵照在案查本案前據陽江恩平陽春等廳縣先後稟報大仁山賊匪滋事情形當經職道等分別批飭會同督飭兵勇諭令鄉團嚴密巡防實力堵捕一

面札委從九品王鏡前往各該廳縣確查該匪實有若干屯聚何處各該地方官現在如何辦理鄉團能否得力據實稟覆并將該處山川形勢繪圖註說呈繳核辦去後隨據該委員王鏡稟稱卑職遵卽起程先赴恩平次赴陽江後至陽春于途中隨時詢訪查得大仁山往年常有匪徒隱匿其中以山洞爲巢穴忽聚忽散今年夏秋之間該匪屯聚河仔尾地方出沒深窟塘七星根白空石一帶滋擾附近鄉村擄人勒贖迨經各廳縣營兵勇團練四面防剿該匪近已斂跡俱屯聚在江恩交

界之河仔尾地方匪衆約有百人上下其中最著名者
鍾亞喜黃珍餘黃亞六黃阿保衛亞攀羅亞新徐執培
等匪此該匪現仍屯聚未散之情形也查陽江廳施丞
於十月初三日會同陽江鎮標守備邱榮高外委李長
青等督帶兵勇調集團練駐紮田畔墟屢次進剿焚燒
深窟塘白空石七星根等處匪巢現在兵勇仍駐田畔
墟又分駐一軍在第八墟地方相機會剿又查恩平縣
劉令派勇會同恩平城守營外委左經邦郭華林帶兵
并各鄉團練分紮清灣那吉洞等處以防該匪竄回又

查陽春縣王令與陽春城守營守備許連陞派撥兵勇
在猺堡一帶查探并諭飭各鄉團練扼要防堵此該廳
縣營現在辦理之情形也查陽江廳屬之田畔墟第八
墟等鄉團練約有六七百名恩平縣屬之那吉洞清灣
墟等鄉團練約有四五百名陽春縣屬之猺堡蟠龍等
鄉團練約有六七百名以上各屬團練或守要隘或探
匪情協助官軍接應聲勢此該廳縣屬之團練情形也
合將逐細確查緣由據實稟覆并將三邑毘連山川形
勢繪圖註說呈繳察核再卑職前在恩平起程由大仁

山邊東北一帶行至陽江查看大仁山高有數百丈週圍百數十里層巒疊嶂林深樹密羊腸鳥道山路紛歧又與三邑之羣山形勢連綿易爲逋逃之藪現在該匪之屯聚河仔尾也西可窺伺陽春之寨堡南可俯視陽江之鄉村乘機竊發較之大仁山中尤爲容易且陽江之南百餘里已臨海濱卽是往年該匪逃生之路倘經官軍剿捕緊急非逃奔海隅卽退回大仁山中負險偷生刻下以三邑形勢而論陽江防剿最爲吃重恩平次之陽春又次之必須三邑會剿不分畛域士卒奮勇不

辭險阻殲滅此醜不留根株庶可永除三邑之害等情
到道府據此正在轉稟間又據陽江廳施丞稟據該廳
縣丞李瑞杰稟報十月二十八日會同守備邱榮高督
飭兵勇進攻河仔尾賊巢見賊俱已逃散當將賊巢焚
燬飭令兵勇分搜巖谷并無賊蹤現因兵勇無多未能
遠捕遍搜等情到道除由職道等分別飭令各該廳縣
確查該匪等竄匿處所一俟署南韶連鄭鎮軍派弁帶
勇到日立即協同會剿務將各匪悉數殲除勿留餘孽
如果稍存玩泄再由職道等分別從嚴稟請撤叅外合

將委員查覆陽江恩平陽春等廳縣辦理大仁山賊匪情形并將該廳縣毘連山川形勢繪圖註說稟繳憲台
察核

札高要縣將存餘城工銀一千兩交殷實當舖生

息具領稟報

同治十三年十一月二十二日

爲札發事照得肇郡城垣籌款修葺各屬派繳官捐民捐銀兩先後解經本道交府收存節經轉發該縣會同城工局員具領支應各在案茲查前項城工捐款除支發外尙存銀三千八百三十兩城垣工程業已告竣只須將存城礮位分別添置修整及酌撥餘銀興修壽宮暨迎恩亭等處所需工費爲數無多總計捐項尙有盈餘應先酌撥生息爲郡城歲修劇草之需合就札

發札到該縣即將發去城工銀一千兩查收發交屬內
殷實當舖領存儲按月計息遞年由縣收取息銀隨
時查視城垣各處如遇稍有損壞立即飭匠修補并剷
除草木勿使蔓延所需費用即于前項息銀覈實支銷
具報至按年科息應如何收支經理方昭周密而垂永
久之處并即妥議章程稟覆核奪仍先將收到銀數及
發商起息各日期申報察核并具印領繳府備案毋違
此札

飭將羅定西甯剿辦土匪情形查復致署羅定州

杜后山刺史書

同治十三年十一月二十九日

逕啟者十一月二十三日接准鄭鎮軍來移內開現派千總陳華管帶所部勇丁五百名前往羅定西甯剿辦土匪等語查貴處所屬各鄉村落屢有匪徒滋擾迭經兵勇剿捕現在有無西匪竄至本地土匪有無暗中勾結匪首掣獲者不少尙有在逃著名者若干人西甯各處是否亦有匪蹤秋冬以來劫案多少務祈閣下迅卽確切查明示復萬勿有遲是所切禱

奇世之用實不在

名

二

陽江大仁山現有賊匪情形及查羅定西甯有無

匪徒滋事緣由稟復兼署督憲張中丞

同治十三年十

一月二十九日

敬稟者十一月二十七日奉到鈞函以陽江廳施丞辦理大仁山賊匪一事飭卽查明并委員前往偵探等因查該處匪徒滋擾業經職道遴委候補從九王鏡於十月初五日由陽春恩平以至陽江確切分查該員於十一月月初十日旋郡職道當與肇慶府瑞守將查覆情形并繪圖註說於十一月二十一日會稟憲鑒在案現奉

行知改派黃遊擊帶勇督剿該處毘連三邑賊匪鍾亞喜等屯匿處所皆在陽江境內此時必須陽江恩平陽春等廳縣會同黃遊擊不分畛域協力訪拏昨據王鏡面稱鍾亞喜等匪糾約夥伴統計不過百名以內該員曾詢問彼處附近鄉人據云匪徒每日食米約在六十升上下廣東升斗極小以此揣之當有七八十名光景官兵來則逃匿官兵去仍復下山尋隙搶擄總由厯任地方官敷衍了事不肯認真遇有劫案又復分置畫界彼此互推數年來官凡數任惟孔昭浹余祚馨兩員尙

稍爲整頓均以力薄未竟厥功餘則總以懸崖峭壁八
達四通爲詞從未痛加懲創故匪徒心膽愈大不知畏
法目下情形亟應就查出著匪姓名由該三廳縣懸立
花紅廣購引線會同黃遊擊鼓勵勇練并嚴查附近窩
匪之家斷其接濟匪首獲則餘黨自可次第殲除職道
已嚴札施丞紹文劉令寶燭鍾令錫綸俟黃遊擊到日
立即相機妥辦不得仍蹈從前敷衍積習應俟辦理若
何稟報到道隨時稟達左右刻下卽無庸再行往查前
聞臬司飭委黃令家德赴陽江訪探該令旋省時當亦

詳細面稟也至施丞屢次通稟忽云匪來忽云匪去絕未拏獲一名又不將匪首姓名查出卽署恩平劉令署陽春王令鍾令等先後稟報亦未敘入匪名實屬疎忽但該員等到任未久且一聞匪信均各募勇督團親往查辦尙無虛捏諱飾情弊又奉來諭因鄭鎮面稱羅定所屬尙多餘匪另派安勇往辦等因查羅定西甯匪徒係由廣西蒼梧藤縣岑溪等處竄來出沒靡常歷經剿辦入冬以來未聞有大股聚集滋擾之事惟該州屬本地土匪往往暗中勾結或小有竊發亦未可知與其臨

事張皇不若先期防範鄭鎮所慮不爲無見本月二十三日接准鄭鎮來移內開遵奉憲咨派委千總陳華管帶所部勇丁五百名前往羅定西甯剿辦等語職道隨即函致署羅定州杜牧鳳治屬其將羅定西甯兩處現在是否又有匪徒藏匿有無劫案匪首是否本地人氏抑係西匪竄來趕緊詳細登覆杜署牧尙無回稟茲奉前因并另奉憲札除再飭令該署牧迅速查覆外謹此先行肅覆

居世之用身不在

名

之

札陽江廳務將大仁山賊匪搜捕著匪鍾有喜等

拏獲究辦

同治十三年十
二月初一日

爲札飭遵照事現奉兼署兩廣總督部堂張札開照得
昨據該道稟報陽春陽江恩平等廳縣交界之大仁山
等處有匪徒屯聚搶劫卽經札司分飭各該地方官及
赤溪同知會辦併咨署南韶連鄭鎮在欽州帶隊回省
順便帶員派勇前往查辦在案現據陽江文武稟報大
仁山賊匪俱已逃散止將賊巢焚燬並未擒獲一犯亟
應痛加搜捕查鄭鎮部下各勇月有差遣應卽飭令現

駐南海西樵一帶緝捕之署陽江鎮中軍遊擊黃增勝帶勇前往大仁山查辦以期得力所有西樵一帶土匪應由鄭鎮派員帶勇前往商同戴副將辦理除另咨鄭鎮查照并札署陽江鎮中軍遊擊黃增勝遵照督帶所部壯勇五百名刻日馳回陽江確探大仁山賊匪屯聚處所會同各地方官認真搜捕務期悉數弋獲盡法懲辦毋任竄逸滋擾致負委任仍將起程及行抵陽江查辦情形隨時稟報察核及札東臬司分飭陽江陽春恩平及赤溪新甯各廳縣會營多撥兵役扼要堵截一俟

黃遊擊帶勇馳回陽江會同認真搜捕毋任竄逸大干
叅咎外合就札飭札到該道即便一體移行遵照毋違
等因奉此查本案先因各該廳縣未將該匪等來蹤去
跡夥黨實有若干現在竄往何處詳晰稟報當經本道
與肇慶府分別札委候補從九品王鏡前往該廳確查
稟覆去後旋據該委員王鏡稟稱查得該匪等屯聚河
仔尾地方出沒深窟塘等處滋擾匪夥約有百人其中
最著名者鍾亞喜黃珍餘黃亞六黃亞保衛亞攀羅亞
新徐執培等現仍屯聚未散等情并將該處山川形勢

繪圖註說呈繳前來嗣據該廳稟報河仔尾地方賊匪業經邱守備等勦捕俱已逃散惟未經跟蹤窮搜又未將著名賊匪鍾亞喜等拏獲辦理殊屬鬆懈茲奉前因除札恩平陽春等縣遵照外合就札飭札到該廳即便遵照一俟黃遊擊帶勇到日立即會同認真搜捕懸立花紅廣購眼線鼓勵勇練并嚴查附近窩匪之家斷其接濟務將著名賊匪鍾亞喜等悉數拏獲盡法懲辦毋使一名漏網貽害地方致干撤叅仍將辦理情形隨時稟報察核毋違切切特札

批署陽春縣鍾錫綸稟大仁山賊匪經陽江兵勇

攻散現仍會營派撥兵役練勇嚴行防堵

同治十三年

年十二月
初二日

據稟已悉查大仁山匪徒屢屢肆出滋擾該縣日久並未拏獲一匪又不查明該匪等首夥姓名及黨與若干詳晰稟報辦理殊屬玩泄本案昨奉院憲行知已改派黃遊府督帶壯勇五百名馳回陽江會剿當經札飭該縣一俟黃遊府帶勇到日立即會同黃遊府及陽江恩平等廳縣懸賞購線認真搜捕務將著名各匪悉數弋

獲盡法懲辦在案據稟前情仰肇慶府飭卽查照前札
事理趕緊會督兵勇懸賞購線認真搜捕務將著名各
匪悉獲懲辦毋得稍分畛域致干撤叅未便仍將辦理
情形隨時稟報察核並候兩院憲暨臬司批示此繳

批開建縣民婦陳梁氏呈控汎弁孫朝安爲挾嫌

誣攀陷良爲匪乞恩提訊以釋無辜事

同治十三年十

二月二十一日

前據該縣稟報植村匪徒植亞秀等擄禁弁兵孫朝安等案內聲明先據兵役拏獲賊犯陳炳妹一名訊認夥劫監生林士英家得贓不諱稟內並無陳炳妹卽名陳亞養係梁亞枝供夥之語而陳炳妹供開夥黨則有植亞秀等之名現呈謂氏男陳炳妹係被高永祥懷挾夙嫌捏作梁亞枝供黨陳亞養獲交孫把總解縣固核與

縣稟不符且氏男在縣供認何案詞內忽又含而不露
細核控情其中難保無另有別故除將抱告陳癸妹飭
發高要縣遞回該縣收審外仰肇慶府迅飭開建縣刻
日查明原案立提陳炳妹覆加確訊錄取切供先行稟
覆察核毋稍枉縱稽延切切保領并發

批高明縣監生關兆龍呈控都含汛官李超龍捏

佔營地一案

同治十三年十一月二十一日

查本案該監生當日並未在本道衙門呈控現奉督憲批道提審始行赴道具呈殊屬非是究竟所報各情是否屬實現經札飭該縣提集兩造人卷解道訊辦應俟該縣將人卷解到再行集訊究斷該監生既稱具保投到乃查閱保領並無代書戳記殊不足憑着卽另具戳保投案候訊毋延粘抄保領附

新正の用箋不
名

左

--	--	--	--	--	--	--	--	--	--

開建縣植村匪徒擄禁汎弁孫朝安并殺斃兵丁

一案情節上兼署督憲張中丞稟

同治十三年十二月二十

八日

敬再稟者十二月二十六日准臬司移知奉憲台札開
開建耆民植定蘭遣抱植金呈控兵役赴該村塗面劫
搶等情錄批移會職道飭令在事文武實力查辦等因
准此職道查開建縣植村匪徒植亞秀等擄禁汎弁孫
朝安并殺斃兵丁一案該紳耆等故意拖延包庇誠如
憲批捏詞砌聳大屬非是現在刁副將督勇前往該村

僅將案匪交出一名其植亞秀一犯膽敢以植俊秀出頭塘塞經刁副將會督縣營嚴押該村耆民三人勒限諭令緹送昨接鄭令慶輝通稟及刁副將信函知該村近始畏懼應由刁副將等相機妥辦總期將匪首植亞秀等三名先行挈獲嚴懲俾警後來其餘安分良民不得稍有屈抑至嶺西風氣最喜呈控所謂圖告不圖審者其中申訴冤枉固不乏人然訟棍極多往往顛倒是非架詞上控非欲拖累富戶卽係挾制官長其抱告之人率皆各衙門雜項人役或給銀數錢或給錢數百文

輒頂抱告姓名爲之呈遞究竟親身赴控與夫真有抱
告者十無四五遞呈之後則又徧騰蜚語或夤緣過境
之委員在省之紳士向其肆口誣枉希圖傳播聳聽甚
且刁生劣監上至在籍巨紳一遇不遂所欲必借事生
風州縣加以偏酷佐雜加以擅受案情虛實未可知而
地方官無所措手足矣職道愚以爲此風若開似於吏
治民生兩無裨益職道久任嶺西待屬吏向不寬縱各
該地方官雖事有小拂民情者無不悉心根究務持其
平從前陽江武弁誣良爲盜應斬梟斬決者七人一經

解道立予昭雪絕不敢輕心掉之無如此間積習相沿弊竇不一而足故每於收呈之日閱其情節較重以及控官控吏者照例將原告解歸各該州縣聽候質審一面飭令該州縣查案先行稟覆察奪近來上控呈詞在職道衙門呈遞漸少此植定蘭之所以不在職道衙門輕投一紙也乃於十二月十八日告期忽有開建民婦陳梁氏遣子陳癸妹呈控伊次男炳妹被積匪高永祥誣其爲匪汎弁孫朝安聽高永祥唆擺瞞聳縣主苦打成招請將伊男提訊并飭汎弁孫朝安交出積匪高永

祥一併解案研訊等語當查開建縣原臬陳炳妹一犯
卽係與植亞秀等夥劫監生林士英家被兵役掣獲供
認行劫不諱植亞秀等匪名皆係陳炳妹親口供出今
因植村抗拒弁兵情罪重大輒敢用其狡詐不提植村
一字反謂孫朝安聽信高永祥唆擺誣其作賊而於在
縣苦打成招一語卻不將所招何案詳細聲明故作含
而不露其爲植姓暗託訟棍巧施手段毫無疑議業由
職道札交高要縣遞回開建收審恐陳梁氏必又赴省
遞呈應請諭知收呈委員如果該氏上控卽將抱告押

發該縣歸案辦理庶刁徒不致逞其伎倆而地方官亦不致畏首畏尾隱忍含糊未始非清釐塵牘之一法也此案一二省郡各委員有自開建來者頗謂把總孫朝安不甚安分積之日久遂有此變第就事論事該村衿庶既知孫朝安有騷擾情事何以無一人出名控告直至禁官斃兵始行申訴其爲畏罪誣狡不待智者能辨之矣除再飭開建縣鄭令及移知刁副將將植村一案趕緊辦理毋枉毋縱并訪察孫朝安有無不安本分情事分別稟辦外合先肅稟附聞

陽江廳舉人鄧琳等具呈請撥兵勦辦大仁山賊
匪情形并據羅定州稟稱該州并無西匪竄擾
惟前經從逆匪犯尙有數十名未獲緣由上兼

署督憲張中丞稟

同治十三年十
二月二十八日

敬稟者竊職道於十一月三十日遵諭將陽江等廳縣
查辦大仁山賊匪情形及飭令羅定州查明羅定西甯
兩處現在有無賊匪緣由稟覆憲鑒茲於十二月十八
二十等日接據陽江紳士舉人鄧琳等以大仁山賊匪
鍾亞喜等分踞匪巢聚黨約計千餘人肆出打單擄劫

呈請撥兵剿辦等情赴道具呈當經批行該廳會督兵
勇加懸重賞勒限嚴緝鍾亞喜等務獲懲辦并另札嚴
飭陽江恩平陽春各廳縣一體迅速不分畛域限兩月
內將著名匪首趕緊拏獲不准遲延推諉在案查該舉
人等所呈各節雖不免張大其詞然該匪等出沒靡常
乘隙搶劫實屬愍不畏法現奉憲台札知委令何道馳
往會同黃遊擊督飭地方文武認真搜捕何道素稱幹
練定能辦理得宜不致令其延蔓至羅定匪徒一節據
該署州杜鳳治稟稱遵查卑州地方界連西省僻處山

陬從前時有土匪勾引西匪搶掠滋事迭經官軍剿捕
獲犯多名懲辦地方賴以安輯刻下尙無西匪竄至亦
無本地土匪暗中勾結外匪滋擾情事惟前經從逆未
獲之甘織帽三梁丙許擇標譚晚譚二曾亞歪五雷公
頭杜葉熙賴十六張亞洪張十一楊四張亞六杜沾林
杜亞花九林亞呀林亞不高相陳謀世廖元黃大骨八
王鴻鈞王鴻謀李金星鄧五等均係著匪其餘在逃匪
犯亦有數十名迭經督飭兵勇及諭飭紳耆實力查拏
網送該犯等早已聞風遠颺一時尙難就獲且州屬地

方遼濶現屆隆冬正宵小竊發之時難保無土匪勾引
西匪滋事茲奉撫憲添派安勇五百名馳赴卑州及西
甯縣屬會辦并准鄭鎮軍派委千總陳華管帶安勇全
隊五百名已於十二月初二日到州除會商陳千總將
各勇分派卑州及西甯縣屬各處駐紮搜捕并嚴諭各
鄉紳耆如有匪徒潛回立即查開住址及先將各匪現
在逃匿處所據實指稟以憑拏辦外緣奉前因理合遵
札查明稟覆憲台察核再州屬地方秋冬以來僅有本
年十二月初二日據事主溫梁氏據稟伊家於十一月

二十四日夜被賊強劫一案現已獲犯二名供認不諱此外并無報搶報劫之案又查西甯縣屬地方現在亦無西匪勾通土匪滋擾情事本年秋冬以來僅據該縣詳報於本年七月初十日夜被賊強劫拒斃事主范木性等四命一案至此外有無被搶被劫尙未具報之案及該縣屬尙有在逃著匪若干名現經卑職轉飭陳令查明徑稟合併聲明等情職道伏查該州及西甯縣地方刻下雖無西匪滋擾情事惟既有在逃賊匪甘織帽三等多名未獲又有西甯事主范木性等被劫拒斃四

命重案自不得以現在地方并無外匪稍存玩視除再
嚴札該州會同鄭鎮軍所派陳千總督飭兵勇嚴諭紳
耆迅將在逃各匪搜捕淨盡并飭西甯縣嚴緝范木性
等被劫案內兇賊務獲究報外合將陽江紳士具呈大
仁山賊匪情形及羅定州稟覆該州現在并無賊匪緣
由具稟憲台察核

嶺西公牘彙存卷七目錄

光緒元年正月十四日起至十一月十二日止

札飭高明縣立將把總李超龍請勘辦關兆龍等

侵佔營地一案兩造人卷解道訊辦

光緒元年正月十四日

簽駁陽江廳詳疎防陳尙平等被劫一案聲敘不

符

光緒元年正月十七日

陽春煤廠損多益少應暫行停止致

俊質堂方伯張石洲廉使

書

光緒元年正月二十四日

恩平縣民婦吳黃氏以伊男吳運高被林亞千截

搶拒斃案應請發回陽江廳并委員前往會同

該廳拘提審辦上兼署督憲張中丞稟

光緒元年二月

初二日

批署高明縣吳福田稟將會同委員查勘關昌明

等各房屋帶回關昌秀一名應否併解審辦乞

示祇遵

光緒元年二月十五日

批水師守備葉維光稟將兵丁黎雲登二名暫發

回營當差

光緒元年二月二十八日

飭將各徭戶內應襲土職尙未領割及承襲未定

緣由查明稟覆致署新興縣孫稼亭明府書

光緒

元年三月

初一日

肇陽羅各屬狃獍種數情形致

俊質堂方伯張石洲廉使

函乞

代回院憲

光緒元年三月初四日

札委德慶州許署牧前往開建縣查明刁協戎官

親林二與開建縣家人易升在妓館起衅致被

林二毆砍多傷情形據實申覆

光緒元年三月十二日

批署廣甯縣孫志鈞稟遵將辦理善後事宜並督

飭差勇營兵拏獲匪犯高徂馨等情

光緒元年三月二十

一 日

審過高明縣監生關兆龍等上控汛兵黎登雲捏

佔營地一案訊斷情形備錄供摺圖說上英宮保張

中稟光緒元年三月二十八日
丞附英宮保批

封川開建鶴山及新興等縣續查徭人承襲各情

形鈔摺送核致俊質堂方伯函光緒元年四月初一日
張石洲廉使

批四會縣烏廷梧稟美國湯教士到縣宣教當諭

令紳民遵照條約毋得滋事光緒元年四月初二日

批署東安縣劉彬稟縣屬監生賴釗憲負嵎頑抗

倘敢逞刁肆控乞賜勒保交出抱告押發下縣

懲究

光緒二九年四月十一日

諭房科及辦高案案家人 光緒元年五月初一日

批高明縣監生關兆培呈控奉押高要縣為懇乞

原宥釋放以廣憲恩而免苦累

光緒元年五月初八日

簽駁陽江廳民黃亞益被匪搶牛殺斃案初叅一

案發回另辦

光緒元年五月二十二日

批署東安縣劉彬稟擬派汎弁分駐西山添建卡

房各情形請示立案

光緒元年五月二十五日

飭據縣局造具修理肇慶城垣用過工料銀數清

冊及保固印結據由轉繳並應否委員驗工請

示遵照與府聯銜上

英宮保張中丞

稟

光緒元年五月二十五日

批開建縣民婦林譚氏控姪林際春強姦挾恨誣

告叩乞檄飭縣訊明雪冤事

光緒元年六月初六日

批署高要縣孫鑄具稟據二班紳士何公涑等具

呈籌還前借倉穀懇請減折現銀分限完繳等

情核示遵辦

光緒元年六月初十日

批陽春縣孀婦雷程氏呈控何重德竊吞餉押銅

錢叩乞提案審究追給

光緒元年六月二十六日

批署羅定州杜鳳治稟奉批核明東安縣劉合擬

請在西山地方分設卡房

光緒元年七月十六日

簽駁陽江廳詳監生李宏勇等家被劫案二叅職

名發回片辦

光緒元年七月二十二日

核定經管肇郡城垣章程與府聯銜上兼署督憲

張中丞稟

光緒元年九月二十五日
附核定經管肇郡城垣章程

批署高明縣余澍疇具稟前署縣吳福田已逾初

叅兩個月例限尙未准移送交代

光緒元年十月初三日

批新興縣生員彭揚和等被控案粘保投質乞早

訊結免累 光緒元年十月初六日

廣甯逸犯黃豬仔廣等復出滋擾請回明兼署督

憲張中丞札調陽江鎮標中軍黃凱臣游戎帶

兵前往查辦致孫駕航署臬書 光緒元年十月十七日

簽駁陽江廳詳李亞基被吳建亮等致死一案發

回查明稟復 光緒元年十月十九日

請委幹員前往開平會同該縣勒傳原保紳士張

毓林等提同賊犯張亞賀確訊辦理上兼署督

憲張中丞稟

光緒元年十月二十五日

附錄

張中丞批 附錄兼署督憲張中

批丞

批鶴山縣劉書雲稟卑縣坡山海口挈獲圖劫賊

犯譚勝長等二名並格殺淹斃賊犯蔡高佬永

等二名訊驗情形通稟

光緒元年十月二十七日

廣甯縣屬著匪黃豬仔廣在逃未獲飭再加添花

紅數百元致署廣甯縣孫燮臣明府書

光緒元年十一月

月初八日

奉撫憲兼署督憲張中丞札飭在肇慶駐防之江

遊戎前往廣甯辦匪該游戎一時未便遠離緣

由請代回明中丞致孫駕航署臬書

光緒元年十一月十

二日

嶺西公牘彙存卷七

定遠 方濬師 子嚴

札飭高明縣立將把總李超龍請勘辦關兆龍等

侵佔營地一案兩造人卷解道訊辦

光緒元年正月十四

日

爲飭遵事現奉兼署兩廣督憲張批據高明縣稟准都
含汎把總李超龍移請勘辦關昌明等侵佔營地一案
現將勘訊情形繪圖稟繳察核緣由奉批此案昨據監
生關兆龍等遣抱赴轅具呈當經批道就近查明提訊

詳辦在案茲據稟傳集四鄰人等勘明關昌明等各房屋實有侵佔營地情事並據隣人馮華翰等具結附卷等情自應澈訊究斷仰肇陽羅道查照前批行提兩造人卷到道確切訊明秉公究斷詳辦並候撫部院衙門批示繳稟抄發圖存等因到道奉此並據該縣具稟到道查本案前據該縣監生關兆龍等控奉督憲批道提訊當經行提人卷解訊並飭查稟在案茲奉前因合就札飭札到該縣即便遵照前札事理立即提集兩造人卷批解赴道以憑核訊明確分別詳辦毋稍刻延切切

簽駁陽江廳詳疎防陳尙平等被劫一案聲敘不

符

光緒元年五月十七日

查強劫與械搶之案地方官雖同一疎防處分惟上盜情形微有不同新例人犯罪名亦稍有區別今陽春縣民陳尙平等在該廳屬河面被劫一案據該署廳查開疎防各職名詳叅到道查閱詳內聲敘該署廳訪聞及指勘情形均稱被劫而於事主報呈內則稱被賊持械搶奪究竟本案是劫是搶亟應確切查明方昭覈實且查實缺人員於叅限內卸事如係告病者將來病痊起

復尙須坐補原缺回任接扣倘係告休之員則官已休致不復回任例應卽行議結現詳將疎防限內卸事之承緝捕官司獄李季凱職名查開請叅并以該員已老聲請照例議結該員係實任人員究竟當日是否告病抑係告休未據切實聲敘亦應飭查明確方能核辦合亟簽回仰將發回詳冊查收遵照指飭事理刻日逐一查明分晰聲敘片具妥詳赴道以憑核轉案關題達毋稍率延切切此簽仍繳

陽春煤廠損多益少應暫行停止致

俊質堂方伯
張石洲廉使

書

光緒元年正月二十四日

前年陽春採煤一事弟處當日並未奉到行知嗣據該前署縣王壽仁繪圖並稟到道始知原委復因該處土人控告經該令等設法彈壓近又人言嘖嘖誠恐釀成事端去冬曾經面囑高要孫署令鑄兩次函致現署陽春縣鍾令錫綸密爲查覆隨據鍾令以查得委員鄧倅欲向該處歐姓土民買田開煤該土民因廬墓逼近堅不願賣且潭漏地方開有煤孔四處約深二十餘丈得

煤有限水石居多工本浩繁無益於公而有損於民加以現在大仁山賊匪滋擾各鄉籌辦防堵煤廠工丁多非善類尤爲可慮可否仰懇轉稟卽行停止等情函覆孫令由孫令將原信面爲呈閱正在核辦間適尊處委員試用庫大使程紹哲由陽春查煤而回道經肇慶府來署稟謁并遞手摺一件內稱冬瓜山等處採煤處所於民間廬墓田園似屬有損并據該大使面稟與鍾令函內所云大畧相同竊思開採煤斤乃天地自然之利况值輪船需煤孔亟自應及早籌畫免致缺乏如果確

有利益該委員鄧倬逢源等盡力辦理豈可因輿情稍有不順遂爾中止惟是鍾署令暨程大使等均謂採煤有限又復有損於民刻當辦匪之時在廠煤丁難保絕無匪類似此損多益少設再生衅隙該地方官恐不能當此重咎應否卽照鍾令所請暫行停辦之處尙祈與高引之觀察酌核回明中丞妥爲辦理是荷

荷正之册身左

卷十

四

恩平縣民婦吳黃氏以伊男吳運高被林亞千截

搶拒斃案應請發回陽江廳并委員前往會同

該廳拘提審辦上兼署督憲張中丞稟

光緒元年二月

初二

日

敬稟者現准臬司移開同治十三年十二月二十四日
奉憲台北據恩平縣民婦吳黃氏遣抱吳勤赴轅呈稱
竊氏男吳運高被積匪林亞望林亞千等截搶拒斃恨
姪吳運慶質證兇屬武舉林兆邦主謀串棍林國治等
賄託余官親將吳運慶酷押斷絕水米掣斃滅口二命

慘冤未伸併將氏抱告黃亞裕久押不釋一案迫氏於同治十一年十月二十三日奔叩崇轅蒙批提道憲奉發高要縣集審僅將林亞千一兇見證趙仲熙抱告黃亞裕案外吳昌沛四名解案詎林亞千狡供復賄趙仲熙翻異而首兇林亞望主謀庇兇林兆邦等任令久匿逍遙事外苦累氏投候兩載冤封不伸且氏久已投到抱告黃亞裕何辜迭叩不釋似此黑沉望雪何日迫得遣抱奔叩仁恩伏乞憐准立委幹員飛提首兇林亞望主謀庇兇林兆邦林國治等併飭將林亞千等解省委

辦並懇先提抱告黃亞裕省釋覆冤賴伸生死啣結泣
赴呈詞夫族叔吳平作等情奉批此案前經批道提審
林亞千等如何供詞因何將抱告押候仰按察司卽移
肇陽羅道查覆察核粘抄並發等因印發到司奉此相
應移會移道希爲查照奉批事理稟覆撫憲察核暨移
司知照施行等由到道准此查本案前據該民婦吳黃
氏控奉憲台批道提審遵經行提人卷去後隨據吳黃
氏赴道投訊又據陽江廳將犯證林亞千趙仲熙吳昌
市及吳黃氏之抱告黃亞裕等連本案卷宗批解到道

并片稟吳運慶係因在保患病身故業經該廳余丞驗
明棺殮飭屬領埋等語當將人卷發委高要縣核明確
審嗣據委員署高要縣劉維楨稟稱遵提兩造現到人
證質訊供詞各執查吳黃氏控開各兇犯內有林亞望
等未經到案林亞千所控之吳澤蘭等亦未提到應請
一併行提發縣確審等情迭經札飭陽江廳拘解劉令
維楨卸事署高要縣孫鑄抵任覆提吳黃氏等訊供如
前稟經職道節次催提未到人證並委員候補從九品
葉繼如前往該廳守提旋據該廳以奉提之林亞望等

屢拘未獲吳澤蘭住居恩平縣屬節次移拘未到稟請
札飭恩平縣勒拘移解復經札據恩平縣以查明吳澤
蘭一名業經病故應否照例勘訊聽候案結核辦等情
稟覆赴道職道當以委員葉繼如守提日久未據提到
人證一名卽經將該委員撤回另委候補從九品吳際
昌前往守催提解一面札飭高要縣先就現到人證覆
提確審分別核辦旋據署高要縣孫鑄稟稱遵卽復提
研訊據吳黃氏供稱伊子吳運高前往烏石墟買猪被
林亞千等搶銀毆斃有趙仲熙報知而林亞千供稱伊

往趁墟路過看見林嘉彰挑錢向吳澤蘭贖人伊向理
斥挾恨唆擺吳黃氏捏控質之趙仲熙供稱吳運高被
何人致死伊並不知情亦無報知吳黃氏情事吳昌沛
供稱伊與林新水係屬親戚吳澤蘭如何將林嘉彰之
姪林新水及孫林亞威擄捉伊並不知情因林嘉彰託
伊向贖吳澤蘭要錢三十千文林新水先交伊帶回林
亞威旋亦乘間逃回錢文並未過付至吳運高被何人
致死伊亦不知情各等供據此卑職伏查此案屢經卑
前縣劉令暨卑職提訊兩造供詞各執林亞千所供之

吳澤蘭現又病故吳黃氏控開之兇犯林亞望等迭經稟請行提日久未據拘解無憑質訊以致案懸莫結可否稟請院憲將屍親吳黃氏抱告黃亞裕見證趙仲熙黃昌沛兇犯林亞千一併發回陽江廳並飭該廳嚴拘林亞望等到案就近提同研訊確情按擬詳辦之處理合具稟察核俯賜批示祇遵再吳澤蘭病故應否勘訊併請札飭陽江廳於定案時核明移知恩平縣辦理等情到道據此并據委員吳際昌以林亞望等屢拘未獲稟請銷差前來正在覆核辦理間准臬司移奉批行前

因除札飭高要縣查明抱告黃亞裕一名應否先行省釋稟覆核辦外職道伏查本案控關搶殺而又牽涉前廳官親聽受賄託酷押斃命各情虛實均應澈究惟是委員屢提研訊兩造各執一詞自非提集未到之犯證林亞望等逐一質審不能定讞第節次委札催提未據將林亞望等解到今若祇就現到人證質訊仍屬案結無期若如吳黃氏上控詞內所請將案解省審辦則更覺紛紛拖累因思陽江廳余丞業經卸事現署廳施丞並非原審之員無所用其迴護應請卽將本案現到之

屍親犯證吳黃氏等一併發回陽江廳并懇憲台於在省州縣中遴選明幹之員派委一人前往該廳會同施丞紹文拘集未到一千犯證提同吳黃氏等研審確情迅速按擬詳辦不得再事延宕俾成信讞而免枉縱是
否有當理合具稟憲台察核俯賜批示祇遵實爲公便

卷四之月卷之三

--	--	--	--	--	--	--	--	--	--

批署高明縣吳福田稟將會同委員查勘關昌明
等各房屋帶回關昌秀一名應否併解審辦乞

示祇遵

光緒元年二月十五日

據稟及所繳節畧呈稟模結均悉關昌秀既經該縣交
差帶候應卽併解赴道以憑發交高要縣審訊至關簡
林一名昨據委員余牧具稟當經札飭該縣備移南海
縣拘解在案茲據稟前情除將繳到把總李超龍呈遞
節畧一紙李馮等姓指模切結一紙札發高要縣核辦
外仰卽遵照辦理此繳

荀子之雁身在

卷七

十

批水師守備葉維光稟將兵丁黎雲登二名暫發

回營當差

光緒元年二月二十八日

本案業經發委高要縣審辦現在兩造均已到案亟須由縣提集質訊未便遽將兵丁黎雲登等暫發回營當差所稟礙難准行仰卽知照此繳

軍部人編部

二

飭將各徭戶內應襲土職尙未領劄及承襲未定

緣由查明稟覆致署新興縣孫稼亭明府書

光緒

元年三月

初一日

前接藩司密函囑查各屬徭獍居止情形當經密致尊處查復并委林令兆南前往妥辦隨據閣下查覆到道并列清摺兩扣見示查摺內開載各條尙覺周備惟核各徭戶內如應襲土巡檢之蕭桂成應襲土典史之梁慕聖陳進千均稱尙未領劄并稱土典史陳健行故後承襲未定等語究竟因何尙未領劄因何承襲未定摺

內未經聲明此係總理衙門行查之件必須一一聲敘
明晰方昭覈實用特專緘奉布尙希足下迅卽查照函
內所詢情節逐一查明示復幸勿刻延是爲至要

肇陽羅各屬猺獞種數情形致

俊質堂方伯張石洲廉使

函乞

代回院憲

光緒元年三月初四日

謹案肇慶府誌粵東嶺蠻有猺有獞黎人岐人盧亭畚

蠻蛋戶肇慶府屬則有猺獞蛋三種而已府縣志

縣謂高要

縣失載猺目惟新興綦詳故備錄之云云所錄與現在

新興縣所開大畧相同攷現據恩平四會稟稱猺民一

項乾隆二十一年以其向化日久詳請裁革與府誌載

名屬猺民舊設猺目管轄後因高要德慶四會廣甯猺

目謝守信子孫承襲紛爭騷擾滋事由地方官詳革一

體編入齊民等語亦同似徭目卽土官各州縣均已裁
去新興一邑何得仍有土巡檢土典史名色該縣現稟
迄今二百餘年尙有四姓承襲云云道署兵燹以後案
卷不全應俟飭查明晰再行登覆以期徵實

札委德慶州許署牧前往開建縣查明刁協戎官

親林二與開建縣家人易升在妓館起衅致被

林二毆砍多傷情形據實申覆

光緒元年三月十二日

爲札委確切查覆事現據開建縣鄭慶輝稟稱本年二月二十八日未刻訪聞刁協戎官親林二帶領營兵在妓館將家人易升肆毆之事當傳易升回署查問直認不諱並稱素與林二無嫌只因林二先曾在妓女已妹家住宿嗣後妓女已妹拒絕林二易升實不知情適在該妓館閒坐林二心生妒嫉起衅將易升縛至龍吟橋

上聲稱斬死淹斃等情卑職恐其將來生事卽賞盤川
飭令回省不料該家人易升於是晚初更時候將衆友
幫助銀九兩餘往給街賧順路先到妓館取回漿洗衣
服以便次日搭船回省不意又被林二瞥見復率多人
將易升擁至刁協戎行轅內神殿前用刀斬傷易升頭
顱拳足交加並將銀物剝取一空卑職聞知當卽邀集
闔城營捕儒學並刁協戎洗守戎葉委員公同當堂驗
訊明確錄供備案現查林二匿在刁協戎行營屢傳質
訊抗不交案雖經刁協戎延醫調治但易升頭顱身上

均受重傷能否調治生全難以預卜如能醫愈卑職自當從寬訊結銷案免累惟已妹一名尙未查覆並飭傳易升家屬前來謹抄錄供詞傷單附呈據實稟明等情到本道府據此查開建縣現當會營查辦植村匪徒之際所有在彼駐紮兵丁自應相安無事方能協力挈匪以期早日辦竣茲據稟前情究竟林二卽林發榮是否係肇協營官親因何隨赴該處易升因何與林二起衅被林二毆砍多傷亟應確切查明辦理以昭覈實而免別滋事端合亟會札委查札到該州遵照札飭事理刻

卽東裝起程馳赴開建縣確切訪查林二卽林榮發是
否係肇協營官親因何隨赴該處易升因何與林二起
衅被林二毆斫多傷現在林二曾否到案務得確情據
實詳細稟覆以憑核辦毋稍瞻徇泄延切切此札

批署廣甯縣孫志鈞稟遵將辦理善後事宜並督

飭差勇營兵拏獲匪犯高祖磬等情

光緒元年
三月二十

日一

據稟及清摺均悉仰肇慶府迅飭催令各鄉一律舉行
團練並著趕緊信知西南懷集各商安速會議募勇巡
緝章程一俟齊集酌定另行列摺稟報至所稟黃俚養
等三犯業經兵勇當場格斃一節查黃俚養係著名積
匪如已被格斃則該縣為地方除一大害實堪欣慰惟
該匪被兵勇格斃之後該縣曾否驗明的係正身稟內

未據敘及該府並飭該縣查明稟覆察核仍候兩院憲
暨藩臬司及善後局批示繳清摺存

審過高明縣監生關兆龍等上控汎兵黎雲登捏

佔營地一案訊斷情形備錄供摺圖說上

英宮保張

中 光緒元年三月二十八日

敬稟者案奉憲台批據高明縣監生關兆龍關兆培遣抱呈控都含汎兵黎雲登等前因挾嫌伐竹慫恿汎官羅家燃捏伊世居稅業爲侵佔營地控奉前高明縣周訊明委無侵佔情事斷令照契管業具結完案現任汎官李超龍復串汎兵黎雲登等捏佔營地索補租銀不遂移縣拘訊等情奉批該生等稅業既有印契糧串及

前縣斷結案據可憑而汎弁李超龍等輒以佔踞營地
爲由希圖訛索亟應澈究仰肇陽羅道就近查明行提
兩造人卷到道秉公核訊務將實情分別詳辦毋延粘
抄并發等因印發到道奉此遵經行提人卷批解核訊
一面札委署德慶州余恩鏢前往高明確勘稟覆去後
隨據監生關兆龍鄒含汎把總李超龍先後赴道投到
并據高明縣將關兆培關棉孫營兵黃振魁黎雲登連
本案卷宗申解到道職道當提關兆龍等及李超龍等
訊取大概供詞將人卷發委高要縣確審核辦旋據委

員卸署德慶州余牧恩鑠稟稱遵札前赴高明會同該縣吳令親詣都合汛查勘關昌明關昌秀等住屋共三處傳問左右貼隣李馮等姓均稱伊等屋址俱係營地而關昌明關昌秀住居李馮等姓之中不應獨有稅業其爲營汛地址無疑差傳監生關昌明不面祇有關昌秀具稟到案詰以詞稱世居海口百有餘年現據繳驗印契買自道光年間其未買置以前該祖父住屋何在關昌秀俱無詞以對當經高明縣吳令將關昌秀交差帶候其時又經兵役查獲來汛窺探形迹可疑之關簡

林一名訊係對涌南海縣屬龍岸鄉人供詞閃爍亦經吳令飭差帶候詎伊所帶子弟多人當卽奪回復在對涌河堤肆口罵詈詰問兵差人等僉稱關簡林向來刀筆營生卽係此案造呈唆擺之人所有不法子弟及主唆之關簡林應否札飭南海縣拏獲究懲之處出自憲裁合將奉委查勘情形繪圖稟覆察核又據委員代理高要縣知縣孫鑄稟稱遵提兩造質訊據監生關兆龍關兆培民人關棉孫等同供所住房屋已有百餘年聞係故祖關達進向已故之何瑞光承買有印契爲憑并

非營地前被黎雲登們控佔營地經前高明周縣主驗契斷令照契管業黎雲登們現復圖翻舊案仍以侵佔營地稟經汎官李超龍到屋查看移縣拘訊等情查驗印契係道光二十六年用價向瑞光買受坦地訊其賣主中人均已物故該住屋應於買地後始行建造則住居何有百餘年之久再三究詰據稱住屋與地契均係祖遺伊等年少不知來歷所有具控情節皆從其父主意請行提其父關昌秀質汎等供據把總李超龍供都含汎署向建在高明縣海口地方原設汎兵一百二十

餘名從前各該汛兵就在汛旁餘地蓋屋居住關兆龍
之祖父關達進等向充汛兵亦在汛旁自行蓋屋居住
嗣後退伍仍住舊屋迭經前任各汛官飭令遷居不遵
復添建房屋把總到任後據隊目黃振魁等稟經詳查
勘明關兆龍等住屋實係營地移縣親詣該處傳同兩
造及附近隣居之馮華翰李錦標張錫元們查訊僉稱
伊等及關兆龍們住屋均屬營地關兆龍藉契及周前
縣所斷不肯交還地基捏以訛索等情上控把總實無
訛索銀兩情事據汛兵黎雲登黃振魁同供關兆龍們

與左右隣馮張等姓房屋均係汎旁營地因關兆龍祖
父關達進先前充當汎兵時自行在營地建屋居住後
來退伍并沒遷居向來每年每間納租錢一二百文爲
衆兵祀神所用自咸豐十一年間因砍竹爭鬧互控後
關姓稱係稅地不肯納租李汎官到任後查勘營汎基
址小的們稟明查勘關兆龍們房屋實係建在營地移
縣查辦小的們實無與李汎官向關兆龍們訛索情事
各等供據此當以兩造情詞各執關兆龍等住屋地基
是否卽係向何瑞光買受之地均稱不知來歷自非提

卷四之九
三
到其父關昌秀質訊不能定斷理合稟請行提關昌秀
解發質訊各等情到道職道當將委員余牧查勘情形
行知高要縣核辦一面批飭高明縣將關昌秀申解并
移拘關簡林等解訊隨據高明縣將關昌秀申解到道
又經發委高要縣提同質訊在案茲據高要縣孫代合
稟稱遵卽提集覆加確訊據關昌秀供伊祖從前亦當
汛兵所住房屋已經三代約有百餘年建自何年無從
知悉道光二十六年故父向何瑞光買受坦地一塊已
經印契咸豐初年被水冲沒因咸豐十一年間汛兵黎

學元在屋旁砍竹彼此爭毆汎兵黃振魁挾嫌知伊住屋本係營地遂以佔踞等情稟經汎官移縣查辦經前縣周主集訊伊卽以所住房屋係買受坦地建造并將印契呈繳周縣主因僅砍竹三株衅起細微并未履勘驗有印契可憑斷令照契管業惟不應因砍竹爭毆將伊責懲了事上年李汎官查勘營地基址汎兵黃振魁們復以伊屋係侵佔營地具稟李汎官到屋履勘飭令將屋拆去將地交還伊以案經縣斷憑契管業忽又令拆屋交地且汎兵黎雲登們先年因伊不納地租曾經

向借錢銀未給疑係有意慫恿訛索耕種窮民無屋棲止一時情急令子監生關兆龍等出名上控冀圖聳准實在李汎官汎兵黎雲登們并無訛索情事今蒙委員會勘并據左右隣僉稱所住屋基實係營地只得據實供明惟求公斷等供質之把總李超龍汎兵黎雲登等供與前訊相同查都舍汎旁張馮各姓房屋現經委員余牧會同高明縣吳令勘明均係營地并訊明每年各納租錢與汎兵爲祀神用費屬實關昌秀等介居其間何能獨有稅地查驗印契係屬附近坦地久已失管不

足爲憑檢查前署高明縣周令判斷卷宗係因砍竹爭
毆衅起細微爲息兩造互控起見未加深究亦未親往
履勘且現據監生關兆龍等之父關昌秀供明係因汛
兵黎雲登會向借銀未給疑其有意恣戕汛官李超龍
飭令拆屋交地一時情急遂以李超龍等捏佔營地藉
端訛索等情上控希圖聳准則該屋實係營地無疑惟
念係伊祖在汛當兵時自行建造非平空侵佔者可比
住居已久遽令拆毀未免有覆巢之嘆且查訊建屋住
所與汛房尙無窒礙當斷令該監生等住屋共七間并

門前菜地一塊每年共交官租銀二兩一錢分夏冬兩季照依馮張各姓納租一齊呈繳該汛爲修理汛房之用黎登雲等亦不得另外多索致相爭訟兩造均願遵依當卽取具各甘結附卷卑職伏查關昌秀所住房屋旣係營地并不納租復敢令其子關兆龍等飾詞上控本當治以應得之罪姑念其一經到案卽自行據實供明控係懷疑似與始終誣執者有間且年已老邁應與自供年少不知住屋地契來歷係聽其父主使飾詞上控之關兆龍等均請從寬免其深究該汛把總李超龍

汎兵黎雲登等既據關昌秀等供明并無訛索情事亦無庸議再此案係據兩造供詞斷結惟查該汎左右房屋甚多將來如別有輻輳應由汎官知會高明縣就近查辦至關簡林一名現據關昌秀供明并未聽伊唆擺其是否積慣訟棍委員查訊時有無縱容子弟奪回及在河堤罵詈情事應俟南海縣拘解到日卽由高明縣訊明另行辦理是否有當理合備錄供摺具稟察核示遵等情連繳供摺到道據此職道當卽提集兩造覆訊據關昌秀等供與委員高要縣稟呈供摺無異該縣擬

斷各情尙無不實不盡惟查關兆龍等之祖曾充汛兵在營地建屋衆所共知乃敢飾詞呈控把總誣其捏佔營地訛索銀兩殊屬險詐雖供稱年少無知受伊父關昌秀之使關昌秀雖亦到案供明而誣告刁風斷不可長應請由高明縣將職員關昌秀監生關兆龍關兆培嚴行戒飭以示薄懲至關簡林一犯現在會否移拘到案未據高明縣稟報應由高明縣查明是否積年訟棍另行辦理不准含糊敷衍以清訟源其該汛營兵在營地建蓋房屋據委員余牧繪圖已有數十間之多難免

以後絕無輻輳且恐各兵丁任意建蓋及私自租賃情弊未免以現案從寬完結致將來別滋事端該處水師營汛係憲台標下應請札飭水師叅將督同該營守備查照委員余牧圖說立清界址現在房屋旣經勘明與汛地尙無窒礙自應一律恩施免其拆毀此外無論在營兵丁並附近居民永遠不得再添一間所有地址寬濶房屋若干一併另繪細圖稟報憲台察核仍另備圖說二分一交水師營守備一交高明縣存案并飭都含汛把總每屆年終稟知該管上司出具并無兵丁人等

私在營汎左右蓋屋切結俾官地不致侵佔而兵丁等亦不敢有私租私賃之弊矣是否有當理合將本案訊斷緣由繕具供摺一扣圖說一紙稟請憲台察核批示祇遵實爲公便

附英宮保批

據稟及圖摺均悉查核訊斷情形甚爲妥協仰卽轉飭高明縣遵照辦理其關簡林是否積年訟棍該縣務卽查明移拘到案確訊究報毋稍顛預稽延仍候札行標下水師營叅將督同守備按圖立界并另繪

細圖稟繳及分交營縣存案每屆年終取具汛弁切
結繳核并候撫部院批示繳供摺勘圖存

谷口之別室不
名

三

封川開建鶴山及新興等縣續查徭人承襲各情

形鈔摺送核致

後質堂方伯
張石洲廉使函

光緒元年四
月初一日

前准尊處函查各屬徭獍居止一事業經弟將飭據所屬高要等十三廳州縣查復情形備列清摺函復核辦一面行催尙未復到之封川鶴山開建等縣趕緊查復并因新興縣前繳摺內未將徭戶應襲之士巡檢蕭桂成應襲士典史之梁慕聖陳進千因何尙未領劄士典史陳健行故後因何承襲未定之處分晰聲明復經行令該縣查明稟覆核辦去後茲據封川縣劉令祖慶稟

稱查卑縣屬內五鄉居民均屬土著各姓聚族而居間有客民寄居耕種者多係惠州嘉應等處民人並無猺獞雜處又據鶴山縣劉令書雲稟稱查卑縣自設立以來向無猺獞黎苗等類相處其間無憑逐款稟覆又據署開建縣鄭令慶輝稟稱遵查卑縣地方隣近西粵昔日原有猺人獞人二種依山爲穴非與民人雜處蓋猺人昔在縣屬四都之忠讜象元及一都之小玉等山自成聚落採山伐木爲生聞乾隆年間象元等山猺人尙有挑負巾布木器常川附近墟市貿易至嘉慶二十四

年以後逐漸不見不知去向查該種徭人無非聚處高山峻嶺以山木之興衰視爲去止至卑縣屬西山地方從前亦有獞人一種迨嘉慶年間僅存八戶隨後業經歸化與民一體薙髮完糧聞今日西山之何廖韋李覃莫盧倪八姓卽其後裔查志乘所載相符但徭人當日遷往何處及獞人何時歸化因年代久遠無從稽核再一切政教禁令法律向係如何辦理其中風土人情如何光景更屬無可考證請免按照清單造送又據署新興縣孫令福清稟稱查卑縣誌書自乾隆二十三年經

前令劉芳修輯內載徭人土巡檢蕭桂成土典史梁慕聖陳進千承襲尙未領割陳健行故後承襲未定等語迄今已閱一百餘年自遭兵燹之後各房案卷遺失其何以承襲未定及不領割之故一時無從考究卑職飭傳現在徭目蕭德忠梁超仁陳鍾嶽等到案面詢據稱伊等祖上原襲世職管理徭務因承平日久各徭人欣欣向化俱與齊民無異以致徭職竟成虛設惟伊等係蕭桂成梁慕聖陳進千嫡派子孫是以族中推爲徭目相繼承充不過報明縣中存案至襲職部割久未請領

委係家貧無力並無別故其土典史陳健行一支當時因健行無嗣承襲未定後來經族中擇立陳博古接辦現傳至陳榮泉承充徭目各等語當卽飭承檢查該徭目近年接充之卷祇據蕭德忠梁超仁陳鍾嶽陳榮泉報明有案其以前無卷可查隨卽飭令蕭德忠等各開具相繼應襲名次前來卑職復查無異理合將所詢情節逐一查明再行列摺稟覆察核各等情到道據此弟復查無異用特專緘奉布連將新興縣所繳清摺一併錄送尙祈彙覆

各世之別實在

卷十

三

批四會縣烏廷梧稟美國湯教士到縣宣教當諭

令紳民遵照條約毋得滋事

光緒元年四月初二日

據稟已悉仰肇慶府迅飭該縣再諭街正李芳銓傳諭街坊衿耆舖戶居民人等以後如有洋人前來與之相遇不必有所辯論務須遵照條約至中國人習教者雖習外國之教猶是中國之民一切自應遵依中國規矩若湯廷章乃中國百姓即使入教不過一教民耳美國斷不能卽加以耶穌監督統轄廣東省教民字樣何得擅用申陳與本地官長來往該縣不將湯廷章申陳擲

還殊屬不知輕重嗣後如的係外國教士有交涉之事應遞申陳等件及來署謁見均當以禮相待察其所言情節據理妥辦不可稍存畛域之見其有外國教士到縣或路過或久住該教士等亦必持有執照告知地方官則地方官須諭令紳民差役一體妥爲保護不得異視設有事故但論理之是非持平辦理庶彼此相安無事矣該府併卽飭令知之仍候督憲批示繳抄稟一紙存

批署東安縣劉彬稟縣屬監生賴釗憲負嵎頑抗
倘敢逞刁越控乞賜勒保交出抱告押發下縣

懲究

光緒元年四月十九日

據稟已悉查已革地保歐基全等拒斃弓役賴明一案
日久未據獲兇究報其賴明家屬聽從賴釗憲等主唆
闖進西山司署索補銀兩致朱巡檢之女三姑服毒自
盡一案亦未挈獲賴釗憲等訊得實情定擬詳辦玩延
已極現在既經該縣稟調安勇到縣查拏仰羅定州飭
卽會督勇役迅將兇犯歐基全等務獲究報并嚴拘賴

劉憲等到案研訊實情按擬詳辦仍將陽春縣監生顏有榮呈控賴劉憲強霸嘗地私築礮臺一案速行究結均毋任延干咎切切仍候臬司批示此繳

諭房科及辦彙案家人

光緒元年五月初一日

近來本衙門公事書辦任意稽壓簽稿家人亦不催問因循疲玩日久貽誤必多着於五月起每日打到公牘除無關緊要者遇有人命盜劫及一切地方應行速辦之事打到後立即發房次日即擬批擬稿送至師爺書房該家人請師爺看出立送簽稿房閱定蓋用圖章閱定之次日即行騰批印發不准再似向日遲延此外應稟兩院應移文武各衙門文稿亦著於文到日酌量事之輕重限三四日內送稿閱定其三八呈詞仍照向定

章程三日內批發經此次申諭之後倘敢故違隨時查
出定將該書辦責革家人等驅逐不貸凜之慎之所有
五月以前積壓文件著一併趕緊清釐特諭

批高明縣監生關兆培呈控奉押高要縣爲懇乞

原宥釋放以廣憲恩而免苦累

光緒元年五月初八日

該監生父子兄弟冒佔營地建蓋房屋經兵丁呈明營弁輒敢將營外沙坦地契作偽呈告并捏稱營弁訛詐銀兩律以誣控之罪斥革監生拆毀房屋實屬咎有應得嗣因委員高要縣審明稟請從寬辦結本道不爲已甚轉稟院憲批飭將該監生等交高明縣戒飭薄懲本係格外施恩乃該監生不思自怨自艾復敢呈懇釋放免其戒飭膽大糊塗可惡已極亟應嚴加懲治俾儆刁

頑姑念本道業已施恩在先不忍再行從重辦理仰高要縣立即選差將該監生關兆培解赴高明縣并備移該縣吳令速將該監生傳同關兆龍等嚴諭戒飭隨時管束毋許再滋事端該監生等自此次戒懲之後務當安分守已勉爲善良倘怙惡不悛將來再罹憲網恐不能如本道之寬容也凜之慎之原呈并仰高要縣抄給高明縣閱看至此案於四月二十八日奉到縣批札飭高要縣遵照何以遲至現今尙未起解是否書差索費故意延宕該縣速行查明稟覆毋違

竅駁陽江廳民黃亞益被匪搶牛殺斃案初察一

案發回另辦

光緒元年五月二十二日

據詳黃亞益與族人黃亞羅同在村背山牧牛被匪窺見前來搶奪各匪內有認識之關亞逢關亞征關亞亮三人黃亞益呼喊被匪殺斃黃亞羅奔逃回報登集隣里多人追捕賊皆逃走起得牛四隻等情查向辦搶奪之案賊匪與事主多不認識卽或有認識之匪在內亦必包頭塗面或隱匿他所今關亞逢等旣爲事主認識之人何敢公然露面肆行搶奪竟不慮事主指名控究

况賊匪搶奪意在得贓該匪等於搶奪之後何以並不牽牛逃逸且待黃亞羅奔逃回報集衆前往追捕始行逃走任將牛隻起回且在場被搶認識賊匪之黃亞羅及追捕起贓之隣里均未傳案訊供而查閱原驗黃亞蓋屍傷又復多而且重細核情節殊覺可疑究竟本案果否係搶奪殺人抑其中另有起衅別故必須查訊明確方能核辦現詳查開職名請叅之處礙難照轉合行簽回仰將發回詳冊查收遵照指飭情節逐一確切查訊務得實情妥爲聲敘扣明叅限另行詳請核叅案關

題達毋稍率延此簽仍繳

卷之七

三

批署東安縣劉彬稟擬派汛弁分駐西山添建卡

房各情形請示立案

光緒元年五月二十五日

該令籌辦地方係爲因時制宜起見惟所擬汛弁梭巡及籌費建卡各事宜能否經久其汛弁往來巡緝能否確有裨益不致有名無實仰羅定州按照該令所稟詳細核明迅速稟覆聽候核辦此繳

皇朝通志卷之七

三

飭據縣局造具修理肇慶城垣用過工料銀數清

冊及保固印結據由轉繳並應否委員驗工請

示遵照與府聯銜上

英宮保
張中丞稟
光緒元年五
月二十五日

敬稟者竊照捐修肇慶城工一案所有修葺全城工程及工竣日期暨收支捐項銀數歷經縷晰稟報奉批行轉飭縣局各員將用過工料及各項支用銀數彙造細冊取具保固切結稟請委驗核辦並將萬壽宮迎恩亭等處工程一律修復所需存城礮位亦即購置安放在事出力人員及各屬捐資官紳分別請給獎勵各等

因卽經轉飭遵照去後茲據署高要縣知縣孫鑄會同城工局委員高要縣學教諭李愷疇稟稱遵將存城礮位酌置合用礮架擇要安放除將用過工料請俟修復萬壽宮迎恩亭等處工程事竣分造細冊繳核其事出力及各屬捐貲官紳銜名暨所捐銀數由卑職等確查另造清冊酌擬等第另稟呈繳外合將修理城垣改建城樓礮臺用過各項工料及支用一切銀數造具清冊並備具保固切結先行稟繳察核轉稟所有自開工起至工竣止按日支發工料細數銀兩總冊存儲卑

縣以憑吊查核對其六續奉札發歲修城工經費銀一千兩業經分發各當商生息按季將息銀繳存卑縣儲庫遇有城垣損壞隨時由卑縣飭匠修葺每年於夏冬兩屆雇工將雉堞所生草木剷除淨盡以免滋蔓有礙城垣用過工料及雇工剷草銀兩每屆歲底造冊繳查再去年十一月稟報工竣聲明用過工料銀二萬五千六百零一兩四錢八分九釐現冊實支銀二萬五千六百六十七兩零七分八釐計多支銀六十五兩五錢八分九釐係工竣後續支看役工食並添修閘門找補工匠

之款合併陳明等情並備造清冊取具保固印結稟繳前來查全城工段一應修葺處所均經職道等隨時督同縣局員紳親歷查視悉臻穩固所需工料俱令力求樽節覈實支銷至於捐收經費職道等前次稟報工竣聲明除支發外尙交卑府存儲銀三千八百三十兩嗣據陽江廳解繳官捐銀一百五十兩新興縣解繳官捐銀一百五十兩連前應存銀四千一百三十兩續經札發高要縣發商生息歲修城垣存本銀一千兩又發購置礮位及酌撥修理萬壽宮等處銀一千五百兩共

計續發銀二千五百兩除外現實存銀一千六百三十
兩此後有無續支應自前項工程告竣究餘捐項若干
另行稟辦據稟前由除飭高要縣將 萬壽宮等處趕
緊修葺完成並用過購置存城礮位工料另冊造報一
面札飭各屬查明在事出力及捐貲官紳各員名分晰
列摺稟覆彙核請獎外合將縣局造繳城垣工料清冊
保固印結稟呈察核再上年城垣興修時係職道等稟
請委員驗估現在工竣應否委員驗工之處伏候憲裁
此項工程均由官民捐辦並未請項所有支用銀兩請

卷之十

三

免造冊報部核銷以歸簡易合併陳明

批開建縣民婦林譚氏控姪林際春強姦挾恨誣

告叩乞檄飭縣訊明雪冤事

光緒元年六月初六日

前據林際春赴轅具控業經批行該縣查案錄覆茲據呈林際春於同治四年間強姦該氏因被該氏責姦懷恨適林際春家被劫遂捏氏夫林以載爲窩謀洩忿等情查該氏被林際春強姦乃同治四年之事距今已及十年何以當時並不控告迨現在林際春以氏夫窩謀赴縣具呈始以前情赴訴其中難保無藉詞飾卸情弊仰肇慶府迅飭開建縣刻日先行查案錄供稟覆一面

卷四之四

卷四

三

覆提林以載並傳同案內一千人證確切訊明分別按
擬詳辦毋稍枉縱稽延切切粘抄保領并發

批署高要縣孫鑄具稟據二班紳士何公涑等具
呈籌還前借倉穀懇請減折現銀分限完繳等
情核示遵辦

光緒元年六月初十日

據稟已悉查當日客匪之亂該縣各班紳民均曾辦理
防堵費皆自備此項倉穀既係二班紳士請領爲支發
勇糧之用事後卽應由二班紳士如數籌還不容稍有
推諉惟既據二班紳士何公涑等稟稱該處地瘠民貧
實難全數措繳情愿籌捐穀價銀一千兩以豐年穀價
計可買補穀一十二萬五千斤核與原領數目所短無

多尙可原情加恩俯如所請但前項穀石虧空已久亟宜買補還倉該紳等所請分限三年完繳之處未免爲時過久而該縣擬令於今年完半年完清期限亦尙太寬難保將來不復生他議所有該二班紳士願繳穀價應令於本年歲底如數繳清不得任其延宕至其餘尾欠應卽責成頭三四五等班紳士勻捐買補想各該紳素稱急公好義亦必樂於從事也仰肇慶府卽飭遵照辦理此繳

批陽春縣孀婦雷程氏呈控何重德竊吞餉押銅

錢叩乞提案審究追給

光緒元年六月二十六日

查閱粘抄本案兩造控供情形固屬各執卽就何重德一造而論在何重德與其妻何雷氏既已赴縣呈明誤控請予銷案而何重德之兄何重錦及子何相勳於該縣庭訊時則稱雷爾售實未將何重德送回求令雷爾售交出同爲一造之人呈供又復互異究竟其中是何實情何重德現在如何下落仰肇慶府迅飭陽春縣刻日將何重德查起到案勒集兩造一千人證提同雷爾

售確切訊明分別究斷具報毋任延訟切切粘抄保領
並發

批署羅定州杜鳳治稟奉批核明東安縣劉令擬

請在西山地方分設卡房

光緒元年七月十六日

據稟已悉仰羅定州卽飭該縣再行詳查西山地方究
歸何汛管轄一面詳度地方形勢應在何處設立分卡
應撥何營弁兵若干所管段內村落若干能否實於地
方有益逐一詳細繪圖妥議章程迅速通稟核辦此繳

卷之十

三

--	--	--	--	--	--	--	--	--	--

簽駁陽江廳詳監生李宏勇等家被劫案二叅職

名發回另辦

光緒元年七月二十二日

查展叅限內恭逢 恩詔應以 恩詔之日另起叅限
之案從前本於正叅限滿時先將職名開報並於文內
聲明俟展扣限滿另行開叅惟日前有東安縣屬事主
陳嘉和等書室被賊行竊臨時強劫一案因二叅正限
屆滿賊賊無獲由羅定州詳叅到道業經本道查開職
名咨叅隨准臬司以陳嘉和案二叅限內恭逢光緒元
年正月二十日 恩詔應以 恩詔之日另行起限開

奏移道扣滿展叅限期另行移司核辦等因當經轉行
羅定州遵照在案今此案事同一律自應查照辦理合
亟簽回仰將發回詳冊查收俟本案展扣二叅限滿如
犯無獲再行查開職名詳叅毋違

核定經管城垣章程與府聯銜上兼署督憲張中

丞稟

光緒元年九月二十五日

敬稟者竊照修理肇慶城垣全工告竣先經飭據高要縣暨城工局委員將用過工料銀數造具清冊及保固印結據由稟繳憲鑒各在案查肇慶城工溯自道光三年修葺之後迄今五十餘載久未續修茲復籌捐鉅款鳩工庀材時閱兩年工程告蒞此後經管一切以及巡察修補各事宜在在均關緊要自應明定章程俾資遵守惟查向來城樓窩鋪礮臺暨存城礮械等項概由營

弁經管地方官未之與聞現應量爲變通彼此聯絡冀垂久遠而免廢弛當卽飭據高要縣擬議章程列摺稟繳經職道等會商肇協刁副將逐一釐訂尙屬周密茲於本年十月初一日將城垣段落暨樓座礮臺軍械等項由縣點交營員收明派弁住管以專責成所有核定章程理合備列清摺稟呈憲臺察核再捐收城工經費職道等前於六月間具稟聲明除支發外尙交卑府存貯銀一千六百三十兩續又札發高要縣撥修萬壽宮等處銀一千二百兩除外現實存銀四百三十兩至

各處工程茲已一律完竣容卽飭縣將用過工料并購置存城礮械銀兩數目另冊送報俟各屬將在事出力及捐資官紳各員查報齊全再行分別稟報彙核請獎合併聲明

核定經管肇慶城垣章程

一四城各樓交弁住管每年春秋二季應由高要縣會同該弁查閱一週門窗一切倘有破損卽由該弁賠修至暴風烈日或有損壞者該弁立時稟明肇協會縣提支公項整理

一各處礮臺窩鋪并存城礮位礮架檢點清楚由縣造具印冊分別申移道府協各衙門一面親自點交營官查收仍由營官出具收清印文如有損壞營官賠修將來年久或有損壞者公項整理亦於每年春秋

二季會縣查驗

一營官每屆年終將城垣城樓及礮臺窩鋪礮位礮架各項會同高要縣詳細列摺報明道府協并出具并無損壞如有諱飾願甘賠修字樣印結

一北門城向係堆放軍裝器械其中有霉爛不堪之物

生蟲生蟻殊爲可慮應由高要縣會同營官先行點
清然後存放每屆年終縣營會閱一次申報道府協
各衙門以憑查攷不得亂存霉爛各件致有蟲蟻之
患

一四城樓上由營派弁駐宿督率兵丁分段巡查支更
遇有面生可疑之人及偷越城垣者隨時盤詰阻拏
稟究每屆冬令正宵小竊發之時守夜尤當慎密倘
有怠惰偷安者查出嚴究至應派弁兵若干如何輪
流當差分別地段嚴定功過之處由營議定奪

一肇城修理之後最宜潔淨舊時兵丁置養馬匹猶不失爲武事至在城上牧養猪隻日事踐踏土石浮鬆甫經修復更易損壞嗣後不准弁兵牧猪養馬於上如違立提究處

一嚴禁兵民不得在城上聚賭滋事以肅規律城上僻靜處所往往有兵民潛匿聚賭因而匪類混跡於中其弊不可勝言且口角喧鬧易滋事端亟應從嚴禁止密飭弁兵不時巡察遇有前項情事立即拏解照例究辦

一城垣草木按時芟除磚灰脫落隨時修補以期鞏固查此次修城經費用存銀項已奉撥銀一千兩發支各當押生息按季繳存縣庫擬將此項息銀於每年夏冬兩屆飭派丁役僱工將城上野草芟除淨盡其城牆所生樹木亦令一概砍伐并由巡城營弁不時查看如雉堞磚灰間有脫落知會隨時飭匠修補庶根株無傷損之虞而金湯可期永固矣

羅因么羅身不

馬

批署高明縣余澍疇具稟前署縣吳福田已逾初

叅兩個月例限尙未准移送交代

光緒元年十月初三日

據稟已悉查該前縣吳福田係於本年七月十八日交卸其任內交代經本道於八月初二日札委高要縣監盤結報并咨明藩司在案何以吳令卸篆兩月有餘已逾例限尙未將交代移送後任核辦究竟吳令現在是否尙在高明地方抑已回省該署縣稟內未經聲敘自應照例由府委員查催以期交案速結仰肇慶府卽派幹員確查吳令現在何處催令將交代刻日移送隨卽

偕同委員來郡聽候後任核明移覆會算一面錄批報
明藩司知照該府有監盤之責毋任再延是爲至要仍
候兩院批暨藩司糧道及交代局批示繳

批新興縣生員彭揚和等被控案粘保投質乞早

訊結免累

光緒元年十月初六日

本案先經迭札催解並委員前往守提隨據該縣申報已將該生等傳集容卽另文批差解訊等情又經札飭該縣將李慶傳案連卷宗併解訊辦在案現在該縣批解文件及本案卷宗均未到道該生等何以竟能自行赴道投訊究竟是否親身來轅遞呈候札飭高要縣傳保查明稟覆并札新興縣迅將李慶差傳到案連卷宗批解赴道以憑提集核訊究辦粘單保領附

卷之十

四

廣甯逸犯黃豬仔廣等復出滋擾請回明兼署督

憲張中丞札調陽江鎮標中軍黃凱臣遊戎帶

兵前往查辦致孫駕航署臬書

光緒元年十月十七日

竊照廣甯縣積匪謝重觀三等肆劫滋擾迭經該地方

文武勦捕均未得手上年春間弟因何鏡海觀察查辦

恩開匪案事竣當經函致張石洲同年稟請兩院憲卽

令鏡海兄移師廣甯痛加懲辦鏡海兄與黃游戎增勝

從事半年費盡心力始將謝重觀三等擒斬并獲辦要

匪夥匪數十名適陽江陽春恩平等廳縣交界之大仁

山地方盜賊蜂起搶劫頻仍復奉院憲札調鏡海兄偕黃游戎督帶兵勇前往搜捕開辦以來所獲首要各犯實繁有徒地方始漸就安靖本年秋間鏡海兄奉委權篆高廉稟奉英前督憲批行將未盡事宜均交黃游戎一手經理此鏡海兄查辦廣甯及陽江等屬匪案之原委也前月中旬鏡海兄道經此地弟晤談之下詢以廣甯陽江等處情形據云廣甯謝仲觀三等雖已授首尙有陳瓊林黃豬仔廣二匪仍須留意陳瓊林現已遠逃一時驟難弋獲惟黃豬仔廣尙在本境此人兇狡異常

若不將其設法拏辦難保將來不爲謝重觀三等之繼至陽江捕務現已將次完竣爲日後計該廳所屬之海陵島海口實爲大仁山賊匪出沒之區止須該處設防當能得力應由該署廳施丞稟商陽江鎮軍飭派弁兵加意嚴行防禦等語弟以廣甯黃豬仔廣一犯在逃未獲總須設法擒拏曾屬肇慶府瑞守委員查探據瑞守云且看廣甯所辦何如是以遲之又久不得消息正在躊躇辦理間隨據署廣甯縣孫志鈞先後具稟該匪黃豬仔廣在於高坑等處糾集外匪開設花會窺伺滋擾

當經該縣會營撥勇并諭各鄉團前往捕拏未獲旋據武生羅標稟報該匪膽敢懷挾協拏之仇糾同羅連中等到家搶劫焚燬房屋燒斃羅亞春羅錦泉二名擄去羅紹光一名經該縣前往勘驗明確并查得該匪屯聚高坑焦坑山雞尾等處隨卽會營督帶兵勇直抵山雞尾賊巢搜捕鎗斃匪黨一名餘匪逃散當將賊巢焚燬起出被擄之羅紹光給屬領回現擬多僱壯勇會合營兵潮勇鄉團分投往剿等情當經批行該縣務將各匪盡獲嚴辦又面囑肇慶府瑞守酌派委員前往確查稟

覆不可再遲昨於行香之際又據高要姚署令面稟探
得黃豬仔廣等現集徒黨約有百數十人在於高要廣
甯交界地方潛匿滋擾當已商請駐肇管帶安勇之遊
擊江志派弁督帶安勇四十名馳往堵捕等語查黃豬
仔廣等本係漏網逸犯茲敢復行肆出劫擄實屬愆不
畏法自非厚集兵力嚴行勦捕不能淨絕根株惟查廣
甯前此之案奏功實係何鏡翁一人之力今黃豬仔廣
等勢已漸大恐非該署縣孫令所能勦除至江游擊志
原係鄭心泉鎮軍麾下得力之人其於廣甯一帶情形

亦最熟悉本可令其前往會剿第該游擊所部安勇無
多且現屆冬令高要縣屬亦當巡防吃緊之際而去年
所設練兵百名又不甚得力止可在於高要廣甯交界
防緝勢難遠離因思黃游擊增勝歷辦匪案頗稱能事
現在陽江捕務稍鬆似可移緩就急鄙意擬請由院憲
札調黃游擊管帶兵勇馳赴廣甯會同該縣孫合實力
查辦并給予現駐肇慶管帶安勇之游擊江志專札令
其會同高要縣督帶勇役在於要甯交界所在認真防
緝俾該匪等得以早日殲除免致蔓延爲患於地方大

有裨益是否可行敢祈問下於謁見院憲時代爲回明
是所拜禱

卷之十

三

簽駁陽江廳詳李亞基被吳建亮等致死一案發

回查明稟覆

光緒元年十月十九日

查此案前據該廳通詳奉撫憲批行以李亞基因向吳建亮索錢爭鬧因何先被吳亞品踢傷該犯是否與吳建亮同族在場幫毆詳內未據明晰聲敘飭卽查明稟覆察核等因批司移道轉飭遵照在案茲該廳並未遵照查稟輒將本案初叅職名詳叅照轉定干駁詰合亟簽回仰將發回詳冊查收遵照撫憲批行情節刻日查明稟覆仍將本案職名詳叅赴道以憑咨請詳叅毋違

卷七

五

此簽仍繳

請委幹員前往開平會同該縣勒傳原保紳士張毓林等提同賊犯張亞賀確訊辦理上兼署督

憲張中丞稟

光緒元年十月二十五日

敬稟者竊查上年九月間據署開平縣吳廷杰通稟獲犯張亞賀訊認行劫水口粵海關稅廠及金山張崇源店舖得贓不諱解經候補何道覆勘無異稟奉批行就地正法隨據舉人張毓林等聯保張亞賀并無爲匪提訊犯供翻異可否提出俟覆訊明確再行分別辦理等情正在核辦間隨據肇慶府瑞守面稟該縣并未將犯

供翻異緣由先行稟府情節不無可疑職道當以案關罪名生死出入虛實均應澈究卽經批飭肇慶府行提張亞賀到案研訊明確分別辦理一面錄批報明臬司知照并經將辦理情形具稟憲鑒嗣於同治十三年十二月二十五日准臬司移知奉憲臺批司飭縣比差勒傳原保紳士張毓林等到案提同張亞賀解府審訊期無枉縱等由又經轉飭遵照在案行提將及一年未聞委員守催直至本年九月間始據該署縣馮寶封將張亞賀批解到府本月十五日據肇慶府瑞守面稱張亞

賀一犯已發委高要縣審訊并無確供原保紳士又未到案擬卽將該犯發回開平縣就近傳保確訊等語職道當諭以該犯雖係由道批府提審惟曾令錄批報明臬司知照且續奉憲臺飭府審訊此時應否將犯發回職道尙不能自專應由府錄供通稟請示方爲妥協茲於十月二十二日據瑞守申據委員高要縣姚令稟稱遵提現犯張亞賀悉心研審堅不承認爲匪情事原保紳士張毓林等屢奉行提未據傳解無憑質證可否將張亞賀發回開平縣就近傳同原保紳士質明辦理等

情到府據此卑府覆查該犯張亞賀既據委員高要縣
迭提研訊堅不承認爲匪而原保紳士張毓林等屢經
催提延不到案自未便日久宕延以致案懸莫結查現
署縣馮令并非原審之員無所用其迴護應卽如稟將
張亞賀解回開平縣就近傳同張毓林等提集確審辦
理以期速結而免枉縱稽延除批行高要縣將張亞賀
遞回并札開平縣遵照迅速傳審外理合具文申報察
核等情到道據此職道伏查上司批提之案卽使人證
未齊發回該地方官就近傳質亦應將委審供情并有

無親訊口供具稟請示今張亞賀係斬決盜犯非尋常
案件可比該府并未親提研鞫亦未催提人犯發審僅
據委員一稟遽行批飭將犯解回開平事後始具申文
一報了事似此舉動不但視職道爲贅旒而於憲臺批
司飭審之文亦弁髦視之在職道固無足重輕我憲臺
以疆吏統轄全省若各屬紛紛效尤尙復成何政體第
張亞賀一犯旣經該府發回若必仍令提郡非特往返
拖延跡近兒戲抑且於事仍無實濟惟該犯始則認劫
繼復翻供究竟是何實情必須求其水落石出倘其實

係真盜亟宜審明定讞應正典刑免致瘐斃獄中倖逃法網如其果有冤抑并無爲匪情事亦應速爲訊釋以免拖累無辜現在案懸已久似未便悠悠忽忽再事宕延職道向來辦事不敢稍涉顛預惟有仰懇憲臺於同通州縣中派一明幹之員前往開平會同該署縣馮令刻日勒傳原保紳士張毓林等到案提同該犯張亞賀確切訊明分別辦理庶人犯不致有所枉縱而要案可期速結矣是否有當理合具稟憲臺察核俯賜批示祇遵實爲公便再候補知縣劉維楨前曾署理恩平鶴山

高要等縣篆務西江一帶情形最爲熟悉所到之處輿論翕然於審斷一切案件亦極精細平允此案可否卽委該員前往開平會審之處統候鈞裁

附錄張中丞批

據稟已悉張亞賀一犯係飭肇慶府提審乃該府瑞守并不親提輒卽委縣審辦迨至犯供翻異又不錄供稟請示遵僅據委員一稟遽將人犯發回開平殊屬非是已由督部堂衙門批司將該府嚴行申飭并另行委員前往會審仰按察司遴委幹員馳赴開平

會同該縣勒傳原保紳士張毓林等到案提同該犯張亞賀研訊確情錄取切供據實詳辦該司卽移行該道府知照仍候督部堂衙門批示繳

附錄兼署督憲張中丞批

據稟開平縣盜犯張亞賀先經供認從劫粵海關稅廠及張崇源店舖得贓續因翻供批府提審該府轉委高要縣審訊并未將委審供情具稟請示僅據委員一稟遽行批飭將犯解回開平辦理殊屬未協仰東按察司卽將肇慶府瑞守嚴行申飭至候補知縣

劉維楨現辦沙捐事務如不克分身卽由司另委幹
員前往開平會同該署縣馮令刻日勒傳原保紳士
張毓林等到案提同張亞賀確訊是否真盜抑係畏
刑混認務得實情錄取切供分別辦理毋稍枉縱仍
將委員起程日期報查并移方道知照仍候撫部院
衙門批示

禮記卷之十

三

批鶴山縣劉書雲稟卑縣坡山海口挈獲圖劫賊

犯譚勝長等二名並格殺淹斃賊犯蔡高佬永

等二名訊驗情形通稟

光緒元年十月二十七日

查現稟聲敘於賊艇內起出洋鎗火藥鉛碼牛燭火紙等物並未有刀在內而獲犯譚勝長則供攜帶火藥鎗刀此刀現在何處未據訊及且據稟該縣傳集地保紳耆對眾認明已被格斃之匪委係蔡高佬永呂亞哨屍身並據供稱向皆不務正業素事遊蕩爲匪等語蔡高佬永等及譚勝長等係何處人何以該處地保紳耆均

能辨認蔡高佬永等面貌且知其平日爲人行事稟內
均未敘明殊覺含混該縣身任地方并不詳細訊明輒
發通稟公事實屬顛預仰卽遵照指飭情節刻日逐一
查明迅速稟覆此案憑何拏辦局紳等何以知此船五
人係屬盜匪其中有無別情一面分別詳辦另文通報
察核毋得粉飾仍候兩院憲暨臬司批示繳

廣甯縣屬著匪黃豬仔廣在逃未獲飭再加添花

紅數百元致署廣甯縣孫燮臣明府書

光緒元年十一月

月初八日

逕啓者廣甯賊匪黃豬仔廣糾夥焚劫一案現奉督憲札委陽江遊府黃增勝帶勇三百名馳往拏辦并札管帶安勇之江志會同辦理該匪等一日不除地方一日受害自非加懸重賞難期及早就擒黃豬仔廣一名聞尊處已懸賞五百元爲數似覺較少亟宜加添數百元方足以資鼓舞除高要縣姚令懸立花紅二百元外尊

處應卽添足五百兩之數立卽懸示曉諭至餘匪羅連
中羅亞照羅積復李天保李英祥李有善等均屬聽糾
滋擾之人亦宜酌立花紅以冀根株淨絕而靖地方用
特專函奉佈卽祈查照辦理仍希一面會同營員督飭
兵勇趕緊認真查拏幸勿稍涉鬆懈并將辦理情形隨
時示知是所至禱

奉撫憲兼署督憲張中丞札飭在肇慶駐防之江
遊戎前往廣甯辦匪該游戎一時未便遠離緣
由請代回明中丞致孫駕航署臬書

光緒元年十一月十日

二日

敬啓者前爲廣甯積匪黃豬仔廣等滋擾一事曾布寸
械知經達覽茲江游擊志奉到兼署督憲札行飭令管
帶所部安勇會同黃遊擊增勝及廣甯縣確探該匪黃
豬仔廣等蹤跡合力拏辦等因該遊擊面稱擬卽前赴
廣甯會同查辦惟查高要地方現值冬防緊要該遊擊

帶勇防緝一時未便遠離現經侍與之熟商先由該游擊派撥勇丁在於高要縣屬與廣甯相近之大逕地方駐防一面另派壯勇馳往各處確探匪蹤如得該匪等實在消息再由該遊擊親往拏辦如此則要甯兩處均可照料不致顧此失彼矣尙祈閣下於晉謁院憲時將此情節代爲回明再嗣後公事信函務求賜覆是所至

禱

嶺西公牘彙存卷八目錄

光緒二年五月初一日起至十二月二十八日止

札飭高要縣傳集五班紳士舉辦團練防範

光緒二年

五月初

二日

札飭各屬按輯肇慶府續志

光緒二年五月初三日

批四會縣屬武生謝瑤琮等呈控楊松第串劫書

館平墳反誣縣詳革究乞恩迅飭訊辦

光緒二年五月

十一日

日

移管帶安勇江遊戎志前往蜆岡鄉查辦賭匪

光緒

二年五月

十二日

W-145/04

荷西公履真至 卷八

移請江遊擊前往蜆岡鄉查辦賭匪緣由稟覆

軍張 光緒二年五月十三日

中丞

移肇慶協出示嚴禁四城門夜深不准開放閒人

出入 光緒二年五月十四日

江遊擊前往蜆岡鄉查辦賭匪情形上

光緒二年五月十六日

月十六日

肇慶城廂內外禁賭情形上

日

劉制軍 稟 光緒二年五月十六日

請將誤傳高明縣屬客民滋事緣由回明院憲復

周福皆廉使書

光緒二年五月十六日

通飭各屬遇有謠傳事件無論真偽須妥為辦理

一面函致高要縣代為回明或逕稟道署

光緒二年

五月十日

六日

禁賭告示

光緒二年五月十六日

請將鶴山縣劉令函稱高明鶴山交界地方并無

客民滋事緣由回明院憲致周福皆廉使書

光緒

二年五月

十七日

札高要縣專差公文毋得交便差齎往

光緒二年五月十七日

日

批署高明縣余澍疇稟訛傳客匪滋事

光緒二十一年五月二十

四日

批署高要縣姚頤壽具稟奉札將查封規岡賭館

充公諭飭紳耆出具切結並嚴緝賭匪等因

光緒

二年閏五月初一日

札高要縣張貼禁賭告示申復日期

光緒二十一年閏五月初七日

批新興縣卓誠稟卑縣屬內天堂墟甘棠義塾議

設公秤藉資經費懇請批示立案

光緒二十一年閏五月十一日

批署高明縣余澍疇稟據報勘丈過俊州圍決基

情形

光緒二年閏五月十二日

請將署廣甯縣孫合量與調劑上張中丞稟

光緒二年

閏五月

十四日

請由省添派委員一人前往羅定州查辦會匪并

請將情節回明院憲致周福皆廉使書

光緒二年閏五

月十八日

諭高要縣紳士修理圍隄通飭各屬舉辦團練保

甲等事上張中丞稟

光緒二年閏五月十九日

批封川縣民人聶益兼呈控孔記養毒死伊兄一

案 光緒二年閏五月二十八日

批署陽春縣鍾錫綸稟高州柯把總奉委查拏匪

犯黃十凌大一名被匪奪脫 光緒二年閏五月二十五日

批署開平縣晏燊稟遵將卑縣團練章程稟覆 光緒

二年閏五月二十六日

批署高要縣姚頤壽稟請派安勇會辦羅竹村賊

匪何亞奴等拒殺差役案 光緒二年閏五月二十九日

批署高要縣姚頤壽稟訪聞侍衛李國康雇艇聚

賭拏獲艇主陳亞閏訊供請示辦理

光緒二年六月初五日

日

批新興縣屬耆民區楷等呈控顧昕串同作弊平

伊祖墳賄串枉斷酷押勒遵合衙封冤籲乞委

勘批提以甦民命

光緒二年六月十六日

批四會縣烏廷梧具稟縣有釐金存署懇將駐縣

防禦安勇嗣後勿庸調撥候示遵

光緒二年六月十七日

批委員補用巡檢徐士琦具稟幫同羅定州張牧

辦理團練保甲事宜現將附城內外已經遵辦

并繳章程八條清摺

光緒二年六月十九日

批新興縣彭陽和葉載揚等控俯准將錯數銀數

十兩寫立限狀省釋回家籌辦繳局

光緒二年六月二十

六日

批署德慶州許肇元具稟奉札辦理保甲團練情

形

光緒二年六月二十八日

批羅定州恩者彭賢士呈控伊弟彭佐時被陳熙

等控爭廟地案為被誣押危受刑釋斃等事

光緒

二年七月

二十八日

批高要縣屬職員陳世昌呈控梁國南糾眾搶割

田穀一案

光緒二年九月十一日

肇慶城內連昌缸瓦店滋事及羅定州抽收船規

被紳士上控情節致

楊振甫方伯書 光緒二年
周福皆廉使 十月初一

日

批高要縣職員陳世昌等呈控梁國南復令梁亞

進等械割田穀一案

光緒二年十月十一日

札高要縣查明監倉人犯共有若干并開具犯案

事由羈禁年月列摺稟繳以憑查考

光緒二年
十月十四

札飭委員張學濂查明高要金利墟地方事主林

汝樑被劫拒斃更夫林富英并橫查司衙署被

劫情形稟覆

光緒二年十月十四日

高要縣屬金利墟地方及橫查巡檢衙署四日之

內連被盜劫掠據實稟叅聽候批示核辦上

劉制

軍張稟

光緒二年十月二十三日

附劉制軍批

批署高要縣許肇元具稟遵札查明撤除文昌宮

住持僧人另擇司祝奉祀各情稟覆察核

光緒二年

十一月十一日

批高要縣監生張啓泰呈請出示嚴禁停棺溺女

等情 光緒二年十一月十六日

批高要縣監生陳汝良控伊均益餉當被劫一案

光緒二年十一月初一日

札飭高要縣查明橫查司被劫案稿 光緒二年十一月十一日

批委員張壽華稟遵查東安縣各起劫案 光緒二年十一月十二日

十一月十九日

遵將委員查明陽春縣生員嚴欽文等誣控陽春

在也么用多才

許守備得規庇賭縱子淫兇一案始末情形稟

覆

劉制軍
張中丞

光緒二年十二月二十八日

嶺西公牘彙存卷八

定遠 方濬師 子巖

札飭高要縣傳集五班紳士舉辦團練防範

光緒二年

五月初二日

爲札飭遵照事照得邇來盜匪充斥搶劫頻聞亟宜加
意巡防以期有備無患查肇慶地方遼濶雖經稟調練
兵安勇常川巡緝惟人數無多深恐顧此失彼且窮鄉
僻壤之區更覺力難兼顧自非各鄉舉辦團練認真巡
防不足以昭周密而靖地方合就札飭札到該縣即便

遵照刻日傳集五班紳士來城諭令各於本鄉地方舉
辦團練限半月內一律辦齊其郡城內外該縣卽選公
正紳耆街正并十三堡地保限十日內亦將團練一體
舉辦倘有不遵或辦理懈弛者定將該紳等查辦該縣
同干未便仍將辦理情形及如何議定章程先行列摺
稟繳赴道以憑查核毋稍玩延切切特札

札飭各屬撙輯肇慶府續志

光緒二十一年五月初三日

爲札飭遵照事照得采風問俗實守土之專司考獻徵文誠地方之盛事查端州郡志多年未修且遭兵燹之餘書板亦經燬失本道莅任以來屢欲延聘文人將此書大加修輯重付棗梨祇因經費浩繁籌之不易以至欲行輒止現經前署道及肇慶府捐廉將書板復行翻刻固已得其根本惟此書自道光十二年修過以後迄今四十餘年其中人物事蹟之類應行增纂入志者定自不少若不乘此搜羅編纂必致湮沒無聞現擬分飭

府屬各學教官傳諭紳士查照單開款目各就所見所聞有可登諸志乘者縷晰敷陳列冊呈由該學官轉牒該州縣彙繳赴道以憑核明付梓另輯成書作為續肇慶府志俾將來大修時得備採擇所有此次續輯誌書刻工紙墨一切費用俱由本道捐廉給發至各屬紳士博採旁搜不無微勞足錄將來書成之後查某條係某紳所輯者即於某條之下註明某紳名姓使之流傳不朽除分飭各州縣及各學教官一體遵照外合就札飭札到

該州縣各學官即便遵照

批四會縣屬武生謝瑤琮等呈控楊松第串劫書

館平墳反誣縣詳革究乞恩迅飭訊辦

光緒二年五月

十一

日

查已革監生楊正霖卽松第前經該縣於查辦遇赦之
未定罪名人犯案內稟奉臬司批行確核例案通稟察
核隨據以覆傳該生謝瑤琮究明謝英才書館所失贓
物無多該賊業已將贓還回事主核與悔過將贓物首
還事主同白首免罪相符應請毋庸置議其被控平墳
反誣卽使訊係全誣未決罪止杖徒情節尙輕核與准

免之例相符應請准與援釋并聲明楊松第本係市井無賴在省局改名楊正霖朦混捐監所革衣頂應請不准開復等情通稟到道當經批飭聽候院司批示遵辦在案據呈前情仰肇慶府迅飭四會縣遵照院司批示辦理仍錄批報覆本道察核粘抄保領并發

移管帶安勇江遊戎志前往覬岡鄉查辦賭匪光緒

二年五月

十二日

爲移請查辦事照得粵東省賭風甚熾迭奉兩院憲嚴
飭查禁乃風聞近日高要縣屬覬岡村竟有匪徒開設
闈姓賭館情事殊屬目無法紀亟應嚴禁查拏合就移
請爲此合移貴遊府希卽酌帶勇丁前往該處密查如
有前項匪徒開設闈姓賭館立將該賭館封禁一面將
該匪等拏獲解縣究辦并祈曉諭該處居民人等知悉
此次帶勇下鄉止係拏辦賭匪與良民毫無干涉不必

卷四之應真在

名

四

稍事驚疑是爲至要仍將辦理情形見覆施行須至移
者

移請江遊擊前往蜆岡鄉查辦賭匪緣由稟覆

劉制

軍張光緒二年五月十三日
中丞

敬稟者五月十二日未刻接奉初六日申刻發來手諭
祇悉壹是蜆岡一鄉素多匪棍開場聚賭之事恐在所
不免誠如憲示必須嚴密查拏以儆刁玩肇慶只有分
府佐雜實無可靠之員刻下瑞守因妻喪告假姚令尙
有應辦保甲團練各事未克分身職道當與管帶安勇
候補遊擊江志面商由道給其移文酌帶勇丁親赴該
處妥爲辦理并屬其曉諭紳耆專爲查拏賭匪而來絕

無他事干涉該紳者不必驚懼云云江遊擊人甚穩練
似能操縱得宜除俟三二日內江遊擊回郡再將辦理
情形稟達左右外合先肅稟奉覆

移肇慶協出示嚴禁四城門夜深不准開放聞人

出入

光緒二年五月十四日

爲備移事照得邇來盜匪充斥搶劫頻聞亟宜加意防
範前經本道備移水師營叅將派撥扒船在于塔脚地
方常川梭緝一面移請江遊府及札飭劉守備等將安
勇練兵分佈四城駐紮認真巡防並札高要縣傳諭紳
士舉辦團練以期有備無患昨據高要縣姚令面稟肇
郡城門往往於夜深時常有閒人出入難保無盜匪乘
間入城滋生事端亦宜一體查禁等情除諭飭該縣嚴

加防範外合就備移爲此合移貴協台請煩查照轉飭
看守四城兵丁每日天黑照例卽將城門關鎖無論何
項人等一概不准開放出入如有再行叫開城門者許
該兵丁挈獲送縣究辦倘該兵丁徇情故縱亦希嚴提
究懲并請出示懸貼四城俾軍民人等一體知悉幸勿
有遲施行須至移者

江遊擊前往蜆岡鄉查辦賭匪情形上

劉制軍
張中丞稟

光緒二年五

月十六日

敬稟者五月十二日奉到初六日鈞函內開頃聞高要縣屬蜆岡村有闖姓賭館大屬藐玩飭卽密派委員查拏務獲等因奉此當卽傳知署高要縣姚頤壽并請管帶安勇之候補遊擊江志來署面商告以此等賭匪聲息頗長若非掩其不備一有走漏必行逃避該令等深以爲然旋由職道繕具移文屬江遊擊酌帶勇丁迅速前往查辦隨於十四日晚間江遊擊由蜆岡回城到職

道署中面稱該遊擊于本月十三日帶勇往該處地方
時有紳耆等出迎該遊擊將職道移文與之閱看始而
含糊推託加以嚴飭始據聲稱從前實有賭館二間自
大憲查禁後卽不敢仍前開設各賭匪亦早已聞風遠
颺隨將賭館二間查封并諭令該處居民以後不得任
賭匪開設圍姓賭館俱各凜遵等語當令該遊擊將查
辦情形備文移覆旋准江遊擊備移到道查閱來移僅
稱江遊擊到村賭匪聞風遠颺核與當面所言不甚符
合職道素諗江遊擊人尙穩練察其面述各情似非粉

飾大約武人筆墨之間不求甚解是以措詞失當耳隨
飭署高要縣姚令將該遊擊所封賭館二處照例入官
并將職道回任時發去禁賭告示再行分傳各鄉村地
保遍貼曉諭其餘縣屬大村落處所仍隨時嚴密訪查
倘敢不遵示禁仍開賭館立即挈獲重懲一面傳知規
岡紳士里長等來城飭令約束鄉中子弟不准再蹈故
轍取具如違願甘同罪切結俾息賭風而挽積習合將
查辦緣由具稟憲臺察核

卷之二

肇慶城廂內外禁賭情形上

劉制軍稟 光緒二年
張中丞稟 五月十六

日

敬再稟者肇慶城廂內外向有私行開設賭館每逢學
政考試開者尤衆迭經查禁總未絕根株本年奉憲示
嚴禁後賭匪尙皆斂迹然仍有勾串在官人役暗地搭
廠聚賭者雖非明目張膽究不可不防其漸職道回任
以來訪聞舊督署前及城外僻靜處所間復賭博或聚
或散當面諭姚令嚴查昨該令稟稱已將舊督署前及
城外新街河旁兩處所搭賭廠查出約會肇慶協左營

千總蘇士彪眼同拆毀其賭匪人數無多得信卽乘空
逃避并未獲犯等語除由姚令嚴飭差役人等不准徇
隱包庇并屬肇慶協刁副將經明曉諭兵丁一體嚴禁
外謹附稟上陳

請將誤傳高明縣屬客民滋事緣由回明院憲復

周福皆廉使書

光緒二年五月十六日

昨經訪聞高明等處客民有聚集滋擾情事當於本月十二日飭署高要縣姚令頤壽專人一赴高明一赴鶴山確探并飭函達余令澍疇劉令書雲詳細登覆限十五日黑早返郡十四日接手教又經面致姚令隨據稟稱再行專人前去茲於本月十五日戌刻接到余令覆姚令信函內云高明縣屬三峯凹卽石泉水坑等處客匪自同治七年勦辦後遺徒淨盡客產悉行充公惟界

連鶴山縣屬羅漢尖黃茅壁一帶客村該匪等有勦辦時逃匿者有徒而潛回者不免土人有復仇之念高明井頭土村正當三峯凹上年冬間該村擇期演戲客衆隱謀蠢蠢欲動經縣探聞帶勇前往先期禁墩演戲藉得無事近因清遠挈獲高明縣咸豐年間滋事爲首漏網之客匪李天叅供有逆謀情事適於五月初三日鶴山與三峯凹相近之客民在交椅背山葬墳搭有帳棚而且吹角放礮土民誤傳警報竟有聞風遷徙高明聞信卽會營帶同練兵團勇馳赴該處據三峯凹設防安

勇楊梅局紳士面稱均屬相同察看地方亦各安靖此初二誤傳滋事之來由也又另函稱近日地方安靖即前次誤傳謠言亦已頓息城鄉安堵如故現已專稟道府等語查明鶴兩縣客匪最易生事要在該地方文武隨時加意防範已逐客匪原不容潛回勾結復生事端若良善客家自應一律看視遇有事件只分曲直不分土客方足以昭公允余令澍疇到任以來於土客情形似尙能持平辦理但於謠言肆起時卽應將籌辦原委函致首縣代回庶上司不致懸系何必拘泥繕發稟帖

耽延時刻現由弟處札飭各屬嗣後遇有地方事件無論大小真偽一有風聞立即親往察看一面作函達知首縣其有機密要事亦不妨手自繕寫連稟道府即隨便草書亦斷不見怪蓋粵東風氣浮動務須聲息相通是在該州縣善於體會耳至鶴山劉令處據姚令面稟十二日奉弟面諭即專差送信尙未見其回答是否劉令顛預難於搦管抑係姚令第一次僅用官筒發信并未專差前往容詢明再行布達特此肅啟并希回明兩院憲爲祝再正繕函間候補未入流崔廷榮自鶴山提

案返郡面稟前月二十八日到鶴山縣城在縣耽延十餘日城鄉一切安靜竟無新聞據該未入所言則前此均屬謠言也又高要峴岡村聞仍有開設賭館者經弟移會江遊擊志往查昨已回城面稱嚴飭該村紳耆僉謂從前實有近已關閉不開賭匪早颺并指出賭館二間卽由江遊擊查封其肇慶城內外私搭賭廠二處亦一律飭令姚令拆毀矣

卷之三

三

通飭各屬遇有謠傳事件無論真偽須妥為辦理

一面函致高要縣代為回明或逕稟道署

光緒二年

五月十六日

為札飭遵照事照得粵東風氣浮動遇事輒造謠言或稱賊匪鳴張甚至揭竿起事或言某村械鬪業已互殺多人此外以無為有以輕為重之事更屬不一而足迨經地方官訪查多有不實不盡此等惡習深堪髮指然事有叵測往往有弄假成真激小為大者亦未可以其係屬謠言遂爾悠忽視之該

縣州聽

身任地方責無旁貸本

道駐紮肇慶亦宜聲息相通嗣後遇有民間謠言無論

事之真假大小該州廳一經得有傳聞應卽飭查明確認

真妥辦一面函致高要縣代為回明本道庶公事不致

貽誤其有機密重大事件當由該州廳親繕密函徑遞赴

道以憑查核不必拘泥措書紅稟卽草書數行本道亦

斷不見怪總期言歸切實事得早聞現當兩院憲整頓

地方亟宜振刷精神以冀挽回積習除通飭各州縣

一體遵照外合就札飭札到該州廳卽便遵照札行情節

妥為辦理自奉到此札之後倘有民間謠傳事件已經

本道訪聞而該州縣尚未函致高要縣代回及未具稟到
道者定卽指名叅撤決不寬貸凜之切切

創世之胤身不

一

禁賭告示

光緒二十一年五月十六日

爲出示嚴禁事照得粵東賭風最熾雖經地方官屢申禁令無如積習已深幾致牢不可破要知因賭興家者能有幾人而因賭傾家蕩產廢時失業者正自不少甚至有因賭而自戕其生性命不保因賭而流爲賊匪身遭顯戮者更不知凡幾矣是則賭博一事最爲風俗人心之害以故例禁森嚴不容輕犯爾等思維清夜亦當猛省及之現在迭奉院憲諄切告誡凡闔姓白鴿標等名目嚴行禁止自宜實力遵行斷難藐玩誠恐爾等視

爲尋常不知利害合就出示嚴禁爲此示諭各屬軍民人等一體知悉自示之後爾等於賭博之事已往者亟宜痛改前非未爲者慎勿輒行輕犯卽各紳耆人等亦當父訓其子兄戒其弟令其安分營生毋以賭博爲事倘敢故違定卽挈獲到官從重究辦並坐其父兄以不能約束之罪至文衙門官差人役武營兵丁如有受規庇縱情事一經訪聞亦卽嚴提究懲本道言出法隨決不稍爲寬貸各宜懍遵毋違特示

請將鶴山縣劉令函稱高明鶴山交界地方并無

客民滋事緣由回明院憲致周福皆廉使書光緒

二年五月

十七日

十六日會將查得高明縣屬並無客匪滋事情形泐函
布達并聲明俟鶴山專差信回再行續布頃又據署高
要縣姚令呈到鶴山縣劉令覆伊信函內稱公田庄井
頭等處係高明縣所轄離鶴山之白水帶地方尙隔有
三峯四羅漢山等處本月初二日聞該處土民有遷移
之事當經該令會營派撥兵差往查據該處土人稱說

高明所屬之交椅山上望有布棚數個井頭塘下一帶居民疑係客匪擾動以故紛紛遷避等語兵差登高瞭望因是夜陰雨不見真切次日復往查探交椅山上並無所謂布棚亦無人跡迭次探聽毫無動靜等情用再馳布卽祈閣下于謁見兩院憲時一併代爲回明是所拜禱

札高要縣專差公文毋得交便差齎往

光緒二年五月十七日

爲札遵事照得該縣爲附郭首邑本道衙門時有發遞公文及派令該縣寄發各廳州縣文件嗣後除尋常公事不計外遇有應行查覆之事由該縣專差投遞者應卽專差妥役齎送限以時刻到投並領取各該廳州縣收到公文印據回縣銷差如延提究仍一面將派過專差姓名及發遞日時并所限到投回銷時刻隨時列摺繳送查核該役所需盤費若干不妨由該縣開明數目

赴道領發不得任聽家人等將緊要公文交便差齎帶
致滋貽誤本道爲慎重公事起見合行札飭札到該縣
卽便遵照認真辦理毋違此札

批署高明縣余澍疇稟訛傳客匪滋事

光緒二十
五月二十

四日

據稟鶴山縣屬交椅山地方訛傳客匪滋事各情業經
覽悉仰肇慶府飭再隨時認真稽查務使土客相安至
此事係由道飭查該縣始行稟報既稱客匪並未滋事
未便張皇遽行通稟何以又復以應否通稟請示究應
如何辦理該府并卽核明分別飭遵具報再嗣後遇有
地方謠言無論事之真偽該縣應卽確查一面稟知本
道或函致高要縣代稟昨已通飭各屬遵照該府併飭

卷四之別集在

卷八

二

知之此繳

批署高要縣姚頤壽具稟奉札將查封蜺岡賭館

充公諭飭紳耆出具切結並嚴緝賭匪等因

光緒

二年閏五

月初一日

據稟已悉查江遊府近在同城所封賭館地方離城亦不甚遠該縣儘可移會江遊府俟其覆文到後賭館充公取具紳耆切結再行覈實具稟亦不過數日間事何必徒以空文先行登覆現稟跡雖近於急公按其實則賭館尙未充公紳耆亦尙未具結未免有蹈塘塞敷衍之習矣嗣後遇有飭辦之件除事關緊要必須先行稟

荷西公府集不

五

覆者仍應先行稟覆外其餘一切公事務須俟辦理妥協後方可具稟不得以空言一稟了事仰卽遵照辦理仍將收到賭館充公及紳耆具結繳縣日期稟報察核此繳

札高要縣張貼禁賭告示申復日期

光緒二年閏五月初七日

爲札飭遵照事照得賭博一事疊奉院憲嚴禁本道前因訪聞各屬匪徒雖不敢仍前放肆總未能盡絕根株會刊刻告示札發各屬並該縣于所屬城鄉市鎮張貼曉諭以期實力遵行並飭將張貼處所日期申報察核迄今數日遠鄉一帶或須照抄發貼惟昨日本道前經水基查看基圍自城外至該村市約計將近三十餘里亦未見貼有所發告示似此玩泄因循實屬不成事體合就札飭札到該縣即便遵照將前月發下禁賭告示

因何並不張貼是否官役朦混卽行查明先行稟覆仍
趕緊照抄多張遍貼各處曉諭一面將張貼處所日期
申覆察核毋再玩延致干未便切速特札

批新興縣卓誠稟卑縣屬內天堂墟甘棠義塾議

設公秤藉資經費懇請批示立案

光緒二年閏五月十一日

據稟及清摺均悉查此等抽收經費多係紳士倚恃官勢爲之並非商民樂從之事現稟已委立將司就近督辦究竟能否妥協該縣務須體察情形可行則行可止則止切不可稍涉逼迫致干物議仰肇慶府卽飭該縣遵照仍候兩院憲暨藩司臬司批示繳摺存

卷之二

三

批署高明縣余澍疇稟據報勘丈過俊州圍決基

情形

光緒二年閏五月十二日

據稟已悉本年西潦盛漲業經札飭督率圍總業戶人等將圍基加意培築以期鞏固乃並不預期防範竟致被水沖決圍基三十丈有奇殊覺疎忽仰肇慶府迅飭該縣認真督飭圍總等將基圍決口趕緊築復俾居民不致蕩析離居秋收有望切勿始終玩忽是爲至要仍候兩院憲暨藩司糧道批示繳

卷之五

三

請將署廣甯縣孫令量與調劑上張中丞稟

光緒二年

閏五月

十四日

敬稟者竊職道昨閱省抄知實缺廣甯縣董令奉飭赴
新任惟查廣甯地瘠民刁素稱難治自孫署令志鈞署
篆以來迄今三載遇事尙能不辭勞瘁盡心料理前年
該縣屬積匪謝重觀三等聚眾滋事經職道冒不韙之
名稟請憲臺札委何道及黃遊擊督同勦辦費半載之
功使十一年巨寇一旦撲滅地方賴以稍安去冬該匪
餘黨黃猪仔廣等復出滋擾又經稟奉憲臺札派江黃

兩遊擊會同孫署令緝拏該縣先後籌備經費懸立重賞並親身督率兵勇剿捕將首夥一律殲除本年五月二十四日該縣屬扶落市譚道平家又有被匪搶劫情事經兵役當場生擒賊匪六名格斃三名內有黃猪仔廣之父黃亞永是該署令整頓捕務頗有效驗現在善後一切事宜及興辦保甲團練均無頭緒正資該署令一手經理查實缺董令治職道在省會接數次人亦誠樸第以新選之員粹膺此等煩難之缺恐非旦夕所能收效也卽以孫署令已事而論本屆奏銷該署令顧全

大局竭力騰挪清楚一經交卸在地方公事自應移交
後任接辦而渠則囊橐蕭然苦赴南澳同知本任則腐
短刻骨難填且恐又增新累若聽差省會則公私交迫
更屬無以支持現當整飭吏治之時劣員既當參劾而
實心任事者不爲之詳陳顛末似不足以鼓勵人才且
亦非慎重地方之道用特肅稟上瀆憲聰究應如何量
與恩施之處出自憲裁至董令赴任必速職道惟有飭
其盡心辦理仍不時加以訪察總期邑境救平方不負
大人殷殷望治之苦心耳據事直陳毫無私意想邀垂

各口之應皆之不在

三

諒

請由省添派委員一人前往羅定州查辦會匪并

請將情節回明院憲致周福皆廉使書

光緒二年閏五

月十八日

弟回任時奉院憲面諭近來盜匪充斥搶劫頻聞亟宜加意整頓等因到肇慶後當即通飭各廳州縣分別舉辦保甲團練認真巡防以期有備無患查羅定州界連西省向來常有西匪勾串土匪滋擾之事且地接高州一帶日前曾據該州稟報接奉高廉道札行以掣獲會匪譚亞晚供開頭目黃十等多人恐在該州境內潛匿

札州嚴緝究辦等語此起會匪大約平日必在該州地方來往藏匿聲息相通高廉道始有專札該州查緝之舉是該州團練事宜較之他處更爲緊要張署牧到任未久公事紛繁誠恐一時無暇及此亟應委員襄理其事以期妥速現已就近札委從九徐士琦前往幫同辦理惟該委員職分較小尙恐呼應不靈而此間分府差委各員均係佐雜苦無印官可委應請閣下由省再行派委明幹牧令一人前往該州會同張署牧趕將團練事宜認真辦妥俾資捍衛於地方實有裨益弟爲慎重

巡緝起見并祈於晉謁院憲時代爲回明是所切禱

奇蹟

正名

三

諭高要縣紳士修理圍隄通飭各屬舉辦團練保

甲等事上張中丞稟

光緒二年閏五月十九日

敬稟者西江水勢漸落西南兩城均可開啟第水源甚遠長落無定職道曾分日親赴高要縣屬之景福圍桂林圍並逼近鈴峽之水基等處帶同姚署令逐一履勘景福圍正身尙屬堅固水基隄上有閘一道頗形鬆壞設遇盛漲不免崩陷之虞桂林圍隄內有塘一區向爲隄外潮水冲刷愈刷愈深若江水陡來力不能敵亦必倒灌雖經面飭各圍總紳士簽捐修整先事預防據稱

設法動工然非官爲督率則不肯上緊料理要在姚令之不辭勞瘁耳昨高明稟報該處圍基冲去三十餘丈廬田大受其害此不能預防之過目前盜賊充斥肆無忌憚爇火不息將至燎原職道回任後卽通飭各屬諭令紳耆興辦團練保甲俾聯聲勢互相保衛而各該州縣惟德慶許署牧四會烏合來郡面稱無論若何爲難總以辦成爲主當諭以必須勸懲兼施不可虛應故事其餘各員尙無回復辦事諸多窒礙皆由粵東官場積習太深苟且玩延精神絕不提起卽如高要一邑本城

街正姚令有傳至數次均不謀面亦竟無可如何者職道聞知立飭教官將北門街正素最狡詐之杜姓生員傳去發斥告以再敢推脫立即革押該生畏懼赴縣求見聽候分派矣現在東門已有章程餘則仍未定局職道但可提綱挈領勢難代縣令之庖親率差役與諸人議論也頃閱省鈔臬司派委龍維霖來襄保甲各務擬請憲台會同督憲加札飭令委員暨瑞守姚令隨同職道認真舉辦首邑就緒則各州縣便可仿照而行羅定三屬東安較爲安靜該州與西甯毘連西省又與高州

交界近接署牧張觀美稟稱奉高廉何署道札開近獲
結盟拜會匪徒譚亞晚供開頭目黃十凌大詹增明吳
玉林多名恐逃匿附近羅定一帶飭州一體訪拏等語
當批飭嚴速緝捕不可大意復札委候補從九品徐士
琦前往該州分赴各鄉村落舉辦團練保甲兼可密訪
該地方是否有匪竄至逃匿此間無正印委員職道函
致臬司請其再派明幹州縣一人專駐該州會同印委
各員悉心妥辦不准畏難苟安埃羅定所辦清楚以次
赴東安西甯二處似乎更臻周備張署牧年屆七旬戒

之在得向於公事不甚留心嘉應一缺已招物議且聞其七子一孫均欲干預十羊九牧頗爲黎庶憂之若待臨事而張皇補苴則地方不可問矣日來紛紛傳播督憲參劾劣員始尙略道一二繼則各有全單肇屬之鶴山封川均挂彈疏該縣一聞此信明知身敗名裂必受不肖幕友家人從慝勾通書役或賣放盜匪或亂收錢糧甚至鬻獄營私無弊不作從前李天叅管押高要典史署中該典史得銀三千賣放而去貽患至於今日前車之鑒不可不防查此等叅疏展轉靜候部文至早亦

須兩月以通省計之豈僅鶴封兩邑爲足慮哉愚見旣已叅劾應由大人會同督憲飭司委員先行接署庶可不致滋生事端職道賦性直率管窺之見想我憲台斷不以迂濶多事目之也正繕稟間聞得高要縣屬金利地方本月十四日有匪徒一百餘人將縣差殺斃二名受重傷垂斃者二名擄去四名并差役所坐船隻舵工水手一併擄去不知下落殊堪駭異金利去郡城不過數十里何以目無法紀至於此極蓋自葉令大同任內家丁被人傷死後八年來所未有者當卽嚴密訪查尙

無確耗十七日午後始據姚令來署面稟因鄧姓控何
姓劫掠一案派差挈犯何姓乃羅竹村人家入不敢前
往約在去羅竹十里之金利村俟何姓出時可以捕到
十四日適何姓趁墟該差頓時將其挈住不料羅竹人
在墟場者一齊趕截奪回何姓一犯以致該差等或死
或傷等語查差役持票挈犯卽有奪回犯人之事斷不
敢行兇斃傷擄捉至十數人之多其中顯有別情粵中
風氣一事鬆動以後則諸事掣肘所關於大局者實非
淺鮮爲姚令設想自宜立帶兵勇往該村起出兇手然

後查明差人有無別故起衅方是正辦乃該合面稟會
回瑞守但令其先行相驗再爲通稟請示大約將就敷
衍便可了事不知地方刁風日引日長再不整頓必致
不可收拾目擊情形但有憤懣謹先略陳大概伏望憲
裁

批封川縣民人聶益兼呈控孔記養毒死伊兄一

案

光緒二年閏五月二十八日

查謀人命死者與兇犯平日必有積怨深仇否則定有別項事故斷無平空將人毒斃之理據呈該民之兄聶益培因服八俊基交與孔記養所給藥丸竟致腹痛身死等語究竟聶益培與孔記養及八俊基平日有無嫌隙詞內未據聲明殊屬含混且屍未經驗則益培之是否因毒殞命尤難遽定案情頗滋疑竇亟應集證訊明以成信讞仰肇慶府迅飭封川縣趕緊勒集兩造一千

人證確切訊明分別究辦一面將本案始末情形先行
稟覆察核均毋任延切切粘抄保領並發

批署陽春縣鍾錫綸稟高州柯把總奉委查拏匪

犯黃十凌大一名被匪奪脫

光緒二年閏五月二十五日

據稟及另單均悉此案已准高廉道移知該匪黃十凌大係在陽春縣屬拏獲旋被該匪夥糾眾奪脫移道札飭該縣嚴緝務獲究辦等由查該匪黃十凌大乃高州會匪餘黨現經柯把總奉高廉道札委緝拏雖未知會該縣惟既有此等匪徒潛匿境內該縣漫無覺察且因演戲滋事該匪卽係戲班中人實屬異常疎忽現值國制期內該縣任聽民間演戲亦屬不合至柯把總將該

匪黃十凌大挈獲解至外委何振蛟寓所看押乃該外委並不小心防範致被匪徒及戲班多人擁至奪脫毋論該外委有無知情故縱其防範不慎咎實難辭現既查得奪犯匪徒係該匪黃十凌大之子弟黃木連黃木賢及戲班小武花面等多人該縣應卽移會營員及該外委督飭兵役刻日查明同時奪犯匪徒名姓按名一併弋獲確訊究辦並移鄰封營縣遇有地方演唱永年春戲班卽將該戲班扣留根究毋得以該戲班現已移往他處匪犯遠颺稍存鬆懈再該縣境內現在雖無會

匪惟該縣地接高州該匪黃十凌大等既可在縣潛匿
滋事卽難保不在該縣勾結煽惑該縣併卽會營嚴密
巡防一面遵照院憲及臬司暨本道札飭舉辦保甲團
練事宜趕緊諭令紳耆實力舉辦該縣向來辦事尙稱
勤慎此事業已疎防於前毋再玩泄於後致干咎戾仰
肇慶府卽飭遵照仍錄批臬報臬司察核並候兩院憲
暨臬司善後局批示此繳

薩西公履身存

卷八

三三三

批開平縣晏稟遵將卑縣團練章程稟覆

光緒
年閏

二月二十
五六日

據稟已悉查核所議章程尙屬妥協此次舉辦團練必須實力辦理不能徒託空言將來各州縣一律辦齊時本道或自行雇備船隻親往查驗或委幹員前去察看該縣務宜認真督率紳耆實力奉行切勿空言稟覆搪塞了事仰肇慶府卽飭遵照此繳摺存

羅西公履身存卷八

三

批署高要縣姚頤壽稟請派安勇會辦羅竹村賊

匪何亞奴等拒殺差役案

光緒二年閏五月二十九日

據稟及另單均悉此案先據該縣面稟業經據情移請江遊府商調分紮德慶四會廣甯三屬及在郡城安勇會同該縣帶領前往查辦在案查何亞奴係羅竹村著名賊匪被控有案現經差役將其拏獲乃匪黨何華可等竟敢糾衆將犯奪脫並殺傷擄捉差役多人實屬膽大兇橫目無法紀仰肇慶府迅飭該縣一俟江遊府將勇調回即便會同帶領馳往該村查明當日奪犯殺傷

差役匪徒分別查拏勒交務期悉獲懲辦毋令一名漏網一面將被擄之差役查起吊放所請諭令賓興局紳李汝剛鄧樹邦二人會同前往之處該府卽諭飭該紳等遵照仍候兩院憲暨臬司批示繳

批署高要縣姚頤壽稟訪聞侍衛李國康雇艇聚

賭挈獲艇主陳亞閏訊供請示辦理

光緒二年
六月初五日

日

據稟已悉查開場聚賭例禁綦嚴現當大憲飭行嚴禁之際凡在士民自宜恪遵法紀乃紳士李國康竟有雇艇聚賭情事若如該縣所稟實屬不知自愛該縣既經通稟仰肇慶府飭候兩院憲暨藩司臬司批示此繳

卷之四

三

批新興縣屬耆民區楷等呈控顧昕串同作弊平

伊祖墳賄串枉斷酷押勒遵合衙封冤籲乞委

勘批提以甦民命

光緒二年六月十六日

如果顧昕等實有平墓碎碑霸佔墳塚情事該縣何以
反將該山斷與顧姓且將該耆民等酷押勒遵據呈是
否屬實有無隱捏控關官親幕友舞弊亟應批府提審
方足以昭折服仰肇慶府迅飭新興縣將本案始末情
形先行稟覆一面由府提集兩造人證確切訊明分別
究斷具報倘該耆民等控屬虛誣卽坐以應得之罪至

應否委員前往履勘該府并卽核明辦理均毋稍延切
切粘抄繪圖保領并發

批四會縣烏廷梧具稟縣有釐金存署懇將駐縣

防禦安勇嗣後勿庸調撥候示遵

光緒二年六月十七日

據稟已悉前月據西甯縣陳令具稟彼處駐紮安勇奉
調前赴高州勦辦土匪懇請轉稟暫留等情經本道稟
奉督憲批回以此次安勇分紮西江各處原屬一時權
宜不能視爲成例現在整頓營務擬將各起兵勇時常
調集合操萬難常川駐紮原處仰本道督屬趕緊將邊
界土匪尅期掃除並將保甲團練事宜認真辦理則地
方自臻安謐毋專恃安勇爲長城泰山之靠等因業經

轉飭西甯縣並分致各屬及該縣遵照在案茲據稟各
節自係實在情形將來高要縣辦鄉事竣卽將移請江
遊府仍將當日原紮該縣屬之安勇撥回該縣駐紮俾
得暫資捍衛惟此項勇丁督憲旣須時常調操目前雖
可暫留亦非長久之計該縣務須遵照院憲及本道前
此札行迅將保甲團練兩事實力舉辦並移會營員督
率兵役加意防範庶有安勇固更壯聲勢無安勇亦無
慮疎虞方稱盡善也仰肇慶府卽飭遵照此繳

批委員補用巡檢徐士琦具稟幫同羅定州張牧
辦理團練保甲事宜現將附城內外已經遵辦
并繳章程八條清摺

光緒二年六月十九日

據稟及清摺均悉現在臬司又經由省派委候補知縣
劉令樹典會同該州辦理團練保甲事宜該令於本月
十九日路過肇城經本道諭令趕緊前往日內當可行
抵羅定該員俟該令到州後仍須會同認真商辦務將
各鄉團練次第辦齊勿以另委有人稍涉推諉再查核
所議章程八條亦皆妥協可行惟四城及鄉間隘要處

所似應設立卡房或搭望樓夜間酌派練丁懸掛燈籠
輪流支更巡察各處所出練丁亦應定以日期每月令
其會哨數次如此方足以壯聲威且免日久生懈該員
卽會同該州及劉合商諸局紳酌量籌辦毋違仍將辦
理情形隨時稟報察核此繳摺存

批新興縣彭陽和葉載揚等控俯准將錯數銀數

十兩寫立限狀省釋回家籌辦繳局

光緒二十
六月二十

六日

前據高要縣以李慶到案將名下應繳罰銀交與顧國濟收領等情具稟到道當經批行分別省釋訊追在案查此案先經該縣具稟該生等所管數目核有含混不符及不實不盡之處斷令罰銀一千一百元歸入賓興局作爲公項該生等堅執不遵本道因恐尙有未盡妥協以故行提李慶飭令覆集質訊現在既據李慶遵繳

罰銀則當日所斷自屬公平不然李慶一經到案何以便肯遵斷據呈家道貧難姑無論是否捏飾即使屬實亦只可稍寬限期俾得設法籌繳倘藉無力爲詞繳銀數十兩具一限狀便欲完案則顧國濟未必遵依且彼完此免李慶又何能心服耶候札飭高要縣體察情形如該生等實在一時無力卽酌量寬以期限飭將應罰銀兩設法措繳倘仍抗斷不遵或逾限不完亦卽詳革押追不貸粘抄保領附

批署德慶州許肇元具稟奉札辦理保甲團練情

形
光緒二年六月二十八日

據稟已悉查該州所屬地濶民貧據稱保甲團練事宜合城鄉而同時並舉未免急切難周擬將城廂內外先行舉辦然後由近及遠飭令鄉村各處次第辦齊等語自屬可行與其草率而變虛文反不若從容而得實效惟院憲及本道札行本意均欲綏靖地方力求整頓該州向來辦事勤能此次務當格外認真督率紳耆實力辦理切勿稍涉搪塞因循致負委任至本道同治元年

札飭各屬刊有酌擬保甲團練章程該署牧可以檢案
閱悉與現在臬司飭辦各條款參酌而行似乎妥協仍
將現議章程若何列摺稟繳察核仰卽遵照此繳

批羅定州恩者彭賢士呈控伊弟彭佐時被陳興

等控爭廟地案爲被誣押追受刑釋斃等事光緒

二十七年七月
二十八日

案據監生彭佐時先後赴轅具呈經前道及本道批行
該州查案稟覆旋據該州稟稱陳彭兩姓控爭之地經
前州勘明係屬官荒不准建廟並以兩造均欲借田契
影佔斷令薄罰示懲陳汝槐等即將罰款完繳當先省
釋彭佐時不肯具遵是以將其帶候惟查彭佐時家道
並非豐裕且押經半年未能繳案自係無力完繳可否

從寬免其罰繳飭具遵結提釋稟候示遵等情當經飭
候臬司批示遵辦嗣據該州詳報奉臬司批准如稟辦
理并請將控案註銷等情又經批飭聽候臬司批示遵
辦在案查該前州所斷各節本屬允協而免彭佐時繳
罰係屬格外恩施現在彭佐時既得免繳罰款其釋後
身死莫非命也於人何尤據呈前情顯欲藉詞翻異殊
不足取仰羅定州卽遵照前批聽候臬司批示辦理可
也保領并發

批高要縣屬職員陳世昌呈控梁國南糾眾搶割

田穀一案

光緒二年九月十一日

本案兩造互控經該前縣覆訊明確斷令彼此不得設
埽取魚坑水公同取用並捐廉交該職員等生息爲大
坑神廟香油之費以抵向來所收埽租嗣以要岡設練
大坑出穀一節恐更練藉示多索致滋流弊又另諭各
自設練看守田禾以期永息爭端案經斷結詳銷梁愷
裕等自當遵守何得再行翻抗詞稱梁國南迭次糾令
李聯梁亞進等搶割田穀如果屬實則是藐官背斷亟

應嚴懲仰肇慶府迅飭高要縣刻日勒集梁國南等訊
明有無搶割情事分別究追斷結具報至梁愷裕身爲
舉人乃以前任秉公斷結之案猶冀藉詞圖翻殊屬不
知自愛此後如再續控卽行詳請斥革以儆效尤該府
併飭遵照毋任延縱切切粘抄碑摹保領并發

肇慶城內連昌缸瓦店滋事及羅定州抽收船規

被紳士上控情節致

楊振甫方伯書光緒二年
周福皆廉使

日

日前承示內河緝捕現經詳定功過章程務須將各段
巡船改派實職武弁管帶使其自顧考成以冀認真巡
緝弟返肇慶晤刀協戎詢以現在管駕各弁姓名渠交
下一單茲特寄閱肇城連昌缸瓦店一事該店主係武
營兵丁藏有火藥十餘壘私自售賣經地保密稟該縣
派差往查據稱并無其事飭令具結又不肯遵遂致改

委典史親往搜查詎該店前因查時透漏消息已將火藥遷運一空該典史查畢欲將店夥一人帶交縣衙門查問取結乃該店竟敢以搜查不出爲詞鳴鑼聚眾拋擲磚石大肆咆哮該典史因見形勢洶洶稟明姚令該令旋將該店查封並拏到店夥二人擬治以藐視官長之罪隨據各紳士代爲緩頰僅薄予責懲撤封店門了事此間逼近省垣頗染刁狡習氣刻已改調許牧肇元來署斯缺應飭其認真整頓方免疎虞再羅定張署牧前以開辦保甲通稟請抽船規津貼局費現被闔州紳

上赴道呈控謂羅定州屬二百餘堡所有此次保甲經費均由各堡自籌惟附城十六堡之局紳竟稟請該州出示收取船費以資局用刻下船戶裹足市物非常昂貴恐致滋生事端等情訪聞該牧平日聽信官親諸事被其從中舞弊而日前亦有傳簽罷市之謠觀此情形深恐鬧至不成局面因閣下日以地方爲念順筆及之高明其有以處之否耶

卷之五 別集 子 名

三

批高要縣職員陳世昌等呈控梁國南復令梁亞
進等械割田穀一案

光緒二年十月十一日

前據具呈業經詳晰批行該縣集訊究結據呈梁國南
於前月二十六日復令梁亞進等搶割田穀等語如果
屬實殊屬不法仰肇慶府訊飭高要縣刻日比差勒拘
梁國南等到案確切訊明分別究追斷結具報再查閱
粘抄舉人梁愷裕迭次列名呈首翻騰舊案實屬不知
自愛如敢出名續控該縣卽將該舉人詳請褫革以儆
效尤該府并卽飭遵均毋延縱切切粘抄保領并發

續西公履算不

卷八

--	--	--	--	--	--	--	--	--	--

札高要縣查明監倉人犯共有若干并開具犯案

事由羈禁年月列摺稟繳以憑查考

光緒二年十月十四

日

爲札飭查覆事照得該縣爲附郭首邑案件繁多所有人命賊盜等項已未定罪人犯除收禁監倉有管獄官專司其事毋庸置議外其收禁羈所各犯人數不少稽察良非易易該縣向來留心獄務固無慮其疎虞但現當交卸之際誠恐看守人役或因疎忽而被脫逃或因受賄而致縱放若不預行查察一經失事則追之莫及

矣合就札飭札到該縣卽便嚴飭看役人等加意管守
切勿稍犯前項情弊致干嚴懲一面查明人犯共有若
干分別開具犯案事由羈禁年月迅速列摺稟繳赴案
以憑查考毋稍遺漏稽延

札飭委員張學濂查明高要金利墟地方事主林

汝樑被劫拒斃更夫林富英并橫查司衙署被

劫情形稟覆

光緒二年十月十四日

爲飭查事本道訪聞本月初五日金利墟地方有盜犯
搶劫拒斃更夫又初八日橫查司巡檢衙門被盜明火
執仗搶劫一空四日之間盜賊橫劫無忌捕務廢弛如
此實堪痛恨金利墟一案事主失物若干更夫如何被
斃盜匪從何來去橫查司衙門逼近江岸該處緝捕船
隻何以漫無覺察該巡檢在任何以於緝捕事宜絕不

竊匪在雁真在

身

認真辦理盜匪來蹤去跡共若干人務須一一確查以
憑核辦合亟札飭札到該員立即前往該兩處將被劫
情形明察暗訪照本道所指各節詳細稟覆毋得一字
諱飭倘敢扶同隱匿別經查出定爲該員是問切切特
札

高要縣屬金利墟地方及橫查巡檢衙署四日之

內連被盜劫掠據實稟奏聽候批示核辦上制劉

軍張稟光緒三年十月二十三日
中丞

敬稟者竊照高要爲附郡首邑水陸巨區四通八達賊盜最易出沒必須認真緝捕城鄉方可獲安職道蒞任七年於斯處情形較爲熟悉每以緝匪爲第一要務蓋強暴不除善良無以樂業人心風俗關繫非輕歷任知縣中尙有一二勤奮辦事之員均經職道督飭不時下鄉查拏重者詳請正法稍次亦立斃杖下先後有案可

稽者不下百數十人以故數年來賊勢頗戢閭里稱頌
近則府縣每以姑容從事縣不下鄉府亦不能催督因
循疲玩延至本年而盜案層見迭出矣始則遠村猶曰
荒僻也繼則附城左右時控搶擄而并搶及有司之官
衙明火執仗肆無忌憚道路憤懣行旅寒心職道若再
緘默不言避嫌畏事將來民生吏治愈不可問用敢直
陳於憲臺之前而求嚴加懲辦也職道文闡差竣九月
二十四日抵署明查暗訪水陸各處甚不靜謐當卽面
諭姚署令頤壽妥爲部署不可仍前疎縱乃訪得十月

初五夜間縣屬金利墟地方監生林汝樾家突有盜賊二十餘人撬損大門闖入內室劫去衣物不少其鄰居爲該監生本家林富英聞聲喊捕甫開門出望被賊用銃轟斃嗣聞事主報案姚署令并未卽時前往勘驗僅移知署縣丞劉肇龍往查旋據該縣丞呈出節畧內稱賊匪未進廳門似無失物希圖掩飾了事又十月初八日署橫查司巡檢黃彭年衙署於甫交二更時彼賊數十人在衙門照牆左右把守旋從圍牆跳入打開大門直入內室用刀嚇禁該署人役并勒令黃彭年夫婦將

所有衣物首飾銀錢一併說出飽掠過河而逃職道聞信之下不勝駭異事已數日不見姚令面回及通稟到來而肇慶府瑞守亦不向職道提及隨派在郡差委從九品張學濂密往確查十六日始據姚署令稟知赴該巡檢衙門查看而賊匪遠颺業已無蹤無影更奇者該巡檢黃彭年被劫後職道飭其來郡詢問堅匿不至加以嚴札始於二十日來謁面問一切全屬含混支吾但云印未失落餘卻一字不提現據張學濂回郡先行呈遞手摺於以上兩案雖未敢爲之粉飾第較職道初次

所聞不無就輕避重職道伏查盜案定例向於五日內
先行通稟金利墟橫查司之案均已經旬尙未具報金
利墟爲高要縣縣丞專轄禁之所旣出劫案經縣移
知往查輒敢以賊未進門似無失物等語朦混具報非
尋常疎忽可比巧滑浮詐甚屬可惡橫查司署巡檢黃
彭年衙署被劫不卽具稟申報更匿不赴郡亦屬荒謬
現交冬令防範更宜周備似此盜匪橫行官如木偶倘
不從嚴懲治何以靖雁戶而儆鴟張相應據實稟叅仰
請憲臺將署高要縣縣丞劉肇龍署高要縣橫查司巡

檢黃彭年先行撤任摘去頂戴留於各該地方勒限二十日將首從各盜務獲究辦限滿無獲另行嚴叅至署高要縣知縣姚頤壽身膺民社所屬地面四日內連出巨案又不趕緊獲犯詳辦平日捕事廢弛已可概見未便因其人尚老實稍涉迴護應如何示懲之處伏候憲裁肇慶府知府瑞昌事前漫無稽察事後并不赴道署稟明雖該府交卸在邇斷不致存五日京兆之心惟職道與該府同在一城督緝無方且於屬員中不能破除情面力爲誠導致令劫案頻聞自問無所辭咎應請憲

臺將職道與該府一併予以處分無任悚愧待命之至
再橫查司衙門逼近江邊該處設有緝捕巡船係水師
叅將管轄當盜匪過河時訪得該哨官等并不立即追
捕合併聲明

再稟者高要縣縣丞衙署舊在城內嘉慶二十一年經
董前院奏稱縣屬金利墟地方居民稠密客商民船往
來絡繹且與高明四會三水清遠各縣連界自應專員
駐紮以資彈壓查縣屬縣丞向駐肇城專管水利并無
別項承辦事件請將縣丞衙署移至金利改爲分防縣

丞在金利墟尾添設卡房十三間派弁帶兵三十五名分防駐守該處三社有空地一段并不妨礙水道及民田廬墓堪建衙署將舊署估變價銀湊同建造等因部議允准道光二年知府李澧等復捐俸重建後因水漲衙署傾圮該縣丞卽在肇城居住勤奮之員尙不時赴鄉巡緝其偷惰者往往藉無衙署爲詞懶於前去該墟百姓恃離肇城稍遠終歲不見官長馴至人心刁詐盜匪橫行職道曾面稟李前撫憲深以修復衙署移駐爲然未及舉辦李前撫憲調任廣西遂爾中止該處近

年頗多搶掠械鬪之案皆係含糊了事不曾認真查究
此次盜匪劫財斃命案情重大該署縣丞劉肇龍平時
不肯前往巡緝事後復意存掩飾是以從嚴辦理不敢
姑容蓋捕務萬分廢弛必得懲創其一二或可策勵於
將來耿耿苦衷諒邀洞鑒查該處本係通邑扼要之區
與其另議新章轉多窒礙莫若率循舊制俾免疎虞應
請仍將縣丞衙署重爲修復令其專駐辦事其董前院
原奏派弁帶兵三十五名分防該界亦應悉仍其舊惟
修復衙署卡房經費無可籌畫庫款正在支絀時未便

妄請支發擬懇憲恩札飭藩司於肇慶府高要縣各任
內查明有無應解未解之款酌提數千金令各本任如
數解齊由司派員前來監估修造如斯辦法既不動用
公帑要地即可頓復舊觀似於彈壓撫綏兩有裨益職
道爲整頓地方起見是否有當仰候核奪批示祇遵至
高要縣縣丞橫查司巡檢兩缺素皆瘠苦似宜酌給緝
捕經費藉資津貼可否亦在府縣應解未解款項內按
月派撥之處并乞憲裁謹此縷陳

附劉制軍批

查縣丞巡檢均有緝捕之責據稟署高要縣丞劉肇
龍於金利墟事主林汝樑家被盜行劫拒斃鄰人一
案捏稱井無失物朦混具報非尋常疎忽可比署橫
查司巡檢黃彭年本署被劫後井不申報居心亦屬
荒謬署高要縣姚令頤壽所屬地面四日內連出巨
案又不趕緊獲犯詳辦平日捕務廢弛未便稍涉迴
護等情應否將該員等 奏請革職以示懲儆井將
督緝不力之肇慶府知府瑞守昌由外記過註冊據
實稟揭之肇陽羅方道免其置議仰東按察司會同

布政司核明刻日分別詳叅一面移行勒緝各案賊盜務獲究報其餘武職兼轄督緝及專汛協防并巡查各該段之管帶巡船將弁各職名并候札飭肇慶協標下水師營查明稟覆核辦至另單稟請酌提銀兩修復金利墟縣丞衙署一節并卽備移藩司核明詳覆察核仍移該道知照暨候撫部院批示繳

附張中丞批

查高要縣屬金利墟監生林汝樑署橫查司巡檢黃彭年衙署被劫二案據高要縣稟報業經批司轉飭

緝究據稟金利墟爲高要縣縣丞劉肇龍專轄駐紮之所旣出劫案輒以賊未進門似無失物等語朦飾居心巧詐橫查司巡檢黃彭年衙署被劫旣不卽時稟報飭調延不赴郡明係有心諱匿署高要縣姚令頤壽於所屬地面四日內連出巨案事閱兼旬犯未破獲捕務實屬廢弛肇慶府瑞守督緝不力應如何分別懲處以儆玩泄仰按察司會同布政司刻日核議詳辦一面嚴飭會營督同劉肇龍黃彭年選派幹練兵役振刷精神懸賞購線務將各案首從贓盜悉

獲究報倘再稍涉鬆懈卽由司從嚴揭叅橫查司衙署逼近江邊該處旣設有緝捕巡船當時盜匪過河何以并不追捕該司并卽備移查開各船哨弁銜名通稟察核肇陽羅道據實稟揭應免置議另單請將高要縣縣丞衙署修復移駐金利墟各節并由藩司查案詳覆核奪仍移該道知照并候督部堂批示繳

批署高要縣許肇元具稟遵札查明撤除文昌宮

住持僧人另擇司祝奉祀各情稟覆察核

光緒二年

十一月十一日

據稟已悉查文昌宮本係官建并發給奉祀經費有案可稽此事該縣既因附貢生馮光緯等及生員杜冠瀛等互相攻舉各存意見諭據賓興局紳士舉人李汝剛等妥處呈覆并經該縣批飭照辦出示曉諭何以於奉到前署道齊批示後并不稟明究竟僧人維善有無不守僧規信果是否本係同善堂逐僧改名了緣鑽營紳

士保結求作文昌宮住持新署高要縣許令甫經到任
無所用其迴護仰肇慶府卽飭許署令確切查明再行
據實稟覆聽候核辦此繳

批高要縣監生張啓泰呈請出示嚴禁停棺溺女
等情 光緒二年十一月十六日

據呈各屬多有惑於風水停厝棺柩歷久不葬並有溺
女之風等語查喪葬例有定限不容託故遲延凡在土
民皆當遵守至於溺女一事民命攸關卽因家計貧乏
子女過多不能存活亦可送到育嬰堂撫養豈宜輒行
溺斃若如該生所呈實屬殘忍已極候札道屬府廳州
分別飭屬一體出示將停棺溺女二事剴切曉諭禁止
務使民間有喪之家依限安葬所生無論子女均須撫

養成入並將育嬰堂實心經理間有屬內無育嬰堂者亦卽酌量情形設法籌款創建俾貧民無力養活之子女可獲保全以敦風化而重民命保領附

批高要縣監生陳汝良控伊均益餉當被劫一案

光緒二年十
二月初一日

盜匪明火行劫餉當猖獗已極昨據該縣以會營詣勘
並獲犯周潤孫等二名等情通稟到道卽經批行勒緝
供夥究辦在案現查閱粘抄縣批提訊周潤孫等所供
夥黨俱係該村之人等語仰肇慶府迅卽備移肇慶協
轉飭專汛協防各弁並飭高要縣督令捕官比差懸賞
一體認真嚴緝一面諭令該村紳耆匪族緝送勒交務
將周潤孫等供開夥黨全數弋獲提同現犯研訊明確

薩西之履身不

卷八

三

分別究追詳辦毋任縱延切切粘抄保領并發

札飭高要縣查明橫查司被劫案稿

光緒二年十月十一日

爲札飭查覆事案據該前縣姚令稟詳本年十月初八日夜該縣橫查司巡檢衙署被劫銀兩又十月初五日該縣屬監生林汝樑家被賊行劫拒傷更夫林富英身死等情先後到道據此當經批飭該縣勒緝賊匪并移請江遊府轉飭各處防守安勇會同營縣兵差一體緝拏解辦旋據姚令稟報獲犯陳亞社馬家駒卽亞桃二名嗣又面稟續獲盜匪三名均訊認行劫橫查司衙署不諱而昨據該縣面稟橫查司衙署被劫案續獲之

匪犯三名訊供游移且有紳耆保呈等語核與姚令所稟不符現在究竟所獲各犯曾否訊得實情是否正盜供情如何其林汝樑家被劫案現已兩月有餘有無緝獲贓賊均應飭查明確以憑核辦合就札飭札到該縣卽便遵照指詢事理刻日詳晰稟覆察核一面移行比差懸賞購線關移隣封營縣一體嚴緝務將以上兩案盜匪全數弋獲盡法懲辦均毋稍延至地方營縣兵役均有緝盜之責原應訪察購拏然亦須查有真贓確據方可無虞枉抑乃粵東兵役往往以盜案爲事所恒有

常泛視之若遇催逼嚴緊輒行混挐塞責其苦於刑求
妄行招認者固慘受顯誅含冤莫白卽訊屬虛誣隹子
保釋者亦久羈縲縲廢業失時似此積習相沿殊非懲
賊匪而安閭閻之道該縣並卽移行分別轉飭兵役此
後於緝捕一事務須詳細訪察認真購緝解辦不可捕
風捉影妄挐無辜致滋枉累尤不得藉此稍涉懈縱是
爲至要

卷之三十一

三

--	--	--	--	--	--	--	--	--	--

批委員張壽華稟遵查東安縣各起劫案

光緒二十二年

九月十日

粵東賊盜之案甲於他省地方牧令平時果能講求緝捕杜絕盜源斷不致肆爲民害卽使遇有呈報搶劫者立爲懸賞購線拏獲真盜起出真贓亦尙可作桑隅之補東安縣兩旬之間連出劫案四起其張暄一案又未通稟本道職在督緝不得不委員查明秉公核奪并非意存嚴刻也該典史奉札前往自應於被盜村莊明察暗訪據實登覆茲閱該典史所稟僅得之劉千總張典

史二人所謂向附近保甲舖戶人等查問一語究竟何處保甲何處舖戶曾否親到各被盜處所絕未敘及殊難憑信札內飭查四案外有無另起報搶劫之案稟中一字未提尤覺玩忽近日分府差委各佐襍惟知求例差謀署缺幾忘其名在仕版紛紛擾擾若貿易然遇有派查公事大率慢不經心和同敷衍自以爲巧不知其因巧而成拙矣該典史到此未久聞尙老成何亦沾染習氣一至於此耶仰高要縣將該典史傳至署中細加詢問飭照本道所指各節用紅白稟借印逐一敘入稟

內刻日呈繳本道卽據該典史所稟核辦倘別經訪聞
有不實不盡之處定爲該典史是問凜之毋違原稟抄
發該縣閱看此繳

卷四之八

三

遵將委員查明陽春縣生員嚴欽文等誣控陽春

許守備得規庇賭縱子淫兇一案始末情形稟

覆

劉制軍
張中丞

光緒二年十二月二十八日

敬稟者光緒二年十一月二十六日准臬司移開光緒

二年十一月初九日奉廣東巡撫部院張批據陽春縣

生員嚴欽文等遣抱赴轅呈稱切陽春守備第三子許

慶霖混名通城虎豺狼成性倚父作威時常攔街走馬

酗酒行兇小則拳腳頻加甚則拔刀趕殺或勒淫人婦

伊夫不允者毆之或強買強借賒不遂者毆之種種橫

強指不勝屈如西門觀察第職紳羅鴻綸因九月十七夜守備衙前掾房蘇公祠子城內四處攤館慶霖著營兵陳瑞光等轄加收攤規賭匪不允互相爭毆街隣恐其鬧出人命請職紳羅鴻綸同眾勸斥殊兵瑞光等恃勢弗恤反肆惡向毆幸街眾救阻不致重傷眾見不平會同鴻綸稟投守備不面旋稟捕廳各營炳證奈守備貪規庇兵縱子復於十八日許慶霖持刀屢次登門尋殺迨職紳已畏避猶尋殺不休實屬兇橫藐法伏思賭博迭奉仁憲示禁併加重罪名且守備有地方之責更

宜靖賭安民竟敢貪規庇賭縱子橫行深爲民害生等情關梓里豈忍坐視其危業於九月二十三日經街坊聯稟縣主未蒙批示嗣於十月初八聯叩協臺並稟府臬憲俱蒙批抄粘并列惡跡聯叩崇轅伏乞嚴提訊究以儆兇橫而免釀禍良善賴安切赴等情奉批據控許守備得規庇賭縱子淫兇如果確實大千功令粘呈許慶霖劣跡有無被控案據仰按察司備移肇陽羅道就近確查切實通稟核辦并飭府委員會同陽春縣立將賭館查封嚴拘賭匪務獲究報粘抄並發等因印發到

司奉此除札肇慶府及陽春縣遵照外合就移會過道
煩照詞批事理希卽就近確查切實通稟院憲暨移司
核辦并飭府委員會同陽春縣立將賭館查封嚴拘賭
匪務獲究報請勿有遲施行又於光緒二年十二月初
二日准臬司移開光緒二年十一月十一日奉兩廣總
督部堂劉批同前事奉批據呈匪徒在陽春守備署前
開設攤館數處大屬玩法該守備之子許慶霖兵丁陳
瑞光勒加賭規不遂輒卽互鬪逞兇亦屬倚勢橫行該
守備何以形同聾瞶毫無見聞除札肇慶協確查稟覆

外惟查閱粘抄案經由司移道查辦仰東按察司備移肇陽羅道詳細查明據實具覆一面飭縣移提被控人等到案分別革究詳辦粘抄並發等因印發到司奉此查本案前據生員嚴欽文控奉撫憲批行當經備移過道確查通稟并飭府委員會同陽春縣將賭館查封嚴拘賭匪究辦各在案奉批前因除札肇慶府飭遵及札陽春縣移提革究詳辦外合就移會過道煩照詞批事理希卽詳細查明據實具覆院憲暨移司查照一面飭縣移提被控人等到案分別革究詳辦請勿有遲施行

各等由到道准此當經分別轉飭遵照並札分肇候補
未人流崔廷榮前往確切查明據實稟覆去後茲據該
委員稟稱卑職奉札後遵於十二月初五日由郡起程
於十二日行抵陽春縣嚴欽文等所控許慶霖混名通
城虎豺狼成性倚父作威酗酒行兇拔刀趕殺勒淫人
婦強買借賒各情四處確切查訪據各鄉民舖戶紳耆
均稱並無其事卑職復廣爲查詢眾口僉同其控詞毫
無實在證據至羅鴻綸與兵丁陳瑞光及許慶霖爭毆
一節訪查實因同治十三年六月間羅鴻綸在官亭地

方開設新廣利賭館一間營兵陳瑞光與羅鴻綸爭鬧
各相釘恨在心本年九月十七夜適值羅鴻綸在官亭
地方河邊妓船值酒與陳瑞光相值各因口角爭毆羅
鴻綸走告許慶霖囑伊轉回許守備請將陳瑞光名糧
革除許慶霖指責其非並非加收攤規爭毆十八日羅
鴻綸親赴守備衙門告知請卽革除營兵陳瑞光責子
許慶霖而守備查知情節不便卽見著人調處毋庸爭
鬧羅鴻綸心懷忿恨卽與嚴欽文等商同控告許守備
現已將其子許慶霖兵丁陳瑞光移送過縣聽候傳訊

卑職又再四訪查許慶霖劣蹟縣署並無另有被控案據至守備衙前攤館早已封禁即將訪查情節詢之鍾令一切大畧相同查本案控情確係羅鴻綸串通嚴欽文等誣控似無另有情弊除由鍾令具稟外奉札前因理合將確查本案情形具稟察核等情據此職道覆查嚴欽文等呈控許慶霖各項劣蹟據委員查詢鄉民舖戶紳耆僉稱並無其事縣中亦無另有被控案據所稱許慶霖等與羅鴻綸爭毆一節亦據查明衅起口角並非因加收攤規但許慶霖等既被控告其中是否另有

別情該守備既已將許慶霖等移送過縣應由該縣訊明秉公核辦除再札陽春縣刻日提訊明確分明通詳辦理外緣准移奉批行前因理合將委員查明本案始末情形據實具稟

敬附稟者竊照陽春縣生員嚴欽文等上控陽春守備第三子許慶霖等一案前奉憲臺批飭查覆當經委員前往確查一面函諭署陽春縣鍾令將該守備平日居官如何其子被控各節是否屬實據實密行稟覆毋稍徇隱去後茲據該署縣鍾令稟稱遵查許守備服官卑

邑已歷數載辦事尙能認真營務亦屬整飭惟其子許慶霖年輕好勝殊不安分每因小事動輒與人爭鬧外間嘖有煩言尙未釀成事端合以年幼無知作爲罷論卑職曾經告知許守備囑其嚴加約束勿任出外嬉遊不意九月間偶與邑紳羅鴻綸口角微嫌彼此相持而營兵陳瑞光從旁幫護羅紳因此挾恨在許慶霖本屬尙氣逞強適該紳又係著名好事故捏以縱賭大題砌詞上控希圖動聽此許慶霖與羅鴻綸口角起衅之實在情形也許守備居官雖無劣蹟然平日不能約束其

子以致生端被控上煩憲厘其咎未免難辭緣奉前因
卑職未敢徇情隱飾理合據實稟覆察核等情據此除
將委員查覆緣由另行具稟外合將鍾令密稟情形附
稟憲臺察核

各月用字不

三

--	--	--	--	--	--	--	--	--

嶺西公牘彙存卷九目錄

光緒三年正月初三日
起至十二月十三日止

批署高明縣余澍疇詳合水等處賭博一案覆訊

情形

光緒三年正月
月初三日

風聞鶴山縣屬古勞等處有匪徒結黨拜會飭卽

前往密查致鶴山縣王署令炳如書

光緒三年
正月十六日

批署德慶州王煦肇慶協右營守備盧泰會稟查

勘州屬大石古地方緊要派撥兵勇防緝

光緒
三年

正月二

十日

札飭署肇慶府張丙炎籌款修復金利墟高要縣

丞衙署

光緒三年正月三十日

請將訪聞匪徒聯盟搶劫飭據鶴山縣查復情形

回明院憲致

楊振甫方伯周福皆廉使書

光緒三年二月初五日

批署高明縣余澍疇稟現在土客並未滋事

光緒三年

二月十日

四日

批陽江廳余祚馨稟卑廳民俗典賣產業多係重

典盜賣及匿契不稅等情

光緒三年二月十四日

訪聞南海縣屬與鶴山高明交界地方有匪徒聯

盟拜會聚搶札肇慶府飭各該縣遵照嚴拏

光緒

三年二月
二十一日

札飭高要縣諭令頭三四五班紳士將餘欠穀石

買補還倉

光緒三年二月三十日

批陽春縣蕭炳堃稟徵收改復舊章請准批示立

案

光緒三年三月初三日

批署高要縣許肇元稟據景福圍紳士圍總鄧嘉

秀等報修葺水基竇工竣

光緒三年三月十七日

批署封川縣邱鴻炳稟懷集徐姓械鬪一案封川

近與接壤現籌防禦情形

光緒三年四月初二日

批開建縣洪需稟懷集徐姓械鬪等情

光緒三年四月初四日

日

移撥安勇前赴開建防禦懷集匪徒聯府街上

劉制

軍張稟

光緒三年四月初八日

中丞

批開建縣洪需稟廣西懷集滋事匪首已擒現仍

查探緝拏餘匪

光緒三年四月初四日

札肇慶府查明分府各員如有擅行離郡即將該

員停其差委

光緒三年五月二十一日

捐修肇郡城垣案內在事出力及捐貲各官紳民

請獎上

劉制軍
張中丞

稟

光緒三年五
月二十二日

批署肇慶府張丙炎稟委員孫鴻查夜一年期滿

地方安靖可否照章酌予列委儘先記功

光緒三年

六月二十日

批署德慶州王煦守備盧泰稟卑州屬水陸汛防

形勢擬請添蓋卡寮責成水口莫村等汛弁分

駐巡防繪圖列摺請示祇遵

光緒三年六
月二十日

英德防務略鬆請仍將原駐五坑安勇百名撥回

防守或於別營抽撥飭赴各該處如前分紮與

府聯銜上

劉制軍
張中丞

稟

光緒三年七
月初四日

札飭高要鶴山會同營員振頓保甲團練實力巡

防

光緒三年七
月初四日

請將捐修肇慶府城請獎案內應給各紳民褒語

匾額及九品功牌先行徑發下道以便頒發并

懇俯如前次附稟所請將捐廉助工之府廳州

縣量予獎敘上

劉制軍
張中丞

稟

光緒三年八
月初三日

批高要縣職員陳廣佳等控李壽英等督匪搶割

等情 光緒三年八月十三日

批陽江廳余祚馨東安縣王明策署羅定州田明曜西甯縣陳杞夾單稟奉遵諭

飭將屬內各官訪察出具考語懇請察核光緒三年

九月二十四日

批署高要縣許肇元將團練保甲事宜酌議條款

稟請示遵辦 光緒三年十月十一日

批高要縣武生鄧國升控周元高等誣告隱佔客

產等情 光緒三年十月二十六日

訪聞祿步地方有匪艇強劫和記米貨等事札府

查明并飭嚴緝賊賊

光緒三年十一月二十六日

據陽江廳余丞稟稱該廳屬之河仔尾地方與新

甯恩平兩屬交界均有土匪窺伺圖劫情事應

否添派省兵會辦請示祇遵與府聯銜上

劉制軍張

中丞稟 光緒三年十一月二十八日

批高要縣舉人伍士楷鄧樹邦等控橫查司巡檢

錢綸書迭索苛擾物議沸騰勒收圍姓陋規等

情 光緒三年十二月十二日

批署封川縣邱鴻炳具稟地方空虛盜匪乘機伺

劫懇恩暫撥安勇五十名下縣冬防

光緒三年十二月十

三日

薩西之履身存

三

嶺西公牘彙存卷九

定遠 方濬師 子嚴

批署高明縣余澍疇詳合水等處賭博一案覆訊

情形

光緒三年正月
初三日

查本案係該縣稟奉兩院憲批行提訊按擬詳辦所封賭館亦係兩院憲批飭變價稟候提撥充公今該縣提地保差役人等覆訊擬結並請將所封賭館歸入該縣賓興局變價資助義學生童膏伙自應通詳請示現在止據詳道礙難核辦仰肇慶府卽飭該縣遵照通詳聽

候批示辦理至該縣附稟所稱封過上年七月合水墟
兵差賭館一間已將屋主程姓在案呈明所繳價值已
作會試舉人盤費一併歸入賓興局彙辦一節既據通
稟該府並卽飭候兩院憲暨藩司批示遵辦可也此繳

風聞鶴山縣屬古勞等處有匪徒結黨拜會飭卽

前往密查致鶴山縣王署令炳如書

光緒三年正月十六

日

近聞鶴山縣屬古勞等處與南海縣屬江浦司地方有匪徒結黨聯盟聚眾拜會其會名曰英義堂會首議主數人凡人會者皆係年力精壯之輩設有旗隊每隊人約五十名另有隊目之人查匪徒勾結黨與拜立會名大爲地方之害亟應防患未萌惟是否實有其事抑係謠傳聳聽用特密函佈達卽希閣下借別項公事親到

古勞地方明察暗訪務須不動聲色督同巡檢嚴密確查如果所傳真實卽一面通稟一面拏辦切勿稍涉疎懈所帶差役人衆亦須格外安靜不可借端滋擾良善并希將查看情形先行覆知是所切囑又聞三洲亦有匪徒其地係高明縣屬望一併查明密致署高明余令一信亦可

批署德慶州王煦肇慶協右營守備盧泰會稟查

勘州屬大石古地方緊要派撥兵勇防緝

光緒三年

正月二十日

據稟州屬大石古地方最為險隘現經該州在於該處
陸路搭蓋卡房僱募壯勇並由該守備抽撥汛兵協同
駐緝等語具見留心捕務惟所募壯勇十名據稱係派
家丁管帶恐不足以駕馭應否改委悅城司巡檢就近
帶領或由該守備另派營弁兵目管帶仰肇慶府卽飭
該州會同該守備熟商辦理具報仍候兩院憲暨藩司

皇司批示繳

皇司批示繳

三

札飭署肇慶府張丙炎籌款修復金利墟高要縣

丞衙署

光緒三年正月三十日

爲札飭遵照事照得州縣幅幘遼濶庶民良莠不齊所有緝捕事宜殊非一人所能兼顧是以朝廷設立佐雜等官分駐城鄉各處俾資佐理所定駐紮處所亦係相度地方情形擇其至周至密而非可以任意遷移者也查高要縣有縣丞一員本在郡城駐紮嗣於嘉慶二十一年經董前院以該縣屬金利墟地方居民稠密客商民船往來絡繹且與高明四會三水清遠毘連奏請

將該縣丞改爲分防縣丞駐紮金利以資彈壓旋經部議允准當卽遷建衙署飭該縣丞移駐在案後因該處水漲該縣丞衙署傾圮任斯缺者均在郡城賃居民屋在當初係因衙署驟難修復故爲此一時權宜並非長治久安之策倘欲始終如是則巡緝固難嚴密定制亦屬有遲近年以來金利墟地方明火強劫之案層見迭出其匪類所以敢如此橫行之故素始非以該處離城較遠緝捕無人現當整頓捕務之時亟宜循復舊規庶安閭閻而弭盜賊合就札飭札到該府卽便遵照督同

高要縣選派明幹之員親詣金利墟勘明該縣丞舊建衙署基址繪圖註說覆由該府先行稟繳赴道查核一面由府督同該縣妥籌經費飭匠確估價值將該衙署趕緊修復俾該縣丞仍回駐紮以期巡緝得力仍將如何估價籌款興修情形稟報察核毋稍違延切切特札

薩西公履身右

卷十

五

請將訪聞匪徒聯盟搶劫飭據鶴山縣查復情形

回明院憲致

楊振甫方伯書 光緒三年二月初六日

前因訪聞南海縣屬與鶴山高明交界地方有匪徒聯盟拜會聚眾搶劫情事當卽函致鶴山王署令炳如密查稟覆並於署高明余令澍疇進郡時當面諭令一體查覆去後茲王署令來郡面呈手摺據稱探得南海縣屬河清之北地名橫基因該處並無紳董亦無公局故內匪勾引順德懸賞未獲之著名盜匪周從寬等在該處地方結拜弟兄聚黨一百餘人專事擄劫上年年底

連劫河清七八家並有白日往三堡劫掠擄捉小孩在鍋內煮熟等事此股匪徒無事則散處九江屬之黃塘香山界之木洲有事則暗約聚於沙頭同往各處劫掠本年正月十六七日有附近之大桐鄉紳董出勇挈捕獲匪十七人聞已解省該處現已稍靖匪徒亦各處散開並聞河清紳士到省稟請查辦等語查該匪等結盟處所與鶴山之古勞高明之三洲爲擊柝相聞之地雖據王令面稟古勞三洲等處保甲團練甚嚴河面各有扒船看守上下頗能聯絡亦無土人入渠黨隊云云但

匪徒蹤跡詭祕現在雖經分散難保不散而復聚潛行
乘機搶劫亟須妥爲查察方可永保無虞除飭王令隨
時隨事留心訪探一面督同各村紳董清查保甲約束
更練固不可張大其詞亦不可稍疎防範并俟余令查
復到日月行布達外用將訪聞匪徒聯盟搶劫飭據鶴
山縣查復情形專函奉告台端務祈晉謁兩院時代爲
回明是所跂禱

卷四
月
星
在
一
名
一

一

--	--	--	--	--	--	--	--	--	--

批署高明縣余澍疇稟現在土客並未滋事

光緒三年

二月十

四日

本道前因訪聞南海縣屬與鶴山及該縣交界地方匪徒聯盟拜會聚賭搶劫情事當卽函致署鶴山縣王令並於該縣來郡時面諭一體密查稟覆昨據王令來郡面呈手摺據稱探得南海縣屬河清之北地名橫基因該處並無紳董亦無公局故內匪勾引順德懸賞未獲之著名盜匪周從寬等在該處結拜弟兄聚黨一百餘人專事擄劫上年年底連劫河清七八家並有白日往

三堡劫掠擄捉小孩在鑊內煮熟等事此股匪徒無事則散處九江屬之黃塘香山界之木洲有事則暗約聚於沙頭同往各處劫掠本年正月十六七日有附近大桐鄉紳出勇拏捕獲匪十七人聞已解省該處現已稍靖匪徒亦各處散開並聞河清紳士到省稟請查辦等情本道當因該匪等結盟處所與鶴山之古勞該縣之三洲爲擊柝相聞之地該匪等現在雖經分散難保不散而復聚亟應妥爲查察方免潛入滋事當卽面諭王令督同各鄉紳董清查保甲約束更練固不可張大其

詞亦不可稍疎防範茲據稟查明土客並未滋事等語
核與飭查之事迥不相侔仰卽查照署鶴山縣王令摺
稱各情再行確查稟覆一面督同三洲司巡檢及該處
紳董清查保甲認真巡防毋稍疎懈切切此繳

皇朝正史卷之八十一

十一

--	--	--	--	--	--	--	--	--	--

批陽江廳余祚馨稟卑廳民俗典賣產業多係重

典盜賣及匿契不稅等情

光緒三年二月十四日

據稟已悉查民間置買田宅例應赴地方官投稅原所以杜爭執乃粵東積習每以白契管業否則短價瞞稅以致賣主及棍徒等乘機詐佔爭訟不休該廳現在定此章程深得正本清源之意殊屬可行但各處領賣此項契紙之人務須留心訪查毋令藉端勒索致滋擾累仰卽遵照仍候兩院憲暨藩司糧道批示繳

薩西公履身存
卷九

訪聞南海縣屬與鶴山高明交界地方有匪徒聯
盟拜會聚搶札肇慶府飭各該縣遵照嚴拏

光緒

三年二月
二十一日

爲札飭遵照事照得本道前因訪聞南海縣屬與鶴山
高明交界地方有匪徒聯盟拜會聚衆搶劫情事當卽
函致鶴山縣王署令密查稟覆並於署高明縣余令進
郡時當面諭令一體查覆去後日前王令來郡面呈手
摺據稱探得南海縣屬河清之北地名橫基因該處並
無紳董亦無公局故內匪勾引順德懸賞未獲之著名

盜匪周從寬等在該處地方結拜弟兄聚黨一百餘人專事擄劫上年年底連劫河清七八家並有白日往三堡劫掠擄捉小孩在鑊內煮熟等事此股匪徒無事則散處九江屬之黃塘香山界之木洲有事則暗約聚於沙頭同往各處劫掠本年正月十六七日有附近之大桐鄉紳董出勇挈捕獲匪十七人聞已解省該處現已稍靖匪徒亦各處散開並聞河清紳士到省稟請查辦等語當查該匪等結盟處所與鶴山之古勞高明之三洲為擊柝相聞之地雖據該令面稟古勞三洲等處保

甲團練甚嚴河面各石扒船看守上下頗能聯絡亦無
土人入渠黨隊但匪徒蹤跡詭祕現在雖經分散難保
不散而復聚潛行乘機搶劫亟須妥爲查察方可冀保
無虞當經面諭王令隨時隨事留心訪察一面督同各
村紳董清查保甲約束更練固不可張大其詞亦不可
稍疎防範昨又據高明縣余令稟稱遵經查明縣屬土
客並未滋事等語核與飭查之事迥不相侔自係本道
當日面諭各言該令聽未清楚之所致卽經批飭查照
署鶴山縣王令摺稱各情再行確查稟覆一面督同三

洲司巡檢及該處紳耆清查保甲認真巡防毋稍疎懈
在案合就札飭札到該府即便一體札飭各該縣遵照
并由府隨時查察勿稍疎虞是爲至要切切

札飭高要縣諭令頭三四五班紳士將餘欠穀石

買補還倉

光緒三年二月三十日

爲札飭遵照事案照該縣紳士蘇廷鈞等呈控新江紳士黎翔鳳等借領倉穀延不歸還一案先經飭據該前縣稟稱查明該紳黎翔鳳等實領過倉穀一十三萬六千七百觔該紳等現在願捐還銀一千兩核計銀數可買補穀一十二萬五千觔尙短穀一萬一千七百觔連鼠耗盤缺穀共四萬零六百零六觔或由該縣遇有充公之款酌量提撥或由各班分捐照數買補還倉等情

本道當以此項倉穀已據二班紳士願捐還銀一千兩
餘欠無多應卽責成各班紳士勻捐買補批行飭遵並
飭諭令各紳將應捐穀價趕緊清繳在案隨據該前縣
稟報二班紳士已將應捐穀價銀一千兩先後繳清惟
所餘尾欠穀價至今尙未據頭三四五班紳士遵繳清
楚殊屬玩延要知此案事閱十年官經數任本道念其
事關闔邑爲之煞費苦心並以該紳黎翔鳳等當日借
領此項倉穀乃爲防匪所用非比私挪故批令除二班
紳士捐還穀價銀一千兩外餘欠責成頭三四五各班

紳士分捐繳足係屬慎重倉儲且爲該紳等顧全鄉誼起見並非稍有偏徇該頭三四五各班紳士應如何激發天良維持大局乃竟置之不問一味宕延不特深負本道初心二班紳士亦必有所藉口合亟札飭札到該縣即便遵照刻日傳諭頭三四五各班紳士務於一月內將應捐尾欠穀價銀兩趕緊籌繳清楚買補穀石以實倉儲毋任再延該縣辦事向來肯任勞怨諒斷不稍涉瞻顧也

命曰之月星不

一

批陽春縣蕭炳堃稟徵收改復舊章請准批示立

案

光緒三年三月初三日

據稟請將該縣徵收錢糧色米改復舊章由各業戶赴站赴櫃親身投納隨時給發串票不准與糧差私相授受係爲慎重糧務起見應如稟准予立案仰肇慶府卽飭遵照仍候兩院憲暨藩司糧道批示繳

卷之四

三

批署高要縣許肇元稟據景福圍紳士圍總鄧嘉

秀等報修葺水基竇工竣

光緒三年三月十七日

據稟已悉景福圍水基竇該圍總紳士鄧嘉秀等遵諭於一月之間將各朽壞處所修復完全辦理尙稱妥速惟是圍基石竇乃田園廬墓之保障該縣仍須督飭圍總業戶人等隨地隨時留心察看遇有坍塌及鼠巢蟻穴處所立刻補築完固本道仍不時親詣查察慎毋以此次業經修復稍存玩忽是爲至要仰肇慶府卽飭遵照此繳

薩西之履穿右

三

批署封川縣邱鴻炳稟懷集徐姓械鬪一案封川

近與接壤現籌防禦情形

光緒三年四月初二日

本案於前月十四日據開建縣具稟當經批飭嚴諭鄉團加緊堵捕嗣本道訪聞二月十九日徐姓與藍洞互鬪藍洞礮斃革舉徐清近房得力弟兄十五人徐姓因被鬪敗有往開建封川廣甯高明等處招募外碼助鬪之事又經札行該府轉飭各該縣嚴密稽查示禁毋任匪徒勾結愚民幫同械鬪並諭各鄉舉辦團練慎密堵禦免被竄擾在案茲據稟各情核與開建縣所稟及本

道訪聞大致相同仰肇慶府迅飭遵照前札情節認真辦理並將續後偵探情形隨時稟報察核至此等緊要之件該縣一經探聞卽應具稟乃遲之又久始行稟報實屬玩延以後切勿再蹈此轍是爲至要該府並卽飭遵此繳

批開建縣洪需稟懷集徐姓械鬪等情

光緒三年四月初四

日

此案前據該縣稟報當經批飭嚴諭鄉團加緊堵捕嗣
本道訪聞二月十九日徐姓與藍洞互鬪藍洞斃斃革
舉徐清近房得力弟兄十五人徐姓因被鬪敗有往開
建封川廣甯高明等縣招募外碼助鬪之事又經札行
該府轉飭各該縣嚴密稽查示禁毋任匪徒勾結愚民
幫同械鬪並諭各鄉舉辦團練慎密堵禦免被竄擾在
案茲據稟前情仰肇慶府卽飭遵照前此批札情節認

真辦理並將續後探報情形隨時具稟察核毋稍疎懈
候兩院憲暨藩司臬司批示繳

移撥安勇前赴開建防禦懷集匪徒聯府銜上制劉

軍張稟光緒三年四

中丞稟月初八日

敬稟者案照廣西懷集縣藍洞蘇羅等六姓與凝洞徐
姓械鬪一案迭據各該地方官稟報又經職道訪聞徐
姓有往開建封川廣甯高明等處招人助鬪之事先後
批行加緊集團防堵及稽查示禁并由職道函致臬司
請爲轉回卑府復將現辦緣由通稟憲鑒仍飭署高要
縣許令專差前赴與懷集交界最近之封川開建兩縣
囑該令等將隨後情形詳細稟知以便酌核辦理茲於

四月初七日又接據開建縣洪令需來稟內稱藍洞凝洞與開建所屬最爲切近梧州府徐守已督兵勇圍拏恐不免分途肆擾縣屬相通隘口甚多團練甚不可靠營兵奉文裁汰存城僅三十名亦難得力懇請撥兵派委員弁督帶來縣俾資鎮壓等情據此職道等查蘇羅等姓與徐姓構衅有年現因革舉徐清逃回以致各姓驚惶疑其報復而徐姓亦恐各姓尋仇彼此互相糾約匪徒日尋干戈肆行鬪毆地方官吏慮釀事端不得不示以兵威嚴拏首從察其心跡尙與叛逆有間似宜曉

以利害散其脅從但得首犯徐清獲案其餘皆可寬其
一線予以自新梧州府徐守親往督辦必能操縱無誤
東省開建鄰壤切近該鄉旣據洪令稟請撥兵守禦自
應不分畛域聯絡聲勢復查肇慶各營練兵正當操演
喫緊且技藝尙未嫻熟未便遽行稟請調防惟候補遊
擊江志所帶安勇尙堪抽撥職道等公同商酌移知江
遊擊挑選一百名親自管帶于四月初九日由肇慶起
程前赴開建縣擇要駐紮防其竄越除由職道備移南
韶連鄭鎮知照並由卑府分飭與西省交界各州縣一

體慎密查察固不可稍形疎懈亦斷不可過涉張皇倘有懷集匪徒越境竄入滋擾卽行訪獲嚴辦一面曉諭紳民各安生業約束子弟不准受該處招雇外所有移撥安勇及起程日期理合聯銜稟達憲臺察核

敬再稟者正在通稟間於初八日午刻復據開建縣洪令以該革舉徐清不戢自焚懇請毋庸撥兵等情具稟前來職道等伏查此案兩造互鬪原非爲逆可比且經梧州府徐守督兵親臨查辦自可無虞滋蔓今果不出所料徐清業已自斃惟餘黨會否解散尙難逆料前撥

江遊擊安勇原定本月初九日遄行茲據前情當經移會江遊擊暫緩啟程俟洪令續稟到日如何情形再行酌辦除仍飛飭連界之開建廣甯封川德慶各州縣小心嚴加防範毋稍疎懈並隨時確探情形詳細具報外合將接據洪令續稟暫緩撥兵緣由先稟憲臺察核

卷之四

批開建縣洪需稟廣西懷集滋事匪首已擒現仍

查探緝拏餘匪

光緒三年四月十四日

據稟已悉徐清一犯現在雖已伏誅惟石洞藍洞各姓
內中匪徒尙多誠如梧州府徐守函內所云未便再貽
癰患亟應會營飭差嚴諭紳耆隨時查探緝拏毋得以
渠魁授首稍存玩視仰肇慶府卽飭遵照至稟尾並不
敘明具稟何處衙門僅稱除稟各憲字樣殊屬不合體
式該府併卽申飭此繳

卷之八

三

札肇慶府查明分府各員如有擅行離郡即將該

員停其差委

光緒三年五月二十一日

爲札飭遵照事照得分府佐雜人員例應在郡聽候差委不准擅離上年本道查得分肇各員中常有請假及私行進省動輒經旬累月或竟數月不返郡城似此任意去留實屬不成事體當卽札飭前署高要縣姚令查明分府人員共有若干開列職名將奉委離郡並在郡城候委以及請假私自進省分別詳晰註明據實列摺稟繳赴道以憑查核旋據姚令查明開列清摺面繳查

閱所開摺內有候補典史周壽瀛候補從九品李廣增
候補巡檢湯景霞三員既非奉差又未請假乃竟擅行
離郡殊屬非是亟應嚴加整頓以免紛紛效尤卽經札
飭該前府瑞守詳請藩司將周壽瀛等三員註銷分肇
差遣一面傳諭留郡各員此後除奉差前往各屬之外
均須在郡聽候委用切勿再蹈前轍致干重咎在案茲
本道訪聞分府各員仍敢時常私自進省實屬有意故
違合就札飭札到該府卽便遵照查明分府各員如有
擅行離郡者卽將該員停其差委以示儆戒毋違

捐修肇郡城垣案內在事出力及捐貲各官紳民

請獎上

劉制軍

稟

光緒三年五月二十二日

敬稟者竊照捐修肇郡城工一案先經職道督同前任

肇慶府知府瑞昌前署高要縣知縣劉維楨勘估工料

議定章程分別官捐民捐合力籌辦於同治十一年十

一月二十三破土一面委員派紳先行催捐購料至

十二年二月二十二日設局興工十三年十月二十六

日工竣所有辦理情形迭經隨時稟報此事開辦之初

會奉前憲委員查勘 奏咨立案嗣工竣後造具收支

清冊取具保固切結通繳查核又奉委員驗收並准將
在事出力及捐貲各官紳查明請獎各在案隨據肇慶
府屬高要等十二州縣並陽江廳羅定州及羅定州所
屬之東安西甯二縣開列應獎官紳具稟到道當經飭
發肇慶府核議去後茲據署肇慶府知府張丙炎稟稱
卑前府瑞守未及核覆卸事卑府抵任接准移交卷查
稟定章程內開督工各員每屆三月酌定去留留一二
次者給外獎始終其事者給優獎又民捐獎勵捐數零
星者彙案請獎一人捐至一百兩以上者由道府會給

褒語匾額三百兩以上者詳請督撫兩院憲會給匾額
外再賞給九品功牌五百兩以上者再賞給八品功牌
各等語茲郡城自開工以至於工竣歷時兩年之久捐
項至三萬兩之多工程不爲不大辦理亦極周妥承修
之署高要縣劉維楨總司其事井井有條且將官捐銀
一千兩首先完解以致各紳共相觀感民捐早日繳清
洵屬異常急公劉令卸事署縣孫鑄接辦督率亦頗認
眞管理料廠之委員李肇慶葉繼如分段監工之委員
來寶書王鏡吳際昌平焜吳之勳楊麟及紳士蘇廷鈞

梁國忠馮光緯等或留辦多次或始終其事亦皆不辭
勞瘁勤慎從公此外承辦勸捐如四會縣教諭黃聖之
署四會縣典史羅樹機東安縣典史張錫餘並各屬紳
士吳朝翰等俱各不避嫌怨爲勸捐得力之人至一府
一廳一州所屬共派民捐銀二萬兩或係殷富簽題或
係紳商公捐或係零星湊集均能照數繳足使全城尅
期修整無誤要工亦屬深明大義踴躍報効自應核明
等差分別請獎以示鼓勵理合彙開清摺稟繳察核等
情到道據此職道覆核無異理合列摺稟繳憲臺察核

俯賜批示飭遵實爲公便再應獎各紳商內如由道府
給予匾額者現摺均未將其銜名列入其由憲臺與督
撫會銜給予匾額者應請書發褒語四字及上銜印花
以便飭匠摹刊頒給合併聲明

敬再稟者竊查此次興修肇郡城垣工程浩大費用殷
繁全賴各屬官紳士庶踴躍輸將得以成茲美舉現在
已將捐輸各紳民姓名及在事出力各官紳列摺稟請
憲臺給予獎勵惟查當日曾經捐廉之各府廳州縣未
經議獎未免向隅似應一體給予獎勵以酬其急公好

義之誠除職道捐過城工銀一千兩斷不敢仰邀獎敘
及捐銀一千兩之前署高要縣劉維楨已列入在事出
力官紳摺內彙併請獎並已經降革病故各員均毋庸
獎勵外合無仰懇憲恩俯賜將捐銀二千兩之前任肇
慶府瑞昌捐銀四百兩之前署陽江同知恒林捐銀一
百五十兩之前署羅定州饒世貞捐銀一百六十五兩
之前署德慶州余恩鏢捐銀五百兩之前署新興縣孫
福清捐銀五百兩之前署陽春縣王壽仁捐銀三百三
十兩之前任四會縣烏廷梧捐銀二百兩之前署開建

縣鄭慶輝捐銀四百兩之前署東安縣王倬韓捐銀四
百兩之西甯縣陳杞一體量予獎敘以昭激勸伏候憲
裁

蜀西公履身有
名

三

批署肇慶府張丙炎稟委員孫鴻查夜一年期滿

地方安靖可否照章酌予列委儘先記功

光緒三年

六月二十日

查本道與蔣前守原定查夜章程立法頗為周備派委之員一年期滿如果地方安靖准給儘先超委一次原期該委員等實力當差藉資鼓勵若如該府所稟該委員等接奉委札知獎敘在所必有並不認真巡緝一年之久未聞破獲一案緝拏一匪迨至期滿以地方安靖一語空言請敘實屬不成事體據請嗣後應飭下查街

委員認真巡緝或遇獲案匪犯卽行送縣審辦由縣將該委員督同差役獲犯緣由隨時稟明存記俟一年期滿核其破案起數獲犯名數分別勤者照章核獎惰者記過停委以示勸懲而免冒濫所議甚屬切當自應如稟辦理至巡更查夜係地方官應辦之事不可因委員疎懶頓廢舊章轉瞬卽交冬令各街牌燈是否照點委員每夜是否親自稽察該委員等應否分別期限酌量更換以均勞逸仰卽督同高要縣悉心另議善章稟候飭令遵照爲要此繳

批署德慶州王煦守備盧泰稟舉州屬水陸汛防
形勢擬請添蓋卡寮責成水口莫村等汛弁分

駐巡防繪圖列摺請示祇遵

光緒三年六月二十日

據稟擬請於割雞灣河旁及水口墟附近要隘處所各
添蓋卡寮一間卽責令水口莫村等汛弁撥兵分駐巡
防布置尙稱周密足見講求捕務辦事認真可嘉之至
仰肇慶府迅飭知照仍候兩院憲暨臬司批示繳圖摺
存

卷之九

三

英德防務略鬆請仍將原駐五坑安勇百名撥回
防守或於別營抽撥飭赴各該處如前分紮與

府聯銜上

劉制軍
張中丞

稟

光緒三年七
月初四日

敬稟者案准署南韶連鎮總兵鄭鎮臺移據英德縣稟
稱縣屬復遭水患探聞鐵溪地方與佛岡廳屬之大陂
各鄉有聚匪謀劫香爐峽釐廠之說亟應加緊防範請
卽調勇百名赴縣等情經本道府商請照撥查原駐高
明鶴山交界之五坑勇丁百名彈壓土客滋事已歷有
年現在地方靜謐應卽調赴英德以資防範除報督撫

憲外備移查照等由過道准此當經職道札由卑府轉行去後隨據署鶴山縣王令炳如以該縣五坑雙都土客易於起衅雖經地方文武與局紳隨時撫綏勸導仍須示之以威該處民風強悍卽催繳客產嚴禁械鬪近年賴安勇之力居多今若全撤恐滋事端懇請另撥五十名或卽於百名內酌留五十名仍紮原駐地方等情並據高明縣岑令傳霖亦以所屬之三峰凹自交椅頂起至東坑尾綿亘二十餘里均與鶴山客籍住處毗連現在原紮安勇調赴英德恐駐防無人滋生事端轉據

楊梅局紳士馮春元等稟懇請撥安勇數十名照舊分紮等情各具稟前來職道等伏查鶴山高明交界之五坑地方與高明屬之三峰凹一帶緊與鶴山接壤前因客民越境滋事懲辦復經齊前道親詣勘明豎立界址禁止越境樵採耕種並請調撥安勇於三峰凹東坑尾詹屋等處分立三營駐紮防守在當時不知幾許籌度始能控制得宜其鶴山屬之雙都宅梧等處則土客雜處縣城僻處山中客多土少防範亦頗吃重數年以來該二縣土客得以晏然無事實皆安勇鎮壓之力祇以

相安日久不見其功近聞附近五坑之片塘鐵場等處
土客復漸不相能所以不敢狡然思逞者亦因鄭營威
望素著所派之安勇及管帶之馮麥兩弁相與調和維
繫於其間設使此勇一撤誠如各該縣所稟難保不復
滋事端郡城練兵操演尙未純熟又多係肇屬土著其
候補遊擊江志現帶之安勇所紮均係扼要處所勢均
不能抽撥遠出常川駐防查北江潦水近已全行消退
香爐峽釐廠諒不致更有他虞今王令等來稟係爲地
方起見悉屬實在情形合無仰懇憲恩俯准

檄飭鄭鎮
移請鄭鎮

臺
察看英德防務略鬆仍將原駐五坑安勇百名撥回
防守或於鄭軍別營抽撥百名飭赴各該處如前分紮
以資彈壓理合據情轉稟憲臺察核

嶺西公牘彙存 卷九

三

札飭高要鶴山會同營員振頓保甲團練實力巡

防

光緒三年七月初四日

爲札飭遵事照得本道現准臬司移開光緒三年六月十九日奉兩廣總督部堂劉批貴道督同肇慶府張守具稟請飭鄭鎮察看英德防務略鬆仍將原駐五坑安勇百名撥回防守或于別營抽撥飭赴各該處如前分紮由奉批查前擬調撥鶴山高明交界之駐防五坑安勇一百名昨據署鶴山縣王令具稟當經批司備移鄭鎮俟英德事竣酌核辦理在案據稟五坑地方緊要誠

恐駐防無人滋生事端並據楊梅局紳稟同前由自係實在情形查英德一帶饑民已散香爐峽釐廠亦已遷移所有原駐五坑安勇一百名似可免其抽調仰東按察司迅移鄭鎮如果前項安勇尙未調到應卽停止調往倘已抵境卽令把總馮宜琴管帶馳回五坑照舊駐防稟報察核惟地方防緝彈壓事宜全賴守令通盤籌畫認真經理以期日久相安若徒恃勇丁之力刻不可離各州縣相率效尤紛紛陳請亦屬不成事體該司並移行該道府嚴督鶴山高明二縣會同營員振頓保甲

團練實力巡防倘敢玩泄鬆懈致令土客生事匪徒竊發定卽從嚴撤叅決不寬貸仍候撫部院批示繳等因奉此並據該府具稟到司除移鄭鎮軍遵照外相應備移爲此合移貴道希爲遵照卽飭肇慶府嚴督鶴山高明二縣會同營員振頓保甲團練實力巡防倘敢玩泄鬆懈致令土客匪徒竊發定卽詳請從嚴撤叅施行等由到道准此除會札高明鶴山二縣遵照外合就嚴飭札到該縣卽便遵照會同營員振頓保甲團練實力巡防倘敢玩泄鬆懈致令土客生事匪徒竊發定卽詳請

荷四之唐寅存

卷十

三

從嚴撤參母違切切此札

請將捐修肇慶府城請獎案内應給各紳民褒語
 匾額及九品功牌先行徑發下道以便頒發并
 懇俯如前次附稟所請將捐廉助工之府廳州

縣量予獎敘上
劉制軍 光緒三年八月初三日
張中丞

敬稟者現准藩司移開准貴道備移案照捐修肇慶郡
 城一案茲據署肇慶府將在事出力及捐貲各官紳民
 核明等差列摺稟請給獎前來本道覆查無異除列摺
 稟請兩院憲給獎外合就抄錄稟稿連清摺一併移知
 等由經於六月初三日奉兩廣總督部堂劉批據稟同

員百八員實子

三

前由奉批據稟及另單清摺均悉仰東布政司移候撫部院批示遵照此繳摺存又奉廣東巡撫部院張批據稟及清摺另稟均悉此次興修肇慶城垣各官紳士民或捐資倡勸或在事出力均屬急公可嘉自應分別酌給獎敘以昭激勸仰布政司迅卽核明妥議詳覆核辦并移方道知照仍候督部堂批示繳稟及另稟清摺二扣均抄發各等因奉准此查本案當興工之始業已詳明 奏咨立案所有捐資紳民在事出力各官紳將來工竣量予外獎其官捐一項係地方官應辦之事不敢

仰邀獎敘等因茲准移據肇慶府稟稱詳請將捐資各官一體量予獎敘似與前經詳明 奏咨立案不符礙難核辦且查各屬捐修工程請給外獎必須工竣之日造具捐項總冊及捐資出力各官紳履歷冊赴司方能核明辦理現未准將此項冊籍移送過司合就備移爲此合移貴道希爲查照飭府遵照指飭情節核刪並補具捐項總冊及請給外獎姓名履歷冊送司以憑核辦施行等由到道准此查肇慶城垣圯壞越五十餘年加以咸豐四年被匪踞擾愈形坍塌同治八年職道莅任

即擬籌款興修因經費浩繁未能舉辦同治十一年秋

間職道進省奉

前閣督憲瑞

臺暨撫憲

前閣督憲瑞

面諭亦以

肇慶郡城年久未修亟宜籌議修復等因職道回署遵

即飭據前署高要縣知縣劉維楨將城垣應修處所及

疏濬濠溝等項確實估計共需銀三萬兩當此庫款支

絀之際斷難請帑辦理而城垣為地方捍衛若再耽延

傾頽愈甚修理愈難再四籌思惟有由地方官紳捐輸

資助以期集腋成裘職道一面督同府縣倡捐廉銀并

派定肇陽羅十六屬官捐民捐數目飭令籌捐勸解議

定章程俟工竣日將出力捐資各官紳民請給外獎具稟憲鑒在案職道當日籌辦此事因見各屬地瘠民貧且遭土客滋擾未久工程浩大深慮難以蒞事但既經議辦豈可令其半途而廢故一力肩擔於各屬未解捐項之前函致善後總局借銀五千兩連職道等所捐廉銀先行設局興工并不避嫌怨嚴定勸捐賞罰章程期限通行各屬示以事在必行免其因循觀望幸而各屬官紳士庶均明大義將派定應捐銀兩陸續解繳清楚俾此大工不滿二年卽行竣事所借善後總局銀兩因

各屬捐款源源解到并未動用原數歸還此職道籌修肇慶城垣之始末緣由也工竣後據各屬將捐資出力紳民姓名開列請獎清摺先後具稟到道均經批飭前任肇慶府知府瑞昌核議並經迭次札催乃該府一味玩延迄未議覆旋卽卸事現署府張守丙炎到任認真清釐積牘始據將應獎官紳商民核議列摺具稟到道經職道核明稟奉撫憲批司核覆茲准藩司備移以各屬捐修工程請給外獎必須工竣之日造具捐項履歷各冊送司方能核明辦理等因職道伏查此次修復肇

慶城垣用銀三萬兩之多工程不爲不大所有出力捐
資各官紳商民均能踴躍急公並未貽誤愆期使要工
妥速告竣屈指已將三載而當初給予外獎之議尙未
見諸施行現在又需補造各項冊籍更不知延至何日
在各官紳身列仕途固知公事展轉需時獎敘早遲必
有第恐商民不知底蘊日日盼望以職道爲失信之人
倡首於前推延於後非特撫衷慚愧且恐無以勵其將
來現除各官紳應給超委記功等項獎敘者仍由職道
飭府遵照補造捐項履歷冊籍申繳藩司核辦外至各

屬商民前懇憲臺會同

撫憲督憲

給予褒語扁額及九品功

牌者係當日議定章程稟奉批准似與超委記功等項
獎敘不同合無仰懇憲恩俯將扁額褒語四字連上銜
印花及獎案內應給九品功牌二十三張先行徑發下
道以便督同署肇慶府張守分別刊刻轉發各廳州縣
當面給予各紳民等收領免其久待生疑而絕胥吏需
索之弊職道爲勉勵人心起見是否有當伏乞憲臺裁
奪批示祇遵再府廳州縣捐廉助工職道原知從前奏
咨案內曾有不敢邀獎之議第各該員督修勸捐已經

出力且又捐廉資助實未便沒其微勞是以附稟代懇
憲臺量予獎勵茲准藩司移稱與前經詳明奏咨立案
不符等語職道伏思此次修復城垣所有出力捐資各
官紳商民均係請給外獎現在捐廉之府廳州縣如荷
俯賜恩施藩司自可由外酌量核給獎敘不必再請奏
咨其與原案并無窒礙應否仍照職道前稟請給獎之
處出自格外鴻施

箭子么所身在

先ナ

三ナ

批高要縣職員陳廣佳等控李壽英等督匪搶割

等情

光緒三年八月十三日

查現署縣許令前次兼理斯篆斷結此案頗著聲名而兩造亦情甘悅服具結完案不意逾時未久職員陳世昌等卽以梁國南等藐官抗斷搶割田穀等情迭次呈控均經批行該縣集訊究追昨據生員李壽英等赴轅具訴本道查閱粘抄縣批業經准其覆訊酌斷是以批飭覆集訊結現在兩造互相控訴嘵嘵不已究竟孰是孰非其應如何定斷自非由府審辦不足以昭折服而

羅西公履身不在

卷一

四

絕訟藤仰肇慶府迅卽親提兩造應質人等確切訊明
秉公斷結具報毋延切切粘抄保領并發

批

陽江廳余祚馨東安縣王明策署羅定州田明曜西甯縣陳杞

夾單稟奉遵諭

飭將屬內各官訪察出具考語懇請察核

光緒三年

九月二
十四日

據稟及清摺均悉屬員賢否全在該管上司隨時查核何者為優何者為劣總須實言無隱若但以平妥考語敷衍塞責上下相蒙亦何用以密考為耶該廳州縣所屬雜職各官本道亦早有訪察此次已屆稟院之期姑免該廳州縣另行密報倘該教佐襍職等查有別項劣迹者定為該廳州縣是問勿謂言之不預也至此等考

語關係舉劾理應慎密從事不可洩漏該廳州縣嗣後如遇此項事宜務須親筆繕寫於每年三月九月上旬嚴密釘封稟呈切勿視如尋常公牘假手書吏是爲至要仰卽遵照此繳摺存

批署高要縣許肇元將團練保甲事宜酌議條款

稟請示遵辦

光緒三年十月十一日

據稟及清摺均悉所議章程尙屬妥協惟查此項保甲團練迭經本道札飭舉行無如各官紳士庶皆視爲具文以致有名無實現在旣奉院憲札行該縣務須督率紳士認真經理固不可如前玩泄亦不可勤於始而懈於終也至舉辦事宜必須勉籌經費方能行之久遠院憲示諭旣已言之卽該縣日前面呈各紳所議條款清摺亦以此爲先務其應如何籌集之處該縣督同保正

局紳及五班紳士迅速妥爲議辦倘各紳有意見不同及從中阻撓情事該縣卽便備移南番二縣抄錄省城現行章程仿照辦理一面通稟察核可也仰肇慶府轉飭遵照再該縣稟內有請派委員一節該府并卽選派明幹之員令其赴縣會同查辦俾資臂助此繳

批高要縣武生鄧國升控周元高等誣告隱佔客

產等情

光緒三年十月二十六日

查本案前據該武生及局紳周元高等先後赴轅呈控
當經批飭該縣集訊查稟現在事閱兩年何以尙未訊
結亦未據查案稟覆茲據前情是否屬實既經該府批
縣速集訊斷仰肇慶府迅飭高要縣刻日勒集案內應
質人證吊齊契據糧串秉公核訊明確妥爲斷結具報
一面遵照前批先行查案稟覆察核均毋稽延致滋纏
訟生事切切粘抄保領并發

卷之四

四

訪聞祿步地方有匪艇強劫和記米貨等事札府

查明并飭嚴緝賊賊

光緒三年十一月二十六日

爲札查事照得本道訪聞高要縣祿步墟地方於十一月初六日夜有賊匪數人駕坐艇隻假辦貨船灣泊墟河三更時候強劫和記豬仔船隻衣服米物情事已閱兩旬何以該縣并未稟報該處設有巡檢一員平時既不認真臨事又不趕緊緝賊似此劫掠橫行捕務廢弛實堪詫異合就札飭札到該府卽日查明此案情形該縣因何遲延不報先行稟候察核一面嚴飭移會營員

勒限兵差務將本案賊賊悉數弋獲盡法懲辦仍督飭
祿步司巡檢諭令該墟紳士迅速舉辦更練毋令匪類
肆擾現當冬令防範尤不容鬆懈設再有疎虞該縣及
該巡檢不能當此重咎也懍之切切特札

據陽江廳余丞稟稱該廳屬之河仔尾地方與新

甯恩平兩屬交界均有土匪窺伺圖劫情事應

否添派省兵會辦請示祇遵與府聯銜上

劉制軍張

中丞稟光緒三年十一月二十八日

敬稟者竊職道現據陽江同知余丞祚馨稟稱訪聞新甯縣屬隆牀沙洲尾恩平縣屬正面嘴與廳屬之河仔尾交界各處所均有土匪窺伺圖劫情事隨據萌仔堡局紳暨差勇稟報匪首係新甯人蘇亞德等百十成羣往來新甯恩平各屬或打單勒索或窺伺搶劫現因考

試文章未能親往防勦當經稟商陽江鎮札委左營守備邱榮高督弁帶兵百名由廳選派幹差並添募壯勇百名委員縣丞李瑞杰督帶一面嚴諭局紳添雇練丁及移催新甯恩平等縣會同勦辦等情到道據此查本案先經卑府訪聞有洋匪數百人潛至恩開交界地方打單索詐被該處鄉民格殺數人卽經分飭各該縣嚴密掩捕聲明該匪倘敢恃眾藐抗或察看情形兵役團練力尙不足圍捕卽行據實飛稟以便請撥兵勇馳詣拏辦去後隨據署開平縣晏令燊以查無前項洋匪惟

與新甯縣屬接壤之大隆洞山有外匪潛聚勾結土匪打單索詐等情稟復署恩平縣吳令應廉亦以訪聞有廣海洋匪竄入該縣與新甯交界之長塘洞地方希圖打單擄掠旋聞由船遁回廣海洋面現擬會營親赴大仁山一帶搜查等情通稟並據附稱正在繕稟間適奉卑府訪聞札查等情前來均經職道等先後批飭移會查辦在案職道等伏查陽江之河仔尾及新甯之隆牀等處均與大仁山貼近大仁山卽龍鬣山跨連五縣其中林深箐密道路紛歧迤東一帶路通那扶爲陽江恩

平新甯開平門戶由那扶而出卽爲陡門那琴等處洋面並與新甯曹冲緊接歷經前任恩平縣柳令應喬俞令功懋慶故令瑞劉故令寶燭暨陽江同知余丞祚馨施丞紹文陽春縣王令壽仁鍾令錫綸開平縣劉令紀勳新甯縣秦令廷英並奉檄委前護陽江鄭鎮耀祥及派撥澄清等輪船堵截勦捕各匪此挈彼竄旣去復來根株總未能淨盡最後奉委候補何道應祺陽江鎮中營遊擊黃增勝督率兵勇合計千人復稟調文武員弁并佐以縣勇鄉團合五縣之力辦理半年始克蕝事然

自勦辦之後迄今又將兩載本年迭遭水患各處米價騰貴不逞之徒已難保其不萌故智潛匿思逞今陽江之河仔尾等處既有土匪窺伺恩平復有洋匪竄入希圖打單擄掠其地均與大仁山接近且昨據吳令應廉通稟挈獲梁亞活一名又有再圖入山屯聚之供似此匪類日滋萬一勾結蔓延地方必又懼其害廣東盜風之熾甲於他省與其臨事而張皇補苴莫若先事而從容整頓目下雖經余丞雇勇百名并稟經陽江鎮撥兵百名合力防勦但山蹊叢襍處處可通加以路險峯環

崖懸壁峭既不能仰戰環攻又不能長驅直擣合圍鷓
鴒均屬難行匪徒飄忽靡常陽江兵勇單薄若非趁其
黨與未眾少益兵力及早翦除稍一縱逸將來恐成巨
患郡城本有練兵安勇均可調撥奈練兵適候大閱時
正際隆冬緝捕又正喫緊留防安勇無多亦未便遽令
遠離除再嚴督各屬趕緊將此股賊匪悉力捕拏毋任
一名漏逸外理合具稟憲臺察核擬請添派得力將官
酌帶兵勇會同各該地方文武認真查辦匪聚則併力
擒捕匪散則嚴拏著名頭目毋含糊敷衍毋畏難苟安

總期淨絕匪蹤綏靖閭里且可趁此兵力宣播憲示令
大小村落一律舉辦更練守望相助聲息互通未始非
一勞永逸之善策職道等爲整頓地方起見是否有當
伏候示遵

再稟者正籍稟間職道接據陽江廳余丞通稟得悉該
處匪徒現經兵勇拏獲李亞養施亞旺謝亞英三名供
稱恩平人吳仙張新甯人蘇亞得在隆牀山糾得陽江
林長孫新甯李水幅李亞掌彭亞生邱亞得吳亞勝及
不識姓名十八人蘇亞得作米飯主希圖聚眾搶劫現

雖會營勦散惟該匪等行蹤詭祕誠恐散而復聚等語
除批飭關移各縣將供開匪目吳仙張等迅速懸賞購
線務獲究辦斷不可因匪徒聞勦逃散惜費撤兵但以
地方安靖一稟塞責外理合附稟陳明

批高要縣舉人伍士楷鄧樹邦等控橫查司巡檢
錢綸書迭索苛擾物議沸騰勒收圍姓陋規等

情
光緒三年十二月十二日

前據橫查司巡檢錢綸書以黃梅初在廣利墟設有硝
館巡船私販洋硝硫磺囤積售賣該巡檢緝獲洋硝三
十斤舉人梁孔佳等從中包庇標貼長紅捏指弓役壯
勇爲匪並誣該巡檢勒索圍姓賭規各情具稟到道當
經批飭該府查辦在案本道蒞任有年於各屬佐雜等
官遇事生風藉端擾累者一經訪確或被人指控無不

立予叅撤當亦爾等共見共聞第紳民上控官長儘可
鋪敘劣蹟直陳無隱若標貼長紅以及投遞匿名揭帖
虛聲恫喝預爲挾制地步無論真僞自己業有應得罪
名律例具在爾等豈不知之茲據稱控該巡檢迫勒蛋
民領牌索價招勇收受大小攤規勒索天行圍姓銀兩
辦理保甲另刊門牌格式與縣兩歧如果屬實其咎已
不止叅革何以并不先行控告輒於該巡檢稟挈私硝
之後糾約多人姓名呈請查辦並據生員蘇履鼈等控
稱該巡檢縱差督勇黑夜搜奪等詞其中情節大爲可

疑案關官紳互相稟訐必應澈底研究仰肇慶府督飭署高要縣許令刻日傳齊舉人伍士楷鄧樹邦梁孔佳等并黃梅初蘇履鼇等到案按款確查據實通稟巡檢錢綸書果有前項劣款卽一面稟明將其解任聽候嚴叅倘舉人梁孔佳等包庇私硝且復標貼長紅希圖聳聽挾制亦卽詳請斥革治罪毋得稍涉顛預稽延致干未便該府併錄批報明藩臬兩司察核粘抄牌式保領并發

卷之四

三

批署封川縣邱鴻炳具稟地方空虛盜匪乘機伺

劫懇恩暫撥安勇五十名下縣冬防

光緒三年十二月十

三日

據稟已悉查郡城留防安勇合計祇有百五十名皆係分紮各處要隘刻值隆冬正資緝捕本不能使之遠離但據稟各節尙屬實在情形應如所稟准予暫行酌撥俾顧冬防現經本道與該府備移江遊府在於留郡安勇內抽撥四十名馳赴該縣會同巡緝并移南韶連鎮查照暨會商肇慶協飭令該縣營弁兵丁迅速各回防

汎并諭管帶扒船各弁常川在船不可日久在郡致滋
貽誤在案仰肇慶府轉飭該縣知照仍當會同武營督
飭差役將匪徒上緊捕拏俾靖地方勿得恃有安勇稍
形鬆懈一俟明春防務稍鬆卽令該安勇回郡是爲至
要此繳

嶺西公牘彙存卷十目錄

光緒四年正月初九起

批署恩平縣吳應廉稟縣屬大仁山風門凹賊匪

被勦逃竄續經會營督帶兵勇練丁截拏斬獲

首夥十四名現在該山一帶並無賊匪匿跡

光緒四年正月初九日

請將翎枝各項執照逕發下道上山西撫院會中

丞稟

光緒四年二月十九日

批高要縣長利三都團練保甲局拔貢生區慶麟

等呈請嚴辦匪犯蘇火煙四勒緝蘇亞茂等

光緒

四年二月
二十一日

奉行勸捐接濟晉賑案已據各屬認捐解繳現經

湊足洋銀壹萬圓移解藩司匯晉懇請先行酌

量發給翎枝實職虛銜等項空白執照以便填

給各捐生收執上本省兩院 劉制軍 暨山西撫 張中丞

院會中丞稟 光緒四年二月二十三日

致署羅定州田星五刺史書 光緒四年二月二十八日

批署四會縣晏賜書稟該縣原駐安勇奉調前往

佛岡剿匪現經招添壯勇六十名會營督兵防

堵 光緒四年二月二十九日

西江各處安勇調往佛岡剿匪酌撥練兵分紮防

守與署肇慶府聯銜上 劉制軍稟 光緒四年二月三十日

批署四會縣吳賜書稟佛岡廳城被土匪盤踞探

聞於二月二十五夜經佛岡四圍各鄉勇殺斃

及捉獲賊匪數十名克復情形 光緒四年三月初三日

批廣甯縣董治稟安勇離防會營防範情形稟報

察核 光緒四年三月初六日

批封川縣教職董步瑛控陳光華等包庇開設攤

本館之片...

館 光緒四年三月十六日

聯肇慶府衙稟遵照奉飭情節分別移行文武各

衙門加意巡防振頓團練上 劉制軍 稟 光緒四年三月

十八日

批高要縣寶積寺僧妙松控伊寺被黃軼羣等庇

縱劫賊 光緒四年三月二十一日

批高要縣蛋民彭居有等控鍾裕賓趙名揚攬訟

霸佃乞飭褫革追照等情 光緒四年四月初一日

批東安縣王明策稟本年三月內應即循照向章

查明卑縣屬教雜各官事蹟開列清摺嚴密封

釘呈請祭核

光緒四年四月初六日

請將前調赴佛岡剿匪之安勇仍飭回廣甯四會

等處駐紮巡防與署肇慶府張午橋太守函致

南韶連鎮鄭心泉總戎書

光緒四年四月初七日

札委候補府經歷陸元章前往西甯查探岑溪匪

徒韋十三兒現在糾眾滋事據實稟覆由

光緒四年

四月十

二日

批署西甯縣李洪毓稟卑縣遵辦團練茲聞廣西

蒼梧等縣屬賊匪意欲滋擾現在於交界處所

嚴加團防將辦理情形稟報

光緒四年四月十三日

批署羅定州田明曜稟卑屬地方緊要懇將原駐

防緝奉行調回佛岡辦匪安勇二百名移會仍

飭回防以資保衛伏候批示祇遵

光緒四年四月十八日

批署西甯縣李洪毓稟卑縣都城地方緊要請移撥

練兵在該處駐紮並將該處河面緝捕巡船併

歸卑職節制點驗伏候批示祇遵

光緒四年四月十八日

批署西甯縣李洪毓稟報西省廣平墟賊匪情形及

募勇防守縣城等情

光緒四年四月十八日

具稟奉行勸捐接濟晉賑案現又籌集七兌洋銀

壹萬元移解藩司匯晉稟請察核上

劉制軍 張中丞 暨

山西撫院會中丞稟

光緒四年四月二十五日

批東安縣監生梁始元控伊家於去年十二月二

十七日夜被劫二年二月被劫屢遭賊劫乞拘

兇賊按法嚴辦等情

光緒四年四月二十七日

批署高要縣許肇元稟縣屬省自渡在羚羊峽河面

被賊行劫將勘訊情形先行通稟

光緒四年五月初十日

高要縣屬鈴羊峽口渡船被劫現已拏獲窩主梁

裕雲一犯仍飭該縣將供開各犯悉數捕拏并

黃署叅將會縣查辦匪鄉正在得手懇請暫緩

交卸管帶巡船以便督率弁兵妥辦附陳德慶

段巡船擊斃遊匪及開平勞楊二姓械鬪嚴防

外匪混入等由上

劉制軍稟 光緒四年五月二十日

覆梧州府徐曉山太守書

光緒四年五月十六日

新興縣生員馮虞章等呈保葉載揚釋放回籍醫

治

光緒四年五月二十一日

札高要縣確查本道訪聞單開賊匪是香為首

或被誣有無被人另控搶劫以及獲犯供圖分

別移營嚴緝務獲懲辦先將辦理情形稟覆

光緒

四年六月
初五日

批署高要縣許肇元稟報自光緒三年五月起至

四年五月止存符署羣房租銀

光緒四年六月初六日

批高要縣武生鄧國陞呈控周元高抗不赴審懇

飭提訊等情

光緒四年六月十一日

致楊振甫方伯書

光緒四年六月十二日

批桂林書院生員鄭應福等稟李賡堯等霸佔官

田毆紳搶穀訊飭拘兇斷結等情

光緒四年六月十二日

札新興縣立將司巡檢張瀚前往鶴山勸辦賑捐

光緒四年六月十三日

批署高要縣許肇元稟縣屬銀江圍盤塘圍被水

冲決查勘情形稟報察核

光緒四年六月十四日

批高要縣武生鄧國陞等控舉人周元高恃勢插

訟誣佔客田等情

光緒四年六月二十一日

批高要縣例貢生李賡堯等控鄭應冠等狡串梁

繆氏圖佔屯塘等情

光緒四年六月二十一日

批高明縣岑傅霖稟先後據報勘丈過蛤菜等堤

圍被水冲決情形

光緒四年六月二十六日

奉行勸捐接濟晉賑案現又籌集第三批柴兌洋

銀一萬元移解藩司匯晉稟報察核並附陳嶺

西地瘠民貧祇能專顧晉捐他處捐事礙難再

有攙越伏乞批示祇遵上本省兩院

劉制軍 張中丞稟

光緒四年六月二十八日

批署封川縣邱鴻炳稟卑縣三洞練長符俊廷因

向懷集縣民羅御慶討錢口角強奪耕牛致被
糾眾報復屯聚不散及卑職現辦大概情形懇

請撥勇堵禦

光緒四年七月初六日

批 委員陸一元章
高明縣岑傅霖

稟會同查勘過圍基決口情形

繪圖通稟

光緒四年七月初六日

請轉飭陽江設局勸捐委員回省致謝子受觀督

書

光緒四年七月初六日

札陽江廳飭發曉諭紳商盡心捐助晉賑告示

光緒

四年七月十三日

批署封川縣邱鴻炳稟奉派安勇到縣日期現已

進紮漁澗墟並擬會商妥辦

光緒四年七月二十二日

批高要縣職員彭保孫呈控蘇龍定等搶銀捏欠

擄禁伊男彭緝熙勒贖乞恩札飭吊放究辦等

情

光緒四年七月二十六日

辦理高要縣屬蜆岡富佛等鄉獲匪情形并許署

合面稟轉請札飭卸水師營叅將黃相奎准補

儋州營遊擊盧滿江專駐各鄉會緝俟辦匪事

竣再行回省上

劉制軍稟

光緒四年八月初二日

札南海縣訓導蘇廷鈞飭卽知會高要各班紳士

立將應捐尾欠穀價銀兩籌繳

光緒四年八月十四日

批高要縣賓興局舉人伍士楷周元高等呈控牛

皮欄恒昌店覃孟豪搶穀請飭議罰等情

光緒四年

八月二

十六日

籌墊第四批晉捐米兌洋銀一萬圓移解藩司匯

晉接濟並將應扣部飯請示遵辦上本省兩院

憲

劉制軍

暨

直隸節閣督憲李

稟

光緒四年八月二十八日

批署羅定州田明曜稟現奉檄調江遊戎原防安

勇二百名赴肇並另准白守備帶勇一百名來

州日期通報察核

光緒四年九月初五日

奉飭查明所屬有無匪村及土匪與西匪勾結其
應如何剿捕迅卽核議稟復等因現將管見所
及先行具稟察核示遵與署肇慶府樓震聯銜

上


劉制軍

稟

光緒四年九月二十日

張中丞

稟



嶺西公牘彙存卷十

定遠 方濬師 子嚴

批署恩平縣吳應廉稟縣屬大仁山風門凹賊匪

被勦逃竄續經會營督帶兵勇練丁截拏斬獲

首夥十四名現在該山一帶並無賊匪匿跡

光緒

四年正月
初九日

據稟已悉查大仁山地方四通八達匪徒出沒靡常現
在雖經該縣先後擒斬賊犯多名惟餘匪逃散若不嚴
加防範難保其不去而復來仰肇慶府卽飭該縣會營

督率兵差團練認真稽查堵禦毋任該匪竄回滋擾以
安閭里仍候兩院憲暨提臺及臬司善後局批示此繳

請將翎枝各項執照逕發下道上山西撫院會中

丞稟

光緒四年二月十九日

敬稟者竊照奉准宮保咨行晉省荒旱異常飭在粵東

捐輸助賑職道先奉鈞函隨奉

兩廣督部堂廣東撫部院

迭次札牌

均經分別轉行并加函諄囑各屬認真勸辦毋以事屬

外省稍存膜視去年十一月間又將嶺西地方紳商情

形稟覆憲鑒在案昨於二月初五日又奉

兩廣督部堂廣東撫部院

憲牌准宮保會同 欽差前工部侍郎閻具奏請 旨

特派藩司楊慶麟督糧道金國琛南韶連道華祝三惠

潮嘉道張銑暨職道總辦廣東籌捐晉賑事宜俾有專責等因伏查職道所轄肇陽羅三府廳州爲粵中最稱瘠苦之地民間耕種爲生并無殷商大賈與廣州潮州兩府有洋商者不同上年迭遭水患收成歉薄民力尤屬拮据捐輸之數深恐無多第蒙宮保諄諄訓囑無論如何爲難職道當與同城現署肇慶府知府張守丙炎在於轄屬竭力籌辦務期多得一分之捐多延晉省數家之命以冀仰副委任張守在任年餘辦事不辭勞瘁官民愛戴職道連日與之商辦漸有端緒除將各屬官

紳捐款先行湊足七兌洋錢壹萬員解交藩司匯晉并
備公牘稟達冰案暨稟本省督撫憲外職道前月進省在
廣東捐輸局得閱兩廣督部堂札行准戶部五百里飛
咨議覆幫辦河南賑務大臣刑部侍郎袁暨給事中郭
從矩等奏案准捐道府州縣四項實官及捐花翎藍翎
以濟山西河南賑務并聲明此次捐輸應照黔捐總局
章程凡捐道府州縣每例銀壹百兩折收實銀四十二
兩佐貳雜職實官折收二十兩虛銜 封典等項折收
十六兩二錢貢生折收三十兩監生從九銜仿照道府

州縣辦理等因而查黔滇現在廣東設局者正印實官
每例銀百兩祇收二十兩佐貳雜職祇收十二兩五錢
升銜 封典祇收九兩五錢其餘貢監從九等項捐數
與戶部奏案所稱銀數減少甚多且均係洋銀收捐但
有冊費照費并不補交紋水似此捐數懸殊誠恐如大
部所議捐生避重就輕仍無裨於豫晉賑濟職道愚見
擬請宮保通行各省司道均照黔捐在各省情形辦理
以免歧誤至戶部奏案所稱繕辦花翎執照各二百五
十張藍翎執照各一百張對發河南山西轉發賑捐局

等語此項翎枝執照是否由憲臺先行給發各省路途遙遠無從周知職道現擬懇請將花翎及正印空白執照各五張藍翎執照十張佐貳雜職及虛銜請封等項執照各三十張逕發職道衙門查收勸辦蓋由院司轉行則未免展轉稽延時日也再勸捐一事富者出資貧者出力必須紳士從中幫助方能廣爲招徠惟此等勸捐紳士旣難請給內獎又未便沒其微勞可否仰懇憲恩繕給五品空白功牌十張六八九品空白功牌各十五張以便酌量該紳士等勞績分別給領俾昭激勸以

上各事職道係爲鼓勵官紳商民起見倘蒙俯准所請則捐務可期踴躍而且迅速矣是否有當伏祈察核示遵

批高要縣長利三都團練保甲局拔貢生區慶麟
等呈請嚴辦匪犯蘇火煙四勒緝蘇亞茂等

四年二月
二十一日

據呈匪徒蘇亞茂蘇火煙四等因勒索陳連有被該局
紳等理斥遂懷恨糾率兇黨十餘人執持刀鎗到局吵
鬧毆傷監生黃其森頭顱並查得蘇火煙四向在本都
三五成羣長懷利刃洋鎗橫行勒詐甚至窩盜引線坐
地分肥迭被匪犯供開實爲犯案積匪等情如果屬實
藐法已極旣經水師營弁將蘇火煙四挈獲解縣仰肇

慶府迅飭高要縣立提蘇火煙四研訊被控各情按擬
詳辦一面選派幹役嚴拘蘇亞茂等務獲併究毋稍縱
延切切粘鈔保領并發

奉行勸捐接濟晉賑案已據各屬認捐解繳現經

湊足洋銀壹萬圓移解藩司匯晉懇請先行酌

量發給翎枝實職虛銜等項空白執照以便填

給各捐生收執上本省兩院劉制軍張中丞暨山西撫

院會中丞稟光緒四年二月二十三日

敬稟者竊照奉准山西晉撫部院會咨行晉省荒旱異

常饑黎待賑孔急奏奉諭旨准照天津捐賑章程飭

令各省推廣捐輸俾資接濟一案職道先後迭奉憲臺本省

督撫牌札飭即轉行各地方官勸諭屬內紳商廣為捐

助一俟收有成數卽行彙解赴晉其捐生應得獎敘隨時詳請奏咨辦理等因并准藩臬兩司及捐輸總局移同前由各到道奉准此均經轉飭遵照并加函諄囑各屬認真勸辦勿以事屬外省稍存膜視無如肇陽羅三屬地方瘠苦民間皆係耕種爲生并無殷商大賈與廣潮兩府有洋商者不同兼之上年各屬多被水災收成歉薄更形拮据捐輸殊覺不前嗣職道於本年正月因公進省在捐輸總局得閱

憲臺
督憲

兩廣總督部堂劉

札行准戶

部五百里飛咨議覆幫辦河南賑務大臣刑部侍郎袁

暨吏科給事中郭從矩等奏案於光緒三年十二月十

二日奏奉 諭旨准照黔捐總局章程報捐道府州縣

四項實官并准捐戴花翎藍翎以濟晉豫賑務等因并

於光緒四年二月初五初九等日先後奉憲臺本省督撫憲

牌行准山西督撫部院會會同稽查山西賑務前工部

侍郎闕咨於光緒三年十二月初十日具奏請 旨特

派外省司道大員總辦山西捐賑事宜俾有專責等因

鈔錄奏稿咨行到道又經職道轉飭查照并得戶部議

准開捐奏案鈔寄各屬俾各官紳商民知已奏准開捐

較前此捐賑獎敘為優以免觀望而廣招徠去後茲據各屬陸續認捐解繳前來除由職道與署肇慶府張守丙炎酌商先行湊足洋銀壹萬員計重七千兩移解藩司匯晉暨俟以後能續捐若干另行辦理外用特具稟

憲臺察核可否仰懇俟山西翎枝實職虛銜等項空白執照咨送到粵時將翎枝實

職虛銜等項先行酌量各發數張并查照光緒三年十

二月十二日戶部奏案議定章程將報捐翎枝實職虛銜等項銀數開錄札行下道以便各官紳赴道捐輸隨時填給執照以期踴躍至捐生姓名數目及用去執照

容俟捐數截止再行開列清摺呈請憲核之處伏乞訓
示祇遵

--	--	--	--	--	--	--	--	--	--

1
1
1
1
1
1
1
1
1
1

致署羅定州田星五刺史書

光緒四年二月二十八日

逕啟者二月二十七日淮南韶連鎮鄭移知據英德縣
稟佛岡廳城于二月二十夜被清遠匪首區就喜糾黨
鄺亞六等千餘人闖入城內官兵接戰失利該縣距佛
岡百餘里懇請調勇防剿等情現經札飭遊擊江志等
及羅定協中軍都司顏金將原撥西江各處安勇派交
哨弁管帶星夜馳赴英德隨同進剿等因准此查此項
安勇駐紮各屬巡防甚稱得力刻下遽行調開西江一
帶地方未免空虛亟宜密爲防範羅定各屬團練向來

認真應卽傳諭各鄉村莊一律整齊無事巡邏有警則
衆力合作斷不可稍涉大意其應否僱募勇丁之處卽
希閣下迅速斟酌據實復知幸勿視爲泛常敷衍遷就
是所切囑專此順頌升祺并候回玉

批署四會縣晏賜書稟該縣原駐安勇奉調前往
佛岡剿匪現經招添壯勇六十名會營督兵防

堵

光緒四年二月二十九日

據稟已悉本月二十七日淮南韶連鄭鎮以佛岡現有
匪徒應卽趕調西江各處安勇齊集赴剿等由移道知
照本道當以四會廣甯兩縣皆與清遠接壤距佛岡亦
不甚遙誠恐安勇調往該兩縣地方空虛卽經移請管
帶練兵督標左營叅府蔡酌撥練兵一百名分赴四會
廣甯駐紮以期有備無患茲據稟該縣地連清遠佛岡

又與清遠毘連該匪等被勦窮蹙勢將四散現已招添
壯勇六十名會營督兵防堵等語覽之欣慰該署縣慎
重地方辦事深知緩急殊屬可嘉仰肇慶府迅卽飭知
該縣實力防範不可稍涉大意一面趕緊聯絡鄉團於
各要隘妥爲布置并俟練兵到日會同管帶營弁分撥
各處認真稽察巡邏仍隨時偵探匪徒情形稟報察核
切切此繳

西江各處安勇調往佛岡剿匪酌撥練兵分紮防

守與署肇慶府聯銜上

劉制軍稟光緒四年二月三十日

敬稟者光緒四年二月二十七日准署南韶連鄰鎮移
開接據英德縣朱合飛稟隣界之佛岡廳城於二月二
十夜三更被清遠匪首區就喜糾黨鄺亞六等千餘人
闖入城內官兵接仗失利該廳距英德一百餘里急請
調勇防剿等情查佛岡廳與清遠英德長甯從化四縣
毘連僻在萬山之中若不急圖撲滅勢恐蔓延且北江
一帶饑民衆多尤恐轉相勾引愈難收拾應卽趕調原

派高要德慶廣甯四會及羅定州屬駐防安勇黑夜起程馳赴英德隨剿一俟佛岡土匪辦理完竣再議調回原駐地方防緝等因准此查佛岡地方與廣州府屬之清遠最爲貼近而清遠又與肇慶府屬之廣甯四會水陸互相毘連今佛岡匪徒滋事該二縣巡防正在喫緊且向來民情浮動原紮安勇奉調隨剿誠恐不法之徒乘間竊發不可不預爲防範當與督標左營蔡叅將面商選派哨官二員管帶練兵一百名馳赴廣甯四會二縣在於安勇原駐地方分紮守禦仍會同該二縣文武

督帶兵役鄉團隨時確探加意嚴防遇有逃匪潛入境內合力擒拏毋稍大意肇慶城廂內外亦經蔡叅將分撥練兵并肇慶協標兵稽察巡邏其水面一帶肇慶協才副將署水師黃叅將均嚴飭各哨官隨時梭防以期有備無患現已飛飭廣甯四會二縣會督營勇認真巡緝并由職道札知羅定州田署牧將該屬地方妥爲布置卽行稟覆職道等因防務孔亟未便拘泥所有籌派練兵前赴廣甯四會駐防緣由理合稟請憲臺察核敬再稟者肇慶郡城入春以來雨水過甚田禾不無被

淹連日祈禱晴霽而沈陰不散殊切焦慮幸附近一帶
民情尙稱安靜惟各鄉匪徒極多上年勸辦團練據各
州縣稟報頗有踴躍從事者現仍督飭各官曉諭紳民
認真舉辦團練無事則支更巡邏有事則同力合作庶
免臨時遲誤卑府去冬曾飭各屬知照無論何時親赴
該地方抽查一二處以考勤惰容俟陸續稟聞上紓塵
念刁副將經明本月二十三日前往德慶封川開建一
帶巡視河面計日內可以旋署西江地方一切事宜職
道職司統轄當與刁副將及憲督標各營參將和衷商榷

并飭羅定州田畧牧一體嚴密稽查應行辦理者卽由
職道與卑府一面布置一面稟達鈞聰各牧令身任民
社責無旁貸刻已通飭各該員等相機料理遇事留心
固不可稍涉張皇亦斷不可過於拘泥所有西江現在
籌辦情形理合附陳伏乞台鑒

--	--	--	--	--	--	--	--	--	--

批署四會縣晏賜書稟佛岡廳城被土匪盤踞探

聞於二月二十五夜經佛岡四圍各鄉勇殺斃

及捉獲賊匪數十名克復情形

光緒四年三月初三日

前據該縣以安勇奉調隨剿招募壯勇防堵等情具稟
到道當經批回查辦茲據稟添僱勇丁集團防禦并據
續稟探聞佛岡廳城於二月二十五夜經各鄉團勇克
復擒斬賊匪數十名各情均經覽悉仰肇慶府迅飭遵
照前批事理仍行認真巡防堵禦毋以賊匪已散稍涉
鬆懈一面將續探情形隨時稟報察核此繳

--	--	--	--	--	--	--	--	--	--

批廣甯縣董治稟安勇離防會營防範情形稟報

察核

光緒四年三月初六日

據稟已悉此案前准南韶連鎮鄭備移卽經商請督標左營叅府蔡酌撥練兵一百名派弁管帶馳赴該縣及四會縣在於安勇原駐處所分紮守禦并經札飭舉辦團練在案查佛岡廳與清遠最爲貼近該縣地方與清遠毘連何得以並非連界相距甚遙爲詞稍形大意現據探報佛岡匪徒已被鄉團擊散亟應嚴行防緝以杜竄越仰肇慶府迅飭遵照前札情節認真辦理切勿疎

懈是爲至要此繳

批封川縣教職董步瑛控陳光華等包庇開設攤

館

光緒四年三月十六日

賭博一事大爲閭閻之害據呈土棍董越庸等在封川江口嘴汎邊地方開湯聚賭監生陳光華等從中包庇業經該縣封禁責懲猶復怙惡不悛并因該職指斥輒將該職毆傷各情如果屬實藐法已極仰肇慶府迅飭封川縣刻日飭差立將賭館查封一面拘傳賭匪董越庸等及包賭之陳光華等到案訊明分別詳革究辦毋稍縱延切切粘抄保領并發

聯肇慶府銜稟遵照奉飭情節分別移行文武各

衙門加意巡防振頓團練上

劉制軍稟光緒四年三月

十八

日

敬稟者竊職道等於光緒四年二月二十九日奉

憲臺督憲

札開照得軍興以後各省往往有土匪潛謀勾結襲陷

城池致成巨案全在各文武隨時加意防範現在歲歉

民饑匪徒勾串滋事更覺堪虞卽如二月二十一日夜

清遠縣屬有匪倏入佛岡廳城盤踞此其明證札道卽

便轉飭各府廳州縣會同營員督飭城鄉各紳耆將保

田團練各事宜認真籌辦一面多派兵差在於各城門及要隘處所實力稽查並於各街道添設柵欄嚴密防守毋得視為具文致有疎虞大干叅處并飭將遵辦緣由先行稟覆察核等因奉此伏查同治八年職道與前署肇慶府蔣守立昂擬由道府縣各捐經費將郡城內外週年巡緝案内會議請由肇慶協派撥弁兵在於四城及要隘處所設立卡房分勻駐紮每夜常川巡緝稟奉前憲批准備移查照辦理同治九年職道又手訂團練保甲章程二十四條飭發各屬嚴諭舉辦繼復迭申

前令飭據各屬於上年陸續稟報雖均稟稱辦有端倪
實則明察暗訪未能一律齊整甚有不肖員弁紳董以
時際太平何用嚶嚶多事騰謗者現在厯查搶劫之案
逐年加多而佛岡廳城突被匪徒闖入雖經南韶連鄭
鎮督率鄉團兵勇收復但餘匪尙多在逃且西北兩江
險要處所伏莽甚多當此歲歉民饑誠恐竄越勾結是
賊匪一日不除卽閭閻一日不安亟宜加意巡防以期
有備無患卽經遵照憲札通行各屬會同營員督
飭城鄉紳耆認真籌辦團練保甲一面多派兵差在於

各城門及要隘處所實力稽查並於各街道添設柵欄隨時嚴密防守及移肇慶協轉飭所屬並管帶扒船暨駐紮肇慶四城及各要隘查夜哨弁督率兵丁加意巡緝仍飭守城弁兵每夜初更卽將四城關鎖不許遲逾去後隨據分防都含汛督標水師營把總李超龍稟稱本年三月初四日申刻高要南海三水鶴山高明五縣連界之西海河面有事主歐亞朗船隻被匪駕艇白晝搶掠事主喊捕兩岸鄉村一齊鳴鑼團練出救駐段緝捕巡船復駛至截拏各匪紛紛棄艇梟水登岸逃竄把

總督帶汛兵馳詣會同鄉練分投追捕當場拏獲賊犯
呂容光呂亞業呂亞恒李桂孫呂兆芬呂自保李齡愾
任順等八名起獲賊艇贓物當時給還事主各犯業已
由營解赴高要縣收審等情似此人賊賊艇登時並獲
設非各鄉團丁齊出幫拏何能一無漏網則整飭團練
實有效驗也正在稟報間又於光緒四年三月初七日
奉憲臺督憲批據職道等會稟西江各處安勇因佛岡匪擾
調往剿辦現在酌撥練兵一百名前赴廣甯四會在於
安勇原駐之所分紮防守由奉批據稟及另稟並悉佛

岡廳城雖經克復逃匪尙須搜拏且清遠地方伏莽頗多本部堂業經札飭鄭鎮將所調安勇暫留清遠澈底查辦以期一勞永逸該道府因原駐西江各安勇目前未能回防酌撥練兵一百名前往廣甯四會分紮防守辦理極合機宜不惟該地方藉以彈壓卽各兵丁習道路之勞亦可以資歷練第須嚴飭該管帶官認真約束不得沿途騷擾需索仍由該道府留心訪察如有前項情弊立即稟請叅辦以肅紀律值此歲饑盜熾該府及羅定各屬又與西省毘連此後倘遇風鶴之驚卽由該

道府與刁副將相機調度一面稟明本部堂察核不必請示候批以致遲誤刁副將久歷戎行頗有勇畧一切防勦事宜必能與該道府和衷妥辦也至此次佛岡廳屬十三堡團練出力克復廳城業經本部堂與撫部院核實奏明獎賞花紅銀三千兩擬給紳勇一百七十餘名並頒給各堡匾額以資風勵該道府卽傳諭各屬團練務須一律振頓踴躍舉行以邀懋賞是爲切囑仍候撫部院批示繳等因奉此又經分別移行遵照並由卑府酌定振頓團練明白示稿札發各屬舉辦免致鄉村

卷四之別集不
遠近不齊傳諭未能周遍惟是粵中人士情性各執相
率苟安不知守望地方牧令既鮮實心任事又忘未雨
綢繆職道莅任以來於茲九載卑府調權斯郡亦已年
餘卽如飭辦團練保甲一端三令五申幾致唇焦管禿
然著有成效者僅見羅定州之查辦西匪徐煌八等西
甯縣之查辦社廊村陽江廳恩平縣之查辦大仁山而
已此外非塘塞敷衍卽吝惜經費罕有實力奉行者職
道等忝膺統轄兼轄之責不能竭其駑鈍以冀令出惟
行納手捫心益深慚恧現在旣奉憲台諄諄訓誡惟有

再行嚴飭各屬振刷精神力除積習認真勸辦職道等
並擬輕騎減從分往親查一次察其勤惰倘有仍前疲
玩徒以一稟了事職道等當擇其尤者立予稟請叅撤
以儆其餘除由職道等會同刁副將遇事相機妥商籌
辦一面轉飭管帶練兵之武弁等不准該兵丁稍有索
擾情弊並飭高要縣許署令肇元勘明事主歐亞朗船
隻失事處所提犯呂榮光等逐一確審研究結夥若干
有無持械分別通詳嚴辦不得再涉疲玩至西海地方
鄉團由道府酌予獎勵以資激勸外奉行前因合將遵

辦緣由先行稟覆憲臺察核示遵

批高要縣寶積寺僧妙松控伊寺被黃軼羣等庇

縱劫賊

光緒四年三月二十一日

此案前據該縣具稟到道當經批飭緝究據呈前情仰肇慶府迅飭高要縣遵照先今批行事理刻日比差移營懸賞勒緝賊賊務獲究報一面將勘驗情形另文通詳察核至陳亞仕等是否本案盜匪既經府批責成原保約紳黃軼羣等攜同赴訊該府併卽飭縣勒令黃軼羣等迅速攜齊陳亞仕等赴案提集質訊明確分別究辦毋稍枉縱稽延切切粘抄保領并發

--	--	--	--	--	--	--	--	--	--

批高要縣蛋民彭居有等控鍾裕賓趙名揚攬訟

霸佃乞飭禡革追照等情

光緒四年四月初一日

本案前據該蛋民等赴轅具呈卽經批飭查案訊斷隨據該縣以大生堂司事黃安泰等控奉藩司批飭查稟將查案辦理情形稟請察核備案本道當以此案會據該蛋民等呈控飭令查照前批辦理在案茲據前情仰肇慶府迅飭高要縣遵照迭次批行事理刻日詳查舊案集訊明確分別斷結具報毋稍稽延切切粘抄保領

并發

卷之十一

三

批東安縣王明策稟本年三月內應卽循照向章

查明卑縣屬教雜各官事蹟開列清摺嚴密封

釘呈請察核

光緒四年四月初六日

據稟及清摺均悉此事關係保劾理應慎密舉行乃查該縣紅稟事由則稱封釘實則未釘如此疎漏其非親筆繕寫亦可概見所有此項密考該縣嗣後務須親自繕寫釘封呈遞毋得仍前玩忽是爲至要仰卽遵照此繳摺存

荀氏之胤身不

三

請將前調赴佛岡剿匪之安勇仍飭回廣甯四會
等處駐紮巡防與署肇慶府張午橋太守函致

南韶連鎮鄭心泉總戎書

光緒四年四月初七日

敬啟者敝處原紮安勇前准大移飭往隨剿當由江子
高遊戎督帶全隊馳詣麾下聽候調遣茲聞鞭筆所指
羣醜悉已蕩平首匪就擒膚功迅奏卜酬庸之不次定
提篆之真除逃聽鏡歌曷勝忭賀惟此間安勇五百名
全數奉調已逾一月地方未免空虛而廣甯四會爲尤
甚雖已移撥練兵前往分紮然當此歲饑盜熾之際究

不如貴部聲威素著足資鎮壓目下尊處止須查辦餘
孽似無庸全軍畢萃所有原紮廣甯四會勇丁一百名
羅定二百名擬請卽飭河防用資巡緝如一時勢難抽
撥則廣甯四會地與清遠接近如有調用一呼卽可立
至或將此百名遣令先回羅定之勇亦撥回百名俾奸
徒有所震懾不敢狡然思逞在地方固藉久安而弟等
亦感佩隆情於靡旣矣况貴營分投搜捕各匪勢必四
散竄逃該二縣均在應行堵緝之列若非扼以勁練之
衆亦恐未易得力也至於郡城現有各營練兵暨民間

團卡可暫巡防原駐安勇卽俟大軍凱撤再行議撥尙
無不可是否之處統祈曲籌酌示是所企切率泐同懇
卽賀捷喜並頌勛祺專候復翰不一

羅西公牘集右

卷

三

札委候補府經歷陸元章前往西甯查探岑溪匪

徒韋十三兒現在糾眾滋事據實稟覆由

光緒四年

四月十二日

爲札飭查覆事光緒四年四月十二日據署西甯縣李
令洪毓稟稱四月初六日據縣屬桂河局紳李春蕃等
稟現聞岑溪縣屬永業鄉之大埔有匪首韋十三兒糾
黨百餘勾串藤縣羅垌各處匪徒及蒼梧縣屬廣平墟
附近餘匪意欲滋擾又據稟該匪或聚或散現因雨水
連綿又未有大頭目兼乏米飯是以尙未起事若得梧

州府撥勇屯紮廣平墟自可消患未萌等情查縣屬桂河七堡等處路逕紛歧與蒼梧岑溪兩縣犬牙交錯最爲緊要之區所幸舉辦團練激勵紳民加意嚴防曉諭各鄉勿爲煽惑并調集練勇在與蒼梧交界廣平墟之冲旺嶺大筭嶺扼要駐防仍稟梧州府撥勇駐紮廣平一帶及移蒼梧岑溪兩縣一體堵禦外理合馳稟等因到道據此查羅定一州二縣處處與廣西界址毘連西甯尤爲逼近旣據該紳士等稟報岑溪永業鄉有匪首韋十三兒糾衆意欲滋擾亟須由該署縣妥速拏辦并

訪查實在情形以免臨事倉猝無備合就札委札到該員迅速束裝前赴西甯確查韋十三兒是何處人年若干歲曾否作賊從前有无糾眾搶劫被控案件現在究竟積聚若干人西甯各鄉團練是否一律齊整梧州府及蒼梧岑溪兩縣是否已派勇會合堵禦及以後一切籌辦事宜務須詳細探明將各交界處所繪圖貼說註明某處有練勇若干據實稟覆毋得稍有延飾致干未便再羅定三屬團勇素稱得力該員到西甯查探後先行發一稟來聽候核辦卽由西甯順道赴羅定東安各

卷之四十五

鄉村查看月行稟報是爲至要事關匪徒滋事毋得視
爲尋常札委敷衍塘塞凜之毋違特札

批署西甯縣李洪毓稟卑縣遵辦團練茲聞廣西

蒼梧等縣屬賊匪意欲滋擾現在於交界處所

嚴加團防將辦理情形稟報

光緒四年四月十三日

據稟已悉查該州所屬處處與西省毘連西甯地方尤
爲逼近現在岑溪縣屬既有匪徒勾結亟應加意防範
以免竄越仰羅定州迅飭會營多派兵差激勵鄉團扼
要堵拏毋任入境滋擾一面偵探實在情形隨時稟報
察核仍候兩院憲暨藩司臬司善後局糧道批示繳

--	--	--	--	--	--	--	--	--	--

批署羅定州田明曜稟卑屬地方緊要懇將原駐

防緝奉行調回佛岡辦匪安勇二百名移會仍

飭回防以資保衛伏候批示祇遵

光緒四年四月十八日

據稟及另稟准武營移知化州匪擾奉調赴援各情均

經覽悉現據西甯縣具稟以探聞西省岑溪縣屬廣平

墟附近各處有匪二三千人意欲東竄情形緊急懇請

移撥練兵二百名馳赴防堵等情本道當以肇慶府城

爲根本之地當西省之衝安勇旣已調往佛岡練兵除

撥廣甯四會等縣外祇餘三百名勢難俯如該縣所請

再行調撥卽經移請羅定協迅撥標兵一百名馳往該縣會同堵禦并稟請兩院憲分撥省中練勇來肇以資調遣暨批回該縣查照在案查該州所屬與岑溪藤縣化州吳川茂名等處均屬交界現在各該州縣皆有匪擾該州防務最爲吃緊卽遵照并飭西甯縣一體會營募勇激勵鄉團認真巡查嚴密堵捕毋稍疎懈一面將偵探各處賊匪情形隨時稟報察核再本道昨因西省各屬有匪滋擾已與肇慶府會銜稟請兩院憲轉行鄭鎮軍速將西江各處原駐安勇撥回防緝矣該州併

卽知照仍候兩院憲暨南韶連鎮臬司善後總局批示
此繳

樹正之庸實不在

三

批署西甯縣李洪毓稟卑縣都城地方緊要請移撥

練兵在該處駐紮並將該處河面緝捕巡船併

歸卑職節制點驗伏候批示祇遵

光緒四年四月十八日

據稟已悉現據該縣續稟以探得西省廣平墟附近各處有匪意欲東竄懇請移撥練兵二百名馳往防堵等情業經批回查照在案仰卽遵照續稟批飭情節辦理至都城緝捕巡船並非本道管轄該縣請予節制點驗之處礙難照准該縣卽與該管帶哨弁和衷商酌妥辦可也此繳

梅丘之鼎身不
先

三三

批署西甯縣李洪毓稟報西省廣平墟賊匪情形及

募勇防守縣城等情

光緒四年四月十八日

據稟探聞西省廣平墟附近各處有賊匪二三千人意欲東竄等情業經覽悉查肇慶府城爲根本之地當西省之衝安勇旣已調往佛岡練兵除撥廣甯四會等縣外祇餘三百名勢難俯如所請再羅定協迅撥標兵一百名馳往會同防堵仰卽遵照俟羅定協標兵丁到日立即會商管帶哨弁扼要分紮堵禦仍會營督率兵勇激勵鄉團嚴密防範毋稍疎懈并將偵探賊匪情形隨

時稟報察核再本道現已稟請兩院憲分撥省中練勇
來肇以資調遣一俟有勇到日再行酌量撥往該縣可
也此繳

具稟奉行勸捐接濟晉賑案現又籌集七兌洋銀

壹萬元移解藩司匯晉稟請察核上

劉制軍
張中丞

暨

山西撫院會中丞稟

光緒四年四月二十五日

敬稟者竊照奉准咨行山西荒旱饑民待賑孔急奏派各省委員勸捐并由戶部奏准推廣捐例一案於本年二月二十三日職道據各屬稟報先行湊足七兌洋銀壹萬圓移解藩司匯晉具稟憲鑒聲明以後續捐若干片行辦理及請將各項空白執照逕發下道在案查職道駐紮肇慶府城去省較遠於省城勸辦情形無從周

知只可就所轄肇慶陽江羅定等屬酌發札諭飭令各該地方官妥速勸導仍諄囑此次捐助晉賑係准其報捐翎枝官階虛銜封典一面交銀一面給照與尋常捐輸不同不可稍涉勉強自前次湊解捐款後復據陽江新興恩平德慶東安等廳州縣稟稱所屬紳庶迭見銖淚圖勸賑歌無不心懷憫惻茲奉札諭頗有激於大義者且聞開捐之例甚覺踴躍紳庶如此爲官長者豈可坐視亦各勉力倡首現又陸續報捐款項約在七八千金此外各州縣聞亦盡心曉勸職道籌辦之初見地方

瘠苦深慮捐集無多有負

憲

宮保大人

臺

委任不意各該員

竟能設法籌措實非始念所及此固各屬紳庶知顧大

局不分疆界好義急公然非署肇慶府張守丙炎陽江

廳同知余丞祚馨不憚煩勞亦斷不克臻此也刻下捐

項雖未收齊第晉省奇災早得若干之銀即可多救若

干之命除與張守再為先行籌墊七兌洋銀壹萬圓解

交藩司匯兌并俟續捐若何隨後稟報外理合具稟

憲臺

宮保大人

察核至各屬官紳士庶先後所捐洋銀貳萬圓均

照奏准開捐翎枝及各項實職虛銜封典辦理其收銀

之數亦遵照黔局章程昨據藩司楊慶麟函知空白各

照業經到省竣捐輸總局核議收銀數目後將職道前

請各照章程由局移送職道尙未接收

惟有仰懇憲臺業經稟懇本省

兩院

迅飭總局趕緊發下俾得填給各捐生收執以昭

信實而資鼓舞所有職道與張守第二次續解晉賑洋

銀壹萬圓緣由專肅稟陳伏乞垂鑒

批東安縣監生梁始元控伊家於去年十二月二十七日夜被劫二年二月被劫屢遭賊劫乞拘

兇賊按法嚴辦等情

光緒四年四月二十七日

查該生藥材店被劫一案前據該縣稟詳到道均經批飭緝究據呈前情仰羅定州迅飭東安縣遵照先今批行事理刻日移行比差嚴緝本案賊賊務獲究報毋稍縱延至該生詞內所稱光緒二年二月被劫一案前於光緒二年七月內據該生以所開茂隆雜貨店於是年二月十五日夜被賊行劫報經該縣勘緝獲犯黃北金

訊認聽從梁亞四糾劫得贓嗣又續獲梁亞四到案等情赴道呈控卽經批飭該縣嚴緝供夥提同審辦并將勘訊情形通詳現在尙未據具詳到道究竟因何遲延之處該州併飭該縣查稟察核粘抄保領并發

批署高要縣許肇元稟縣屬省渡在羚羊峽河面

被賊行劫將勘訊情形先行通稟

光緒四年五月初十日

據稟已悉羚羊峽逼近郡城盜賊白晝搶劫肆行無忌捕務廢弛至此實堪痛恨亟應嚴飭緝獲真贓真犯迅速懲辦再聞此次匪徒均係蜆岡富佛之人并有窩主仰肇慶府卽飭該署令會營督帶勇丁刻日親赴蜆岡富佛等村查明匪徒若干連窩主一併捕獲萬勿再事延宕致干叅撤切切仍候兩院憲暨臬司批示繳

卷一

三

--	--	--	--	--	--	--	--	--	--

高要縣屬羚羊峽口渡船被劫現已拏獲窩主梁裕雲一犯仍飭該縣將供聞各犯悉數捕拏并黃署叅將會縣查辦匪鄉正在得手懇請暫緩交卸管帶巡船以便督率弁兵妥辦附陳德慶段巡船擊斃遊匪及開平勞楊二姓械鬪嚴防外匪混入等由上

劉制軍 稟 光緒四年五月二十日 張中丞

敬稟者竊照高要縣屬羚羊峽口梁順福渡船白晝被劫據該署縣許肇元親往勘明并由水師營黃署叅將相奎督弁拏獲案匪陳亞四一名供係富佛鄉窩主梁

裕雲起意糾黨搶掠業經許署令先行通稟職道當以
羚羊峽口近在郡城匪徒膽敢白晝肆搶捕務極爲廢
弛當批行卑府轉飭許署令立即會營督帶兵勇馳赴
蜆岡富佛等村將供開現匪各姓名及迭次有案未獲
之匪勒令紳耆族長分別緝送查拏不准一名漏網致
干叅撤等因旋據許署令面稟會同黃署叅將及肇慶
協弁兵定於五月十二日齊至該鄉查辦該令抵鄉後
該紳耆等均各逃匿該令與黃署叅將分派兵役持諭
曉示聲明此次到鄉辦匪卽是保全該鄉善良爾等果

能送匪可免平日縱容之咎倘始終逃匿則屬有心庇
抗定將各該祖祠屋宇概行封燬該紳耆等奉諭後陸
續回鄉卽飭其親屬暗帶兵勇四處訪拏於十七日早
將窩匪梁裕雲併其子梁亞四緝獲送案該令卽派兵
役將梁裕雲押解進城交典史收禁并據梁裕雲供認
起意邀夥十七人先派夥黨唐亞七吳豆皮來李亞太
曾大眼長曾亞杰周亞寬六人到肇慶搭坐渡船小的
因年老不能行走與各夥黨在虎坑口等候於四月二
十日劫得渡船贓物挑回虎坑後邊陳村坑尾分派所

劫衣服因本地當押不能值錢俱交香山小欖夥黨帶去至初時有會匪數十人因覬岡人李烏狗李亞七李亞杰李大口逢李亞新李亞正李大腦杰們往金利墟十甲坦等處磚窰打單得銀回來并不分給是以英義堂夥黨各散以後李烏狗們往各磚窰打單係拈簿子前往便有銀回來富佛村尙有賊匪李亞得李崩雞真李亞能李亞二李亞受五人現在官兵圍捕俱各逃走等語職道等久經訪得梁裕雲一犯招集外匪窩留內地奸徒四出搶劫爲賊米飯主坐地分贓遠則香山小

攬近則嶺西各處從前鄭鎮紹忠屢次查辦在逃未獲
現復勾結各匪白晝行搶正值東西兩省鄰界清釐積
匪之時若不大加懲創日後爲害何堪言狀今幸黃署
叅將與許令辦理迅密數日之間渠魁授首實足大快
人心惟蜺岡富佛毘連一帶鄉村幾於無處無匪平日
紳士包庇地方官畏難苟安日積月久匪徒愈聚愈多
肆無忌憚趁此聲勢自宜刻日掃除俾無遺孽職道等
頃已飛札許署令飭其認真摻捕不可稍涉鬆勁除梁
裕雲現供各犯有名者六人所稱夥劫渡船十七人其

餘係何姓名務須按名弋獲此外同夥匪黨究有若干
歷年被控案匪并訪聞列單者共有若干英義堂名目
是否久已退散卽自富佛起按村按鄉逐細清查明晰
嚴以臨之俾各匪無自逃匿恩以繼之俾善良不致驚
惶倘能仰仗憲威悉數剿滅未始非一勞永逸之善策
也正繕稟間又據許署合稟稱黃署叅將兼管三水段
巡船昨聞戴叅將逢亨奉飭回任卑職會同黃署叅將
辦匪萬分喫緊應請轉稟院憲暫緩黃署叅將交代巡
船得借其弁兵專心會辦等因據此職道等查黃署叅

將勇敢任事熟悉情形本年歷獲賊匪呂榮光等多名
又獲多年逃脫之匪蘇火烟四一名實爲異常出力刻
下查辦各鄉全係該署叅將派勇購線方能得心應手
可否仰懇憲恩俯如許令所請專其責成始終其事庶
於公事有裨如蒙允准仍祈加發鈞札飭知是所叩企
所有查辦匪鄉擒捕首犯及暫留黃署叅將緣由理合
具稟察核伏候批示祇遵

敬再稟者五月十八日准肇慶協刁副將移稱五月十
一日段合鴻舉巡緝至六都河面聞有匪艇在河面偷

駛當令兵勇查訪是日有匪駕艇由東安縣屬之士名朱坑駛出經站弁截拏轟斃賊匪一名落水該匪棄艇登岸勇船鎗礮齊施又斃匪二名奪獲匪艇一隻匪等搶屍由坑內逃竄該處林木森密坑口石壁高峭未便窮追并據各船弁查明半係德慶州屬悅城等處東安縣楊柳村等處窮民請轉飭德慶東安各牧令妥速擒捕等因准此職道等查西江匪徒往往趁人眾不覺私駛小艇乘機偷竊若遇僻靜處所即可硬行搶擄現當整頓捕務各巡哨等留心訪緝尙屬可嘉惟水路遊匪

一值查捕嚴緊便棄船登陸雖云石壁高峭究非人迹所不能到亟應聯絡鄉團并行防禦現已札飭署德慶州王煦東安縣王明策飭將坑口前後左右是何界址何處可通大道何處可作捷徑該牧令所管地方似此者尙有何處詳細履勘一面嚴諭兩界相交團總等嗣後聞有匪蹤不分畛域會合兜拏如係設有防汛之區應責成武弁認真巡邏切勿仍前懈怠該牧令等稟覆到時另行酌核稟達鈞聽至開平縣民勞楊二姓去年因搶草起衅彼此糾眾械鬪致傷多命迭經職道行

知卑府派委候補府經歷陸元章往查又經卑府札委署恩平縣吳應廉前往會同該縣晏榮妥速辦理嗣復傳晏令來郡面爲商酌現經臬司委員候補知縣王懋官稟稱勞楊等姓平日先有嫌隙緣勞姓族大丁眾橫居下流擅將河道築陂攔阻楊曹李等姓舍此無水路可行恃其蠻悍復觸前嫌以致糾鬪擬卽下鄉先將河道築陂一節秉公查核使兩造順情平怨各無異詞然後嚴拘此案主謀糾鬪各匪迅獲嚴懲庶可不再滋事等語細閱王令所稟尙無粉飾第該處向爲蠻悍之鄉

無賴匪徒間有械鬪之事難保不趁便混入除嚴札晏
令趕緊會同各委員將此案妥爲了結勿再延宕干咎
并不時稽查外匪混入者立予拏辦倘有疎虞定卽據
實稟請撤叅合將現辦情形附陳憲鑒

崔西公履身不

一

覆梧州府徐曉山太守書

光緒四年五月十六日

端陽前三日肅佈寸緘亮登記室初九日奉到尊牘欣
悉臺從親赴長行各鄉將各匪首陸續懲辦復派勇丁
在廣平駐紮查捕餘匪不特貴治仰仗聲威從此可以
靜謐而隣疆等處實亦受福無窮欽佩之忱匪言可喻
近審安抵郡城凡百順適至以爲祝開建洪令已有覆
稟據稱石板洞之匪實係謠傳并無其事刻下督標練
兵百名仍駐該縣已飭其於交界地方加意巡邏設有
不法之徒立即擒治不可稍存畛域之見范叅府幹挺

昨亦來書全隊紮在都城遣弁赴廣平詢問想已得知
閣下回梧信息或未必親赴彼處至西江本有練兵五
百名安勇五百名春間因佛岡之緊安勇悉行調往是
以一聞西省有匪各牧令不無過慮本月鄭心泉總戎
撥回安勇三百名交江游戎志管帶馳抵羅定州城仍
有二百名酌度連山無事亦卽調回鄙意敝轄業有千
人肇羅兩協標兵除分汛防守外尙可有數百名遇事
調遣日前聯府銜具稟院憲擬將粵安一營撤回省城
以資保障尙未奉有批示各屬團練保甲聞較從前認

真擬與午橋太守分往查驗同治九年弟曾通飭各屬
刊有章程一本亦但就前人成法變通而行奈牧令中
以不急置之因循多年然照辦者於捕匪時亦頗有功
效茲附呈一本乞閱之嗣後鄰界各事務求隨時關照
所奉尊牘謹留備案不敢繳璧幸勿再施正繕函間又
奉十四日來示敬悉種種懷集所報與開建相同皆由
謠傳之故耳專布順請升安

崑西公履集卷十

四

新興縣生員馮虞章等呈保葉載揚釋放回籍醫

治光緒四年五月二十一日

查本案係奉撫憲批提委審之件此項斷罰銀兩李慶彭揚和早經繳清惟葉載揚延不遵繳以致案懸未結茲該生等竟以葉載揚家貧如洗年老患病爲詞呈請將其釋放礙難准行仰高要縣遵照迭次批行事理勒限葉載揚迅將罰款清繳如葉載揚現果患病卽驗明交保醫調俟其痊愈勒追毋任再行延宕切切保領并

發

--	--	--	--	--	--	--	--	--	--

札高要縣確查本道訪聞單開賊匪是否屬實抑
或被誣有無被人片控搶劫以及獲犯供開分
別移營嚴緝務獲懲辦先將辦理情形稟覆

光緒

四年六月
初五日

爲札遵事照得本道現在訪聞該縣有賊匪廣利老龍
一名於前月初十一兩日在德慶悅城及東安朱坑
水陸一帶夥衆搶掠拒捕巡船等情似亦兇惡匪徒如
果屬實亟應嚴行拏辦以靖地方合就札飭札到該縣
卽便遵照刻日確查單開賊匪是否果犯前案抑或爲

人所誣有無被人另控搶劫以及獲犯供開有案分別
移會營員勒限兵差嚴密緝務獲盡法懲辦毋稍枉
縱稽延仍將遵辦情形先行稟覆察核切切特札

批署高要縣許肇元稟報自光緒三年五月起至

四年正月收存行署羣房租銀

光緒四年六月初六日

據稟及清摺均悉此項羣房租銀收支數目每年造報一次尙覺爲日過長難於稽核應自本年正月起按季列摺開報以憑查考仰卽遵照辦理此繳摺存

批高要縣武生鄧國陞呈控周元高抗不赴審懇

飭提訊等情

光緒四年六月十一日

此案節經批飭該縣集訊查稟現在事閱日久何以尙未審結亦不查案稟覆據呈前情是否屬實仰肇慶府迅飭高要縣查照迭次批行事理刻日勒集案內應質人證吊齊契據糧串秉公核訊明確立即斷結具報一面遵照前批先行查案稟覆察核至該武生詞內所稱如必存租乞飭勘估存佃一節應否准如所請辦理該府併飭該縣核明飭遵均毋稍延致滋纏訟切切粘抄

卷之四十一

保領并發

十一

致 楊振甫方伯書 光緒四年六月十二日

金逸亭署臬

書

竊照開平縣民楊勞兩姓械鬪一案迭經委令候補府
經歷陸元章署恩平縣知縣吳應廉馳赴該處會同晏
令彈壓並令其剖別曲直迅速斷結一面先行嚴飭該
二姓各將募雇本族本村丁壯趕緊解散嗣經 逸翁閣下 派
令候補令王懋官前往與吳令等商議傳到兩造剴切
曉諭據王令等稟稱兩造皆受約束可以結案乃勞姓
又有赴省上控者奉督憲批將晏令撤任委員接署該
二姓得信意存觀望欲俟新任到時再結適吳令因在

外日久署中公事緊要不能不回恩平王令亦以白沙
廠有事進省該二姓見委員已去一二無知棍徒從中
慫恿聞目下復作欲鬪之勢而連日晏令分起稟報楊
勞二姓死者又復數人誠恐相持日久變故多端將來
更難收拾查開平紳民知縣官撤省未免諸事放膽晏
令一切呼應不靈亦必束手無策弟等既訪查確情不
便緘默惟有函懇閣下代爲轉回兩院憲并祈速委幹
員前赴開平接篆任事弟等仍札飭王令吳令俟新任
到後立即會同妥辦務將此案一了百了不可稍涉延

玩是否如此統望卓裁

廣西通志卷之二十一

三十一

卷之四
片
在
一
十

三

批桂林書院生員鄭應福等稟李賡堯等霸佔官

田毆紳搶穀迅飭拘兇斷結等情

光緒四年六月十二日

前據例貢生李賡堯等以故父李介廷等於同治二年
用價與梁文樞及其母梁繆氏頂受上流塘屯業被桂
林新建書院狡棍藉籌膏火串梁繆氏空請退佃隨冒
退官趙宗耀呈保趙文光等接佃領照吞價奪業等情
赴轅呈控當經批飭該縣傳訊究斷茲據前情核與李
賡堯等呈詞互異究竟孰虛孰實候札肇慶府迅飭高
要縣刻日覆集訊明秉公究結具報至此案李賡堯等

既已控經該縣集審自應聽官斷理乃敢輒行糾黨團
毆傷人猶復督搶穀石九千餘筋殊屬藐法惟所控是
否實情有無別故併候札府飭縣查明分別究追懲治
以割訟藤而儆兇暴可也

札新興縣立將司巡檢張瀚前往鶴山勸辦賑捐

光緒四年六

月十三日

爲札委事照得山西賑捐一案業經奏奉

諭旨派令各省妥爲勸辦肇陽羅各屬現已陸續報解頗爲踴躍惟鶴山一縣尙無頭緒該縣向稱詩禮之鄉定不乏好義急公之士該署縣王令或因公務紛煩未能遍行曉諭亟應專委幹員前往會辦俾期迅速查該巡檢在嶺西年久素著勤能合就札委札到該巡檢卽便遵照親往鶴山縣會同王令刻日勸諭紳商人等趕

卷之八
三
緊樂助隨收隨解其報捐各項官階封銜祇須捐項解
到立即填給部照以昭信實至寶塔捐一款該巡檢併
卽會同王令一體勸辦以輔正捐之不足本道昨奉山
西爵撫部院會發下五品至九品功牌如有勸捐得力
紳士卽行稟請酌給以示鼓勵該巡檢係特委之員務
須認真勸辦切勿畏難敷衍搪塞仍將起程日期報明
查考毋違切切特札

批署高要縣許肇元稟縣屬銀江圍盤塘圍被水

冲決查勘情形稟報察核

光緒四年六月十四日

據稟已悉此次西潦陡漲業經迭飭該縣督率圍總業戶人等將各圍基加意保護乃不預爲之防以致銀江盤塘兩圍均被冲缺數十丈之多疎忽已極仰肇慶府卽飭該縣督飭各該圍總業戶人等速將缺口脩復完固以期無悞秋耕至被水窮民該府併飭該縣妥爲撫卹母任失所是爲至要仍候兩院憲暨藩臬兩司糧道批示此繳

卷之五

三

批高要縣武生鄧國陞等控舉人周元高恃勢插

訟誣佔客田等情

光緒四年六月二十一日

昨據該武生以舉人周元高延案勒租虐害佃民等情
赴轅呈控當經批飭該縣訊辦茲據前情仰肇慶府迅
飭高要縣查照前批事理刻日勒集案內應質人證吊
齊契據糧串秉公核訊明確立即斷結具報一面先行
查案稟覆並將該武生前請將租勘估存佃一節核明
應否准如所請辦理分別轉飭遵照均毋稍延切切粘
抄名單保領併發

--	--	--	--	--	--	--	--	--

批高要縣例貢生李賡堯等控鄭應冠等狡串梁

繆氏圖佔屯塘等情

光緒四年六月二十一日

此案昨據生員鄭應福等赴轅具控當經批飭該縣覆訊究結據呈前情仰肇慶府迅飭高要縣遵照先今批行事理刻日覆集訊明秉公究結具報一面查明鄭應福等所控該貢生等糾毆搶穀一節是否實情分別究追懲治毋稍稽延滋訟切切粘抄保領併發

金田氏家系不
一

三

批高明縣岑傳霖稟先後據報勘丈過蛤菜等堤

圍被水冲決情形

光緒四年六月二十六日

據稟已悉本年西潦陡漲業經迭飭將各圍基加意保護乃不預爲防範以致蛤菜等圍均被冲決殊屬疎忽除會札委員覆勘外仰肇慶府飭卽督率各該圍總業戶人等設法籌款速將各圍決口修築完固一面查明被水貧民妥爲撫卹毋任失所至另稟蛤菜南岸兩圍決口民間無力修復懇請發給款項一節有無辦過成案應否照准并如何辦理之處該府俟委員會勘稟覆

卷四之片字在

三一

到日立即核明分別通稟請示遵照仍候兩院憲暨藩
司糧道批示此繳圖存

奉行勸捐接濟晉賑案現又籌集第三批柴兌洋
銀一萬元移解藩司匯晉稟報察核並附陳嶺
西地瘠民貧祇能專顧晉捐他處捐事礙難再
有攙越伏乞批示祇遵上本省兩院

劉制軍
張中丞稟

光緒四年六
月二十八日

敬稟者竊照山西荒旱奉行勸捐助賑一案職道前於
本年二月二十三日及四月二十五日兩次湊墊七兌
洋銀共二萬元移解藩司匯晉業經稟報憲鑒嗣於五
月初四日准廣東捐輸總局將花翎實職虛銜等項執

照移送到道職道當以局中送到各照不敷甚多咨部
續發者未知何時到粵即與肇慶府張署守丙炎商酌
變通核辦凡在嶺西分局報捐官階各項按其捐款已
清而現到執照已有者即行填給餘則先給道府印收

續行發照所有辦理情形亦經稟達憲聰并奉本省督撫憲

憲台批准在案昨於五月二十三日奉山西督撫部院會

照會據職道前次附稟所請發下功牌五十五張俾給

勸捐得力之人以昭激勸職道當即照數點收應俟事

竣再將填給功牌姓名造冊稟繳山西督撫部院會備

案查執照到後職道復經札委張署守總司其事現在道屬官紳士庶因見收捐銀數與滇黔各局相同甚爲輕減故報捐者絡繹而來惟多係微員貢監尙未有正印官職良由地方瘠苦祇可積少成多核計五月以後陸續報捐數目將近又有萬元雖捐款尙未到齊第職道與張署守會商晉省賑務需用孔亟應再先行籌墊以資接濟除備七兌洋銀一萬元移解匯晉并俟以後續能捐有若干另行辦理外所有籌解第三批晉捐銀兩緣由理合稟請憲台察核至各捐生姓名履歷三代

職道現擬趕緊造冊備移廣東捐輸總局將來局中轉
 詳到時伏乞迅賜咨送直隸爵閣督部堂咨部核明註
 冊庶報捐實在官階者得早日呈請引見驗看以免
 守候再六月初五日職道又准廣東捐輸總局續將花
 翎照五張藍翎照四張從九銜照一百張未入銜照三
 十張監生照七十套移送核辦合併聲明除稟督憲暨
 直隸爵閣督部堂
 山西爵撫部院外肅此具稟

前事上直隸爵閣督憲李稟

云云理合稟請憲台察核至各捐生姓名履歷三代職

道現擬趕緊造冊備移廣東捐輸總局詳請本省院憲
咨轉將來冊到直隸時伏乞迅賜咨送大部核明註冊
庶報捐實在官階者得早日呈請引見驗看以免守
候再六月初五日職道又准云云移送核辦合併聲明

除稟

本省督撫憲
山西爵撫部院

外肅此具稟

前事上山西爵撫憲會稟

云云理合稟請憲台察核再六月初五日職道又准云
云移送核辦合併聲明

敬再稟者晉省勸辦捐輸前蒙

山西爵撫部院會
憲

奏派

廣東一司四道嗣准廣東捐輸總局移到章程但云各
巡道分辦是藩司總司其成巡道祇可各就本轄辦理
而轄屬之中如嶺西之地瘠民貧并無殷商大賈晉省
賑捐業已竭蹶從事則他處斷難再有攙越俾捐生毫
無勉強易於樂輸職道前因肇慶府張署守丙炎在廉
州府任有年培植地方紳民愛戴擬委委員帶照往辦
晉捐該府卽云地方各有專管恐省中業經委員前往
倘兩幟相樹彼此皆無裨益等語職道深以該府所言
爲然當作罷論因思外府州縣嶺西既不派員往辦而

嶺西一隅之地省城及外府似亦不宜委員前來明知
滇黔尙多缺餉汴陝亦屬奇災同依聖朝覆幬之中有
分土而無分民苟可廣募金錢亟願普爲飲助奈彈丸
僻壤迥非府海官山涓滴細流聚之或一勺可資散之
則片時卽涸且事涉煩擾必致動拂輿情職道現與張
署守再四熟商與其開罪於事後莫若預言於事前昨
已通飭各屬專心辦理晉捐事宜如有別處赴各該地
方設局或暗中持照而來者均須一律謝絕屬其俟晉
捐事竣再行開辦庶免兩相防礙仍由職道給發告示

通行曉諭理合附稟陳明伏乞憲台批示祇遵

批署封川縣邱鴻炳稟卑縣三洞練長符廷俊因
向懷集縣民羅御慶討錢口角強奪耕牛致被
糾衆報復屯聚不散及卑職現辦大概情形懇

請撥勇堵禦

光緒四年七月初六日

此案現據該府轉稟到道當經據由移會江遊府挑選
勇丁一百名派弁管帶前往會辦仰肇慶府卽飭該縣
約會營員及帶同哨弁督率兵勇差役妥爲彈壓解散
一面速將本案持平辦結毋任聚衆日久別滋事端是
爲至要此繳

卷四 月令雜考 一

三

批委員陸一元章高明縣岑傳霖稟會同查勘過圍基決口情形

繪圖通稟

光緒四年七月初六日

據稟已悉仰肇慶府卽飭該縣督率各該圍圍總業戶人等分別籌款趕將決口修復一面查明被水窮民妥為撫卹以顧秋耕而免失所仍候兩院憲暨藩司糧道批示繳圖存

請轉飭陽江設局勸捐委員回省致謝子受觀督

書

光緒四年七月十一日

展讀片牋備悉壹是承示滇省待餉孔亟派委揀選知

縣陳紹洛前往陽江廳設局勸捐并承雅囑代為照應

等因足徵籌畫周至佩服良深弟前奉本省院憲及

李伯

相會札函飭令督辦晉賑事宜半載以來捐款甚屬寥

中丞

寥陽江絕無富商大賈所捐晉賑至今分毫未解以弟

專轄之區迭經該廳丞佐竭力勸諭尙復延緩若是倘

他處再有捐局不特晉款不能清釐恐委員在彼亦不

過虛有其名斷難收效現在嶺西捐事係弟通稟專委張午橋太守總司其事午橋經手欸目半係湊墊曾經再四熟商稟達各憲聲明嶺西地方暫緩各處前來勸捐埃晉賑事竣聽便開辦茲將稟稿錄呈台覽勿庸多贅惟是尊處籌餉維艱凡屬同舟萬不敢稍存推諉况蒙諄囑尤應格外招徠而目下情形實有顧此失彼之勢且一涉煩擾兩均無益惟有仰乞閣下轉飭委員陳明府暫行回省一埃秋末冬初晉捐畢事定當函達左右請陳明府前往陽江會同余郡丞妥辦弟與午橋太

守仍不時遍爲勸導但能多得一分之捐即可多給一分之餉而於晉滇兩省毫無窒礙似較現在前往開捐難易殊別也除札陽江廳同知并附稟各憲查照外謹此佈臆

卷之四

三

〇

札陽江廳飭發曉諭紳商盡心捐助晉賑告示

光緒

四年七月
十三日

爲札發事照得山西荒旱奉行勸捐助賑一案本道前
因各屬地方瘠苦民間捐輸竭蹶當卽稟明兩院憲及

直隸晉閩督部堂李
山西晉撫部院會通行各屬盡心辦理晉捐如有別

處赴各該地方勸捐飭俟晉捐事竣再行開辦在案茲
本道擬就告示曉諭紳商士庶知悉合行札發札到該
廳卽將發來告示飭承照鈔多張遍貼城鄉市鎮曉諭
俾衆咸知毋違此札

卷之四

三

批署封川縣邱鴻炳稟奉派安勇到縣日期現已

進紮漁澗墟並擬會商妥辦

光緒四年七月二十二日

據稟已悉仰肇慶府迅飭勒令羅御慶速將招募外匪
遣散一面移會安商前往查明起衅根由傳集兩造人
證澈訊公斷仍取具嗣後不得尋仇報復糾眾滋事切
結倘敢不遵卽行會督勇丁拏辦毋稍疎懈切切此繳

批高要縣職員彭保孫呈控蘇龍定等搶銀捏欠
擄禁伊男彭緝熙勒贖乞恩札飭吊放究辦等

情

光緒四年七月二十六日

據呈蘇龍定等捏欠搶銀擄禁勒贖各情如果屬實大
干法紀仰肇慶府迅飭高要縣刻日飭差速將被擄之
彭緝熙先行吊放一面拘集蘇龍定等確切訊明分別
究追詳辦毋稍稽延切切保領并發

辦理高要縣屬蜆岡富佛等鄉獲匪情形并許署

令面稟轉請札飭卸水師營叅將黃相奎准補

儋州營遊擊盧滿江專駐各鄉會緝俟辦匪事

竣再行回省上

劉制軍稟

光緒四年八月初二日

敬稟者現據署高要縣許令肇元面稟前奉兩院憲札

會同廣州協鄧副將等速將單開富佛等鄉著名匪徒

按名查拏究辦等因當卽移請署水師黃叅將相奎督

帶差勇親赴該鄉嗣經鄧副將統帶弁兵到彼卑職面

與商辦先後緝獲賊匪梁裕雲梁亞四李單烏李妹五

李渣五李扁鼻七李亞慶李斗馬三李見保董亞郡仔
李流邏六李滔平李亞滔卽大口滔陳亞四等十四名
均經訊認犯案尙有數名未據招認其餘未獲之匪迭
據各紳耆匪族具限認交兩月以來稍有頭緒頃因署
肇慶府張守聞訃丁憂郡城公事緊要且所獲匪徒必
須帶回收禁免有疎虞刻將各事趕爲布置仍須親自
在鄉督辦惟城鄉相去數十里之遙往來僕僕兼顧爲
難然非趁此聲威將單開著匪拏淨以後更屬費手鄧
副將所留遊擊盧滿江一隊究係客兵恐其不靈呼應

而黃叅將又以卸事日久意欲進省雖經大人率同本府於上次稟明院憲並未專札黃叅將遵照目下情形喫緊未可鬆動擬請稟請院憲札飭黃叅將盧遊擊會同卑職駐紮該鄉督勇飭紳嚴行分別勒交搜捕庶於地方大有裨益等語職道查岷岡富佛馬甯等鄉素爲盜賊淵藪同治八九年間經職道督令前任高要文武員弁設法擒捕數十名地方稍靖近年以來各匪又復聚集以致迭出巨案本年春間張署守稟商職道會飭該令親往查拏嗣奉憲台札行許署令曾經面稱奉到

單開匪目斷不使其一名漏網一日不清卽一日不離
該處察其詞色甚覺勇往刻下未獲之匪尙有二十餘
名若不一鼓作氣迅速清釐轉瞬卽交冬令水陸防範
尤難除飭許署令在郡速將公事料理一俟新任肇慶
府接印後仍卽赴鄉督辦外合將現辦情形稟達鈞聽
其黃相奎盧滿江二員應懇憲台俯照許署令所稱各
給一札飭其俟辦匪事竣再行回省銷差俾專責成而
資勦助不勝企叩之至肅此具稟

札南海縣訓導蘇廷鈞飭卽知會高要各班紳士

立將應捐尾欠穀價銀兩籌繳

光緒四年八月十四日

爲札催事照得同治十三年間據該訓導及高要縣頭
三四五各班紳士梁傑熊等聯呈具控二班紳士黎翔
鳳等借碾倉穀延不歸還一案先經飭據高要縣以查
明黎翔鳳等實領過倉穀一十三萬六千七百觔已據
情願捐還銀一千兩核計銀數可買補穀一十二萬五
千觔尙短穀一萬一千七百觔連鼠耗盤缺穀共四萬
零六百零六觔或由該縣遇有充公之款酌量提撥或

由頭三四五各班紳士分捐照數買補還倉等情稟覆到道本道當以此項倉穀已據二班紳士願捐還銀一千兩餘欠無多卽責成頭三四五各班紳士勻捐買補批行遵照隨據該縣稟報二班紳士已將應捐穀價銀一千兩先後繳清惟所有餘尾欠穀價迄今日久尙未據頭三四五各班紳士遵繳清楚實屬玩延已極查此案事閱十年官經數任本道因念事關闔邑爲之煞費苦心並以黎翔鳳等當日借領此項倉穀係爲防匪所用非比私挪故批令除二班紳士捐還穀價一千兩外

餘欠責成頭三四五各班紳士分捐繳足係屬慎重倉
儲且爲該紳士等顧全鄉誼起見並非稍有偏徇該頭
三四五各班紳士應如何激發天良維持大局乃一任
頻催置之不問是不獨辜負本道初心更恐二班紳士
有所藉口本應委員守催捐繳姑再札催札到該訓導
卽便知會頭三四五各班紳士立將應捐尾欠穀價銀
兩於文到五日內趕緊籌繳高要縣買補穀石以實倉
儲而備緩急倘敢再事延宕定卽委員嚴切守催不貸
凜之切切特札

皇朝西夏通鑑卷之二

十三

批高要縣賓興局舉人伍士楷周元高等呈控牛

皮欄恒昌店覃孟豪搶穀請飭議罰等情

光緒四年

八月二十六日

查此項尾欠倉穀銀兩爲數無多本道昨因事經日久
尙無着落札飭當日具呈之南海縣訓導蘇廷鈞知會
各班紳士趕緊捐繳并飭高要縣趕緊督催該舉人等
現在既接蘇廷鈞信函自應遵照迅速籌辦方爲允協
乃現呈以多年無據之事希冀卸責於他人甚非顧全
大局之所爲該舉人伍士楷周元高辦理公事素稱能

幹應念本道設法調停之心俾爾同鄉親友不致有失
和氣仰肇慶府卽飭高要縣查照前札事理刻日督催
南海縣訓導蘇廷鈞及頭三四五各班紳士立將應捐
尾欠穀價銀兩如數籌繳該縣買補穀石以實倉儲仍
諭令伍士楷周元高一體幫同籌繳如仍延宕定卽委
員嚴切守催不貸凜之切切保領并發

籌墊第四批晉捐柴兌洋銀一萬圓移解藩司匯
晉接濟並將應扣部飯請示遵辦上本省兩院

憲

劉制軍

暨

直隸 曾李

稟

光緒四年八月二十八日

敬稟者竊照山西上年荒旱奉行勸捐助賑一案職道

前於本年二月二十三四月二十五六月二十八等日

三次湊墊七兌洋銀共三萬元移解藩司匯晉業經先

後稟報憲鑒一面仍督率所屬不遺餘力勸諭紳商士

庶廣為捐輸茲據屬內各廳州縣陸續報解前來除再

由職道設法湊墊合成七兌洋銀一萬元移解藩司轉

卷四之册身不
一
三
一
匯晉省以資接濟外所有第四批籌解晉捐緣由理合稟報憲台察核再本案捐輸先已造冊請獎一次計正項銀一萬零三百六十九兩三錢三分內應支分局費用銀五百一十八兩四錢六分六釐業經扣出又總局費銀二百零七兩三錢八分七釐另照費銀七十八兩三錢冊費銀五十四兩亦由職道籌備移解惟部飯一欸須用紋銀解部應扣紋水匯費分局無從核扣且肇陽羅辦法係先行墊解隨後勸捐與他屬情形微有不同所有隨冊扣解之部飯銀兩可否由總局通融撥解

抑職道造冊請獎一次聽候總局核明確數移道籌解
一次現已移請總局核復是否之處並乞批示遵照肅
此具稟

批署羅定州田明曜稟現奉檄調江遊戎原防安

勇二百名赴肇并另准白守備帶勇一百名來

州日期通報察核

光緒四年九月初五日

據稟已悉查該州所屬當日原有安勇二百名昨淮南
韶連鎮移知檄調白守備帶勇一百名馳赴該州駐紮
並飭江遊府帶勇三百名由該州移回肇郡等因當經
本道移請再撥勇丁一百名仍回該州駐防在案至郡
城安勇現除分撥德慶封川等州縣外僅餘一百名勢
難再行抽撥仰卽知照仍候兩院憲暨藩臬司批示繳

卷十

十

奉飭查明所屬有無匪村及土匪與西匪勾結其
應如何勦捕迅卽核議稟復等因現將管見所
及先行具稟察核示遵與署肇慶府樓震聯銜

上

劉制軍 稟 光緒四年九
張中丞 稟 月二十日

敬稟者竊職道等現於光緒四年九月十三日奉憲臺
與^撫憲會札現據廣西蒼藤岑三縣紳士鍾懿蓉等以
著匪覃瑞珍等暗藏礮械勾結黨與聯絡聲勢希圖滋
事懇請派撥兵勇飭梧州府督帶嚴辦以消隱患等情
遣抱赴轅呈控札飭職道等查明所屬毘連西省地方

有無著名匪村及土匪與西匪勾結情事其應如何設
法勦捕一體商議稟覆等因奉此職道伏查粵東地近
海濱民情強悍盜賊之多甲於他省無業游民不知法
紀若在豐稔之歲謀食容易尙不爲其動搖一遇荒歉
之年凍餒無依鮮不被其煽惑小則三羣四隊劫掠爲
生大則拜會豎旂聯謀不軌全在地方有司平時嚴加
稽察消息未萌查保甲以清內奸辦團練以禦外侮如
果查有著名匪類惡跡昭彰一面會營飭差查拏一面
勒令匪族紳耆緝送務使按名獲辦勿任滋蔓難圖如

此則地方縱不能永遠綏安亦不致陡釀巨患倘漫不加察徒事顛預迨至事起臨時倉皇無措卽使奉派兵勇勦辦馬到功成而億萬生靈業經受患不淺職道篤符謬綰于茲十年卑府承乏粵東亦逾五載固不敢謂周知民間利弊亦不敢掉以輕心平日督率屬僚惟以保甲團練清查匪類爲第一要務卽如本年四月西省蒼藤岑三縣匪類滋事設非地方官早爲之備團練整齊豈能尅日殲除不爲蹂躪此尤平時留心查訪整頓團練之明效也至于肇羅兩府州毘連西省各州縣現

在雖稱靖謐尙未聞有土匪與西匪勾結情事而山陬遐僻之地亦難保必無匪類潛藏自應嚴密稽查設法搜捕然因間有伏莽遽加大兵則不獨打草驚蛇致形騷擾且恐操之過促別滋事端職道等愚昧之見擬仍督飭各該地方官認真辦理保甲團練查有著匪卽行嚴緝勒交以期盜風逐漸消除仰副大人除暴安良至意奉行前因除委員候補知縣王懋官前往會同毘連西省各州縣再行查明有無著名匪村及土匪與西匪勾結情事其應如何勦捕之處妥速核議稟覆以憑復

加商酌轉稟核辦外所有職道等管見所及合先肅稟
陳覆是否有當伏乞憲臺察核批示祇遵除稟撫督憲外
肅此具稟

粵東省城西湖街
富文齋承接刊印

								午 一 月 二 日 三 日 四 日 五 日 六 日 七 日 八 日 九 日 十 日 十一 日 十二 日 十三 日 十四 日 十五 日 十六 日 十七 日 十八 日 十九 日 二十 日 二十一 日 二十二 日 二十三 日 二十四 日 二十五 日 二十六 日 二十七 日 二十八 日 二十九 日 三十 日
--	--	--	--	--	--	--	--	--